

奉和 御製穹覽寺七言絕句敬次 上韻二首

清磬和泉隔岸聞。蒼松翠蘂散氤氳。不知四面山重數。
遙指爐烟是碧雲。
寶翰留題昔未聞。麝煤龍餅氣氤氳。祝釐老監今頭白。
特起香臺貯彩雲。

陳潛齋前輩分餉柿子酒

小榼遙看走馬軍。微風先為送奇芬。行廚洗盞湯初老。
隔幔呼燈日漸曛。尚想青黃垂野徑。忽驚紅綠眩微醺。
東坡詩醉
眼眩紅綠從今細雨殘更後。每到醒時定憶君。

七月初五日 賜食蜜漬荔枝二首

嶺外未曾嘗小綠。閩南猶記擘輕紅。石屏詩新來嘗小
綠少陵詩輕紅擘
荔而今拜賜來天上。他日嘗新歎轉蓬。
蠟封蜜漬味全融。秋暑初迴却扇風。領取一襟冰雪意。
白銀盤映荔枝紅。

蒙古貢馬

蒲梢不拒諸蕃貢。印烙新加毛骨殊。歛却霜蹄行駕鼓。
爛如雲錦看成圖。駒駝廐應房星上。首蓓園開瀚海隅。
不比無羊歌考牧。聖朝馬政在攻駒。

七夕喀喇火屯雨後作

雕霧鷹風漲沈寥。一天秋意頓蕭蕭。彩虹截斷遼西雨。
飛入銀河當鵲橋。

賦野杏根

古根埋不爛。搜剔豈能辭。斑剝舊苔蘚。槎牙新菌芝。乾坤無棄物。研席得竒姿。自有天然質。何煩斧鑿為。

裕親王挽詩二首

奉旨作

禮絕三公上親為。萬乘兄分忘敦棣萼。卹賜備哀榮。傍邸愁雲結。回鑾淚雨傾。時上駐蹕塞外聞王訃即日回都哭臨桐陰留畫像存歿感。皇情上常命畫工寫御容與王並坐桐陰下蓋取同老之義平居友

愛如此

尚覺春秋富。俄驚泉路長。友于歸。聖主文獻失賢王。海濶星沉象。天空雁斷行。舉朝哀挽切。感動為宸章。

雙塔峰歌

灤河之水鳴淙淙。晨光欲透草木蒼。千巖浮動萬壑充。十里霧濕三花髮。陽鳥展翅烟攄虹。倒射石壁紛青紅。中有兩峰迥不同。向人騰躍比祝融。厥初生時誰所鑿。分而為二疑靈窿。自從巨斧開鴻濛。勢欲復合難彌縫。小者為霍大者宮。前高後亞兒隨翁。其顛石笋各卓空。如窳堵波剝圓穹。其旁老松垂薤葱。雨露已費千年功。初從南麓瞻崇隆。恍然御氣乘罡風。青天一碧懸雙蓬。仙舟出沒波濤洪。形隨徑轉日在東。併作高柱孤隴嶒。首末稍斂中微豐。異哉三竅何玲瓏。下空一門拆崆峒。中央一綫星光通。最上一穴磨青銅。團團皎月非朦朧。洞貫腹背豈羿弓。誰與人力爭天工。須臾位置移忽忽。

左右互易驚愚矇。漸行漸遠漸不窮。回頭依舊藏霾霧。
我思佛力大且雄。舍利所在塔廟崇。十方照耀開盲聾。
僧伽興廢會有終。豈如茲山婉華嵩。巍峩俯闢荆榛叢。
綿亘古塞接螭螭。劫火不壞况兵戎。地雖僻左秀獨衷。
昔名未彰今始蒙。吾皇盛德邁帝鴻。盡攝六合歸牢籠。
年年雅詩賦車攻。山莊近在封域中。已獲顧盼邀重瞳。
何須秩祀偕三公。小臣作歌達聖聰。特與此石慶遭逢。

塞田雙穗嘉穀恭紀

屬車到處瑞徵奇。嘉穀俗呼小米子欣看燕尾垂。異畝比禾皆九穗。連畦如麥總雙岐。澤流膏雨珠兼玉。譜入豳風

畫亦詩。從此康年豈勝紀。太平天子是農師。

蔣酉君為汪紫滄畫菜索題

君昔養親惟小園。白菘紫芥供晨昏。君今已食大官餼。
夢寐何曾忘此味。秋來見菜應思鄉。蔣家三徑吾求羊。
玉堂雲霧看落筆。中有故畦風露香。

二十七日發熱河

耿耿疎星曉泠泠。白露秋是日白露節老松經燒斷。頑石隘

溪流。草苔沿籬屋。人騎渡水牛。塞田霜氣晚。七月已全

收。曩時塞外六月已寒。黍稷少熟。今年七月杪尚未作霜。故莊田倍收。

八月初六日發唐山營初入蒙古界

興桓左界接遼陽。千里中開雉兔場。邊戶生涯資射獵。

天家甌脫變畊桑。風馳屬國東西尉。化被諸蕃部落王。
豐草長林皆禁籞。遙看直北是龍荒。

度汗鉄木兒嶺

一林榭葉一林楓。半染青黃半染紅。只道平沙隨地濶。
忽開絕境與天通。冰霜氣候陽和裏。金碧山川指顧中。
緩轡不知林壑險。殊榮孰與六人同。
嶺路險仄。特命侍衛導臣等前行。

初十日發擺波喀口

寒色馬凌琬。重裘怯不勝。嚴霜如薄雪。細水作輕冰。蕃
部三千帳。圍場百萬層。遙看射生處。旭日正東升。

十一日 駐蹕巴林朶斯臺 上於附近山中

行圍 賜臣等全鹿一隻恭紀

雉尾雞翹曉望分。旌旗高捲萬山雲。威加草木秋行令。
禮重貍膺晝掩群。從獸總歸司馬法。回鑣如策凱旋
勳。只慚未効三驅力。拜 賜長先七校軍。

額勒蘇臺聞雁有懷德尹時聞弟乞假將出都
一聲哀響落秋旻。列幕燈明夜向分。倦枕何人還不寐。
望鄉有客最先聞。路長遠海霜前月。天偏陰方雪後雲。
附爾封書須早達。人間兄弟有離群。

十二日 駕幸額勒蘇臺大獵 召臣等觀圍

恭紀七言長歌一首

聖朝雄畧彌宇宙。四海為家同在宥。行宮直過大青山。
纘武年年寓巡守。川原蕃廡少甌脫。邊障清寧罷烽堠。

盡收種落當郊樊。大展岡巒作靈囿。涼秋八月商飈發。
霜氣凝嚴冰未溜。朝來下詔大合圍。草淺林疎宜往
狩。三千虎旅移前帳。十萬龍驤出華廐。竒毛箇箇五花
文。表貉揚旛徧巖岫。層層葉幄絢紅紫。面面山屏圍錦
繡。前行十里雪初晴。千步塲如築新就。遙看數騎林西
麓。畫裏依微人比豆。雁行齒序列後先。魚貫班聯隨長
幼。綿綿翼翼遠不斷。整整斜斜近相湊。須臾旋繞山之
東。觀者同時盡迴首。舉鞭初可一二數。錯落星文排列
宿。長松冠嶺嶺插空。人馬從空俄下走。呼聲幾處震虛
谷。驚起雕翎落飛狄。此時已有鹿斯奔。闌入圍塲孤引
脰。東跳西顧迷所向。首鼠張皇等鼯鼯。魚麗鸛翼頃刻

成。變幻圓方詎能究。陣圖本是丘井法。旌立和門嚴介
冑。合圍漸緊壤漸平。匝布叢攢勢相繆。不知鹿羣何處
來。俟俟儻儻紛邂逅。麇麇麇麇麇麇麇麇麇麇麇麇麇
麇。希間偵伺前復却。防內怔惶駭而驟。渴舌長如飲澗
垂。野心思突重圍透。天威奮武臨咫尺。頓轡齊鑣不
容竇。神機獨握舉大綏。衆志成城鹿為餒。虹流電掣忽
飛鞚。月滿弓開胥入殼。逸足公然帶箭馳。先聲所至隨
弦仆。一人獲雋萬人歡。群祝君王千萬壽。大弔旋
輶不盡發。餘勇猶浮袞龍袖。網開一面頌皇慈。節
應騶虞叶仁獸。雲收霧捲圍乍撤。萬騎如風散晴晝。小
試真同掃塞氛。盈庖豈獨充飴餌。觀兵耀德典彌崇。行

賞班餘功孰懋竊聞上古有大甸秋彌相傳本由舊青
丘自欲吞雲夢吉日先須卜庚戌漆沮甫草偶于畋悉
率從王惟左右今之健兒千三百來自諸蕃踰尉候大
共一千三百人皆出蒙古喀爾沁與諸部落期門將士但旁觀山立何曾技
輕奏此皆至尊善撫馭同軌歸誠車輻輳國家恩
澤浩如天蕃部寧非天所覆自然怵舞群用命王用三
駟此其又車攻寧數小雅材羽獵應嗤西漢陋矢詩橐
筆本臣職况著征衣隨短後雖慚無力効及鋌盛事千
秋幸親觀

中秋節 恩賜月餅時果恭紀

列幕周廬白似銀中天夜氣肅鉤陳 皇衷尚感團圓

節時因裕親王未禮賜偏優侍從臣宮餅堆盤隨月彩

御園分果得時珍回思瓜豆田園味老去驚看節物新

是夜角火羅對月呈掌院揆公時奉使朝鮮初

還

年年別裏逢佳節今夕班荆又一奇玉兔銀蟾新 賜

餅是夕 御賜大小月餅皆錦囊珠笈舊題詩烏桓露

警三更夢碧海槎回八月期記取勒蘇山下路霜花壓

帳話高麗

十六夜撒勒巴爾吉對月

十分月到今宵滿一半秋從昨日過前一日路轉溪山

鳴鼓角天垂障塞繞星河不愁織女機絲濕自咲姮娥

白髮多殘醉易醒宮漏永青綾無寐欲如何

十九日度生吉兔嶺

翠屏丹嶂四成圍見說前岡雉兔肥山下忽逢沮洳水
蘆花如雪馬頭飛

二十五日曉發舒庫里口

瞳瞳初日上天東一片秋光照耀同好是萬株紅葉滿
已經霜後未經風

二十六日扈蹕至興安嶺有旨命臣等登

絕頂遠眺恭紀七律四首

崇岡斗起杳難攀翠翠罕華旌歲往還六合一家寧恃險
九邊三面總無關龍沙展勢提封外鳥道盤空霄漢間

詔許重登峰頂望始知高出萬層山

忽開眼界向層巔指掌圖成立馬前東走陪京山委浪
北踰瀚海地黏天牛羊白散千屯雪草木青回萬竈烟
四十九藩齊望幸呼嵩聲徹半空傳

甲帳辰旗紫邏長極天晴色辨微茫黃榆不斷庭方路
白日能消冰雪光獵騎嘶風爭北向野鷹隨雁亦南翔
西山蒼靄遙相接直似登臨在帝鄉

輿圖遠闢古興安鳳舞龍迴氣鬱蟠半嶺出雲鋪大漠

喬松落葉倚高寒嶺以北松皆落葉丹青不數東南秀俯仰方

知覆載寬萬里乾坤千里目欣從奇險得奇觀

大風下興安嶺

崇岡無樹朔風寒。直下真從井底看。知是向南歸路近。
亂飛黃葉打征鞍。

二十八日

駐蹕伊遜河源

上親射石熊以

熊掌

頒賜臣等恭紀長歌

千峰萬峰爭落木。秋聲蕭蕭氣肅肅。連朝纘武大掩群。
殪盡山中雪斑鹿。西風卷地餘怒號。虎豹股栗豺狼逃。
老熊何物敢自匿。出林獨叫求其曹。天威赫業揚雲
罕。搗穴直窮熊所館。公然人立向人啼。正值凋弓殼初
滿。皮毛與石孰比堅。不聞射石石亦穿。須臾三發三命
中。搖尾大似求哀憐。忽看趨捷如猿鳥。騰上千年松樹
杪。神機別以火器攻。霹靂斜飛貫脰腦。半空拗折青珊

瑚。松耶熊耶墮地俱。皇心因材有生殺。倔强那得逃。
天誅雉飛兔走清林莽。重馬馱來徧行賞。驚性寧非恃
爪牙。焚身至竟因踏掌。馳蹏鹿尾猩猩唇。舊傳此味配
八珍。大庖祇合供御饌。榮施何幸加詞臣。臣聞南山
之下渭水濱。從禽搏獸空鋪陳。賦家漫誇三十六。終日
射侯原非真。豈如吾皇勇且仁。除兇服猛胥躬親。已
靖六合無纖塵。山林兼使異獸馴。他年珥管紀上瑞。郊
藪行見遊麒麟。

賜觀紫騮

御馬恭紀十韻

御馬紫騮名牽來。左右驚無疆。全地道至健。配天行出
應。房星瑞時逢朔。漠清風雲開。萬里日月夾雙睛。濶步

無谿塹。深觀識性情。馴良由駕馭。神駿本生成。往往從
蒐獮。悠悠逐旆旄。勢隨龍象蹴。氣躡虎狼平。按轡千林
肅。回鑾六幘晴。啣恩何以報。戀主每長鳴。

九月初三日 東宮行圍召觀殺虎恭紀

連岡若環斷若玦。猛虎一聲蒼石裂。千狐百貉走且僵。
獨踞巒岼為窟穴。儲君英武如吾君。君六鈞親挽古
未聞。年年侍輦出狩獵。手搏奚止什伯群。餘威所臨氣
先壓。弓未離囊箭猶插。星流一點綠沈槍。刺虎真同捉
鵝鴨。黑文白額光斑斕。毛血映徹朱旗殷。豐扛重馬挾
以至。衝颺霍霍來陰山。羽林奏刀技神速。理解肌分同
破竹。憐渠故是獸中雄。特命留皮瘞其肉。大哉利溥仁

人言麟趾原從聖澤論。一片文茵常在御。半丘白骨
更啣恩。臣工侍觀咸動色。殺物之中昭震德。不知看
射向山南。何似隨圍來塞北。

初六日隨 東宮射獵蒙 賜全鹿野雉恭紀

十首

珣戈豹韃導中央。特許詞臣列兩旁。昨日山中親射
虎。近前指與舊圍場。

林深谷邃轉坡坳。黃葉聲中掣電過。一箭攔回飛走路。
隨身數騎尚嫌多。

蒼鹿年深雪作斑。洞胸飲羽突希間。別教羽衛追風逐。
天馬如龍又過山。

射雉仍開八札弓。離披彩羽隨晴空。欲知官筭長多少。
五寸雕翎帶血紅。

英姿雄略似吾皇。連日分圍獵澗岡。赤豹黃羆皆進
御。充庖一味不私嘗。

一色明駝倒載來。獵塵收處夕陽開。翠屏萬仞紅雲外。
別領旌旗小隊回。

重輪長傍紫薇垣。侍輦歸仍侍寢門。每聽雞鳴親視
膳。豫遊原不廢晨昏。

德脩才全左右宜。家傳真得帝王師。萬鈞腕力强於
弩。朝射貔貅夜賦詩。

割鮮分肉快何如。馬後捎來拜賜餘。今日塞垣親扈

蹕。去年京洛正騎驢。

平生未習穿楊技。老去空存見獵心。慚愧書生叨異數。

酬 恩無地感 恩深

重九雪後汗鐵木嶺觀獵二首

銀麀縞鹿挺鬚岏。重展圍場勢更寬。十萬羽林齊挾矢。

只教六騎作旁觀。

毛鱸蠶蛭愛新霜。每到登高必望鄉。誰料烏桓山外路。

萬峯踏雪過重陽。

前二日大雪

十二日 上親射金錢豹恭紀十八韻

朔漠回鑾候。君王罷獵時。忽聞山下豹。正逐草間麋。

詎縱顏行抗。還將餘勇施。三駟爭効命。七校復揚旗。金

鏃霜花淬飛龍電影追。應弦疑樹鵠。拔箭已連鼬。直作
摧窮寇。真如殪伏雌。右驕充上殺。全質少微疵。狸首斑
斑血。猫睛閃閃眇。鬚雄粗縮蝟。爪利善藏錐。自匿荆榛
窟。初含霧雨姿。氣曾吞虎兕。力肯讓熊羆。緩死俄無路。
偷生詎有期。但令供獮狩。猶得壯威儀。鎗桿風搖尾。鞍
橋錦冒皮。呈文留炳蔚。取用及捐糜。師武當關險。兵韜
示象竒。小臣慚獻頌。何異管中窺。

十四日 駕發藍旂營乘舟網魚 命臣等沿

河騎隨 賜鮮鯉人各一尾恭紀

雪光晶晶山稜稜。千山映雪朝日升。灤河之水暖不冰。
剡舟剡楫凌空去。三丈黃龍 帝親御川后前。駢風伯

助峽形漸束。波愈清。潛鱗帖帖何敢驚人聲。不聞聞水
聲。須臾船重 皇情樂。啣尾駢頭來。繹絡八絃一張魚
載躍。鯨鱉鯉。旨且多。義不盡。取收網羅滿。渠新漲。餘
天波。詞臣拜 恩已無算。復 賜紅鱗長尺半。馬上携
歸萬人看。

是日中途 命侍衛射虎復 召臣等同觀恭
紀

後殺豹先殺熊。陰方凜凜生寒風。先殺熊後殺虎。積雪
皚皚暎强弩。君王威德彌寰宇。坐致遐方歌樂土。闢
田築室藝稷黍。猛獸寧容此偏處。爾牙如鋸我鏃鋸。焚
林盪谷期盡殲。溪東距溪西相望十餘里。忽聞響應徹

山顛。天語遙傳順風耳。西洋人所製六飛所幸成坦途。

冥頑何物乃負隅。期門壯士能手搏。奉令何異天行誅。天生聖人能格物。禱祀窮竒情狀悉。耳端一缺戕一人。厥罪昭然何待詰。自從殺此虎。邊牧蕃雞豚。自從殺此虎。莊戶長子孫。黃熊赤豹同噬吞。腥風掃盡無一存。小臣稽眼嗟未見。談虎尋常色為變。此來快觀三害除。直似陪遊向畿甸。

十七日度小青山

去日蕉衫暑雨收。歸時急雪灑重裘。重經司馬臺南路。紅樹連山正晚秋。

入古北口

金支影轉翠微間。萬馬驕嘶並入關。雉堞連雲軍角壯。虎牙憑險戍旗閒。西風漸老河邊柳。積雪回看塞外山。正是秋清好時節。六龍行狩扈南還。

過牛欄山下二首

青山缺處吐孤城。行到牛欄路更平。一片黃榆綠槐影。白狼河畔作秋聲。白酒黃花興未違。一鞭新自塞垣歸。短裘衝過重陽雪。又向京華換袂衣。

十月初十早入直蒙恩賜帶數珠恭紀

星聯珠貫入承明。是日同直共七人章服驚叨四品榮。一串牟尼呈五色。同時裘飾粲三英。循環豈易充臣數。祝

秋興字作平教用

聖惟當轉佛名長恐維鶉訖不稱也如老馬錫繁纓

房師汪東山先生請假奉太夫人南還留秋帆

圖卷子命題敬賦四絕句

秋興賦罷賦閒居首路爭看侍板輿此樂季鷹渾未識
區區歸計為鱸魚

一聲天上聽臚傳小住蓬山已四年來與鄉人重換眼

五湖別自有神仙

宦海茫茫詎有涯急流幾箇赴歸期霜前吾谷秋如錦
算是扁舟到岸時

一條清况冷冰銜十幅西風穩布帆公去我留緣底事

擬因苦笋脫朝衫

用黃山谷語

題劉禹峯水邊行樂圖小照二首

風酣綠浪紅蕖雨洗蒼苔碧梧萬口詩傳京洛半生夢
落江湖

菱租舊輸篋社魚計新收白田隔浦三間書屋過橋一
隻畫船

雪後下直口占

徐躅禁中雪遠看城上山宮鴉巧相背晨出暮飛還

題許有介先生冊子

事出先賢傳名從獨行敦眼看耆舊盡心慕典刑尊逸
品傳書畫餘風付子孫淋漓浮墨汁中有不亡存

賀張志尹前輩生子

鄧藝馮經孰擅場。乃翁才藻世無雙。祝兒他日無多語。
七歲能文似曲江。

賦得深屋喜爐溫

幾重簾幙幾重茵。深掩紗窓淨少塵。鴿炭燄紅寒漸減。
鵲爐灰白煖初勻。三冬不納冰霜氣。一室能回天地春。
應念五更騎馬出。銅街已有趁朝人。

題元人風雨歸舟圖

遙山澹抹近山遮。一棹飄然水一涯。似有風聲隨雨到。
忽疑雨勢受風斜。白蘋洲畔年年客。黃葉村邊處處家。
身在畫中渾不覺。却教人指畫圖誇。

十二月初九大雪獨直南書房有懷陝西隨

駕諸君

雲海平鋪釵砌寬。六花如絮點裘乾。金猊坐擁玲瓏石。
玉蝶爭飛宛轉欄。雲護蓬萊長覺曉。樹當溫室不知寒。
此時最憶隨鑿客。少室中條並轡看。前一日聞駕已涖中州

送楊遠卿之任武昌

去年訪君過維揚。今年送君向武昌。江湖不到塵土眼。
遠夢夜落鳧魚鄉。洲邊芳草城邊柳。騎鶴仙人重出守。
洞庭春水際瀟湘。大別青山橫沔口。烟花三月畫船開。
王程不用敲鼓催。到官好尋陶庾蹟。歷郡正賴龔黃才。
才多政簡無不可。列戟凝香但安坐。閒携賓從上南樓。
倘有新詩應憶我。

除夕前一日蒙 恩賜羊鹿雉兔鮮魚鹿尾上
尊諸品恭紀二首

山海奇珍鼎味充。上尊羅列歲時同。斑龍肥豸光相耀。

彩羽文鱗澤並豐。頒賜例隨台輔後。自大學士張玉書陳廷敬以下

被賜者凡十人三人臣與焉。謝 恩多在直廬中。一年濫竊官廚饌。

素食能無愧國風。

豐杠錦帕壓重重。節假歸沾 湛露濃。雕俎味新調翠

釜。玉泉香煖拆黃封。鄉風未敢分僚友。蘇軾餽歲詩亦欲舉鄉風家

祭先應薦祖宗。却為思親成感涕。君羹歸遺去聲已無

從。

敬業堂詩集卷三十

敬業堂詩集卷三十一

海寧 查慎行 悔餘

直廬集

起甲申正月 盡乙酉五月

直廬之名出漢書嚴助傳注所以處賢良文學之

臣余不才初蒙 特召出入禁林已踰年矣今乃

取以名集者斷自受職之歲始用彰 恩遇且以

志愧云

元旦 太和殿早朝

火城宛轉度星橋。香殿葢葢接慶霄。黃繖綵旂龍影動。

玉笙金管鳳音調。五雲淑氣開萱葉。一日春風曳柳條。

前一日 立春 鷺綴鴛分真忝竊。正衙初預德陽朝。

上元節西苑 賜宴觀燈恭紀

瓊島東瞻璧月圓。箭韶吹徹九重天。壺傾瀲灩金尊溢。盤貯芳馨玉饌鮮。絳蠟班隨中使導。黃柑例許侍臣傳。太平時節觀燈宴。既醉惟當祝萬年。

是夕復侍宴 東宮蒙賜玉盃恭紀

曾從繁露記書名。鶴禁傳看分外榮。照座欲分鐙影。燦入懷長並月胎。盈舉同彞鼎。恩加重刻作雲雷。製倍精珍重捧歸。須什襲。濁醪難向此中盛。

春分 禁中雨

小雨流鶯外。濛濛紫界墻。不知春過半。但覺日添長。白髮趨中禁。芳時感異鄉。多煩玉階草。為我報年光。

次韵荅吳西齋四首

青韶同調半衰遲。久缺題襟唱和詩。自詡狂呼袁彥道。難忘好客鄭當時。長檠列幕慙分照。小蹇衝泥倘借騎。巷北巷南曾咫尺。余借寓與西齋僅隔巷却從離索想追隨。

二老居隣共往還。謂楊玉符孫松坪兩前輩舊遊歷歷咲談間。牆頭

過酒傳鄉語。花底移床夢故山。万事無如長耐冷。一官何計便投閒。舉朝才筆輸吳質。借職猶堪押右班。

不須作賦擬文通。好步詞場繼國風。後輩揣摩工日下。

故人傳寫到吳中。時蔣西君乞假將歸碧香開甕春浮白。翠袖分

燈夜剔紅。怪得近來貧轉甚。俸錢多半給新豐。

江湖一別悔難追。誰遣鷗拂鳳池。玩世何妨資客難。

低頭聊喜得吾師。同時領袖推東省。時考選臺垣吳名在第一異代文章替左司。吳官戶曹時有左司筆記一書若向此中論臭味。莫言莫楚竟無知。

送同年蔣酉君假歸嘗熟迎養太夫人二首

泥金纔報隔年春。春晝繡還迎白髮親。同榜科名傳盛事。

世家書畫起文人。桃花漲後移舟穩。魚藻池西賜宅

新行前一日奉旨好片尚湖烟雨色。詔恩猶許住

三句。

齒序肩隨別有情。多君事我竟如兄。直廬並候花磚影。

奏帖常聯紙尾名。小立官槐曾繫馬。重來禁樹已藏鶯。

卜鄰預擬同王翰。家聲山賜宅與西君比隣不為登仙羨此行。

暢春園早桃四首

記曾元夕醉香醪。冰雪千林吐白毫。今日重來雲錦換。

十分春色屬山桃。

万樹垂楊未放青。餘寒猶勒水邊亭。天然掩映成圖畫。

橫展西山作翠屏。

浴日搏桑躍海東。滿天晴色曉瞳矓。仙山樓閣無重數。

只在紅霞一朵中。

烟輕霧薄景遲遲。金碧園中四望宜。忽憶江村寒食路。

竹梢低拂兩三枝。

二月二十五日 駕幸西苑直廬恭紀

翰墨林依紫苑東。親承步輦出芳叢。万間廣夏移天

上時直廬新經改築上顧臣等三接深恩沛禁中

身作紅雲長傍日心隨碧草又迎風直廬便是披香殿
月賜虛慙赤管功

三月二日 上御經筵恭紀

雲日瞻堯表疇咨啟舜編誰能窺聖學猶不廢

經筵芳宴調羹撤花瓷淪茗圓是日停止筵宴諸臣皆賜茶而退講官

仍入直縈袖有爐烟講官工部尚書臣元龍講罷仍入南書房

西苑上巳呈同直諸君

上巳接清明韶光滿苑城曉烟和柳重夜雨為花晴節
物春長好年芳老自驚兩三修禊伴閒話水邊行

三月四日 賜食榆錢糝恭紀

天上星榆歷歷看春風吹綻小團圓柔條摘處青成串
新火烹來翠滿盤槐葉冷淘難比色藜羹舊糝記同餐
他時誇向田翁說此味曾經 賜大官

送陳陟齋都諫請假歸里即次留別原韵

袍笏同朝萃一家歸心偏愛故園花清時 袞職無遺
闕祖帳都門有嘆嗟隔岸黃塵車歷鹿渡江新月櫓伊
鴉到時親友如相問為道題詩字半斜

寓園紫藤花同紫滄賦

不計千枝與万枝玲瓏巧透竹笆籬圍屏倚翠成宮錦
步障留陰護紫絲蔓引龍蛇皆上走走花披瓔珞總交垂
家園手種應如飭忍負東風爛熳吹

偕同年何此瞻過古藤書屋時藤花方盛開賦
呈楊玉符孫松坪兩前輩

高出檐牙又幾層。濃陰特比昔年增。重揩霧裏麻茶眼。
來對堦前老大藤。一片黏須猶待拂。千梢歷架恐難勝。
祇應火急催新句。莫謂先生病未能。時兩先生皆抱微痾故云

題學士姪柳邊歸院圖二首

一條虹影亘長隄。玉竦橋邊響月題。緩轡不愁歸路遠。
移家新傍禁垣西。

入直常先下直遲。風條雨葉裊鞭絲。自從賜出飛龍

廐。宋時翰林學士例賜飛龍廐馬。不向東家借馬騎。

送劉雨峯出守真定

我初遊學來帝京。漁洋夫子官司成。君時實助四門教。
相臨以分稱師生。衆中期許良獨厚。洒脫不用常格程。
過從往往得一醉。叩發談議交縱橫。感君磊落有真意。
憐我遲莫方成名。五言投贈竟長幅。氣韻道逸聲錚鏗。
迴環首尾二十載。我髮漸白君顏頰。郎潛索米豈不久。
一麾出守今專城。風前五馬五騏驎。叱馭快作西南征。
橐駝載書車載酒。綠楊夾路聞鸚鵡。常山古郡接畿輔。
沙泉瀏瀏欣相迎。紅蕖繞郭雲錦爛。白鷺下浴滹沱清。
行人六月汗如濯。過此盡愛徐徐行。誰歟妙手為補繪。
鈴閣何必非蓬瀛。我今一官苦羈鞅。欲往相就心搖旌。
中山釀熟幸郵致。毋令肺渴枯腸鳴。

送掌詹陳乾齋前輩 予假省親四首

夜聞 優詔下承明 特許朝來拜表行 親老詎應虛
子職 天高原自近人情 道存養志歸非晚 風動旁觀
感亦生 欲識掉頭瀟灑意 浮雲直似從官輕

賓僚地望冠班行 直上頻依 講幄旁 星漢文章唐許
國臚雲名第宋安陽 兩宮召對無虛夕 三殿摘毫
有報章 誰似先生饒至性 最承 恩日乞還鄉

曾踰旱海紀開邊 出入聲華孰比肩 館閣清才傳子弟
蓬壺歸路著神仙 望雲地較瞻雲近 捧日心隨愛日懸
更喜一門多盛事 春帆相望五湖船 一月前令兄陟
齋乞假先行

粉榆鄉社舊居隣 華髮趨 朝接後塵新 樹忍攀東岸

柳殘鶯猶戀上林 春半綸投老知何日 八座還家羨有
親總道名園成 獨樂十年書局尚隨身 時奉 旨攜帶
歷朝賦 彙三百

餘卷還
家校刊

池上雙鶴

長鳴相和兩仙禽 多在陽坡少在陰 偶向清池閒照影
被人猜有羨魚心

恩賜哆囉雨衣恭紀

短褐頻趨道路塵 青氈猶是向來貧 為憐襪襪隨朝士
特賜哆囉出罽賓 燥濕推恩慙厚庇 短長稱意荷終身
從今聽雨聽風候 保直堪誇楮楛人

五月朔 賜高麗米糴恭紀

清暑初交殿角風。又傳節物近天中。靈符舊繫千絲縷。
玉粒新頒五采筒。青蕝香分菖葉綠。銀盤光射石榴紅。
雲帆不却三韓貢。拜賜還教紀祖功。上諭云此米本出高麗自太宗朝歲貢百石為端午上供。

送許不器赴任陳留

風俗陳留好。猶傳一縣名。人畊莘野徧。水入汴渠清。百里才非小。三年政必成。舊遊高李盡。相送倍含情。乙亥秋余

曾遊梁宋間故云。

送張裕齋郎中出守杭州

海宇久昇平。朝家重民事。吾州繁劇郡。牧守詎輕寄。相國門多賢。先生乃其季。起家科第中。敷歷非初試。銓除

例引見。人地有易置。天子稔公才。臨軒親簡畀。群情翕然服。公望茲果遂。賤子本州民。田廬依廣庇。抒懷述所見。幸勿芻蕘棄。餘杭一都會。舊習沿浮侈。賓筵糜酒醪。徵逐共遊戲。東南際江海。隱現魚鹽市。黠者半為商。羣群鶩聲利。泉絲雖土貢。耕紡業間墜。往時櫛比場。十室減一二。士風最柔弱。氓俗鮮倉積。去聲好訟其性然。因緣飽胥吏。舞文翫吾法。嘖咲巧窺伺。所以古相傳。陋邦號難治。我公朱轡出。福曜光燭地。才大實恢恢。心虛恒惴惴。平生開濟量。夙昔澹泊志。道路方欣瞻。風聲已先駛。星羅九屬邑。催科兼撫字。公行示以廉。表帥勵下位。百族豐確殊。噢咻同體視。公行示以儉。變化需漸漬。必

若登靈臺先須扶善類。弊當去太甚。利或興以次。洵知
鸞鳳仁。遠勝鷹隼鷲。公餘愜雅尚。山水領幽致。開閣挹
清虛。褰帷納空翠。澄泓千萬頃。高下三百寺。日爲湖上
遊。原不廢填委。吟賡白蘇什。手續歐梅記。寧待報最期。
佇看 璽書賜

苑中聞鶯

晝與人聲靜。牆蕪晷影移。四圍千碧樹。百轉兩黃鸝。棋
熟蠶應老。芒疎麥正垂。未聾雙耳在。爲爾立多時。

五月二十六日喜雨

前夕齋壇撤醮回。西郊今日忽聞雷。一軒傍水看雲起。
万木無風待雨來。聖與天通終應禱。人言旱久未成

灾願敷甘澤。沾濡意。膚寸崇朝徧九垓。

雨後暢春園池上作

林亭片雨過。万綠濃於染。葉杪滴殘聲。波紋蕩餘點。暑
景猶未徂。涼風遽相感。平生微尚在。老去孤蹤忝。復此
坐幽清。自然塵慮澹。

題陳允升塞外牧羊圖後四首

誰護儲胥峙糗糒。開邊端合用陳湯。即看士馬歡騰後。
宴犒猶餘万角羊。

鞭策曾趨萬騎先。鏡鉦親扈 六飛旋。當初應咲移中

監。雪北蒙羶十九年。

橫草功名一例看。牧羊何似牧民難。郎潛此日憐頭白。

辛苦邊州兩政官

春草如秧際綠蕪駢群何日首歸途一蓑烟雨村南北
添寫巾箱考牧圖

大雨下直至自怡園

急雨催歸騎。虛檐警夕聽。勢沉三徑竹。漚散一池萍。穴
蟻緣林木。跳蛙入戶庭。最宜新浴罷。坐看鶴梳翎。

題蕉士上人扇頭墨竹

老僧指上微涼起。攜入先生懷袖中。好是綠筠亭上坐。
墨光含雨筆搖風。

移寓城南道院納涼

不信人間有鬱蒸。好風來處晚涼增。滿城鐘磬初生月。

隔水簾櫳漸吐燈。書少只宜高閣度。牆低聊當曲欄憑。
白須道士休相避。我已身如退院僧。

玉竦橋觀荷花和張研齋前輩

水風涼透鷺鷥肩。一鏡爭窺万柄蓮。不是玉樓金殿影。
直疑身在過湖船。

雨中獨直南書房

昏昏九重關沈沈。萬壽山雨來聲更靜。天上坐能閒。寓
意同休沐。浮踪信往還。御溝新漲急。歸及聽潺潺。

大雨出前門口占

猛勢如潮欲撼城。九衢暴漲一門爭。去年六月灤河北。
雷轉空山是此聲。

送陳子文出守石阡八首

橐筆多番到直廬。墨淋漓灑玉蟾蜍。一麾自擁君恩

出。礮石先應刻。御書。君為部郎時屢。名赴南書房。作行楷書。前後再。賜宸翰。

瘦嶺荒江路七千。一家迢遞向蠻天。不知賤布巴賓外

可有公畦太守田。用南史伏。暉傳事。

鳥道中開斗大城。嬾歌處處合蘆笙。風流郡伯褰帷入

赤脚花鬢次第迎。

清香晝靜雙枝戟。碧樹春垂小桁簾。預笑鈴齋無俗事

一泓冰鏡照吟髯。

碑版光傳照裔文。臨池妙手繼鵝群。翻防訟牒紛難却

判尾爭先乞使君。

四十年來好弟兄。夢中曾共躡蓬瀛。子文初赴選。夢與。余兄弟同入朝。已

而果白頭岐路天南北。忍便恣恣賦涓城。

短衣猶記走邊頭。烽火遙連古智州。今日故人乘傳去

太平時節話前游。庚申辛酉。余在貴。陽幕府。故及之。

宦蹟知從歷政深。單裝寧肯負初心。歸舟不載葵花石

要使清名過鬱林。石阡府志。城南龍洞。有兩石。如盤形。類葵花。洞中產紋石。俗名醮果。任人

賞玩。不得携歸。

恭和 御製山左豐年歌原韵

周官荒政皆仁政。散利恒先重民命。平時蓄衆道維慈

臨事承天心。以敬五行疇。範推皇建九扈農。祥視晨正

堯湯水旱其數然。補救由人乃前定。吾君御宇軫卹

頻流膏沛潤沾幽淪厚培亭毒煦春律峻極穹蓋函秋
旻偶逢小書占俗儉特渙 大號賙眈貧開倉立發千
萬億遣吏徧荷咨諏詢飛鴻在野集在澤六府九紀咸
平均東人誰能忘帝力艱食俄聞奏鮮食禾苗長畝二
麥登鼓腹依然安作息向來 睿慮每宵衣至是 天
顏同霽色明朝尺一傳山莊 帝庸作歌庶事康太平
有象省惟歲飢溺已拯猶如傷幽風十月獻朋酒群祝
萬壽期無疆可知先憂後樂意覆載莫媿 恩難量小臣
矢詩紀上瑞更願岳牧勤官方

伏讀

御製山莊書懷

賜大學士詩恭次扇

頭原韻

雨暘時若驗陰晴無逸

心周稼穡眈夏墾已聞收翠

浪秋場旋見擣紅粳

仁風被賜先元老喜色騰懽徧

列卿共識

宸章難仰荅太和元氣在咸英

疊納涼韻戲荅俞扶九侍御

時同寓道院

晨烟夕靄氣蒸蒸秋水門前幾尺增止酒免償隣負債
施油催點佛龕燈嫩莎院落晴聯步獨樹軒窗雨對憑
寓庭有白楊一株除却入朝須起早兩鰓何事不如僧

古詩四章上座主孝感相國壽

火維靈奧區灝氣恣磅礴洞庭滙溟津石廩聳寥廓五
百應昌期元精鼓橐籥大儒乃篤生作鎮配川嶽恭惟
我夫子異采輝井絡曳履上星辰訐謨重帷幄迴翔密

勿地獨力幹樞略立極奠六鰲清剛礪鑿錫道原幸有
賴不數平津閣

正學日淪替百家紛語言我公實聞知洙泗窮淵源妙
窺千聖秘月窟兼天根理障快掃除煥如朝吐暎發揮
為事業突兀撐乾坤峨峨千丈松迥立無攀援經邦實
致治吾道中行存

勝國史未成簡編就殘脫門戶互排報文獻恐漸沒
聖朝樹立遠損益鑿前轍大筆待鉅公是非辨毫髮六
館既弘啟四部亦燦設貫穿三百年搜抉十萬帙迢遙
溯開創細瑣逮季末非公習掌固何由發囊括獨成一
代書凜凜陽秋筆

贊化非一塗調元歷三紀朝端立樞極嚶下收杞梓五
度入南宮至尊深倚毗請看百僚上盡屬門牆士一
歸出懇誠進退鮮愠喜重來資啟沃未許久田里公之
視浮榮奚啻若敝屣角巾就邸第寢食善名理上日攬
揆辰川流同岳峙采芝猶有待傳菊煩中使平格天所
豐稱觴今以始

王學菴給諫移寓保安街有詩見寄次荅二首

咲檢空囊付畫叉不妨家具少于車篋中諫紙傳新草

唐制拾遺官月給紙二百張名諫紙牆角吟蛩報晚花置酒可能邀北郭

賣書端合問東家十年瘴嶺煙江路容易星回博望查

學菴兩任黔粵縣令

輓轡縵轉石欄邊。僦屋曾棲蒲褐禪。余壬午癸未間曾僦居此街古井再經愁雨塌。舊交重聚得天憐。明燈照壁何愁蠍。綠樹當門定有蟬。稍待泥乾走相覓。看君新竈起茶烟。
得朱悔人石泉書却寄

蛛絲繳繞鵲聯翩。信使來從古石泉。躑足憐渠行万里。尺書報我閱三年。天垂馬閣真奇險。官到龍州類左遷。相勸白頭須作達。好詩題徧好山川。

奉祝崑山徐太夫人七十壽

早相中朝黼黻臣。晚攜麟鳳拜恩綸。五千歲裏三秋節。二十年來八座人。星漢高原占寶婺。門牆餘蔭在儒紳。黃花酒暖金桃熟。遙指西池是海濱。

史蕉飲前輩招集一畝園分賦

踏履衝泥取次行。重來忽漫聽秋聲。空園樹比昔年老。積雨天逢今日晴。世上官情閒最好。詩中澹味煉難成。韓家潭外如鈎月。愛領新涼到鳳城。

月夜城南水閣偶集分韻得白字即題陳漁村

峨眉詩草後

高閣倚秋清。天空露華白。水風吹月上。去我若咫尺。此時一尊酒。遠致三峨眉。客稍稍名朋。儔羅羅釘肴核。盍簪非意料。邂逅心莫逆。君生公相家。名上金閨籍。七年行蜀道。尚爾好顏色。懷袖有峨眉。雲烟落几席。茲山洵僻左。迥與中原隔。鬪險出五丁。蠶叢始開闢。君才雖小試。

實佐籌邊畫談笑無滯機登臨挾仙翮徑危蛇倒退石
惡劍中劈日月光攝身雷霆伺投隙雪山帶西竺万里
赴絡繹豈非所歷高參井手可摘不然域外觀詎肯供
汝役人生百年內知著幾兩屐柰何塵鞅羈頭步恒跼
踏哦詩撫清景不醉良可惜努力營一歡流連盡今夕
題史耕巖前輩收綸轉棹圖四首

銜尾船裝壓浪書鱸鄉風物比何如羨君別具經綸手
釣綫隨身自卷舒

賞花曾記把魚竿南史家傳學士冠四十年中三掌誥
鳳池何似五湖寬

拍殘銅斗酒初醒射鴨堂連避暑亭想得卸帆秋正好

水花風葉滿鷗汀

千里波光一曲移西風吹老碧莼絲畫圖愛寫湖山意
未是先生乞賜時

熊質均年伯五十壽

半百韶華九九辰重陽前一日紅萸黃菊一番新堂前接武

尚書履膝下承顏進士巾次君與余同年風月無邊邀客賞

鹽有味愛官貧時官國子學正盈觴酒美須勤置共識清醇似

主人

陳濂村新闢書屋名曰萍廬中秋後二日招同

人宴集分韻得明字

名園十年別乙亥夏與濂村共醉高陽相國園亭蜀道万里行自爾好會

稀轉頭歲崢嶸。聞君昨報最還裝。及秋晴相公顧之喜。
東閣客已盈。吾老不曉事。頽然廁群英。開筵亦見招。謂
是門下生。坐我三間廬。酌以一角觥。為言聚散地。遠近
豈有程。點池忽西東。浮海或合并。所以顏此室。而取萍
為名。吾意殊不爾。勸君還細傾。君才本謫仙。偶然去瑤
京。玉堂手種樹。再到陰已成。况復芝蘭階。連枝合田荆。
謂潛齋學士胡為不自廣。猥作詩人鳴。如余乃萍耳。一葉漂
大瀛。舉頭望秋空。雲月遮微明。後期難預必。得句且再
賡。

送靖安叔歸硤石三首

畫鼓朱旗曉日開。廣場千步淨無埃。紫光閣下通名姓。

曾與天潢較射來。

紫光閣在玉竦橋西南武殿試日。皇上率東宮諸王先升御握步射。

畢諸進士乃排班

文武家聲荷主知。右班特許綴蛾眉。一門盛事傳希

有親見穿楊入殼時。

叔赴殿試日。余與聲山姪俱奉特旨賜坐西班觀射。時以為榮。

最喜高堂有老親。還家初換綵衣新。兩山霜葉紅於錦。

馬上爭看第一人。

余家以武科登第者自叔始。

總憲蔣裕菴先生輓詞二首

副相聲華重。恢然德宇宏。青雲多故吏。黃閣是門生。

相

桐城公。出先生禮闈分校門下。

氣壓松阡肅。霜留栢府清。憲臺傳故事。

存沒備哀榮。

帝里移家久。堂開綠野宜。庭惟栽玉樹。坊亦號靈芝。卿

月流丹旒商飈卷素帷。薤歌聲咽處。慘動是南司。

大宗伯長洲韓公挽詞四首

昭代文章伯。精靈造化鍾。同朝瞻進退。上殿畫儀容。

獨具回天力。群歸秉禮宗。逍遙歌曳杖。泰岱忽摧峯。

五雲臚唱後。八代起衰時。制藝皇太子手選東朝讀先生制藝文

望關存歿。非公更屬誰。帝鑒清并畏。人知物

昔去絲綸地。還朝又十年。高風仍館閣。雅尚自林泉。

一病歸難料。先生以病乞歸奉初心老倍堅。尚餘毫髮

恨。悵望五湖船。旨留京調理

折東曾蒙召。扶床得幾回。泥塗遲下直。函丈失追陪。七月

二十日公病間手札見招是日慎行下直稍晚不及趨赴遂成永訣遺墨真堪寶。藏緘忍再開。寢門纔隔月。今為哭公來。

題吳震一中翰詩藁後

張介呂山論交付刹那。吳均風義老。研磨芸香俸。校三

年淺藥樹吟成五夜多。白樂天禁中夜直詩妙手不妨

偷格律。長才倘肯乞餘波。一樓準約山邊住。山邊一樓震一舊以

名集拍手猶能作和歌。

東宮召赴西園賜觀 皇上御書匾額大小二

十有九恭紀七律八章

元氣淋漓万象融。欣瞻宸翰闢鴻濛。瑤源珠海來仙

島。鳳翥鸞翔下。震宮光射臨池知浴日。筆隨運肘想

生風一時喜色關飛動。嵩祝齊傳抃舞中。

爐烟直上護氤氲。松棟虹梁燦欲分。殿閣香風浮墨氣。

河山秀色映天文。畫傳羲易籌圖秘。念切周詩稼

穡御書知稼軒無逸齋共紀本朝家法古。書屏銘座付儲君。

真覺謙尊道益光謙尊堂亦御書匾不名宮殿但名堂。擘窠寧

羨書飛白響榻難。撫紙硬黃賜出形模隨大小。琢成

體製合園方。吾皇慈愛青宮孝。欽仰時親黼座旁。

到處黃金榜。御書太平堂。構慶端居晨曦燭。地光相

並列宿周天數有餘。大業時時遊藝圃。嘉名一一取經

畬。日知舊額重鈎勒。開卷猶思出閣初。日知堂皇太子初出閣時

上所賜額也今移入苑中

翠籞東連紫界牆。林泉交映藹秋方。龍樓問寢宵常

早。鶴禁娛暉景正長。藻井非烟呈五采。璇題如鏡啟

重光。凌雲百級丹梯上。頭白應嗤老仲將。

万丈光芒出檻前。煌煌禁扁稱高懸。堯階茅土原同

儉。文囿風光共一天。玉案浮花開漆硯。銀鈎寫月向

澄川。凡魚欲作鯢鵬化。御墨吞來骨盡仙

筆陣縱橫氣總降。帝書亘古擅無雙。九苞翮羽連翩

起。万斛龍文獨力扛。迸散繁星懸兩曜。盡收千派納長

江。人間欲見曾多得。轉幸身依青瑣窗。

茫茫學海望無涯。上殿恭承異數加。日炫管中窺日

月。夢回衣上帶雲霞。歐蘇小記榮天藻。羲獻真傳屬

壽疑當作時

帝家愧作玉皇香案吏難濡柔翰繪光華

恩賜新刻 御製詩集恭紀二首

宵旰孜孜四十年元音和暢在詩篇 天章久與絲綸

播 御集新成琬琰鐫逸韻鏗金還憂王祥風戶誦復

家絃關雎麟趾胥王化詩教原推雅頌先

武功文德並宣揚間采風謠到 省方畊鑿方方民擊

壤簫韶九奏 帝垂裳典謨媿美尊虞夏花月成篇陋

漢唐拜捧 瑶編還惕息難憑諷咏荅 恩光

恩賜御園十種蒲桃恭紀 十種者一伏地公領

伏地瑪瑤蒲桃四哈密公領孫二伏地黑蒲桃三

哈密綠蒲桃七哈密紅蒲桃八哈密黑蒲桃九

哈密白蒲桃十馬乳蒲桃

上林名果味芳鮮采摘均從雨露邊色借紫青相照曜

顆分大小各勻圓流來馬乳香先啜釀出龍池品盡仙

便與櫻桃同飽食紀 恩難罄益州牋 成都十樣箋

十二月十九早奉 東宮令南苑冬夜寒甚偶

見硯池結冰以硯池冰為題汪灝錢名世查慎

行蔣廷錫四人可各賦七律一首又自製七律

以示改正雪明書幌易生寒水靜圓池墨未乾

乍結琉璃漆硯裏自成珠玉彩毫端微洎倍有

清瑩色一滴還深碧錦湍凍釋烟雲浮几上瀟

知下有黑蛟蟠 臣 慎行恭和云

研朱滴露一泓寬喜見冰花結作團粉色映箋雲母白

墨光鋪几水精寒入懷珠玉生奩底呵氣蛟龍上筆端
計日東風先解凍詞源如海富波瀾

十二月二十日奉 旨特授編修感 恩恭紀

四首

綸書璀璨下 金鑿同直三人並授官同日被 旨者 汪顥蔣廷錫及

臣慎行 湛露九重頻渥澤條冰一署不知寒登瀛路許

迴翔入翰林舊制庶吉士俱於二門外 下馬授職後乃騎馬入登瀛門藏閣書容次第

看總是鰲峰清切地渾忘弱羽遙鶴鸞

玉堂故事久相傳常吉多充弟子員支俸例教同七品

隨班 特荷免三年庶吉士例須教習三年再經 試然後授職先是臣等以供奉 御

內廷特免教習皆異數也身依香案初稱吏 詔賜頭銜不待銓自

沐榮光心竊媿愧居四十六人先癸未科進士除一甲 三人外與館選者四

十九人余 名在第二

螭頭龍尾上陂坨拾級重經拜 命過步接彤扉仍注

籍名聯黃紙儼登科較量前輩榮真冒比並同年幸最

多章服不殊 恩遇異一行歸騎擁鳴珂

共道遷鶯傍上林姓名從此列朝簪身微彌覺 栽培

厚地近尤蒙 教養深應臘蘭芽初茁王先春柳綫已

拖金傾心一寸同葵藿長托堯階仰照臨

除夕前二日 恩賜御書大福字恭紀

景福欣逢介福辰自 天題處自 天申萬年鳳藻輝

宸極一顆驪珠 賜侍臣捧出 深宮榮並受懸同

澤州相公詩今歲預知朋歲喜
萬家合作一家春為時傳誦

御扁墨長新箕疇更衍無疆祝敷錫從知徧庶民

恭和 御製除日晚宴原韵

景運循環紀始終年年嘉慶與民同鈞天律轉冰霜候

大地春回雨露功 詔許勲庸承曲宴時無水旱塵

宸衷小臣與凜豐侯戒既醉 恩深 聖訓中

平生惡酒難堪飲之句

王學菴生子走筆賀之六首 以下乙酉稿

六十生兒似較遲却緣難得轉稱竒芝田蕙畝從人說

瓊樹天生只一枝

拾得 陳后山詩黃家生子名拾得 添丁未足論烏衣餘慶自清門直

同膝上看文度抱子心情當抱孫

畫字去聲廣韻不收義亦未詳玩詩當作上聲去

諫草焚來盡 去聲 有書芸香何用辟蟬魚先教識透之無字徐讀巾箱万卷餘

雙眼摩挲喜可知綠槐陰發去年枝待君添種三株樹

要看凌雲合抱時

湯餅筵前客坐深掌中擎出是瓊琳隔簾不用催絲竹

兒咲兒啼盡好音

天上麒麟見未曾他時摩頂記徐陵老夫自詡言多驗

身是人間現在僧

奉題少詹彭先生捫腹圖

大彭遠祖商老錢世家柱下為神仙旁人見公腹便便

矢口但稱邊孝先我公稽古如力田白晝那肯成高眠

承明出入三十年。朝回日日手一編。撐腸卷軸富五千。
大筆無過許與燕。兩宮顧問召屢前。官非不達學愈
專。綠衣有語然不然。先生咲指池上蓮。誰其畫者調丹
鉛。此意或向知音傳。

應 皇太子令咏白杜鵑花

鶴林花本神仙種。名字雖同色不同。一自根株歸閬苑。

獨留冰雪向春風。披香殿上紅氍毹。

蘇軾咏杭州南漪

堂杜鵑 勅賜休誇躑躅紅。白居易詩一名山躑躅一名

花句 躑躅謝恩未。從此三更枝上月。定無啼血染芳叢。

了奏花開 見可亭姪新柳詩偶作一首

偶為長條作短行。此聲不是笛中聲。時清關塞無攀折。

胸有書卷自能工雅應制
詩中不可多得

路近章臺有送迎。濯濯應憐前度態。依依長帶故園情。
春來縱得東風力。莫倚纖腰便鬪輕。

祈穀壇西北積水十餘頃。四時不竭。每旦有群
鳧游泳。其間因名之曰野鳧潭。口占一絕。

潭潭積潦浸城隈。不長菰蒲長水苔。我夢江湖歸未得。
野鳧何事却飛來。

和周邁菴都諫閒居雜咏兼簡學菴西齋四首

三間道院例支錢。薄俸分緡月二千。日日長閒鎖却

一燈。歸照夜棲禪。

芹泥融棟燕巢新。小社回頭已過春。我本無家一房客。

可憐飛鳥更依人。

又作三年住帝鄉。蕭齋有味是蒼涼。牆頭山色門前水。
不忍移居過別坊。
官曹西省連東省。門巷青楊接白楊。道是閒居閒不得。
得閒翻為和詩忙。

下直偶過學菴齋。明日學菴以詩索和次原韵。
綠樹陰中着雨暉。夕陽移影過東隅。唱酬互入新詩卷。

時學菴與元朗編刊掖垣唱和詩還往猶餘舊酒徒。謂西有子祝君苗

在手。十苗方在手。想像秋禾熟。戴石屏生子詩也。未歸約我杖同扶。眼前事

事關遲莫不夢橫溪即泖湖。橫溪余所居地名

南海子

千頃平如指掌收。草蟲趯趯鹿呦呦。騶虞園小樵無禁。

鈎盾田寬麥有秋。万柳槎枒沿徑轉。一渠曲折入牆流。
心同魚鳥便飛放。愛作城南十里遊。元時名飛放泊

南紅門接 駕歸途喜雨時皇上下南巡回京

萬乘回鑾候。三農望雨辰。自天能潤物。到地喜清塵。處
處溝渠急。行行榆柳新。衝泥歸更好。馬意亦踈踈。

五月初九日 上御淵鑒齋召大學士臣王書臣

廷敬工部尚書臣鴻緒學士臣升元臣昇臣壯

履臣原祁編修臣瑄臣廷儀臣廷玉臣名世臣

慎行臣廷錫等入至雲步石 賜坐賜饌畢人

賜荷花一餅隨 命由蓋珠院延賞樓泛舟回

直廬感 恩紀事恭賦七言律詩四首

身依禁闥已三年。天上方知更有天。楊柳橋通星漢
畔芙蓉檻繞御床前。游同靈沼魚真樂。聽到伽陵鳥
亦仙。雲步石邊聯步入。臨流高下列芳筵。

咫尺夔龍接武隨。從容宣勸坐移時。坐間屢遣內侍傳
溫旨令臣等勿拘

禮烟霄畫入丹青動。殿閣涼生草木知。有數遭逢關氣

數無私造化荷。恩私苑門隔日先傳喚。應是今朝下

直遲。

詔恩半日許迴翔。崑閭遲遲晝倍長。貝闕珠宮環四際

十洲三島儼中央。翠屏開處雲流影。綵鷁飛來水拂香

共識天顏多霽色。雨餘風物借輝光。

玉井移根迥不同。秘瓷人賜一枝紅。莖從新折流晨

露。葢為含開帶好風。擎出榮隨丞相後。攜歸香滿禁垣
東。此生直願依蒲藻。長在烟波浩淼中。

題費曉城同年牧牛圖

嫩草如秧水似油。雉疏閒放白蘋洲。畫師最得華陽趣
不取黃金寫絡頭。

送陳秋田宰荔浦

一官万里赴昭州。人替君愁自不愁。匣硯囊琴非俗物
丹梯碧落是清游。九疑路轉收帆驛。八桂風高捲幔樓。

真羨揚遽挈家去。王程如砥接詩郵。唐楊遠曾到嶺外
見陽朔荔浦山水

談不容口俄而求
選彼邑挈家南去

敬業堂詩集卷三十二

海寧

查慎行

悔餘

考牧集

起乙酉五月
盡丙戌四月
抄

余自癸未扈

蹕清暑甲申以纂輯韵府留京師

乙酉五月復奉

旨隨駕是秋撤圍後

萬乘巡

邊別由雍安嶺渡庫勒齊河自此抵張家口乃元

時上都孔道今屬

上駟院慶豐司數百里間岡

勢坦迤駝馬牛羊約三百餘万

上按程閱視指

諭臣等云昔

太宗皇帝謂此地宜畜牧今果蕃

息若此遂頒

賜侍從大小臣工人各馬一匹羊

二頭臣亦與焉又四百里始入居庸關臣惟小雅

之美周宣曰誰謂爾無羊三百維群誰謂爾無牛九十其犉我國家考牧之盛不啻千伯倍之詩書史冊所載得未曾有特取此義以紀盛事云

扈從山莊避暑出都口占

又是山莊扈蹕時
賜衣重著馬重騎
邊人望幸經初伏
閏歲君王避暑遲

雨後過懷柔城外

火雲突兀壓城頭
地近黃花古戍樓
好是綠陂新過雨
路平如掌接檀州

重出古北口

烟火千家散舊屯
饋漿野老候關門
自言世得耕耘力

黃犢年來又有孫

曉過青石梁新開路

高入雲端俯作梁
中間鑿石得康莊
松聲落澗風泉合
藥氣浮山露草香
馬爲重經成熟路
人貪早度取微涼
詞臣例飽天廚饌
已有中官候道旁

鞍子嶺直廬庭西新設松棚

十丈移岩壑
三間蔭苑牆
有時松子落
隨意乳毛香
不礙流晨露
尤宜障夕陽
天教人夏健
何減北窗涼

發黃甲營喜晴

青浮翠積氣氤氳
曉色俄從霽色分
馬首已迎初上日
雕翎猶帶未歸雲
峰皆似染供屏幃
樹不論年絕斧斤

曾記上番隨

蹕候灤河新漲隔山聞

癸未六月過此連值大雨

咏金絲桃應 皇太子令

裝束渾疑出道家。川原何用覓紅霞。偶分高士籬邊色，仍是仙人洞裏花。金粉露涼朝蝶夢，檀心香飈午蜂衙。尋來莫怪漁舟誤，比似桃源路更賒。

駐蹕樺榆溝特給官房止宿感 恩恭紀

千帳連雲並出關。受塵何幸預清班。炎埃氣隔無三伏，覆載恩深抵萬間。新瓦鱗鱗宜聽雨，短牆面面好看山。風餐露宿原臣分，每被殊榮輒汗顏。

發樺榆溝從新開石梁至哈喇火屯

鑿開峭壁轉龍腰。高棧中縈綫一條。石叻仰歎泉作霧，

雲根倒拔樹干霄。向來紆徑千盤轉，此去前村十里遙。真覺太平民樂業，山南山北盡漁樵。

塞外草花暑月特盛同年蔣酉君用橫幅寫七十餘種呈院長揆公以絕句屬和四首

頻年隨輦到邊庭。自補山經及水經。更借玉堂揮翰手，兼收花草入丹青。

折枝一派取阿那。木本無多草本多。六月塞山猶似錦，不知春色更如何。

莫嗔嵒鄭難爲狀。莫笑徐黃欠寫生。到此始知天地大，野芳無數總無名。

風翻雨洗枝枝別。儷白駢紅色色新。誰似先生工體物，

好詩能發畫精神

恩賜 御書扇恭紀

聖藻光騰寶笈中。五明開處潤濛濛。招攜滿苑松杉氣。披拂微涼殿閣風。鵲羽午搖炎熾散。麝煤香迸汗珠融。捧歸當暑先珍襲。篋笥絨。恩託始終。古今注。舜廣開。自輔作五明扇。漢公卿皆用之。拾遺記。周時。外國獻丹鵲。拾其脫羽。以為扇。名為鵲扇。

烏城立秋和同年佟淵若韻

万壑含朝雨。千岩斂夏雲。炎涼雖迥判。晝夜漸平分。爽自披襟得。聲先隔樹聞。候蟲吟較晚。高唱獨輸君。

立秋後一日 召遊行宮後苑 賜宴恭紀十

二首

銀河西繞翠微岡。紫界東連宛轉牆。一片樓臺先入望。蓬瀛遙在水中央。

天然圖畫引躋攀。盡出宸衷指點間。岩壑不須多架。搆下因流水上因山。

神川過雨氣溟濛。沙土無痕井脈通。欲識泉源深幾許。轆轤聲轉白雲中。

坡陀幾曲接磬頭。漸入仙源徑漸幽。忽漫孤雲生兩角。小欄低檻盡如樓。

煌煌禁扁麗中天。楹帖分題兩兩懸。万丈光芒爭耀。眼不知旁有好山川。

松鶴陰從積翠生。泉蘿烟月一時清。以上皆御扁名每經 御

墨留題處。記得旃檀別殿名。

帶峰傍石布芳筵。夾岸鏗鏘奏管絃。山水清音消不得。

况從天上聽鈞天。

一道清流合兩河。醜渠中有半開荷。分明太液池邊種。

重沐天家万里波。

插架排籤滿禁林。御床左右列森森。行宮仍是圖書

府。清暑時時惜寸陰。

水精簾幙綠莎茵。行過星橋別有津。除却澆花無汎掃。

就中何處著纖塵。

叠砌平階茁露芽。近看如錦遠如霞。塞垣小草生何幸。

開作長春苑裏花。

華貂環座盡公侯。特許詞臣與宴遊。滿引金樽歌既

醉謝恩齊上木蘭舟。

敬題御書東坡詩扇為法鴻臚作

七輪松扇早涼天。舊句新題御墨鮮。不獨侍臣沾渥

澤。榮光兼被作詩仙。

賦得雲抱兩三峰應皇太子令

万峰齊露頂。雲氣欲何之。偶遇參差石。還縈縹緲姿。三

山遙望處。二華未開時。髣髴應難畫。形容况入詩。

佛手柑奉旨題畫扇上

名並黃柑種不同。巧從佛號示玲瓏。菩提證果雙林下。

優鉢拈花一指中。色映金繩長帶露。香開寶掌自生風。

聞思大士應微笑披拂先教鼻觀通

恩賜

御書敬業堂扁額恭紀十六韻

清暑時多暇行宮日正長君王親翰墨侍從沐恩

光是璧皆盈尺如椽總倍常因心成變化運肘示端方

山海峯濤壯龍鸞爪翅張堯文開盛世羲畫掩前王

帝賚優無比臣衷懼莫當身雖依廣夏家本住窮鄉憶

在兒童日親隨子弟行長貧惟立壁短晷或然糠風雨

留先築柴荆指舊莊業傳慙肯構敬止念維桑幸獲支

門戶終難荷棟梁數椽天一角萬歲字中央隣叟來

扶杖姻親賀滿堂承家期世守祝國永無疆

七月二十四日五更發波羅火屯始有寒色

臥聽雞鳴已過三起來攬帶上征驂五更寒色風初北
七月邊聲雁已南汨汨乳泉縈暗谷濛濛霧雨染濃嵐
前行漸與圍場近飛騎如雲隔宿探

烏喇帶秋分日作前夕大雷雨昨日微雪故詩

中紀之

朔野秋光少俄驚草木衰大都殘暑退便是蚤寒來天
霽今朝雪山收昨夜雷匆匆裘換葛節序暗相催

度達陰嶺看紅葉

蛇躡猿攀路僅通溪聲忽轉一山紅行來不道秋纔半
已在寒林薄雪中

中秋夜薩勒巴里對月

一片中秋月。重經古塞看。宮壺傾法醞。是夕賜酒果御客夢
警新寒似雪侵。髯白疑霜拂。帳乾故園諸弟在。悵望隔
團圓。

八月十七日伊蘇河源雪中聞雷食頃開霽

雲黑初防挾雨來。俄看黍谷散寒灰。千峯雪作漫天霧。
萬帳風兼動地雷。紅樹一番殘。葉盡碧空依舊夕。陽開
眼前變幻真奇絕。天果難將管見推。

隨 駕行興安嶺上

橫亘東西路幾千。直從遼海控居延。盡消伏莽山無樹。
不斷靈源地涌泉。群牧牛羊量論谷。諸藩廬帳列如廛。
聖朝不畫長城界。一道平岡是九邊。

連日扈從由雍安嶺烏蘭哈爾哈至上都必拉

觀圍恭紀八首

連天積素耀威弧。鵲血牛螭力盡輸。梁簡文詩控弦因鵲血挽強用牛螭
看取群情齊踴躍。一人獲雉萬人呼。

初分左右儼星奔。旋列方圓陣法存。千仞岡頭黃纛下。
藍旗兩扇合旌門。

西僧迎 輦列香旛。擊盃吹螺動法門。番界從來知佛

大而今更識 帝王尊。多論那拉之西有喇麻寺西僧一百五人蒙古每一部落供養

一僧俱來迎謁賜銀緞有差

嵯峨高勢拂雲開。天語親聆指示來。踏遍峰峰沙似

雪。始知身到白龍堆。二十五日隨駕至上都海拉斯臺上諭云此地山形首皆西南

向尾皆東北向
即古白龍堆也

朴渥如飛掠草中。御前寔過疾於風。萬鈞神藝無輕發。命中仍開射虎弓。

獸自成羣。鳥自稀。網開四面。總天機。白雲一片平如席。趨取鷓鴣帖地飛。

尾同麀。麀首成。積千百黃羊。合一羣。攔入圍中。何所擬。滿灘鵝鴨鬧如雲。

豹尾雞翹。滿後塵。近前傳旨。召儒臣。分頒五色離披羽。榮被雕鞍。是八人。二十六日於固勒班庫特力隨圍特賜翰林官山雉人各一尾

雪中戴青氊大帽。上顧見大咲。口占紀之。大于煖耳覆雙肩。冰雪騎驢二十年。今日重蒙天一

咲白頭。還戀舊青氊。

隨 駕閱視羣牧恭紀八首

右接雲中左界遠。放來群牧十分膘。自從聖祖開基。遠水草新來分外饒。

齊色分花望不窮。一群拔萃一群空。天生驥騾初無種。只在君王顧盼中。

大漠塵消罷戍屯。曾收汗血入關門。於今青海無傳箭。字息均蒙豢養恩。

肉鞍高出草頭低。千百封牛褐色齊。漢書注駝背上肉鞍隆高若封土俗呼封牛。知有泉源在山外。但從沙上覓駝蹄。

鳥特黃特種各殊。駢蹠迭角雜收駒。太平畜產閒無用。

好入豐年考牧圖

四時邊草閱榮枯。垆谷填谿作雪鋪。一色万群三百万。
不曾輕費大官芻。詩疏羊以三百為羣合三十万計之。則于羣也。今合三百万計之。則万群矣。

邊戶羣歌樂歲穰。素封何必業耕桑。家家賜種滋蕃
息。銀餅渾如秬。藜香。唐摭言宣宗賜韋燠孫宏銀餅。皆乳酪膏之所為。即今乳酥餅也。
疾藜苑小傳唐監。首菑園荒咲漢家。自是累朝無馬政。
天留沃壤在龍沙。

恩賜上駟院馬一匹恭紀七言排律十六韵

万里平沙屬慶豐。更申問命牧駒駉。如茶如火干峯上。
為錦為雲一望中。中有駉幸隨觀垆野上。襄敢冀賜行

宮。房星燭地光先見。電影流天澤下通。玉勒金羈新政

控。瑀鞍黃帕舊曾蒙。丹青妙合將軍畫。聲價高踰都護

驄。緩轡追陪雙仗近。着鞭先後八人同。南書房侍直八人同日拜賜

細看六印猶鈴。髀。唐六典在牧之馬有飛字印龍形印三花印風字印賜字印出字印其形

容端正擬送尚乘者以飛字印其髀髀乍拂三花待剪髮。不分牽來遊果

下。且教行處避芳叢。疾徐本具馴良性。安穩寧資調習

功。筋力將衰蒙聖鑒。嘶鳴欲效託微衷。院中例借知

應免。衆裏齊驅學漸工。躩蹠身輕辭社燕。飛揚隊逐入

關。鴻食貧慙媿薪芻。儉種貴誇張。阜樞空照夜。俄看歸

路白。經春旋試軟塵紅。翔麟苑與飛龍廐。蕃錫恩深

念匪躬。

上御帳殿南門 命侍衛試調生馬 召臣等

同觀恭紀

步濶蹄高齒尚童尚書大傳童馬不馳忽驚一顧出 重瞳賞加

牝牡驪黃外 恩在駢馳駕馭中 杏葉裁韉初被錦 桃

花作汗欲噴紅 龍涓騏校皆天廐 冀野從看万馬空

雪後 賜酥酒恭紀

馬足瓊瑤十里衝 到來稠疊 賜黃封土酥點雪脂凝

白官釀消冰乳滴濃寒 斂衾稠禁永夜温同 狐貂禦嚴

冬銀罌翠杓均天澤 醉飽春回草木容

行經獨石口外

獨石西南路最紆 時平關隘失崎嶇 灤河源在千山外

流過元朝避暑都

下西巴里臺

直下初從万仞顛 忽於井底見炊烟 松風夜轉潺湲水 知是山腰一眼泉

即事

童子提壺斟馬酒 老翁曲項奏胡琴 近前爭博 君王 咲真見諸番愛戴心

張家口

北風獵獵上旌旃 古堠連山峭徧天 鎮將時平多扈蹕 六龍五載一巡邊

宣府早發

星羅城堡屹相望。地是雄邊舊教場。漸近關南秋尚暖。雁飛先過鷓兒梁。

重陽下堡道中

垂楊全綠菊微黃。九月關城未降霜。踏盡烏桓千嶂雪。却來平地作重陽。

入居庸關

截斷雲頭作翠屏。官溝南瀉水泠泠。黃花催熟旗亭酒。笑脫重裘度冷陁。
居庸關名冷陁太行八陁之一也

彈琴峽

沙紋練練溜涓涓。似有鳴琴出響泉。松磴曉含三尺雪。石牀秋語七條烟。聲希不信人間有。悟徹原非指上傳。

莫聽鼓鼙思將帥。清音今屬好山川。

恩賜羔皮袍料恭紀

授衣時節恰歸期。裘敝重叨 聖主慈。飽食始知肥羜

美。臣素不食羊近奉旨賜嘗洵美味也敵寒尤覺乳羔宜。製成刀尺憐柔

毳。謝莊賜裘表靡毫柔毳省對冰霜凜素絲。行與都人還示儉。三

英五絨在風詩。

山莊雜咏 有序

山莊者我 皇上避暑行宮之統名也。臣以草茅新

進再塵扈從。自夏徂秋往返各閱百餘日。其間山川

風土之美。草木禽魚之狀。一一俱蒙 恩指示。凡耳

之所聞目之所覩。口不勝述。則紀以小詩。合成三十

首用備遺忘不揣蕪詞並呈

御覽

朝涼夕爽絕氛霾。畫裏山莊處處佳。聖德如堯惟尚

儉。采椽不斷土為階。古北口外行宮凡人所皆無丹雘之飾。

章奏多從驛騎馳。行宮勤政日孜孜。三更樺燭明如晝。

又是宵衣乙覽時。唐太宗每以甲夜視事乙夜觀書。

溪菽山穀味有餘。慈幃時達問安書。往來中使頻相

望。何異宮庭侍起居。每得新蔬輒遣中使馳送皇太后宮。

阡陌橫從蒔藝區。幽風七月繪成圖。瓜瓠豆莢田家味。

帶露朝朝進御厨。

烟光濃澹寫晴空。多少旌旗掩映中。大抵無峯無好樹。

一峯不與一峯同。

幾暇濡毫有万行。臨池無體不飛翔。蛟龍噴作巖頭雨。
千澗流來墨瀋香。

畫鹿宮門樹射棚。冬膠秋幹試初呈。靜中人籟皆天籟。
朱鷺單傳中的聲。

嶺復岡重不記名。石缸隨處瀉琮琤。濛濛薄霧沾衣潤。
雲縷多從水面生。

小雨初過月未升。浮浮空翠暖如蒸。不知濕氣消何處。
萬竈炊烟万帳燈。

林幽谷邃暗霏微。過午人人換袂衣。預卜明朝天色好。
相風微動柘黃旗。

松蓋年深雨露滋。茯苓琥珀化應遲。太平是物爭呈瑞。

枯枿先看出紫芝

赤芝產落葉松根

灤水清流比漆沮。霽潭潑潑漾菰蒲。細鱗柘綠皆堪鱸。

不數紅鯁巨口鱸

細鱗魚重唇身有黑斑柘綠魚色微綠皆灤河所產

泡子河淤鳥鹵開。霜華彌望白皚皚。邊民聽食天然利。

只禁鹽車入口來

泡子河生天然鹽不待煎熬而成蒙古用小車載以貿易

煜煜蒼龍尾角蟠。小星如沸鬧林端。乍驚三尺飛光度。

螢火大於金彈丸

塞外流螢極大光可燭三尺許

泥金細縷簇龍鱗。首尾中分翡翠紋。頗訝賦形同蠍虎。

試看噓氣却成雲

山中蜥蜴長四寸許頭以下色如翡翠有紋如魚鱗尾作金色吐氣為雲

土人呼為雲虎

多年沙土養奇材。照夜渾疑吐蚌胎。可是水中真蘊火。

但生涼燄不然灰

山杏根入水千年光如水精夜置暗室中毫髮畢見

銳頭長尾口如翹。肉翅旁連四足俱。猜是千年老蝙蝠。

問名方始識飛狐

飛狐銳頭缺口耳小尾長毛深褐色翅如鼈裙四足生翅中前二爪後五爪能飛不踰尋丈

爪能飛不踰尋丈

叢間樸檉葉先枯。歐李駢睛似火珠。長路微甘供解渴。

馬鞭爭挂紫珊瑚

歐李一名烏喇奈子如櫻桃而大味微甘而醇

青楓烏柏自喬柯。映日多成錦繡窩。片片丹砂開障扇。

就中椶葉得霜多

椶樹葉大如團扇初生時可裹粉餅蒸食秋月經霜鮮紅可愛

山梨微澁杞漿酸。崖蜜煎從翠釜頒。珍重蓬萊金醴味。

不傳方法向人間

山梨枸杞汁經煉成膏味皆鮮美上嘗以賜近臣

榛實初生如栗蓬。秋來采掇出低叢。雞頭剝玉差相並。

餽飮曾無一顆空俗云十榛九空塞外所產不爾也

難憑本草考豨苓異卉奇葩眼未經滿地根株移不得

金蓮垂實菌收釘地產金蓮花及猴頭蕨菇

官馬如雲盡上膘便經霜雪也肥饒地黃牧宿人人識

何似連山盡藥苗

千盤百折上興安寒燠平分咫尺間忽見萬松齊落葉

人言山後是陰山落葉松生興安嶺北秋冬凋落與凡木同

道是山鄉又水鄉四時多半領秋光西風欲起馳爭圖

早雪將飛麝退香

雲端千仞跨晴空真有飛梁亘彩虹番語漫傳生吉兔

佳名新賜玉玲瓏達陰嶺東北四十餘里山顛巨石百餘丈中通一門望若飛橋蒙古謂之

生吉兔 皇上 改名玲瓏山

晨隨羽衛愛山行夜宿周廬傍幔城自入秋來常起早

挈壺攢點最分明詞臣帳房在行宮南門外五十餘步欽天監司漏處也

畫屏環繞直廬傍草色常先柳色黃八月初頭風力緊

夜來傳旨禁燒荒塞外草枯禁野火謂之燒荒犯者法甚重

蝗不成灾歲有秋直從畿甸到邊頭更教州縣除蝻子

預計來年睿慮周秋來蝗不為灾 皇上為明年慮命畿輔所在徧掘蝻子

溪流經雨雜清渾茗椀頻霑雨露恩日給大官泉一

斛祇應飲水亦思源自發哈喇火屯恐河流渾濁致傷脾胃賜臣等官厨水日一石

丙戌上元夜 召入西苑觀千葉蓮花燈恭紀

四首

太華晴光絢晚霞良宵移入玉皇家月華滿苑清如水湧出峯頭十丈花

天香飄下蕊珠宮映水俄驚太液紅不夜城中光四照南薰先應五絃風

不羨金蓮畫詔回恍疑風引近蓬萊分明千佛光中現併作紅雲一朵開

彩棚高傍御樓懸千萼多從一帶聯不是大羅天上見人間誰識火中蓮

潤木弟授庶吉士二首

初聞唱第向丹墀再見班行雁序隨桂發五枝曾有

識余家廳事前有老桂癸酉八月開花忽作深紅色異於常時甲戌乙亥丙子丁丑皆然自是余兄弟及兒

子相繼登第

楊穿三葉可無詩

白樂天與弟行簡敏中先後及第故其詩云楊穿三葉盡

驚人家門我已推為長仕路君猶笑未遲何事相看兩相泣雙親見背已多時

早緣貧賤多離別老去依依勝得朋小閣重添聽雨榻

短檠分點入朝燈浮踪到海翻相聚歸路如天豈易登

寄語阿頻存晚計且來共飲一條冰

時德尹在揚州書局

哭樊桐姪二首

丙戌五月初一

二十年前哭乃翁遺孤抱出尚孩童可堪留取昏花眼看汝成人又送終

單丁門戶剩嬰孩收拾殘書與寄回永訣有言吾不食

三千里外為誰來

敬業堂詩集卷三十二

[Faint bleed-through text from the reverse side of the page]

敬業堂詩集卷三十三

海寧 查慎行 悔餘

甘雨集 起丙戌五月盡九月

入夏以來畿輔稍旱自五月二十一日 駕發西苑
大雨五晝夜田疇霑足萬口歡呼咸謂 聖天子軫
念民生甘霖應期不禱而自至視靈雨甫田諸什不
既多乎哉臣以珥筆隨豹車之後沐膏澤而咏豐年
固其職也

五月二十四日 駐蹕密雲連夕大雨

輦路涼生暑乍融到來連夜雨兼風四山雷轉車聲外
萬帳燈浮水氣中入夢似聞泥滑滑占晴行見黍芄芃

頻年眊筆慙無補。枕上吟成願歲豐。

謝 賜普洱茶

洗盡炎州草木烟。製成貢茗味芳鮮。筠籠蠟紙封初啟。
鳳餅龍團樣並圓。賜出儼分甌。面月淪時先試道。旁
泉。侍臣豈有相如渴。長是身依灑露邊。

喀喇火屯口占

水無蚊蚋地無蝻。寺有旛幢石有龕。山是膏腴溪是乳。
草如桑葉馬如蠶。

蔣酉君同年爲余寫芙蓉折葦扇頭小景戲題

二絕

偶拈秃筆寫霜容。點綴誰知不取濃。會得江湖清氣味。

蒹葭只合倚芙蓉。

塞垣歸思入秋多。欲涉江湖奈晚何。一葦可杭吾亦去。
詩翁莫嘆葉沉波。

七月朔烏城立秋

行宮六月全無暑。早覺涼生大火中。客裏心情原草草。
老來光景又匆匆。千山朔氣初迎雁。一雨秋聲盡入蟲。
笑指伊蘇河畔柳。三年與爾共西風。

七月十五日四更發熱河度嶺至喀喇火屯天

未明

塞天暑亦涼。矧此秋候變。披衣起我早。熟路馬重踐。群
峯競高低。孤月遞隱現。參差樹交影。斷續雲流片。長風

從西來。過耳劇嚆箭。行行得平地。星火遙可辨。嵐霧滃然蒸。橫前舖白練。道旁有雙塔。隔手不復見。礪絕賴橋通。泉鳴知徑轉。忽聽一聲鐘。微茫識行殿。口外無佛。老之宮。惟

烏城 行宮旁新創寧覽寺琳霄觀

七月十六日烏城直廬驚聞房師虞山公訃音

哀情痛切托於短章四首

公去京華日。余方扈從時。癸未秋先生奉太夫人乞假南還。余時方隨駕口外。

三年歸失約。一別見無期。昨寄書猶達。前月接家弟德尹揚州信云。端

陽前與先生同渡江。初傳病尚疑。何當聞訃後。驚發早秋悲。

涑水攜書局。蓬山入選樓。去春奉旨於揚州校刊全唐詩。奉親恩

最渥給俸禮仍優。在籍官俸從來無此例也。風格詩篇著儀容

畫像留。先生出都時留秋帆畫卷命題。後復奉手書命慎行校閱歷年詩集。到頭天莫問。

公自有千秋

壯歲官情澹。懷歸至性真。科名無媿色。庚辰殿試公第一人及第。

巖壑早收身。穉子將周晬。高堂正六旬。懸知方易篲。俯

仰劇傷神。

歷憶追隨地。多慙屬望情。早曾同座主。癸酉鄉試。慎行與先生同出清

彭公之門。老及作門生。寢哭知何日。心喪痛失聲。灤

河兼淚雨。滴滴向南傾。

題酉君為家少詹姪畫四時花卉卷二首

乍驚五色江郎筆。幻出黃筌四季花。知是餘波多綺麗。

未妨游戲亦名家。

吹開吹謝自年年。人世風災絕可憐。一片丹青非色界。
四禪天是養花天。佛書有初禪二禪三禪四禪天。至四禪天始無風災。

座主總憲吳公請假旋里恭賦四律寄送

乞歸偏在眷深時。臺望非公更屬誰。岳峙淵渟瞻氣
象。蒼松白石表襟期。久持綱紀群僚肅。獨抱冰霜
聖主知。真喜太平多盛事。大臣進退總逶迤。

法曜文星並一垣。高從河漢溯淵源。回瀾力比鈞衡重。
下士心忘副相尊。秘閣有書皆博覽。岩廊何事不深論。

即看拜疏辭。

朝後尚引肩輿到苑門。

公前赴西苑辭歸。上特命肩輿至小東門慰問。

賜茶真異數也。

詔恩暫許憇林間。不比尋常賦遂初。別路人皆期健飯。

引年公未及懸車。一門老去仍同爨。八座歸來只舊廬。
何物眼前當七發。尊鄉亭外有鱸魚。

一時祖帳盡名流。才子同朝挽不留。三殿文章行接武。
五湖風月侍歸舟。蒹葭隔岸雞催曙。橘柚開園雁報秋。
我是歐陽門下士。柴車何日獲從游。

題少詹姪寫經圖時在塞外直廬

我觀人世間。知巧競一途。乃至事所生。虛名亦求沽。不
見古孝子。用心常近愚。愚則本乎樸。樸為誠所孚。苟有
禪於親。寧論事有無。嗾經祈冥福。此語傳浮圖。庶幾抱
微誠。上荅父母劬。通乎立教意。可以輔吾儒。宮詹吾宗
賢。至性具髮膚。少稟二人訓。學優過庭趨。出為鸞鳳鳴。

歸作膝下雛中承贈君訃痛絕天難呼北堂垂白母爲
爾增歎吁黽勉進水漿傷哉反哺烏母氏繼下世兩喪
一時俱平生風木悲血泪交模糊君時年盛壯頓覺形
神臞霜寒宵寢磚味苦晝茹荼旁人競相勸勸保七尺
軀似聞西方經報恩古有諸親恩等山岳子報真錙銖
遂發寫經願寸心懷區區幃前一瓣香几上墨一盃竭
我兩眼力拚我十指瘡眼昏指如椎口誦足雙趺誦已
還慟哭哭罷復細書如此踰兩年白抽頭髮須當其迫
沈痛信筆非臨撫果然妙蓮華一一紙上敷一卷萬餘
字七卷七萬餘人天合掌敬燦若琳琅珠俞子亦好手
爲君寫成圖今來十五霜故山拱楸梧偶然展卷看清

泪猶承臚我生乃鮮民踪跡歎早孤先人尚淺土齒髮
日夜枯作詩志吾媿汗出成沾濡

八月十三日 駕幸翁牛特恭紀時八公主下

嫁於都倫郡王

一統車書域三朝雨露天名藩星拱極 法駕日臨邊
遐裔元家貴崇姻 聖代聯肅雝輿衛盛錫賚禮文全
事與和親異 恩加屬國專不煩湯沐邑特給水衡錢
甸服居相近華風被獨先丹青開殿宇錦繡裹山川封
爵原仍舊王庭遂不遷副車常侍 輦駙馬每從田負
弩鸞鑣下呼嵩豹仗前從看外孫國望幸自年年

木克帶西行十八里山下有湯泉

北行漸入苦寒鄉。喜見湯泉湧道旁。自覺溫能回黍谷。或云下必有砂牀。波痕消盡冰霜氣。石髓流爲草木香。便作解衣盤礴地。暫時休澣也清涼。

中秋夜柳林口翫月與王符先生及亮功紫滄西君三同年小飲偶成十六韻

露白霜清候。千巖万樹頭。銀河斜繞塞。金鏡迫懸秋。輪自東隅上。光從西極流。天長雄鼓角。野靜散貔貅。星火移躔避。關山倒影收。賞應同北闕。興不減南樓。蕭爽披襟得。高空與目謀。幾年叨扈從。一夕抵旬休。已免攜衾直。還爲秉燭遊。王程千里共。恩賜兩宮稠。佳果充枲按。鮮禽入膳羞。班荆傳酒令。隔幔數更籌。餅似團圞

樣詩須酌酤。訓老狂尤爛熳。小坐獨遲留。明日追成夢。吾生咲若浮。起來林影下。嵐翠濕衣裘。

八月十九日 皇太子睿賜初白菴扁額恭紀

十六韻

地近瞻儲聖。天高鑒積誠。三光開睿筆。四海識菴名。夙昔棲禪志。今來戀闕情。青雲垂欲上。白髮正初生。有作皆邀賞。非才竊自驚。蓬茅沾雨潤。葵藿向陽傾。感激桑榆晚。駢馳歲月更。去家無累遣。下直有僧迎。往往誇儕輩。時時話寵榮。一瓢蟠木瘦。三秀紫芝莖。匣許香楠貯。賜帶數珠孟教淨水盛。頗黎水盂白卮傳漢玉。綠硯琢洮瓊。是物皆堪供。以上六種皆兩宮前後賜物何年築始成。

雖蒙頒扁額未敢計柴荆
蟻蝨微生賤龍蛇尺幅盈
萬鈞餘腕力恩重倍難擎

塞外大風二十四韵索同直諸公和

天上箕星動山中月暈生
土囊俄出口沙磧欲填平
猛拔群峰立喧招萬籟迎
奔衝來若鶩颯沓去如傾
牛馬渾難辨蛟龍怒欲爭
蓄威雷隱鱗助氣鼓砰鉤
劔戟齊攻壘波濤迫撼城
餓鴟當晝叫饑虎傍人行
鼠黠藏深穴蟲僵跼斷莖
草埋蛇鼻淺寒噤蝟毛撐
昨夜還防雪今朝竟得晴
駟雲成片段轉石落崢嶸
鴉起斜行亂雕盤遠勢成
向南惟雁路直上是鵬程
曠本難終日狂猶逞二更
將收偏作力忽散寂無聲
谷以虛能受心緣靜

不驚勿愁開橐籥祇是聽
竽笙袞袞除塵埃悠悠指
旆旌回頭千樹禿稱體一
裘輕酒近移床暖爐添宿
火明却看天宇曠翻覺塞
垣清落帽知何處飄蓬且
自征蘭臺多賦手小律倘
同賡

行經玲瓏山下

鑿開渾沌得玲瓏片石居然
絕塞雄地肺想從岩竇入
天台信有石梁通風雲嘔
吸千尋表日月迴環一竅
中莫怪經過屢回望佳名
却與故山同

余鄉餘杭縣亦有玲瓏山

八月二十三日 上入山行圍射獲白鹿一頭

恭紀十韻

白鹿非凡種仙山歲月長
出當時有道瑞叶壽無疆

洞口眠時月。原頭望處霜。明明開射的。皎皎入圍場。碧
砮千鈞鏃。瑤星一道芒。最宜豨並獻。肯與豹深藏。至潔
斑同雪。如膏色勝蒼。皮能留素質。草不療金創。雕俎充
庖味。銀毫耀眼光。謬慙陪羽獵。作頌比麟祥。

西君分餉黎藕賦謝十六韵

行厨滋味重。肥膩饜牛羊。正爾宜佳果。俄看致滿筐。遠
分慈母惠。特並故人嘗。藕抱玲瓏質。梨含沆瀣漿。嫩疑
新出水。紅似乍經霜。洗剔親教淨。摩娑愛倍常。大瓢斟
雪汁。小片截瓊肪。鬆脆鳴牙頰。芳鮮潤肺腸。真堪解消
渴。况乃佐清涼。我本柴桑士。居連苻藻塘。踏泥風葉底。
摘顆露籬旁。賣菜多求益。堆盤輒賤償。幾曾虛野饋。長

是及隣莊。物理因希貴。人情感舊長。鑿池從憶白。入谷
每思張。二者今兼得。何須問故鄉。

道旁冢

其一在土城南岡上。石獅二。白碑一。統
其一在土城東十里。石几一。石亭二。上
刊孝敬之墓四字。
姓名皆無可考。

衰草茫茫近土城。白碑相望兩荒塋。當時馬革尸同裹。
今日牛眠地總平。野火漫容荆棘長。塞田并乏子孫耕。
有知合咲曹瞞拙。欲刻征西占墓名。

重過玲瓏嶺看霜林作十二韻

犖确重來路。秋容最好時。往年經雪早。今歲得霜遲。二
月花相似。千林景特奇。問名難辨種。設色故多姿。濃淡
丹黃葉。交加爛熳枝。簇來成綺繡。踈處度旌旗。換眼層

層別迴鞭步步隨已憐侵暮色還與發華滋粧點江南
畫鋪張塞外詩衰顏熏欲醉白髮巧相欺好事何人賞
登高此地宜丁寧朔風候旦晚莫狂吹

聞同年顧書宣前輩湖廣訃音愴懷今昔成五

十韻

絕塞來凶問初疑後果真恨難埋厚地狂欲問蒼旻憶
昔充鄉貢時同忝國賓紅箋通姓氏麗正約比隣名稍
居姜後癸酉同舉京兆書宣名在十八西冥十九余二十心常與顧親雁行聯
弱羽魚隊狎凡鱗雨雪連床數篇章擊節頻嗜痂良有
癖遭砭各無嗔搜剔疵瑕出銷鎔鑛鐵純偷來輸格律
讀罷爽精神自爾投膠漆何曾計屈伸禮闈看再舉臚

誠之云叙次詳悉不穢不

誠之云遭砭及自忘句前輩
友誼篤非偽語也

誠之云括

唱聽移旬獨脫囊中穎先呈席上珍列科登一甲同榜

得三人金馬聲華盛芝蘭臭味均甲戌殿試書宣第一
甲第三庚辰余房師汪公自忘頻下第甲第二丁丑西冥一翻羨早抽身君

甲第一皆癸酉同榜也病喜鷗情適閒教鶴性馴落帆揚子夜踏月

甲戌冬乞
假回籍廣陵春出處都如夢參商那記巡分攜從甲戌會合又

庚辰却話青雲舊俱添白髮新木樨叅佛法黃葉證前

因黃葉打醒游子夢木樨叅透老僧
禪余與書宣同宿天寧僧舍句也景已當搖落衰拚

向隱淪未成棲倦翼寧免作勞薪元老開黃閣微名達

紫宸壬午冬余因京江相國
之薦召直南書房寸長嗟莫效六論咲空陳

釋褐推先輩含毫托後塵我仍留輦下君亦起漳濱

癸未冬書
宣方還朝花底隨朝謁燈前惠討論詞源寬萬頃筆陣

敵千鈞。妙斲斤能運。竒方手不龜。輿圖歸拍掌。道路識

迷津。乙酉冬。書宣奉。旨入直。南薰殿纂輯方輿路程。乙覽皆稱善。公才久

合掄使車方簡命。省試且陶甄。場屋收羅。鄴門墻進。郟

詵為爐分玉石。握管稱金銀。瑁瑛徒喧謗。從容視咲顰。

不慙膺。特眷彌覺重。詞臣紀進士榜發後事遂啟扶風帳。重

持大雅輪。楚材傳自古。儒術近尤振。辭闕還瞻戀之

官亦苦辛。行期何苒苒。別語太諄諄。君于初春奉督學湖廣之命。四月

中乃出都臨行時。頗以善病為慮。北轍俄經夏。時余扈從南轅似隔晨

鯉書猶待寄。鵬賦忽遄臻。江漢文星墜。瀟湘士氣泯。雖

云蒙寵異。寔未展經綸。澤國秋多慘。騷人例豈循。歸

旌千里遠。宦况一生貧。憔悴孤踪在。淒涼往跡湮。老年

殊少泪。痛極為沾巾。

院長惠裘一襲賦謝十韻

推解情何厚。炎涼序忽遷。初過搖扇景。已迫授衣天。蒼

腋茸交密。銀貂色最鮮。製成微霰候。拜賜朔風前。輕暖

渾踰帛。竒温又勝綿。禿襟便跨馬。短後稱垂鞭。楊襲隨

時尚。冰霜是夙緣。曉披迴醉纈。夜脫聳吟肩。袖裏攜新

卷箱中。感舊擅敝裘。從唱和。回首十三年。癸酉冬。余作敝裘詩。先生

與西溟實君元龍皆有和章。

謝院長贈馬十二韻

廿載曾徒步。三年會上雍。借驢長自咲。騎馬忽相從。華

廐蒙分賜。貧家慮乏供。品應超脫兔。種本出飛龍。宋時學士

例賜飛突過風前影難尋月下踪蹴水蹄似鉄批竹耳
龍廐馬成鋒一色全凝雪三花待刷鬃密看毛細膩垂愛尾鬃
鬆主濟雖多癖孫陽詎易逢駟馳憐盛壯剪拂愧衰慵
捷徑休爭取歸途幸見容最宜隨下澤安穩代扶筇

半截塔次院長韻

龍沙茫茫荒怪集佛界劔天絕梯級誰與此塔此山中
高湧蓮華嵌空立大千起滅微塵過小劫須臾轉輪急
頑礪亂礫泐作堆風雨猶疑鬼神入當時委蛻兩夫婦
華表歸來改城邑相傳元時有某万户與其妻棄官學佛歿後合葬于此冰天下
壓巔頂平雪谷深埋半腰及我來訪古興桓地欲寫山
川入行笈每逢陳跡輒徘徊口業未停餘宿習草間定

有碑銘在野火燒殘沮洳濕國書難考竒渥温筆授惜
少鳩摩什公詩紀實良足徵歸去皇輿付編輯

院長惠家製金銀花露一餅賦謝二十韵

佳名傳本草舊識鷺鷥藤黃白移時變金銀任俗稱但
聞蕪葉曬寧寧解帶花蒸方法誰邊得園林手種曾栽培
無棄物筐筥亦時登籬密開從徧枝繁采勿勝製乘香
未散候視氣先騰倒挽河車水徐收井甃繩夜窗珠滴
瀝晨旭露鮮澄澹比初融雪清於乍釋冰恍疑仙掌露
直向玉盤凝出火經三日浮餅貯半升諒非供熱客間
或餉良朋邊地尤難致塵襟豈易膺流匙宜少許瀉盞
感多承點酒竒芬溢和茶別味增唇沾良已足肺潤更

相應沆瀣咨仙侶。醍醐問老僧。薔薇紅莫擬。玫瑰紫休
矜。白戰聊成咏。慙無故事徵。

重陽日度木倫喀喇沁

亂山高下入圍場。掠面西風似弩強。馬足聲乾干澗葉。
雁群寒警一裘霜。登臨豈必皆吾土。今古閒消幾夕陽。
記取題糕重九節。燎毛燔肉共分贍。是日撤圍賜贍一頭

雪後隨 駕度汗鐵木兒嶺

校獵秋初罷。回鑾雪乍零。雲峯晴晶晶。風磴曉泠泠。
換景供吟筆。收圖入畫屏。万株枯樹頂。獨愛一松青。

重過唐山營

去日村村翠剡堆。歸時碌碌廣場開。天教朔野西成早。

較前寒色一裘霜更工

又待君王射兔來。

發波羅火屯至藍旗營

劍分一嶺隔西東。自駱駝嶺東北爲校獵之區其西南則山莊也半月風光迥
不同。沙磧人歸黃落後。山家烟起翠微中。年豐障塞秋
先穫。水落浮橋路盡通。誰信古來甌脫地。築場樊圃入
幽風。

自星龕岩歸至烏城道中重見霜林酉君有詩

再次前韵

過眼當搖落。繁華又一時。地非千里遠。候較兩旬遲。瞭
日晨猶麗。烘霞暖更奇。黃留將雪景。紅發未霜姿。秀拔
多喬木。輪菌乏醜枝。似燒原上火。愛映酒邊旗。猶憶衝

炎去曾經緩轡隨綠陰晴借爽潤色雨添滋忽換登高
屐來題看葉詩含情如見待有信不吾欺榮悴天難主
妍媸分各宜本非松與栢那免受風吹

九月十四日烏城旅舍連接諸弟諸兒兩孫八
信口占一律

燈花如穗吐烟煤果有家書出塞來三處豈應同日發
入函却喜一時開勸餐兄弟憐年長到眼兒孫抵夢回
爲報老懷殊不惡地爐檀帳撥寒灰

重陽後十日入古北口

踏徧雲中雪外山敝裘重脫柳重攀寒花過節如迎客
朔雁先期已度關官馬散隨黃犢卧戍兵秋較老農閒

誠之云是盛時邊塞景象

勞生屬有駟馳分默數三年六往還

石匣城南村民有駕牛墾田者上駐蹕親履

田間扶犁行百餘步一時觀者万人咸謂

聖主重農勸穡至意真千古所未有臣身叨侍

從自覩盛事恭紀二十韻

雲捲三秋稻霜清百頃陂君王除警蹕郊甸正鉉基

近接鸞輿過群瞻玉趾移羽林分仗立耕叟執鞭

隨龍見天垂象牛馴帝解縻沾犁皆雨露被隴即京

坻久悉艱難意重蒙疾苦咨事傳千載盛恩豈一夫

私自昔豐穰慶嘗聞史冊垂紺轅曾屢駕黛耜亦頻施

千畝周官籍三推月令儀大都修典禮已謂致恬熙幾

誠之云流轉處可法

見勤民。主行當省歛。時西疇躬自蹈。田器手親持。積厚培尤力。居高履愈卑。九州胥樂土。萬乘是農師。擊壤歌相勸。吹豳繪總宜。人歡聲動地。風遠播爲詩。作所陳無逸。釐成付有司。小臣慙頌述。振古孰如茲。

俞扶九寓齋賞菊分韻得時字

關榆塞柳別經時。一夕從君那得辭。衝雪人過重九節。傲霜花剩半開枝。寒香泛夜差宜酒。病眼經秋漸怯詩。記取燈前論聚散。明年相憶在東籬。時余將請假南歸

題張研齋前輩桃花流水圖小照

時在西苑直廬

北風夜狂轉冬律。墜葉堆墀寒瑟瑟。生綃忽展橫幅圖。暖氣春回映簾日。垂楊夾岸水沒篙。碧色染透胭脂毫。

晴霞燒空半天赤。點出万株深淺桃。玉堂學士神仙客。每到花時懷舊陌。鷺鷥翹足鷗刷翎。下有鰕魚長一尺。船頭舉網船尾炊。何如斫鱠留蓬池。披圖空看畫中景。對鏡微添頰下髭。我昨南帆經古皖。棹入樅江春過半。至今清夢繞龍眠。三十六峰紅不斷。可憐此地不相逢。却在雲窗霧閣中。青筠綠篔何日辦。且教閒處付漁翁。

敬業堂詩集卷三十四

海寧 查慎行 悔餘

西阡集

起丙戌十月
盡十二月

凡詞臣請假葬親者例移吏部須六年俸滿方與彙
題余自癸未入館申申授職通計前後歷俸未滿四
年丙戌秋杪隨 駕歸自口外於直廬冒昧陳情叨
蒙 聖恩俯允所請誠異數也回思先母見背已三
十五年先君棄養已二十九年矣長恐溘先朝露負
土無期今乃得買地西阡歸營大事吾子若孫履斯
阡也當念貧家葬親之不易益感 聖朝卹下之深
仁則茲集所留特涕泗之痕而已

恩賜白金二百兩恭紀十韵

竊祿清華地。恩湛露天朱。提頒少府白。鏹逮微員。
優倍三年俸。榮踰萬選錢。貺非金穴比。旨自玉堂宣。
重馬歸時載。空囊補處穿。春衣還質庫。客座設青氊。暴
富隣翁問。長貧爨婢憐。每持清白誡。望子孫賢不敢
辜。君惠行將置墓田。孤生餘頂踵。感涕為光先。時先人尚
未營葬。將以
賜金買地。

乞假葬親南歸 睿賜騾馬二匹恭紀二十韵

連騎東朝出。輝煌照路岐。來從蒺藜苑。產自渥洼池。
騾馬名雖別。龍麟種並孳。漆光明似鑑。騾色純黑紫燄潤無
疵。馬色純紫抖擻塵沙淨。開張骨骼竒。八蹄行互舉。雙尾立

交垂共飲無踈齟。同槽免繫維。曹韓師畫理。湛岳比妍

姿。東坡詩馬中
甚岳有妍姿天廐方登用。房星忽下移。聯翩驚異數。

蕃錫荷恩私。臣本駑駘質。生逢特達知。昨來衣白

袷。今去鞚青絲。屬有駟馳分。真當愛惜騎。芻茭慙厚給。

鞭策敢輕施。每憶重經處。寧忘徒步時。雪深東郭履。寒

勒灞橋詩。歸徑逡巡識。旁人指點疑。力衰輸盛壯。心在

莫追隨。數齒殊多感。齊衡轉自嗤。長鳴同戀主。臨發

又遲遲。

將出都留別院長及同直諸公四首

有生長恐負。君親白首清班忝。後塵蘭畹草。生聊自
託鳳池鷗。入亦相馴關門柳。色三經夏苑路。花光四及

春總是 恩波最寬處就中容得濫竽人

窀穸先人久未營隨身挈涕每縱橫微官敢作歸田計
聖主能憐負土情篋有 賜書裝不薄囊惟襍被累差

輕只慙驚鈍宜長放尚與驂騮逐隊行去年九月 皇

年十月 皇太子賜驛馬二疋院長亦曾惠馬故及之

勿論解組與彈冠直爲 天高仰報難情重繞朝新贈

策夢深星瀨舊投竿 九重禁闥深巖地七品年勞本

分官倘許衡茅專一壑猶能曝背話 金鑿

得歸未掃舊巢痕用東坡詩中意去住心孤但自捫列宿回瞻

天北極單車獨赴國西門檀溪屋老將誰主粟里田蕪

尚有村長羨真鴻在寥廓不曾輕受稻梁恩

與潤木別於彰儀門外

自我住京師五年裘換紵名成時已晚 恩重歸敢遽

子臣虞兩負方寸亂徐庶請急太匆匆痛深創寔鉅親

亡未克葬貧到傷心處追憶初喪時悲端非一緒汝時

尚角州至性本天具今來強仕踰將伯寔堪助同歸苦

未得時弟亦欲乞假而未遂 万事料難預送我出修門殷殷戒徒

御我行營大事家督難自恕饑凍固其常兒孫何足慮

來騎蹇驢來去駕柴車去風吹日杲杲飄散蘆花絮灑

淚各無言哀歌聊自叙

晚抵良鄉

近畿積雨後大道成塗泥舊時攔馬牆今作蓄水堤眼

中有岐徑。涉足恒恐迷。正賴孤塔高。前行辨東西。西南來者誰。子賓從相排。擠光輝。溢路旁。簇簇千輪蹄。倉卒爲引避。我車若雞栖。

早過涿州

曙色朦朧十里橋。城端雙塔聳峯峩。堯層冰欲裂。風何橫。濃日如熏霧。忽消新闢河。淤半蕪沒。舊攀沙柳尚蕭條。出畿便是田園路。南望三千未覺遙。

五更發高碑店

久作京華客。鄉程夢易迷。分明茅店月。猶誤早朝雞。

食安肅菜

老夫居貧曾種菜。露韭霜菘成替代。竭來竊食大官厨。

百甕黃虀剩餘債。歸程晚經安肅縣。一碧環城雪初蓋。流涎大似逢麩車。願朶腸鳴難久待。頃筐雖乏園官送。求益何妨擔夫賣。銀刀削葉土銼烹。柔滑清甘美無對。花猪肥豎真堪唾。野飯村沽差足配。家童相顧旁愕眙。不信主人心篤愛。我願當官知此味。脫剝毋爲里閭害。又願民間無此色。春社祈年秋報賽。菜畦不蠹田不蝗。過客盤餐聊一快。

渡三义河沙滋唐三水合流於此

百里平陂際白沙。滋唐兩派匯三义。樹頭小扇風旗影。舊識中羊村名賣酒家。

重入束鹿境宿清官店先寄兒建十二韵

上谷南來少戍墩自張墩以南道旁無墩天寒日薄易黃昏重穿

野水平沙路又宿柴門老樹村地遠郊圻殊僻左人隨

歲月劇驚奔遠迎何敢煩丞尉黃丞趙尉至此相迎再到惟欣長

子孫顧我便能偕隱否問渠可有去思存時兒建循例量移將離任

矣一家飽暖踰初望百里絃歌盡國恩捧檄當時聊

自慰折腰今日且休論仰邀天幸年頻稔下賴民淳訟

少寬成就汝為無過吏保全家是舊清門雖無餘力營

三徑已忝廉名達九閣酒盞久拋思共把燈花何喜

遽能繁明朝飲馬滹沱側好對清流驗鬢痕

乙亥秋與許霜巖同過深州忽忽十二年矣重經此地題壁依然時許遠宦滇南口占寄之

歲之云妙句

飛鴻一散天南北指爪痕從壞壁留惆悵城南獨吟客

夕陽隨影過深州漁洋句滿路槐花出故關似更勝

饒陽道中作

我前冬日暖我後北風狂向背苟異宜一身判陰陽矧

乃別形體疾痛焉能詳造物豈不仁饑寒盈道傷目存

力匪逮惻惻中自傷

曉發河間黃昏抵大城縣

瀛海東來路漫漫百里長田荒薪比桂潦退鱸如霜牛

跡迷朝霧鴉聲散夕陽誰憐畿內地經眼有蒼涼

奉謁座主少宗伯許公於大城官署敬呈二律

一城斗大控河壩析木遙從天漢連永賴渠成傳万世

暫勞公出已三年。時子牙河堤告成報績不遠矣棠陰樹樹堤邊柳。膏澤村村葑上田。漳滏滹沱皆底績。不曾輕費水衡錢。秩宗兼職領司空。畿輔行看奏禹功。憶送檀車衝朔雪。重來冰署坐春風。何人愛士同迂叟。從此歸田望醉翁。準備籃輿候三徑。先傳鄉信到江東。

曲路店遇吳元朗

去國非初約。相逢泪一揮。余因營葬出。君亦帶星歸。時元朗丁衰柳催蓬鬢枯風裂布衣半生知己分到此倍依依

大風抵張夏戲題旅壁

四幅帷裳巧障風。到來村巷聚兒童。此中閉置疑新婦。

一咲那知是老翁。

崗山栢

戢戢排行欲及千。黃楊小厄故依然。廿年野火荒山道。看爾幾成劫後仙。

長清山行

曉露趁殘更。荒雞失次鳴。嚴霜升井氣。落木走風聲。澗道衝沙聚。山牆疊石成。大都生瘦俗。磊塊總難平。

泰安州題壁

少負狂名老好竒。逢山興發尚淋漓。如何十度城南宿。不敢輕題望岱詩。

長至日山左道中即目書懷二十四韻

一線添歸日。初陽放曉晴。細泉冰底咽。枯草燒餘萌。土瘠逢人問。年衰換節驚。滿前憐凍餒。卽事歎淒清。此地初荒旱。相傳半死生。至尊憂獨切。當事責差輕。足陌千緡給。留漕萬數盈。不教移積粟。專欲活殘甿。碩鼠成羣聚。哀鴻四散鳴。民貧寧樂禍。官賑特空名。受爵能無愧。增階竟冒榮。牛羊難問種。雞犬乍聞聲。正使流亡復。懸知疾苦併。如何經儉歲。尚爾廢深耕。聖飾郵亭麗。修治平聲道路平。戍旗雙隻堠。墟落短長程。僅免追呼擾。幾同力役征。辛勤偕婦女。率作及兒嬰。望幸心雖結。安巢計未成。皇仁終見憫。吏治亟宜更。自笑犁鋤叟。來隨商旅行。何曾受芻牧。直是惜嫠嫠。暖律回鄉夢。寒灰付

宦情所祈年穀熟。終老卧柴荆。

羊太傅故里

班書源可考。系出泰山羊。世已經千載。魂應戀故鄉。功名論際會。氏族閱興亡。峴首沈碑後。何須感歎長。

新泰城南望鰲山

孤峯截斷連山脈。大似人間獨立人。地湧雲根浮縹緲。一名青雲山天生石骨瘦嶙峋。仰瞻泰岱旁無附。平揖徂徠近作隣。不用多生閒草木。免教榮落改冬春。

旅店食雉兔作

頻歲叨陪獵。秋田雉兔肥。中官馳馬賜。侍從掛鞍歸。北上何年再。南京此味稀。經過慙野饋。寂寞慰朝饑。

蒙陰城東十餘里地名城子莊壬午初秋曾一
飯於此水旱之餘居民百餘家轉徙殆盡惟舊
時逆旅主人在耳感歎不已紀之以詩

敗茅頽壁兩三間百室漂流偶一還記得往年題句在
豆花棚下看蒙山

抱犢詞

桃墟道中見一老叟抱
黃犢騎驢而行戲作

東村牛旣秋不熟別向村西買黃犢買成抱上蹇驢騎
驢尾稀如翁髻禿驢今馱翁復馱畜步步施鞭毋乃酷
人情厚薄從古然或加諸膝或墜淵

古明鏡詞

見道旁醜
婦而作

人間有真色嬌者顏如蓮東家欲效之紅白調朱鉛衆

方賞塗抹羣謂醜者妍好女不自明詎藉旁人憐妍媸
果若從人定何用團圞鑄明鏡

沂州出山

沙淺沙深窅復坳一行疎樹帶烟郊山經齊魯青纔了
馬渡泲沂碧未膠小圃重樊因枳棋浮橋粗就賴蘆茭
經旬尚滯黃河北漸喜魚羹入客庖

淮北聞雁

風急霜清欲渡淮數聲客夢鷺驚回與誰好作江湖伴
東坡詩我衰寄江
湖老伴雜鶯鴨
憐汝亦從邊塞來殘月曉催千片落
長天寒曳一繩開蓮房菰米沈波後集澤群多亦可哀

夏秋之交淮
南北皆被水

從宿遷登舟連夜渡河

勞筋貪暫息。買棹聽漁歌。漸與江淮近。自然鴻雁多。涸沙無斷岸。急浪有盤渦。忽報晨冰合。吾舟已渡河。

黃河中流見月出口占一絕

誰謂河流濁。吾疑徹底清。一眉殘月影。鏡裏看初生。

發清江浦二首

南來步步遠。風霾川路晨。征一倍佳。竹筵蒲帆渾不用。櫓聲如雁下長淮。

編蘆縛荻聚成堆。大舸多從江外來。試問老堤堤畔柳。年年辛苦爲誰栽。

重晤大司農徐浩軒先生於淮上二首

邊風朔雪灑重裘。猶記鋒車一夕留。却到淮陽冬候暖。

滿窗紅日話中秋。

中秋前先生復于柳林口行帳中

命至塞外盤桓半日

河堤本是司空職。計相重乘使者軺。館閣人情久延竚。

江湖粗了合還朝。

先生以大司農兼翰林掌院教習庶常似不應久于外故云

張運青先生見餉食物遣人遠致于四十里外

以詩奉謝

見說官廚儉淮流。孰與清於公無媿色。餉我見真情。追送煩郵使。分嘗徧老兵。道旁傳異事。此客勿相輕。

寶應雨泊

冒雨衝泥取次行。多年不聽滴蓬聲。此聲好是治聾藥。老耳孤燈分外清。

曉晴發寶應喜得順風先寄德尹揚州

安宜城外雨餘天。晨旭初生血樣鮮。湖似貫珠行不盡。
秦少游詩高郵西北多巨湖纍纍相連如貫珠雲隨飛鳥勢爭先。離心各抱三年外。短夢難禁兩日前。一事報渠差快意。好風添送順流船。

掛帆行六十里將抵界首風勢轉狂小舟不敢

下閘戲成二絕

閘口狂風撼柁樓。隄邊驚浪聚浮漚。何妨暫作須臾住。只笑荒灣遇石尤。

石尤風緊人知避。我獨逡巡避順風。不謂有風行不得。掛帆何必急流中。

高郵道中

北風吹折菰蘆蘆。四無頃畝純浸湖。周遭三十六陂水。中置一城形覆盂。
蔣之奇詩中間可以置城隱然高阜如覆盂城頭角聲曉如訴。城外人家半漁戶。我來正及積潦收。但見飛鳧導前路。買魚射鴨值幾錢。所愁米貴廚無烟。水鄉作客大不易。嗟爾居民誠可憐。

大雪夜泊瓜洲二首

茱萸灣北晨沽酒。瓜字洲南夜泊船。我自只如常日醉。人言風雪滿江天。
山谷詩我自只如常日醉滿川風雨替人愁歸途未免防冰雪。一月晴和竟似春。今日漁簑堪入畫。天公原不薄歸人。

雪後渡揚子江

廿里風程一霎間。海門晴色帶潮還。白頭浪裏參差影。看盡江南雪後山。

舟過丹陽有感於范堯夫事漫成一律

郵籤朝過曲阿城。又是江東第二程。一刺投名羞俗態。十年爲客見人情。當時已少郭元振。故友誰如石曼卿。預遣家書刻歸日。兒童不用遠相迎。是日遣老僕先歸

三十年來舟過無錫。未嘗再游惠山口。占解嘲來往如梭。三十年不曾重酌德池泉。他時終作法雲老。償取平生未了緣。

膠山在無錫縣東四十里。九域志云山南有梁

蕭侍郎故宅今無可考矣

蕭蕭雁鶩鳴枯蒲。南朝侍郎宅有無。膠山漸近惠山遠。中隔芙蓉一片湖。

渡尚父湖晚抵虞山二首

烟村雨浦遞灣環。忽入澄湖杳藹間。常愛大癡橫幅好。不知粉本在虞山。

長松高下蔭坡陀。老柳參差蘸碧波。咫尺吳門風景別。山塘十里稻堆多。

過錢玉友河亭話舊二首時已收身奉佛但未廢飲耳

團蒲旁着一龕燈。韁鎖中無杜伯升。事見東坡詩長恐入門

遭痛棒對君吾是啞羊僧
不愛天花作道場。方緣消盡酒難忘。白樂天有何處難忘酒詩從今
方丈維摩室。添辦清香祀杜康。

與許暘谷時許初自山右歸

一咲還家未覺貧。奉承堂上白頭親。可憐我亦稱人子。
負米歸來晚爲身。少陵詩負米晚爲身每食臉必泣

西阡雜感五首

銜恤三十年。今方卜城域。有身彌自痛。負土假人力。

其二

兩山如玦抱一水。縈紆注落葉滿西阡。別家墳上樹

其三

坡陁非丈五。馬鬣是新封。小著樊籬護。須防鹿觸松。

其四

墓田故無多。又占數間屋。庶望子孫賢。既耕且還讀。

其五

一門四兄弟。去住難自主。丙舍幸已成。神傷對牀雨。時潤

木乞假未得

除夕與德尹信菴守歲二首

駮雞筍酒餞殘年。餽歲鄉風自昔傳。不爲盤餐營口腹。
老來情味合歸田。

家貧未免思游宦。及至成名累有官。畢竟商量何計穩。
白頭兄弟一堂難。

駮都昆切去畜勢

誠之云其極便似樂天

迎鑾集

起丁亥正月盡一年

丙戌偪臘抵家營先人塋事畢將於西阡築舍爲
休息計會 天子閱河南巡在籍臣僚例應遠迎
明年正月買舟渡河隨 鑾自淮陽抵江寧至蘇
杭五月初於高郵送 駕再展六月之假乃復歸
里通計一年中息肩不過二百日懶不作詩僅得
如干首

園梅垂放而主人將出門口占一絕

冰雪禁繁葢莓苔裹老枝吾閒猶未得不謂爾開遲

錢玉友有見寄長篇極論作詩之旨終以傳世
相期許兼承不朽之託連日阻風虎丘舟中無

事賦此奉訓

吾觀工畫人胸本蘊丘壑雲烟資變幻山水赴脈絡又
聞國手碁惜子不輕落翻新布奇勢全局如一著良醫
去成見因病施方藥巧匠先量材運斤乃盤礴羿射無
詭遇騶琴有醴攬高僧厭苦空八棒解拘縛老仙出狡
獪九鎖啟橐籥惟詩亦云然衆美視斟酌神功須力到
佳境豈意度人皆信手成孰肯苦心作同心得錢子洞
見非隔膜惜哉方逃禪此道付糟粕偶然一吐露萬象
互醜酢足知精進幢隨事無退却投篇過推許不量余
所作平生知己分夙昔慎唯諾寧待遲暮年重爲不朽
託君其益自愛藏藁手親削

玉友近編所作詩
九卷名撫雲集

夜泊京口

誰信勞生有路難。山川猶作故鄉看。風翻石壁連城動。
潮滿江船出口寬。細火一星疑遠市。重裘二月尚春寒。
東君不管梅花信。任向高樓笛裏殘。

奉和座主相國澤州公吳橋道中見寄之作敬

次原韻

時扈
蹕南巡

浮浮薊北烟。曖曖江南樹。聞公陪輦出。延佇几幾度。早
梅已飄香。繁杏亦修嫿。惟占燕雀喜。詎觸蛟蜃怒。挂席
下清淮。馳情快前遇。詩高有孤唱。興愜無長路。絮暖茱
萸灣。風輕桃葉渡。舊遊吟未足。更向湖山去。

院長揆公出都時亦有詩見寄清江舟中出以

索和奉次原韻並簡唐東江考功

清音天半落松杉。吟傍仙舟響亦凡。夜雨一篙平岼水。
春蒲十幅渡河帆。不辭醉咏花歌帽。預擬題襟墨漬衫。
爲報東江老居士。速馳詩遞荅來函。

揚州城外觀燈船和友人韻二首

琉璃一片映珊瑚。上有青天下有湖。岼岸樓臺開畫錦。
船舫絃索曳歌珠。二分明月收光避。千隊驪龍逐仗趨。
不爲水嬉誇盛事。萬人連夕樂堯衢。

錦纜朱欄綵鷁群。滿川春暖氣如熏。倒窺銀海千枝燄。
迸散金波五色雲。雁齒初裝虹有暈。魚鱗不動水無紋。
君王到處皆勤政。猶自宵衣坐夜分。

題湘雨禪師宙亭詩集後師乞余作序故落句
及之

九僧歿後名僧少今見詩中第十人傾倒盃囊千斛水
洗空衣裊七條塵秋田領鶴精神爽春谷聞蘭臭味親
不敢與師多作序欲離文字證前因

初登金山

齋鐘浴鼓平生夢垂老方成扈蹕遊忽聽潮聲分兩派
信知樹影在中流千檣雲霧浮孤墻三島樓臺聚一漚
終脫朝衫穿野衲卓菴閒地幸相留

清明喜霽再登金山同院長作

片颿重過潤州城曙色東來海氣晴千點桃花一江水

妙高峰下作清明

雨後隨 駕發龍潭抵江寧

晨隨羽衛發龍潭雨氣初收日色暹驛路馬嘶泥滑滑
野田雉雊麥漸漸六朝烟柳攀嘗岍三月風花賣酒帘
擊壤吹幽聲一槩尚煩 停蹕問茆檐

隨 駕謁明太祖孝陵恭紀十二韻

明祖山林在 天家祀典昭千官隨虎旅 萬乘駐鸞
鑣風雨東來近江關北睇遙石城蟠脈厚靈谷蓄泉饒
狐兔何曾窟松楸竟不凋運雖經鼎革 詔特禁芻蕘
下馬坊猶聳稜恩殿忍燒遺民安率土 聖主念前朝
本以仁除暴還同舜紹堯統傳心有契社廢廟無祧陵

戶煩增置神宮儼舊寮。霸圖卑六代，園寢任蕭條。

院長見贈大篇過蒙推獎次韻奉酬

騷雅本正聲，沿流乃盡變。前賢不苟作，寸錦勝匹練。自從篇什繁，觀者目易眩。公才擬日星，有作万人見。圭璋既特達，氣類必引薦。賞奇神有交，嗜善誨不倦。手持大圓鏡，盡攝諸方彥。高談折深源，小智窮曼倩。伊余好吟咏，宿昔弄柔翰。鴛駘百舍趨，追驥不及半。人言桃李春，自顧桑榆晏。雄辭荷獎借，照眼驚璀璨。穆穆被清風，嚶嚶發將旦。和章如草木，披拂聊供覩。

自葑門至崑山舟中作

鯉魚橋外綵旗斜，乙未亭邊鼓笛譁。六十四涇烟水色，

半隨

鳳舸泛桃花

鯉魚橋乙木亭皆在葑門外見丘與權築塘記六十四涇詳吳郡志

中

立夏日吳山寓樓偕竹垞朱先生及鄭息廬馬衍齋素村家德尹為櫻筍之會竹垞有詩和荅

一首

夏木陰中夏日長，小樓西面吸湖光。簾櫳昨夜猶春雨，花事今年偶故鄉。佳節重逢知幾度，白頭一咲抵千場。朱櫻紫筍家園味，容易山廚得飽嘗。

雨中隨 駕泛舟西湖次院長韻五首

看山曾向雨絲中，青苧竿頭弱柳風。今日船從天上坐，亭臺不與昔年同。

戶煩增置神宮儼舊寮。霸圖卑六代，園寢任蕭條。

院長見贈大篇過蒙推獎次韻奉酬

騷雅本正聲，沿流乃盡變。前賢不苟作，寸錦勝匹練。自從篇什繁，觀者目易眩。公才擬日星，有作万人見。圭璋既特達，氣類必引薦。賞奇神有交，嗜善誨不倦。手持大圓鏡，盡攝諸方彥。高談折深源，小智窮曼倩。伊余好吟詠，宿昔弄柔翰。駘駘百舍趨，追驥不及半。人言桃李春，自顧桑榆晏。雄辭荷獎借，照眼驚璀璨。穆穆被清風，嚶嚶發將旦。和章如草木，披拂聊供覩。

自葑門至崑山舟中作

鯉魚橋外綵旗斜，乙未亭邊鼓笛譁。六十四涇烟水色，

自葑門一里河半乙木亭木字花

鯉魚橋乙木亭皆在葑門外見丘與權築塘記六十四涇詳吳郡志

立夏日吳山寓樓偕竹垞朱先生及鄭息廬馬

衍齋素村家德尹為櫻筍之會竹垞有詩和荅

一首

夏木陰中夏日長，小樓西面吸湖光。簾櫳昨夜猶春雨，花事今年偶故鄉。佳節重逢知幾度，白頭一笑抵千場。朱櫻紫筍家園味，容易山廚得飽嘗。

雨中隨 駕泛舟西湖次院長韻五首

看山曾向雨絲中，青苧竿頭弱柳風。今日船從天上坐，亭臺不與昔年同。

沿隄畫槩愛徐行。但換橋坊不改名。水墨圖中天一色。鷺鷥幾點去分明。

澄波何處著纖埃。寺面多從鏡裏開。放鶴亭邊聊一憇。居僧猶記探梅來。

搖曳垂楊淺水灣。心隨魚鳥欲忘還。裏湖行盡外湖出。又露西南兩角山。

老去論詩敢自豪。從公遊興尚陶陶。袖中攜得西湖去。十幅吟箋勝薛濤。

昭慶僧樓同年佟淵若學士步月見訪

滿川烟火氣熏蒸。誰解敲門問老僧。多謝同年能見訪。上樓初點佛前燈。

是夕湖舫烟火最盛

和淵若學士西湖雜咏四首

短牆高閣俯層瀾。中有幽人洗眼看。漫道放船隨處好。

烟波終讓外湖寬。

時淵若寓段橋外

雙鳩啼雨又連朝。濕翠濛濛隔岬遥。好片蘇公隄畔柳。曠人騎馬渡虹橋。

賀監狂名老在無。酒船一櫂未應孤。心知不及閒鷗鷺。拂雨翹烟占此湖。

四圍圖畫本天成。三面雲山一面城。多少才人吟不盡。尚留佳句待先生。

雨中過南湖訪老友盛鶴江二首

幾梢新竹透籬根。一片蒼苔印屐痕。六七年來閒不出。

感君爲我特開門
烟雨迷離又一春
舊遊如夢亦如塵
萬緣消盡詩名在
猶替南湖作主人

隨 駕重至虎丘寓直仰蘇樓下

好片生公石重來似十洲
爲逢僧話舊猶認仰蘇樓
聞兒建到家之信

爲貧而仕全家出末路何堪久別離
書卷拋來飽魚蠹
田園荒後長榛茨
急流自信差能退
廉吏誰云不可爲
比似遷官還校喜
燈花爲汝報歸期

吳門舟次喜遇潤木假歸

誰傳遠信自京華
聞汝歸程漸有涯
驟見尚疑俱作客

昨歸翻怪不同車
半年冰雪愁爲減
一飯江湖勸互加
錯料老夫詩是讖
白頭兄弟盡還家
予去年除夕詩有白頭兄弟一堂難之句故云

重酌惠山泉

千章老樹蔭滄泓
不忝茶經第二名
急借匏尊蠲久渴
旋敲石火試新烹
僧無吝色從多汲
客有餘甘爲一清
挈得餅罌須穩載
免教地主累張衡

奉謁侍讀秦公於寄暢園敬呈五章

石龍噴沫轉堦除
平碧中涵萬綠俱
信是有源能不竭
芻分一派給僧厨
合抱凌雲勢不孤
名材得並豫章無
平安上報 天顏

喜此樹江南只一株園中樟樹一本乃數百年物上嘗傳問此樹無恙故云

山光水色盡沾恩風月兼留雨露痕堂中有山光水色松風水月諸

額皆十餘年來筆屢次題賜者御頭白村翁傳盛事鑾輿六度幸

名園

德門子弟媿荀陳再見瓊枝玉樹新謂洛生喬梓却笑平泉

空作記世家難得是文人

韓公文體杜詩名謝傳家聲白宦情四海只今無執友

從遊應許老門生辛酉先生典試江西廬陵彭公是科所得士慎行癸酉舉京兆又出彭公

門下例得稱門生

麥秋

桑疇宜暖麥宜寒宵旰憂勤亦少寬親見江淮民樂

業清和天氣好回鑾

邵伯埭送駕後歸舟即事二首

埭南埭北鱖魚肥斗野亭邊興不違說與故人應惜別

千帆送盡一帆歸

高寶中央地最低秧針浮水水浮畦露沙雨足牛蹄健

萬頃湖田盡架犁

與德尹自揚州連舫渡江

梅花開後草堂前準擬春來共醉眠此福兩人消不得

半年五上渡江船

入夏苦旱六月十五早偕鄉人禱雨烏龍井步

至菩提山真如寺二首

淡月朦朧般若臺沈沈海岸蔽黃埃可憐我本無田者
足甕荒山乞雨來

臯蘇遺廟在巖阿

潛說友臨安志云鹽官縣東七十里
有烏龍井廣四尺深七尺冬夏不竭

相傳臯蘇二將軍逐黃巢死於此因祠焉紹興十
年歲旱禱雨即應勅賜濟福廟額在寺南六里古井

年深不起波好笑兩三垂白叟便思泥首致滄沓

耳聾

五官初廢一萬竅為收聲絲竹吾何與雷霆衆自驚少
聞差省事多笑豈無情社酒如堪治明年試聽鶯

十月十七日病起過鄰僧融然房看菊

閒僧仍種菊病叟偶還鄉物色憐寒蝶人情愛晚香開
遲經夏旱節爽似秋涼對此增怊悵吾家徑久荒

周濂溪先生家塾銅章一枚形製竒古其裔孫
歷世寶藏來索題句敬賦一章

道州崑起千年下聖學昭如揭日星遂使大儒承統系
猶留小器覩儀刑摩挲繆篆蟲魚古洗剔銅花翡翠青
不比還珠空寶櫃子孫長得護精靈

天竺詩曾文韋見過

夕陽影裏鴉投樹落葉聲中犬吠船久矣蓬門無剝啄
偶然葦岸有緣沿孤吟喜接金襴友一味能參玉版禪
時以冬筍見餉絕勝地爐煨芋在為師飽喫送殘年

敬業堂詩集卷三十四

敬業堂詩集卷三十五

海寧 查慎行 悔餘

還朝集

起戊子正月盡五月

家居一年展限已滿州縣敦迫就道勢難逡巡一術士
語余曰君欲試之其在壬癸之交乎余笑而頷
之既至都仍內直昔楊誠齋自江西名還陸務觀
有相賀歸館之作今集中所載朝天續集此其時
也後五年從江東賦歸果若術士言則余之退休
亦不遠矣

立春後五日清溪舟中大雪留別談未菴徐任
可十二韻

四野雲俄合。孤舟凍始消。東風鳴昨夜。大雪灑今朝。邂逅成奇特。斯須破寂寥。連峯胥挺玉。眾水畢趨苔。委浪疑鋪練。投村誤斷橋。微嫌經臘少。偏愛入春饒。亞白回梅眼。誇輕鬪柳腰。近人何脈脈。隨我太飄飄。吟對知才減。寒禁待酒澆。畫圖愁去國。蹤跡笑還朝。時余將北上便欺蘭蕙終須別。艾蕭溪山有迷路。長恐失漁樵。

聞少詹姪京邸訃音。時余方東北裝。先馳詩四章哭之。

忽馳家信入新春。凶問初傳或未真。共訝緘封纔偏臘。不知屬纊已經旬。兩宮遣問無虛日。一姓哀榮得幾人。屈指輻車定南下。空將老泪灑征塵。

早年同學晚同官。永訣俄從小別拚。去年四月杪與聲山別於揚州哭有餘哀何日盡。死無留憾古來難。層霄路近瞻雙闕。淺土年深痛兩棺。臯復有靈知不瞑。側身天地荷恩寬。

家門先後忝科名。臚唱同聽第四聲。遲汝八年稱後輩。

丁丑春聲山從庶常授編修。余授職在甲申冬月。相距八年。長余一月。禮先兄。余兩

庚寅生而聲山長余一月。上籍咸入社名相。亞廣受前奏帖及班次。余皆在後。故云。籍咸入社名相。亞廣受

還鄉夢隔生。從此孤踪蕙善病。菟裘知復幾時營。

推挽無端到不才。王程何處不追陪。每當宣喚慙臣

老。嘗蒙東宮名對。以特被恩。頒恤爾衰。丙戌十月

直上出人參一七發同朝皆屬望。三年一病竟摧頽。

斤命慎行費賜。

可憐烹鯉沈綿候。猶寄音書促我來。

過梅里為竹垞先生留一日

鄭重還山約。餘年準擬同。如何向岐路。又復轉孤蓬。過酒衝筵雪。維舟拍岸風。我衰公早白。告別敢匆匆。

虎丘花信樓與馬素村別

樓頭樹色已葱葱。樓外烟光薄未融。客況前遊前度夢。去年二月泊舟樓下五日乃渡江春程一雨一番風。綠蕪望極空濛際。白髮痕深聚散中。多感故人臨別意。揮絃遙送倦飛鴻。

丹陽即目

連檣芻有小車行。不斷伊鴉軋軋聲。夾岸坡陀帶殘雪。麥苗青上曲阿城。

重過高旻寺留別湘雨長老

茱萸灣口記停船。再叩禪扉已隔年。四海僧皈康寶月。三生人說杜樊川。閒投拄杖殘雲外。倦倚征帆落照前。等是有山歸未得。憐師還復望師憐。

雪後晚抵儀真

白沙一道走平川。野有耕犁步有船。方頃瓊田鋪宿麥。幾村茅屋起蒼烟。新泥滑路逢初霽。枯樹攀條感昔年。曾是阻風中酒地。老來情緒倍依然。乙亥秋從六合發舟阻風于此

江浦農家

江邑連年旱。為農詎免饑。牛羊誰是牧。雀鼠自能肥。野廢林廬在。城蕪戶口稀。眼看春社近。倘與燕同歸。

滁州看山

霧薄疎林晴曖曖。雪消幽澗響潺潺。曉來衝霧踏殘雪。愛看環滁面面山。

欲遊瑯邪山尋醉翁亭不果

征輪兀兀鬢催斑。誰遣勞薪不暫閒。咫尺西亭行不到。又隨春雁度關山。

土人呼清流關為關山

清流關

一綫飛流百丈清。洩雲歎雨落崢嶸。時平久罷中原戍。地險猶沿五代名。琴筑低昂因石勢。風濤起滅付松聲。瓦銚茶熟行人渴。只有閒僧管送迎。

磨盤山

勿論九折與千盤。涉足誰如此路寬。羊角旋風隨曲曲。磨牛陳跡轉團團。連雲取棧紆終到。峻坂迴車下最難。不是人間無捷徑。漸鴻原自喜盤桓。

池河驛

古驛千家聚。鍾離北望孤。河流近淮泗。山脈盡荆塗。客飮論珠貴。村醪計盞沽。明朝貪早發。前路入平蕪。

臨淮縣渡河

暴漲衝橋斷。孤城比石堅。中流聲沸地。別浦氣沈烟。渴虎憎關吏。饑鳥仰客船。渡淮魚米賤。隣壤接豐年。

淮北道中

隔岸草攔攔。人家綠映檐。泥中逢驛騎。樹杪展風帆。暮

檐字出韵疑當作檻

色遙天落春寒細雨攬故鄉行漸遠猶未換春衫

冒雨發皇莊入靈壁境泥淖甚深兢兢有失足

之慮車中口占

泥濘忽如許行行險且紆平生無闊步老去復長途不
少前車鑒誰為將伯呼短筇吾賴汝緩急幸攜扶

宿州村家有種栢作籬者戲嘲之

數椽曲木架茅茨雨打風翻大半欹多少荆榛寬束縛
屈將翠栢作樊籬

春寒

杏蕊稀疎菖葉短田家占候幾回過春光只似宦情冷
自渡江來風雨多

旅店食紅蓮米飯

見說太丘產紅蓮稻最良色疑新出水粒愛乍除芒少陵

詩除芒子粒紅浙罷解于染炊來軟更薌曾蒙天上賜往年隨

駕口外官廚曾賜食一飯愧私嘗

永城縣署與唐殿宣飲別

共作風塵吏聊追夙昔歡分攜頻改歲相勸一加餐酒
綠禁愁淺燈紅欲別難老深兒女戀直似故鄉看君之長子

余姪婿也余姪又為君婿時皆在座

道旁官柳一樹獨枯

同根連理枝一樣被風吹莫問榮枯意春工兩不知

商丘道上戲作兼寄同年宋山言二首

少治春秋老漸疑。宋都舊事記依稀。近來六鷁多爭進。
幾見因風稍退飛。梁園春半好風光。紅杏開隣宋玉墻。苦被時名牽率去。
一官頭白按書忙。

寧陵喜雨

客過中州愛物華。沙隨城外氣清嘉。轆轤轉井晨澆菜。
榻揆開田午種花。地產木棉土人但呼為花今其下種時也色映酒壚三尺
紵聲和牛鐸。四輪車空傳祀宋遺風。在喬木何曾屬世家。

贈正華長老并序

去睢州城北十里道旁梵宇俗呼鐵佛寺持住長老

榻廣韻作榻注云榻
鐵齒祀名

吳人也自言蘇州嚴墓李氏子少依巨德禪師記蒞
法名正華康熙庚申渡江北遊將赴五臺禮文殊瑞
像一夕經此坐道旁臥鐘下諦視則李正華姓名在
焉恍然悟前生之為行脚僧也茲地舊有佛廬明季
燬於兵火遂發願募化銖積寸累經二十餘年乃薙
草開林凡為殿四重莊嚴像設廊廡周遭僧寮及庖
湏之所共六十餘間仍以餘金買常住田二頃飯南
北往來緇衆今寺成而年老矣余覩而異之為詳記
始末并贈以詩

曾為行脚此經行。聚鐵依稀鑄姓名。重向荒村投一宿。
忽從古佛證前生。斧斯荆棘還初地。海湧樓臺現化城。

用盡萬金殘債了。結跏依舊聽鐘聲。

伯牛岡在杞縣城東。上有冉子廟地。非孔道行人罕。有過而問者。

垂鞭來問伯牛岡。田叟扶犁過我旁。指點人烟最深處。一村新柳似鵝黃。

重至陳留縣齋與許不器話舊一首

小許移官去。回頭十四年。乙亥秋許霜岩出宰茲邑邀余同來留此兩月故人今宦此古義兩殷然。種樹添新蔭。開池得美泉。重來娛老眼光景勝從前。

不料衝煩邑衙齋。乃爾閒簿書。神不滯交友性相關。却餽安余素居貧。諒汝艱。一杯渾暖熱。相顧慰衰顏。是日大風

寒甚

大雪暮抵開封湯西崖前輩留飲學署一首

二月梁園雪。春風特地寒。行防街路滑。到及酒升寬。物色符清望。交情稱冷官。庭花經手植。何惜借人看。

一代文章伯。中原桃李陰。青春聊作伴。白髮莫相侵。與國培元氣。於公識苦心。人知讀書貴。土價比黃金。

徐大來太守送黃河水

沐浴多鹽井。黃流遠不侵。兩牛煩重載。斛水抵兼金。澹泊知官味。清涼鑒客心。飲河還自晒。滿腹恐難禁。

雪後發汴城

三日大梁住。北風吹不休。朝來開霽景。擬上渡河舟。此

地多賢主。吾生感舊遊。吹臺桃柳色。臨老重回頭。

渡黃河

地勢豁中州。黃河掌上流。岼低沙易涸。天遠樹全浮。梁宋回頭失。徐淮極目收。身輕往來便。自歎不如鷗。

延津城北望太行山

河壩一小縣。傳是廩延城。野燒痕猶在。沙田廢不耕。民謠思樂土。客飯記荒程。指點鹽車路。千峰馬首晴。

早過淇縣

高登橋下水。湯湯朝涉河。邊露氣涼。高登橋朝涉河皆在城南行過淇園天未曉。一痕殘月杏花香。

渡淇水

昨日渡衛源。今朝涉淇水。出山雖異派。相望不百里。遊子中原來。黃流混混耳。忽然鑿毛髮。顧影落清泚。風塵有鬣顏。夫豈水污爾。從衰旋得白。正坐不知止。逝者方如斯。於何觀止理。寓形忌太潔。外垢庶可洗。

鄴下雜咏四首

湯陰城外千楊柳。密罩征鞍過相州。中有一株柔可愛。勸人繫馬拂人頭。

一賦何當敵兩京。也知土木費經營。濁漳確是無情物。流盡繁華只此聲。

頑礫粗礪少硯材。詞人陳跡散如灰。兩家搏土殊多事。曾範三臺舊瓦來。

一月寒禁幾信風初從河北聽靈露老夫準備看花眼
半日停鞭住鄴中是夕雷雨

雨後發豐樂鎮渡漳河

雷雨已過朝復暝早桃欲花烟滿村夢中似聞簷滴響
渡口微覺河流渾青山濛濛作雲氣白浪滾滾留沙痕
滏陽北望三十里舊事過眼從誰論曩與許霜岩過此有芰荷香裏到磁州之句

醴渠詩并序

磁州在漳滏二水間大興蔣侯來知州事始至相度
地勢慨然思復西門豹史起之舊謀於州之士民咸
慮勞且費侯獨違群議毅然為之醴滏陽河為渠以

灌城南北渠之廣不過一丈深半之曲折通流建閘
以驗盈縮旱潦有備蓄洩以時行之十年開稻田數
萬頃歲收數十萬斛初以為不便者後皆帖帖謂侯
之惠愛斯人惟斷乃成也侯名擢字試可余未識其
人過其境聞父老之言有古循吏之風焉作詩以俟
采風者

一州頓復西門績南北醴流引滏河綠樹成陰茅屋少
清渠夾鏡稻田多年深漸欲孳魚蟹利美兼宜植芰荷
他日誰裁溝洫志吾詩或可當絃歌

題邯鄲呂仙祠壁

百念全消一老夫神仙不信信浮屠直饒贈枕成何用

鼻息如雷夢已無

臨洛關

臨洛關前春水綠。草色平鋪接沙麓。戍人閒雜老農耕。拾得前朝戰場鏃。

自裕禪店騎驢至沙河

遙遙沙河城。晶晶堆坳白。驢耳露雙尖。驢蹄深一尺。

鴉拾粒行

牛前仰而犁。鴉後俛以拾。牛豈為鴉耕。鴉因牛得粒。農夫呵牛長苦饑。不如鴉群飽食東西飛。

渡泚水有感於張陳事

泚河直下常山郡。誰遣當年竟不流。此事終留交道恨。

萬屍填塹兩人仇

上已趙州道中二首

幾日冰開合餘寒。勒柳條。十日前中州已見杏花而邯鄲以北柳未全綠氣候之不

同如水濱遊女少。閒殺趙州橋。

平原留故里。牢落幾人家。客過誰澆酒。僧來且喫茶。

與張昆詒

時宰新樂

惠好自兒童。相看忽老翁。以君三歲長。與我兩心同。書畫性成癖。絃歌聲可風。桑榆須早計。歸路免西東。

定武道中

積雪春猶潦。連朝釋凍痕。鶯花何太晚。榆柳不勝繁。貫酒中山市。騎驢代北村。祇愁風色惡。回首太行昏。

堯母泉在慶都城南源發于平地四時不涸環
城數十里間居民頗獲其利

禹貢遺風奠壤先帝鄉耕鑿故依然繞城半食蒲荷利
源在南鄉一眼泉

道旁石碑稱堯
母鄉第一泉

保陽城西望落翮山

不斷羊腸麓東來万馬趨數峰銜落日此路出飛狐

狂風行

碧天杲杲日正中萬竅突發顛狂風塵沙湍勃晝冥晦
瓦礫旋轉隨枯蓬使人口吻不得張耳目成盲聾馬牛
來往紛憧憧問之不辨西與東是時三月初柳條舒綠
桃將紅胡爲噫此不平氣春行秋令毋乃違天公我行

邂逅偶相值墨守未易當輸攻心如混沌一不鑿外感
欲入何由通適來日無影適去塵無踪盡收衆籟入橐
籥仍以一寂還虛空

清明前三日重直 暢春園觀桃花二首

煖烟晴靄互交加散作高低遠近霞行盡人間冰雪路
又來天上看穠華

已逢蛺蝶未聞鶯閨歲春遲倍有情畢竟鳳城花信準
早桃開候近清明

同年王樓村招飲白丁香花下

我從鄉園來不看鄉園花輸君京洛住久客還成家一
株丁香香高卑趁檐牙曾經上番種旋發春來葩獨抱

冰雪姿亭亭遠塵沙良辰醉其下酒美殽核嘉夕陽轉
庭西人影花交加我鬢已半白君鬢亦漸華自然法眼
淨維摩經遠離塵埃得法眼淨不被紅紫遮為歡出邂逅所戒非窮
賒後漢仲長統傳論楚楚衣服戒在窮賒

閏三月朔與德尹同直內廷次東坡五月一日
轉對韻

冠壓華顛帶繞腰重來心跡負耕樵傲居未穩連宵夢
接武還同隻日朝上苑花開如見笑故人酒熟例相要
殘年果踐歸休約擊壤猶能頌帝堯

苑東移居與同年汪紫滄同寓紫滄有詩和荅
三首

近傍名園遠去郊無多屋宇半編茅春蠶慣作同功繭

癸未以後借紫滄下榻自怡園社燕來尋舊識巢景與征衫隨日換官

隨手板幾時拋卜隣絕勝清漳宅蛩駟相依剩素交

茫茫人海此居停萬斛風埃兩葉萍草色堦除晴不掃

槐陰門扇晝長局同槽廐馬無蹏嚙典謁家僮互使令

怪底羣情皆沾安君與我忘形

西苑鶯花幾閱看情伴直只三人暢春園向未有直廬癸未正月三日

余與聲山紫滄始奉名入直後遂為例何堪夢覺傷存歿或恐詩成泣鬼

神時家聲山甫下世所居即其舊寓也炳燭餘光銷晚境青雲岐路失前

因搏沙放手終同散東坡詩親友如搏沙放手旋復散敢向蘆廬認主

賓

同年佟淵若學士遊西山歸出示見寄二絕句
次韵奉荅

浮嵐暖翠望難分。忽枉新篇贈白雲。賴是愛山同有癖，
夢為麋鹿也隨君。

西山何似西湖好。欲問知章借馬騎。今日烟波重到眼，
去年曾和卷中詩。

去年春杪與淵若西湖唱和

題顧桓吳江送別圖為紀可亭學博賦

舟移碧草綠波岸。人別曉風殘月時。此景此圖誰會得，
江郎賦筆柳郎詞。

閏月十四日西苑送春二首

九十春光百五賒。綠陰陰處雨斜斜。多情裂帛湖頭水，

長替東風掃落花。

老去春遲願竟酬。多添半月踏青遊。人間何處無歸路，
也被宮鶯喚少留。

閏三月二十一日蒙 恩召入淵鑿齋乘舟至

瑞景軒蓋珠院露華樓。徧觀各種牡丹恭紀四

首

宣喚欣承異數加。高從銀漢泛紅槎。行陪閭苑神仙侶，
看徧春風穩重花。穠淡何心隨造化。丹青難貌是韶華。

先一日傳示牡丹圖譜

梅檀別殿分明到。只作華胥好夢誇。

艷極真宜過雨看。枝頭肅肅尚朝寒。盤盃向背開瓊扇，
瓔珞高低現寶鬘。白光中雲五色明。波濯處錦千端。

同年佟淵若學士遊西山歸出示見寄二絕句
次韵奉荅

浮嵐暖翠望難分。忽枉新篇贈白雲。賴是愛山同有癖，
夢為麋鹿也隨君。

西山何似西湖好。欲問知章借馬騎。今日烟波重到眼，
去年曾和卷中詩。去年春杪與淵若西湖唱和

題顧桓吳江送別圖為紀可亭學博賦

舟移碧草綠波岸。人別曉風殘月時。此景此圖誰會得，
江郎賦筆柳郎詞。

閏月十四日西苑送春二首

九十春光百五賒。綠陰陰處雨斜斜。多情裂帛湖頭水，

長替東風掃落花。

老去春遲願竟酬。多添半月踏青遊。人間何處無歸路，
也被宮鶯喚少留。

閏三月二十一日蒙 恩召入淵鑿齋乘舟至

瑞景軒。葢珠院露華樓。徧觀各種牡丹。恭紀四

首。

宣奩欣承異數知。高從銀漢泛紅槎。行陪閬苑神仙侶，

依淡何心隨造化。丹青難貌是韶華。

先一日傳示牡丹圖譜 梅檀別殿分明到。只作華胥好夢誇。

艷極真宜過雨看。枝頭肅肅尚朝寒。盤盃向背開瓊扇，
瓔珞高低現寶鬢。白日光中雲五色。明波濯處錦千端。

天工頃刻呈新瑞。點出靈砂九轉丹。

萬卉千葩未覺稠。掃宮老監記牙籌。薊林不斷通三島。

花海無邊際十洲。佳氣茵蔯蒸作霧。餘霞縹緲結成樓。

蓋珠一本尤奇絕。徑尺重臺兩並頭。

瑤階釵砌望迴環。映徹層層着色山。御譜新標題品

外花名凡九十餘種皆皇上新定佳名微別淺深間。心如草木春知

閨天並。君王霽在顏。一片爐烟成百和。袖中攜得國

香還。

寓庭槐

庭隅雙槐樹。手植知何人。自我來此居。婆婆忽經春。初
看兔目綻。漸布綠葉勻。高處稍出牆。密將遮比隣。以茲

尋丈地。無窮寓清新。千章豈不多。取蔭及一身。閱人如
傳舍。脈脈還傷神。

四月二日 恩賜櫻桃恭紀十韵

燦燦華林種。離離朱實香。孰常先夏果。貢不待炎方。磊

砢初垂樹。勺圓正滿筐。珊瑚駢火齊。沆瀣和瓊漿。露帶

枝頭潤。盤登葉底涼。鳥鵲珠愛赤。蜂釀蜜羞黃。櫻桃一名櫻珠

一名崖蜜昨憶西湖獻。去歲初夏上駐蹕今來上苑嘗。賜

珍蒙見及飽食。感非常。配筍厨空勅。探花宴屢張。唐時宰相

有櫻筍厨進士有櫻桃宴分甘誰得似長侍。聖人旁。

題孫書年松下清齋圖 孫善山水近亦供奉畫苑

自從月給官倉粟。辜負園中鴨脚葵。思作散仙猶未得。

更思成佛問何時

西苑 賜觀秧田恭紀十二韻

帝籍非千畝。農祥視一畦。初聞朱果熟。旋見綠針齊。料
節栽花地。開醜灌稻溪。自天知稼穡。率土動耒耜。檻
外雲生岫。簾前雨作泥。膏腴隨廣狹。脈絡就高低。刻刻
浮金淑。葱葱夾玉隄。好風垂柳下。斜日畫橋西。多稌占
豐稔。維魚兆畢圭。甸師行不到。勾盾典曾稽。入侶金鸕
鶒。歸尋木駃騠。自慙輸布穀。猶解勸耕啼。

四月二十七日 召入無逸齋看新竹恭紀十

二韻

地闢琅玕陽。天通箭栝門。烟霄連別苑。雷雨過前軒。藪

藪風開籜。洄洄水注根。移栽初尚淺。培護久能繁。惜筍
寧充饌。抽梢盡出藩。幾年成翠幙。一徑轉蒼垠。潤滴莓
苔砌。高扶薜荔垣。涼陰清有氣。新粉淨無痕。直節人皆
見。虛心道亦存。律堪調鳳吹。名豈愧龍孫。好報平安信。
休辜長養恩。親從天上看。不羨白沙村。

題王麟昭桐陰撫琴畫扇

暑殘涼早雨餘。天人坐桐窗。晝寂然。百尺清陰三尺水。
秋聲先上七條絃。

午日西苑直廬賦雨中榴花

小院盆榴樹。花時帶雨鮮。施朱何太赤。似火獨能然。白
髮違佳節。丹心感盛年。蒲葵方滿眼。此本定誰憐。

敬業堂詩集卷三十五

[Faint bleed-through text from the reverse side of the page]

敬業堂詩集卷三十六

海寧 查慎行 悔餘

道院集

起戊子五月
終十二月

道院即高廟中塑關壯繆神像因其地與
道院名寧邑人多寄寓余每歲必數到焉

余自甲申以後僦居城南道院者三年今春寓直
西郊五月 駕幸山莊避暑余仍回舊寓時同年
賀集洲沈岱瞻及家弟東亭俱需次入都樂數晨
夕遂定居焉安知後人不指此為浙西道院乎

重寓城南道院

壞壁留題在重來直似歸野鷗終自遠
舊來積水潭鷗
驚成群今水涸
無復巢燕復相依獨樹風吹急叢葵雨打稀
至者避炎宜塏
爽作計未全非

疊前韻與同年賀集洲沈岱瞻家東亭時三子
皆同寓

曲尺移牀臥分曹賭墅歸浮踪雖泛泛鄉語自依依到
眼青山近梳頭白髮稀杜門深自念五十九年非東坡

居之後杜門燒香深念五十九
年之非余今年恰五十九故云

小憇一莖菴與靜章上人

槐影落空庭晝長鳥聲樂我來叩門入濃綠淨如濯禪
牀聊閉目非夢亦非覺微涼何處生風動袈裟角

寄祝竹垞先生八十壽二首

當代龍門望不輕得官何必盡公卿風清李泌神仙骨
帝錫張華博物名研經博物御書
賜先生匾額也茗椀登堂無俗客

籃輿扶路有門生蟬魚不蝕長生字老閱巾箱眼倍明
自返初衣不記春十年鳩杖又隨身百分盞滿休辭醉
萬卷書多轉益貧荻火烹鮮鱸氣味松風吹長鶴精神
翛然出處行藏外要是江東第一人

趙价人乞東籬詩戲贈

君不識陶公而乃號東籬君又未識我來乞東籬詩我
雖未識君尚幸生同時陶生千載上知我與君誰譬如
夢中人此夢非彼知形開神或合閉目若見之孰謂淵
明心與君不相期我詩豈妄作成此一段奇

題同年詹允繩小照二首

射策成名已有餘百城高擁意何如石田佳句堪移贈

更讀人間未見書

萬卷傳家手澤新。五經腹笥自紛綸。也應留取餘光在，分乞去聲然糠鑿壁人。

秀野草堂圖歌次顧十一俠君原韵

王麓臺仿董文敏盧

鴻草堂筆意朱竹垞有記

某樹某水與某丘。曠懷往往消百憂。無端弓旌被繯鎖。坐對塵塼生牢愁。盧鴻草堂圖閱世已千載。十志並流傳其人儼如在。問誰好事供瀟洒。毋乃真迹留王宰。華亭最晚出樵本。發精采今之妙手繼者誰。摩詰前身應畫師。丹青一變粉墨骨。寫向尺幅尤雄奇。云是吳中小秀野。何斯佳境移於斯。堂中主人顧十一。結客論文兩

豪逸。百家汎濫流溯源。萬口喧傳名副實。我是當年入座人。淋漓衫袖梨花春。愛其披豁氣誼真。丰格彷彿餘先民。宴衍之樂非絲竹。水色烟光八窗綠。半酣颺沓風雨來。歎玉跳珠三百斛。辛巳初夏大雨中過秀野草堂坐客皆盡醉鐵崖老矣阿瑛貧。空巷閒拋薜蘿屋。可憐相見鳳城西。僦舍還同燕子棲。猶能折柬致朋舊。局促肯放詩名低。我詩胡足道。依樣葫蘆畫中藁。惟君癖嗜之。擘紙含毫共研討。留題慣惱麓臺翁。作記深慙竹垞老。吁嗟乎神仙富貴孰有無。默存豈必皆清都。夢中五岳巾箱圖。君歸來兮挾我俱。以神為馬。遽為廬一息。十反良可娛。賃春齷齪難久居。乃獨憐君屋上烏。

椿樹草堂月下分韻得侵字銷夏第一集

草堂無樹月無陰。但覺風生露氣侵。跌宕久嗟良會少。
踈狂終託故交深。閒消長夏宜甘酒。老傷清光耐苦吟。
從此京華比河朔。壚邊知費幾招尋。

初伏日集張天門前輩寓齋暑甚晚雨微涼

流金已是報初庚。誰耐銅街襪襪行。伏日人歸東閣早。
條冰銜署一堂清。風能却扇炎何有。雨解催詩晚竟成。
買得荷花兼買葉。碧筒留待夜深傾。

曉仙謠效溫飛卿體

蘋霞照夕騰。香氣丹樓絳闕五采文。蟾蜍流銀兔噴玉。
澹作淺碧魚鱗雲。西池宴罷瑠璃淨。杯面團團墮圓鏡。

露警花宮酒乍醒。紫文早奏馳名姓。天雞振翰來剛風。
俛聽萬戶膠膠同九州。大夢呼未覺海底忽躍跋烏紅。
龕鬚絳節凌虛去。隱隱笙璫動初曙。一鶴高飛何處尋。
羣仙只在朝真路。

天門席上分賦宣窰盤中果物余得文官果限
官字

甲拆終難透。勾尖幸自完。直同蘆筍淡。不比柘漿寒。細
剖分甘癭。同登秘色盤。文名差底用。一笑顧園官。

長林豐草吾廬圖爲林鹿原賦銷夏第二集

鹿原名字天下聞。鹿原非鹿乃龍文。雄姿壯不受羈鞅。
蹴踏往往空其群。世家嗜好通八分。楷法偶撫王右軍。

一目之羅魏舒射此事胡足以盡君然而受知徑以此遂釋塵褐于青雲日星煌煌懸御製目眩匆觀敢偷睨居然給札給諭縻染翰朝朝得瞻睇天生本性終難奪疏越么絃發孤詣為言吾自愛吾廬豐草長林海南滋問君結廬曾否成向人指圖先署名譬如驥驂負轅軛心縱欲往歸無程老夫曩客三山麓正值山頭荔支熟汝兄謂同導我入西禪冰瀉銀盆香剖玉而今道遠歎莫致畫餅寧堪飽饑腹不如棄置兩忘情且免騎驢度三伏珊瑚作鞭金絡頭幾時穩放華陽牛林深可投草可臥此畫便是逍遙遊

李簣齋招集聖安寺納涼得火字

銷夏第一集

縣字廣韻不收按梅
誕生字彙輯同縣

百蟲之長人為羸熱屬欲逃無計可况當九陌鬱蒸天萬甌烟騰塵堀堞連晨喜赴遠坊招似翼辭笈鏃隨笥聖安寺古洵幽寂湖柳村荒尤僻左主人未到但居僧眾客後來先揖我是早余初除鼠跡布禪榻旋掃蛛窠開殿鎖槐榆蒼翠滴苔磚鬼佛青紅填粉堞黃金鑄橘南曦斂空穴來聲土囊哆須臾雜沓履綦集餽飭駢羅肴核夥臨淄揮汗河朔豪物外無炎安用躲平生曾授楞嚴偈欲賦蘭臺愁炙輟一官涉世馬加銜千緒縈身蠶自畏動搖煖觸互起滅煩惱清涼遞吹簌袖知冰釋還成水不道風生却從火悟來性火本真空透過風輪乃初果以上六句皆本何人可語清淨退宋劉凝之有清淨退菴朱

簣當從皮

播字廣韻收入去聲過部
今通行韻本上去兩收

子為此地差堪盤礴裸偶因趁伴作良遊依舊觀心同
宴坐自然熱毒無罅入更怕虛空有堆堦好音到耳微
雨來清景回頭夕陽墮明朝俛仰便陳迹閒處知經幾
喧歌野人好涼蕪好靜夙畏浮名今亦頗打鐘掃地結
願存樊南甲藁序云惟願打鐘掃地為清涼山行者莫遣新詩浪傳播
陳月隴太常蘭竹草蟲畫二首
離披九畹雨垂葉天矯半庭風戛竿知是誰家舊籬落
却煩秃筆寫荒寒
蛺蝶蜻蜓盡作團幽人措意非無端春蘭作花危石底
瘦棘高於秋竹竿

白沙翠竹石江圖為吉水宗伯李公賦即用題中六字

為韻

展卷復長吟雙清到心跡秋風何處來滿眼江湖白
我公似康樂在家久忘家盤陀一片石坐閱恒河沙
巖廊四十年夙昔青霞志興到一回頭鄉山渺空翠
一寸二寸魚三竿五竿竹何必記平泉寓庭幽事足
靄靄林表雲鑿鑿波底石獨抱万里心卷舒不盈尺
過客尚留句愛茲山水邦天生好圖畫應屬李文江

分咏京師古蹟得貫休畫應夢羅漢像銷夏第四集

五千五百阿羅漢出世生天登彼岸其中尊者十八賢
龍象騰空來震旦白描晚入龍眠畫魔嬈紛拏雜真贗
豈知遠出百年前巨幅流傳磨不爛翔麟供奉貫休入蜀賜紫

曝書亭集有光孝寺觀費
休畫羅漢詩起語云貫休
手寫二十六羅漢其二乃在
南海訶子林

為翔麟殿
內供奉
浮屠人詩才繪事兩絕倫自言夢與應真遇

覺來尚貌兼傳神心追手撫一揮就少緩則逝將失真

豐頤槁項多變相喜者含笑怒者瞋蓮藏已登禪月集

貫休詩二十卷名
禪月集刻入大藏
此圖淪落偏風塵老僧古寺深埋照

異物將歸有先兆當時畫本夢中成此夕遽然神復告

明朝有力負而趨卷軸儼隨飛錫到或疑十八缺其二

恐與李圖均被盜相傳明因寺中舊有李伯時畫渡海

不知也本而僧巧偷豪奪孰有無古往今來夢一覺去聲嗟嗟神

物難久貯莫逐青蚨便飛去君不見虎溪橋畔廬山路

羅漢曾為押綱具用曹翰下

雨中蔣青棠孝廉邀集城南張園用南字

梧花藥勢相參門徑依稀到尚諳重與尋幽同野外

曾聯句向城南亭臺易主名猶昔風雨留人晚更酣

二十五年真一夢白頭搖落感江潭甲子秋與姜西溟

十七人飲酒賦詩於此爾來園亭凡三易主矣

夏日咏物分得青奴青奴即竹夫人山谷詩政要青奴一味

織作交加翠留筠發冷光卷舒隨笛簟瑩滑稱藤床比

扇三秋棄如童五尺長玲瓏須會取即事有炎涼

次韵荅周漁璜前輩見寄

結習多生未易拊得公投句喜跏然遠山擁髻潭如鏡

秋水平階屋似船已外形骸猶有夢不離文字豈能禪

來詩云詩人垂老例參禪祇應借佛論詩境何法真超色界天時以拙稿

就正于
先生

以蜜漬鮮荔枝二枚分餉漁璜前輩蒙示絕句
二章次韵戲荅

從知物以少爲貴兩首詩酬兩荔枝焉得嶺南三百顆
博君一顆一篇詩

重馬馳來幾騎塵開奩分餉孰如新老饜舌在終能辨
風味依稀似故人

立秋日陳南麓都諫招集挂雲書屋

老樹蒼藤捲幔秋
芴添籬落綴牽牛
鄰沽滿眼分清濁
諫紙開箱給唱酬
小榻迎涼仍北嚮
斜陽如火又西流
誰能不領園林趣
每到君家愛少留

匡山讀書圖歌爲南麓都諫賦

九言古體

我昔嘗吟太白廬山謠亦嘗身到九疊屏風坳
谷簾瀑布倒挂幾万丈五老峰勢競出爭嶸嶸
一筇兩屐十步八九顧東西南北上下同猿猱
太白書堂不知在何許樵翁指點此地雲松巢
披榛取徑晚入青蓮谷道芴石刻大字深而顛
三尊銅佛塵昏儼泥塑半截苔碣對坼如坤爻
多年老鼠化作白蝙蝠飛攫鶴卵占斷長林梢
爾時曾作世出世間想曷不於此翦棘編蓬茅
故人相招頭白早歸去誤落塵網乃被移文嘲
黃門先生今之嗜古者展卷彷彿以漆來投膠
風埃骯髒袞袞胡足道直引謫仙居士爲神交
當時手持玉尺往校士剖析白

黑銖索疇能清眼中了了忽現雲霧窟匡廬面目踴躍
隨鞭鞞還朝改官載離七寒暑百四十寺鐘鼓猶鏗敲
命工寫圖聊寓瀟洒意遭逢 聖主牙笏那得拋羽皇
新銘都付夢遊境興雖勇往跡繫烟中匏棲賢拾遺讀
書舊曾隱公擇山房萬卷亦手抄茲山圖記流傳代不
乏但恐再往之計成浮泡清泉白石有約倘勿負君其
少緩容我為鳴鶻陳曾典江西鄉試故有玉尺校士之句

分咏詩人居址得東坡

迎涼第五集

東坡本屬宜賓郡桃李陰從郡圃收前輩風流傳白老

後來名勝擅黃州

白樂天為忠州刺史於郡圃東坡手種桃李往往見於詩句蘇公自謂出

處老少粗似樂天東坡之號實本於白非偶合也

平生得力在憂患此地何心

繫去留大似高鴻向寥廓雪泥指爪記曾否

牛鳴雙村棹歌為郭于宮賦四首

水淺沙平閣短篷西陂東埭往來通綠簑影裏跨牛渡
閒殺兩樵南北風

烟光霧氣不曾乾人與眠鷗共一灘湖似貫珠舩似蚌
酒如碧玉蟹如盤

見說江南水拍天而今江北占豐年自來葑塞湖邊住
黃犢生兒愛種田

小塢新開未起租四圍一色萬梢蘆紅薑紫芋村村熟
不怕人間有寇鳧

七月十四夜寓樓對月

此地殊空濶。高樓更上層。天孤一輪月。星散萬家燈。稍覺浮塵歛。俄看濁水激。夜涼人不寐。好景惜憑陵。

題恬菴上人匡廬訪道圖二首

惠遠與少文。前生定同社。可惜愛山人。今非住山者。

五老雲松頂。初登不道難。近來無脚力。只愛畫中看。王申

秋余遊廬山曾上五老峯觀海綿故云

七月十五夜陳六謙過寓庭月下小飲時六謙將出守

安南

十頃空潭半貯泥。秋蓮晴湧綠頗黎。是夕積水潭放河燈城空鼓

角聲初動。月出樓臺勢盡低。佳夕一歡成邂逅。故交垂

老惜分攜。燕堂酒熟梅花發。莫忘清遊補舊題。六謙黔中往返

妙句似半山

詩無見及者故戲督之

題史耕岩前輩溧陽溪山圖即次原韻四首

良常東下路斜斜。小塌平橋接兩涯。夢聽雷平池畔雨

覺來滿嶼是桃花。桃花嶼見顧况詩句曲勝地也

栽桑種稻互回連。柳色騎牛浦浦烟。碧水繞田田繞郭

村翁不識縣門前。

官情澹與昔賢同。聊寫歸心寄雨濛。此段風期難擬似

王家輞口謝東中。

洮湖如鏡照人明。雲霧翻從展卷生。欲借公詩論米畫

筆端風雨勢縱橫。米元章舊有溧陽溪山圖故云尔

題邵甘來滙水村居圖

修篁出屋柳沿隄。牛放前灘鴨後溪。吹得讀書聲過耳。
釣絲風色板橋西。

初遊城南陶然亭

望遠村東緩轡遊。余寓居道院在望遠村東去亭纔二里忽從飲馬得清
流。黃塵烏帽抽身晚。白露蒼葭洗眼秋。風偃萬梢鋪井
底。日斜雙鷺起城頭。誰憐一派蕭蕭意。我是江湖未泊
舟。

種藤歌為周桐楚前輩賦 迎涼第六集

吾聞管子云。十年計樹木。稍欲望成陰。寧須校遲速。君
言美蔭貴。目前疇能鬱鬱待。十年兩株桑木手。交植意
取引架遮炎天。插竹扶持工作畢。峴嵴未騁龍蛇質。綠

痕羃作薜荔。牆不與先生障西日。盆池斲水置廣庭。細
鱗戢戢多于萍。碧天倒影落萬丈。夜久却涵三五星。此
間露坐差不惡。翻怕團團葉垂幕。放梢何日過隣家。留
待春風看瓔珞。家德尹潤木兩弟先後
僦居皆與先生比隣

德尹請假出都志別八首

去年夏旱今年水。八口窮鄉那免饑。我坐欲歸歸未得。
得歸何忍阻君歸。

植檜移松已兩年。家書頻寄問西阡。洛陽二頃談何易。

稍喜躬耕有墓田。

纔報歸期想候門。夢中燈火荻花村。天教此老桑榆暖。
六十攜兒似抱孫。

舊巢架構鳩雖拙。老樹婆娑蠹已除。樊圃早垂黃橘柚。開池先養白芙渠。

涉脚迷途幸未遙。六年官簿笑同寮。輸他勇退能過我。

多賦山居少在朝。弟自癸未秋假歸丁亥冬還朝今又以病告

乞官無復步兵厨。米價新來貴比珠。慙愧臨行留薄俸。

折支能博酒囊無。宋時檢校官折支例得退酒袋東坡詩有猶費官家壓酒囊之句時俸米

方議改折故及之

消夏迎涼紀歲華。自五月以來同人為消夏迎涼之會會必分題離筵忽漫對

黃花。一尊勸汝重陽酒。若箇登高不憶家。

一菴猶欠結茅資。竹本花栽要及時。煩寄兒曹無別語。

為余勤補舊柴籬。

孫觀河無隱室乞題詩

丈室初從月地分。木樨開後又逢君。香風自滿三千界。鼻孔撩天幾箇聞。

座主相國澤州公有別墅在西苑旁政事之暇

間一憇焉因取唐人郎士元詩意名曰半日村

高咏成篇命余繼和恭賦一章時長至前二日

頻傳騶唱出閒坊。沙路西連紫界牆。一室凝香回暖律。

萬峰銜雪冷斜陽。圖開別墅原同謝。詩取佳名亦愛唐。

會得先生蕭洒意。寸陰還較小年長。

紫滄同年出示百聲詩。凡天壤間有聲之物無

不入其牢籠。和之不勝和也。冬至日獨直西苑

心有所會偶拈四題兼寄靈隱諦輝高旻湘雨
兩禪師亦屬並和

梵天一晌沈寥開誰激華鯨怒吼雷日落空林無客到
烟藏遠刹有風來三生同聽人何在半夜孤眠夢忽回
一百八聲敲不斷苦教積劫墮輪迴

鐘聲

範金琢玉記同編古製難從磬氏傳小雨泠泠晨洒竹

孤燈裊裊夜浮烟軍持老衲腰同折香積空厨室並懸

最憶山堂秋講罷一聲清徹似巴蟬

磬聲白樂天詩
巴蟬聲似磬

緣木求魚又一奇巧將法器付雕師空虛自與敲鏗應

緩急都於梵唄宜響入松濤疑掉尾枯逃世網賴捷椎

憑誰悟徹前塵事身是他山啄木枝

木魚聲

三灾驀過晝沈沈窅堵波高蘭若深已向池中懸倒影
又從天半落清音石如解聽無生話風豈能搖久定心
若問此聲何起滅本來無縫杳難尋

塔鈴聲

冬夜集潛齋分韻

我愛陳學士古歡金石諧在躍不忘潛而以顏其齋寓
直少閒暇暫歸名朋儕設鱸當嚴冬迨茲風日佳素心
五六輩步屨相與偕君家門庭高俗子無由階相公聞

且喜初筵示模楷獸炭紅麒麟地爐宿燄埋分題命觴

咏是日相國命題衆各拈韻合座忘形骸盆梅初著花行列如人排

疎影落杯底清香入奇懷五言率未成壹醉衆已皆頭

盤雜拇陣錄事主所差錢綱菴劉若千興頗豪顧俠君

繆湘芷量靡涯陳子世南氣稍怯罰籌密於鞞臥奪玉
顏山浮蛆碧傾淮余惟兀然坐幸免出而哇客散二履
留是夕余與綱菴留宿齋中連床聽膠喞明朝寒栗烈雪花點銅街
詩成從馬上醉眼還重揩

冬夜讀亡友錢木菴詩中有咏塵咏影二首嘆其學道有得追和原韵

果否蓬萊海底生本來無質自然輕狂能眯目虛空暗
細解窺窗穴隙明羊角團團多借勢馬頭滾滾似趨名
泥融雨浥終難盡那得乾坤一掃清右咏塵

寓形宇內豈惟人幻出無端現在因我覺官骸多是假
汝依水月詎為真隨身只怪趨難避面壁誰知坐轉親

吹却油燈何處覓佛光中現舜多神右咏影舜多神未詳

十二月初五夜夢一僧叩門乞詩夢中了了作

四言八句覺而錄之

有目斯翳有耳則鳴人方擾擾竅聰穴明空即是色寂
于何聲混沌不鑿以全其生

謝院長餉白魚牛尾狸

樵山擘水致珍羞陋巷敲門荷見投細剝銀絲防骨鯁

爛蒸玉面惜膏油酒嘗雙榼鮮同擊周紫芝詩買魚配酒為君嘗蘇詩酒

淺欣嘗牛尾狸糟壓三夕膩欲流東坡詩長羨淮魚壓楚糟子由玉面狸詩壓入糟盞膩欲

自分生平藜藿腹得蕪二者更何求

院長疊前韵見貽追憶十六年前唐東江與余

晨夕唱酬事再疊韵奉荅

憶昨狂吟不自羞。瓊瑤屢報木瓜投。名園擘紙移朱舫。綺陌迴鞭避碧油。花下清尊殊跌宕。雪中白戰也風流。唐衢去後交遊冷。忍聽嚶鳴出谷求。

次日復惠黃柑冰鮮兼來索詩再賦二首

登梓磊落皆三寸。照眼輝煌得八枚。羅帕分甘先令節。碧香留賦待新醅。漸回冰齒瓊漿暖。試奏霜刀綠霧開。便與魏橙同給客。拜嘉真自永嘉來。橘譜出永嘉者為真柑風味依稀似鱸。殘侯鯖一月貴。長安豐肌弱骨和羹美。雪片冰花入座寒。欲報已無青玉案。盛來兼乏水晶盤。連朝小試烹鮮手。只累先生減食單。

鑿冰詞

朔風兮夜號。百川兮晨凍。射白日兮冷光。柔變剛兮石無縫。千夫杵兮聲冲冲。砉然解兮塊斯融。天倒窺兮尋丈下。歸無極兮馮夷之宮。吁嗟乎冰堅可藏兮。從爾鑿亦既臨深兮。其毋履薄。

次韻荅李秦川

衰年注蟲魚。如蠹蝕書史。迂疎眾所易。未契得之子。扣門晨有投。藻句霞散綺。師承得前輩。出語究終始。子生本名家。抗志矯波靡。昨來應秋賦。名溢人口耳。展足抱未攄。挽頽力堪仔。詩才尤秀拔。氣壓侯叔迨。當今大雅宗。四海歸繡水。一老謂竹垞先生導其源。揚瀾賴多士。新倪

擢茗頴舊調削軟。味道庶在茲。詞章寧小技。君看鳴
陰鶴。豈有寡和理。餘風被東南。矧迺桑與梓。老人慎許
可。僕指故無幾。往往爲余言。後來惟一李。余雖分拙劣。
夙好附群紀。來篇等括張。機觸難自止。殘冬互酬荅。塵
芥何足洗。

題劉若干前輩夜雨對床圖小照

我恨不如遵渚雁。行列羣飛不斷。又恨不如同隊魚。
朝朝在藻還依蒲。可憐兄弟如相避。萍梗沈浮劇兒戲。
壯年作客晚筮仕。投老茫無歸宿地。偶然風雨一連床。
僮僕旁觀詫竒事。平生怕讀頴濱詩。中有傷心幾行泪。
關中二劉今二蘇。才名宦跡兩不孤。有生聚散誰免得。

看取對床聽雨圖。長公秀骨仙之臞。次公白晳豐而腴。
題詩尚爾感顛顛。願令我展卷增嗟吁。關河南距四千里。
正坐一官爲累耳。不見伯淮季江屢詔徵不起。肯以元
纁易布被。

送勞介巖副憲歸里

十二月十五日

老伏青蒲振直聲。冰霜凜冽歲崢嶸。風波孰與批鱗險。
華袞何如拜杖榮。九死人皆危此舉。一歸天特厚餘生。
猶憐不及商山老。鴻鵠飛時羽翼成。

敬業堂詩集卷三十七

海寧 查慎行 悔餘

槐籜集上

起巳丑正月
盡十二月

去宣武門西半里許有陋室十餘間扃鎖頽廢有
年矣巳丑二月自西苑下直歸從馬上望見老槐
二樹亭亭出屋顧而樂之遂僦居焉爾雅連謂之
籜疏樓閣邊相連小屋名也因借樹以名吾集

春冰次院長韻

怪底堅成脆。行逢凍釋時。寒無蟲可語。暖被鴨先知。裂
縫防頽岸。留痕驗故池。何當供夕飲。春氣漸如炊。

人日出郊

老夫新年年六十。酬應昏昏忘盥櫛。朝來準擬出郊行。
走馬看山作人日。西風撲面飛黃埃。忽憶故園新種梅。
詩成寄問草堂弟。臘尾春頭開未開。去年正月於西
阡種梅數十本。

院長餉新年食物兼示四絕句次荅

類篇止有鮓魚字。梵語蘇詩恐誤人。

說文玉篇俱無鮓字。司馬公類篇有

鮓魚釋氏稽古畧謂寶公吐鮓成活魚。今江中泖魚是也。東坡詩中作鮓。洄與鮓當是鮓字之訛。本草失于考證。故及之。我是江湖釣竿手。為公箋釋到纖鱗。

次韻鮓魚

半殼含胎剖蠓房。鮮宜糟壓嫩宜湯。黃封拜賜連朝

醉。特試先生醒酒方。

蠓黃淪湯可以解醒。

次韻蠓黃

吾鄉海錯雜魚蝦。細瑣登盤品亦嘉。忽見銀鈎如椀大。
閩人好對浙人誇。

次韻對蝦

嘉禾舊志說陶莊黃雀肥時早稻香。

徐頌至元嘉禾志黃雀出陶莊秋後

最肥自別家來無嗜好。滿餅鄉味荷分嘗。

次韻黃雀

春風次院長韻

又隨步屨散今朝。紫陌微微去轉遙。頗訝渡河冰易泮。
不知吹鬢雪難消。南枝暗放參差蕊。東面偷迎宛轉條。
二十四番誰管領。等閒聽過賣餚簫。

次韻春雪

春寒不與臘寒同。微霰來沾弄袖風。翠浪舞當三白後。
香泥巧借六花融。飄殘柳外濛濛絮。送盡江南片片鴻。
莫倚侵陵萱草色。繞階須護蕙蘭叢。

長孫興祖就婚雲夢寄詩示之十韵

聞說求婚媾。為期在此春。抱孫吾計日。配婦汝成人。雪
棹吳江岸。風帆楚水濱。間關憐道遠。出贅笑家貧。締好
因同譜。親家沈翰逸為居鄉本比隣。禮從荆布舊。義取
悅禰新。莫倚嬌為壻。須存敬似賓。葭莩方有託。骨肉自
相親。去迨冰開候。歸當燕乳辰。阿翁南望切。書報勿辭
頻。

院長餉柿霜餅兼示長律十二韵次謝

駢實交柯重。金烏下啄同。小園秋晚挂。古寺日高烘。爛
爛燒空赤。蒸蒸耀眼紅。蒂留紅袖織。用白香山詩中事葉受墨
光融。用鄭虔事耿餅佳名著。梁裨上品充。滑疑流石蜜。寒欲
殺尸蟲。玉井千珠落。丹田一氣通。齒疎宜軟美。喉潤覺
清空。止嗽方殊驗。時余方苦痰嗽迴腸味不窮。殷勤開尺幅。檢
點閑輕籠。食罷仍蠲渴。詩來况愈風。多煩霜雪意。寵貺
白頭翁。來詩結句云還堪持獻壽好配紫芝翁

院長以乳酥餅見餉仍有詩索和謂余深於禪

理戲作偈語次韵奉酬

昔聞佛者言。醍醐蓋有自。初從牛乳出。香美非思議。於
中得酥酪。先後當以次。我意殊不然。強生分別事。先生

謝在杭小草齋詩話謂詩貴虛
現故仙語勝禪語禪語勝儒語
詳則謂仙語如步虛詞底可

禪語入詩最難其說相反
余謂禪語近于野狐儒語入于
迂闊語錄性理等書于詩均無
取焉

味禪悅故以機相試聚為一團酥是一要非二散為百
千餅又豈百千味當其為乳時洵滴白牛致云何清淨
腸猥用忍草飼我無廣長舌報以真實義請看牧牛者
苦苦掣其鼻不若聽所之放牛着露地人牛兩自在彼
味非此嗜莫管乳酪酥醍醐孰同異

以紫檀鏤管筆一雙饋院長兼呈拙句

客從吳興來遺我雙不律森然秋兔穎毫末羞自匿削
管用紫檀可手製新出免冠頭不禿肯入中書室我老
腕力微何心計羸絀學書疑有鬼覓句懶無匹留之注
蟲鰕如膠柱鼓瑟故用移贈公庶幾副其實吳俞世不
作吳政俞俊皆北
宋時筆工也諸葛法久失錢沈亦名流後來費評

隲雖非金與銀鏤刻分纂述猶勝斑與赤輕脆抱空質
上將點絲綸次亦標甲乙含毫特餘興揮灑膏繼日新
年富新咏傳示盈卷帙浩汗或掣鯨精微乃貫蝨儲材
等武庫應敵在倉卒不以老見輕有作例牽率余雖勉
屬和十駕爭及一從公乞餘波仍以詩侑筆

湯西厓前輩自洛中寄示重修香山寺記石刻

拓本

龍門十寺已全荒金刹誰尋古道場劫外豐碑開闕塞

天中軼事在文章雲泉舊境緣曾結白樂天香山寺詩
且共雲泉結緣境

他生應作
此山僧山水初心後果償幸為山水主是償初心復
始願之候也語出樂天重

修寺
記中公是樂天還記否前題多在暢師房

斗室

斗室無風入香嚴正寂然一株婆律火半榻祖師禪
白雪將灰候青烟未吐前此時參鼻觀消息向誰傳

題吳寶崖雪龕煨芋圖小照

神仙只累十年官枵腹聊為一飽歡何似雪龕風味好
平生不喫懶殘殘

山人更喫懶殘殘東坡逸詩句也

去年過塔灣湘雨禪師出所纂金剛經順意見
示攜之行笈欲為刊刻流傳有志而未逮近以

呈院長蒙疊筆字韻詩盛相稱詡輒次韻奉酬

敢請院長為功德主此篇聊當募緣偈一首也

呵呵

低疑當作底

五十墮醉夢不知經論律一從讀金剛稍開雲霧匿深
沈百尺低垂綆汲使出遊子久離鄉于焉返家室既歸
翻自痛精進力已絀欲除人我相兩敵勁無匹又為義
疏誤孰與更張瑟晚遇馬蹟師貝多示真實微詮警後
悟妙解證前失俗昧知者希我衰天所隲誓將廣流布
期不虛纂述先生一見之析義豈待質執疑兩破碎決
若魚去乙詩來盛稱揚方便皎慧日黑蟻二萬言卷之
僅盈帙護持付龍象普度及蟻蝨開雕拍顧成功德亦
易卒檀那視積累幸以銖兩率恒河計沙數百億生于
一庶將擬楞嚴勝授房融筆

座主大宗伯許公七十壽辰敬呈長律四章

巖廊重望冠清都。黃髮年尊與道俱。燕許文章唐巨手。
程朱理學宋醇儒。龍門拔地孤逾峻。鳩杖隨身健不扶。
指似天文人盡識。壽昌方叶泰階符。
司徒崇秩晉春卿。端右迴翔寄不輕。公自起家敦孝友。
世因瞻斗重科名。衣冠盛事耆英社。鄉國餘風月日評。
歷政不緣中外異。依然冰貯玉壺清。

集賢曾寫樂天真。九老中今第幾人。三月韶光連上巳。

三月二日
公誕辰也

七旬觴咏屬初辰。芝蘭得氣殊庭秀。桃李成
陰薄海春。共仰官高能下士。虛懷仍以讀書親。

朝回晝靜愛長閒。笑說生平杯酒間。却向烟霄頻矯首。
每從風月一披顏。莼鱸遠夢馳千里。松鶴高情在兩山。

欲御籃輿知有處。谷湖柳色待公還。

余自甲申春寓城南道院丙戌十一月請假暫

歸戊子三月抵都重館于此己丑上巳前一日

將移居宣武門外臨行題壁

三間古觀稱羈棲。五見空梁補燕泥。欲去每教僮灑掃。

再來猶認客留題。

壁間有同年
王方若題句

飛鴻印雪原無跡。倦馬

辭槽又一嘶。怪底老懷殊戀戀。西山多在短牆西。

西苑新直廬

在澹寧
居後

雪林風沼候參差。休假俄經百日期。

去年十一月奉
旨暫停入直至今

年二月恰
百日矣

魚鑰曉嚴新契勘。

鄭谷詩門
嚴新契勘

鳳巢春換舊棲

枝路迴稍覺穿花遠。窗靜從看過影遲。笑逐班行重入

直龍鍾已是杖鄉時

移寓示潤木二十韻

久客身何着。今來願始諧。買鄰無百笏。僦舍為雙槐。

有老槐二株

迢遞連城角。沿洄阻水涯。閒坊聲較靜。濕地勢

微。注東野攜家具。西枝寄病骸。未能行躡屐。那免出傳牌。橐俸先期給。劔童冒雨差。無妻中饋缺。與弟入門偕。白木床分設。烏皮几對揩。布衾寬稱席。石炭賤踰柴。茶竈商量置。書籤整妮排。窗緣絲網掃。池用瓦盆埋。卷幔通巢燕。登梓待食鮭。厨空浮白琰。壁挂踏青鞵。車騎經過。聞風光漸次。佳但教塵隔巷。翻愛草侵階。擊鉢旋相和。吹篴分不乖。近宜論洽比。遠或召朋儕。汲井昊天寺。

買花南市街。經旬許休澣。亦未廢清懷。

三月三日雪後赴西苑馬上作

鳳城西北苑。東偏白髮尋。春又一年殘。雪泥融芳草。岸昨夜微雪薄。寒風勒柳花。天非無好景。來林外。尚少遊人到。水邊獨把吟鞭。歌醉帽。時逢修禊。想歸田。

暢春園杏花次李義山舊韻

杏花即仙源。含情似欲言。問名憐及第。

鄭谷曲江紅杏詩為是春風及

第得氣儼承恩。流水悠悠溶態初。陽淺澹痕綠。新宜柳映紅。遠覺桃繁蝶翅輕。三月鶯聲戀一園。盈盈窺紫闥。脉

脉待黃昏。小睡披香暖。微酣帶雨溫。臘融難作蒂。

融蠟作杏蒂脂染定連根。何處堪凝望。逢人自悅魂。青旗風

綽影猶記酒邊村

落花和陳潛齋學士韻

桃是深粧杏淺粧。開時有態落猶香。東風自借孤蓬力，
流水何曾出苑牆。

同年蔣酉君卜築西郊詩以落之仍次移居二
十韻

薄宦居難定。同時興偶諧。我方銘陋室。君亦賦高齋。

道有高齋詩作計寧非達。為生洵有涯。背城山漸近。就水地

宜。注昨搆才容膝。今營儼樹骸。舊材留梓澤。新棟拆松
牌。斤斧俄收響。僮奴免借差。落成三月速。扶挈一門偕。
棗軸疲牛汗。楊椿疥馬揩。烟光通禁籞。野氣入荆柴。但

取藩籬。便何須闌戟。排書竒傾橐。買樹好帶花。埋北釀
缸浮螳。南京案致鮭。僧來攜蜀綃。信去覓吳鞵。壽母藤
輿健。嬌兒繡祿佳。碧枝風卷幔。紅藥雨翻階。即事歡皆
具。生平願豈乖。甯歸辭俗客。晨直約吾儕。故國三千里。
黃塵十二街。笑來除蔣徑。無此好情懷。

暢春園芍藥

萬卉爭春放。開遲賸此花。雅禁初日照。濃被綠陰遮。隔
岸浮香霧。臨池蕩綺霞。年年三月尾。病眼閱繁華。

酉君同年餉甘蔗

小束青如削。來從櫻筍鄉。特煩良友餉。何異大官漿。促
節過頭杖。清泉漱齒霜。多君甘旨外。有味必分嘗。

前一
日先

惠櫻桃
故云

下直經澹寧居後見新竹出牆
輕雷夜解斑籟地近宮垣勢便高應笑松栽成早偃
多年猶未出蓬蒿

四月二十四日奉 旨偕錢亮功汪紫滄兩同
年赴武英書局編纂佩文韻府口占示同事諸

君二首

六年供奉毫無補 天語蒙褒下禁中聯步久趨丹陛
北直廬今寓浴堂東名連進士慙同進管禿中書笑不
中那免退之譏磊落依然爾雅註魚蟲
上窺典誥薄風騷不數區區篆刻勞才盡更誰哀老子

先生與纂韻府然集中所用
故定多有未采入者殊不可
解

課嚴渾似限兒曹舊巢未掃痕猶在奉旨編纂事竣仍回南書房供奉
賜馬相隨骨漸高差勝漢廷飢曼倩官厨豐饌日仍

叨

武英殿後老桑

出牆如蓋勢童童初日移陰小殿東辜負江鄉蠶老候
烏鵲餘樵滴階紅

六十生日竹垞先生遠寄名錫唾盃茶餅

張銅沈錫皆禾產一技成名不偶然今日瓶盃成古器
後生誰識百年前

槐陰露坐

我愛雙槐好婆娑滿院遮蟠根容穴螿出屋帶棲鴉未

落三秋葉將舒六月花近身安片席餘蔭給隣家

鵲雛爲隣猫所攫

庭南老槐樹當暑花葉敷有鵲棲其間雌雄將六雛毛羽日夜長飼哺同慈烏家書故鄉來好客與之俱查查每預報喜氣充我閭自謂得所主永無意外虞鄰家黑白猫眈視生覬覦陰藏爪牙毒上樹捷飛鼯六雛一被攫鵲起逐以趨似將奪虎口性命還須臾又似望人援繞簷群噪呼倉皇不及救坐視爲嗟歎我墉被鼠穿唧唧繁有徒孔箱盜夜粟穴紙潛朝愀汝雖磔百千飽噉臥毳能誰當刻責汝加以非分誅鼠黠鵲性良飛走族亦殊云胡於此暴顧獨於彼懦叶平於彼爲養奸於此戕

無辜汝腹縱暫滿汝腸義當判吾欲致張湯詰之定爰書公然掉尾去借鄰以逃逋

自書局回寓作

書局限孔嚴晨趨事搜討歸來日云夕返景在林杪槐花滿中庭鋪積亦復好小童懶無匹安坐終日飽故欲習其勤時時令汛掃清風颯然至葉有先秋槁頗聞蒙莊言勞生佚以老信書乃大繆自計胡不蚤

喜雨

京師夏苦旱熏灼如炎方霖霖偶微霑者盈道旁滂沱忽大沛慄怒不得張簷溜粗于繩翻瓢挹天漿栽花得新活臥柳回舊僵既雨萬彙蘇我亦中微涼風霆一

夢破境過旋已忘

大雨過玉竦橋

雨聲衝破影中天。百尺長虹萬頃烟。鷗鷺不爭車馬道，
自遮荷蓋領雛眠。

新晴赴書局

積雨暑未退，快晴天爲高。肩輿出衝泥，俯仰同桔槔。豈
不恤人力，用代鞍馬勞。竊祿多懷慙，何如返蓬蒿。

庭樹聞蟬

委蛻知何處，吾廬忽有蟬。不嫌晴晝永，轉愛綠陰圓。薄
比彈冠况，清同舉室懸。柴門虛倚杖，悵望晚涼天。

種竹

誠之云超妙

潦退庭宇涼，竒懷赴幽獨。規將尋丈地，遠景收淇澳。佳
人來何方，笑齒瑳冰玉。欣然肯相就，陋室空於谷。上承
槐，高下蔭苔嫩。綠未應，供客看。或取藥，我俗我俗庶
可醫。齋厨久無肉。

瓶中白蓮朝開暮萎

街頭買白蓮，帶露來座隅。養之清淨水，謂是西方姝。朝
爲木槿榮，夕與桑葉枯。旣開必有謝，元化周斯須。老人
閱浮生，過眼同一如。那將熏染習，累此冰雪膚。寄語散
花天，我非狡獪徒。從今方丈室，永拔污泥株。

對鏡覽髮

我髮日夜短，餘存諒無多。旣白會當禿，不煩行羯磨。人

呼在家僧自署老頭陀黃精無掃法奈此秋蓬何

夜枕喜雨

偶栽窗外竹初不為秋聲忽洒三更雨瀟瀟亦有情

新涼

素角城端鳴初涼動砧杵西風一以發清絕遽如許大
化日循環吾生幾寒暑心空有遐託跡寓無久處社燕
如知歸飄然辭逆旅微蛩漫多思唧唧乃私語

秋日江亭雅集有懷舊遊寄晚研滄洲西谷簣

齋鹿原天農及家德尹得遲字

酒徒半散天南北嬾到今年不作詩老去故應朋舊少
重遊兼感歲時移孤亭窄似維摩室秋水寬於阿耨池

却被居僧嗤冷落主人來早客何遲

是日郭雙村治具諸君午後始集

一日假

偶得一日假心安良有餘簟涼便晏起髮短罷晨梳露
角連城動風蟬帶樹疎故鄉頻水旱翻怕得家書

旦入宣武門

桐鼓傳三千門開九衢曙老夫肩輿出日與輻車遇粉
書揚銘旌束縛同此路死有千載暝生無一朝寤嗟爾
行哭人啾啾百蚊聚

語出楞嚴經

題嫺堂奉母圖為郭于宮尊堂呂太君壽二首

天半鸞凰膝下雛承恩先為老親娛愛他五綵斑斕
袖曾捧驪龍四顆珠

皇上南巡時御書禮教賜母

畫棟浮光縹緲間。新摹宸翰作堂顏。天生才子如椽筆，欲賦閒居可得閒。于宮供奉南熏殿

張副戎有愛姬二人，去年重陽日各生一子，命工繪圖，同年劉大山有詩屬和一首。

臨觀恰是重陽卦，不比徐卿二子歌。菡萏秋房原並蒂，珊瑚越網又交柯。明知照乘光相敵，試問連城價孰多。博得兩鬟開口笑，一持侯印一提戈。

少宗伯王瑁湖先生別墅名甲秀園，皇上南巡雲間，凡兩幸焉。先生作詩紀恩，復屬余繼

和次韻六章

甲秀園開碧泖潄，每從廊廟憶山林。花如韋曲傳佳句，

風自卷阿繼雅音。兼托丹青摹盛事，獨將清曠契宸襟。九峯高倚層霄上，俯入軒窗是寸岑。

喬木千章竹万根，翠華臨處彩支繁。帆樯隱隱頻移岸，桑柘依依別有村。綠野天開裴令墅，冶城人識謝公墩。

陪遊何必身親到，魚鳥能邀再顧恩。列仙圖籍本雲霄，物外心期故自超。雅有新裁矜異數，喜聞屬和徧同朝。兩回步輦花間入，一色春旗柳外飄。

透出斗中光万丈，御書樓閣冠巖椒。靈壽無煩借孔光，朝回展卷好相徉。書臨勅賜松花硯，笏聚家傳鑰石牀。蘭畹芝庭方競秀，石田菰屋豈全荒。

承明又名枚皋入，始信烏衣世澤長。時長公麟昭被旨供奉

內廷

一花一木記平泉。手植何人不解憐。此日韶華娛舜
目。幾家雨露長堯年。波搖曲沼黃金縷。欄亞新叢碧
玉椽。總在雲蒸霞蔚裏。畫圖欲繪恐難全。

陸機茸外野人家。萬頃畦風養麥花。曉徑烟巒成掩冉。
晚春雲物貯清嘉。山莊細雨初回輦。官焙頭綱正試
茶。扈從班中曾眊筆。為公濡翰語非誇。
丁亥三月余隨駕獲游園中

九月二十日偕紫滄亮功兩同年赴密雲接

駕往返三日馬上即事六首

黃收朔野橫從畝。紅散霜林遠近郊。不是三人同寓目。
一年此景等閒拋。

同官同直還同譜。六七年來不暫分。比似天邊一行雁。
飛鳴食宿總成群。

塞柳風高遞急砧。回鑿時節正秋深。身如舊賜天

閑馬。暮齒猶餘見獵心。

翠眊朱旂歲往來。歡聲奮地又如雷。關南黎老爭扶杖。

重見蒼龍侍輦回。

蝗不成災慮種遺。撲蝻有詔責官司。直從場圃初成

候。箕到明年稻熟時。

載路頻聞樂土歌。聖恩寬大緩催科。太平是物皆蕃

庶。斑鹿黃羊獲校多。

送孟靜齋之任錢塘二首

水旱頻傳接井疆。畫船簫鼓半荒涼。欣逢悃幅無華吏。

往拯租庸積困鄉。郡守賢如龔渤海。謂張裕齋州民窮有鄭

榮陽。謂老友鄭息廬此行直比陽春脚。膏雨隨車到一方。

不改書生舊羽儀。儵然一見識心期。曾從譜牒知名久。

與德尹庚辰同年未覺風塵筮宦遲。劇邑簿書迎刃辦。冷官門

戶少人持。煩君蔭及先賢澤。京兆岡阡忠惠祠。先京兆祠公賜域

在江干范村外曾王父鍾忠惠公祠堂在西湖第一橋皆屬管內

齒痛借用昌黎韻

我年五十時落一牙一齒。故人傳良方。盥用井花水。餘

存幸牢固。自爾將及紀。午餐漱方撤。曉枕扣而起。清比

啄木聲。碾碾徹人耳。寧知衰老候。疾苦不由已。積火壤

陳齷浮陽發頰。骭冬來忽擁腫。罅縫生皴。碗難憑藥醫。

治平聲。最怕物觸抵。苦開酸兩頰。亂動憎食指。平吞有哽

咽。礙嚼無軟美。旁觀不知難。相勸進匕匙。黃耆半甌粥。

舌在僅可錫。連綿五晝夜。腫赤乃漸止。痛定得動搖。老

夫翻自喜。韓云吾亦云。次第將落矣。平生滋味薄。藜藿

徒累爾。時至適摧殘。在堅宜有毀。百骸推一例。此蛻已

久委。試看葉經霜。終無戀枝理。

韻 初冬集春暉草堂賦得菊殘猶有傲霜枝十二

韻

黃菊將殘。候嚴霜戒令。時亭亭當晚。節冉冉閱秋。期正

使孤花秀。何妨眾葉萎。倚衰猶崛強。競賞故參差。澹入

高人目幽惟冷蝶窺似曾露雨露終不傷樊籬搖落芳
心見低回客土移楓丹非本色竹翠是相知繞徑香雖
淺登堂影亦奇白衣誰送酒青女解催詩性在休嫌傲
寒多莫漫欺重陽高會少剩取一枝枝

擬樂天一字至七字體以題爲韻分得簾字

簾傍檻依檐防客見避花嫌平鋪湘簟斜搭吳簷額飄
風細細鈎映月纖纖更無人處垂地但有香時透奩試
問陰陰芳樹底後堂玉笛是誰拈

十月望後前輩周桐野同年王樓村雨中過槐
籬看菊留小飲明日桐翁以詩見投次原韻二

首

老瓦盆中花十本上槐街裏屋三間眼前此景殊不俗
輦下幾人能愛閒我已掀泥除蘚徑客方冒雨扣柴關
寒林瘦竹蕭蕭意着片踈籬即故山

土銼無烟硯欲冰一歡邂逅得何曾詩如老將渾無敵
花到殘年亦少朋紙閣留香清四壁畫屏肖影澹孤燈
直饒酒酸難拋在未敢多邀入社僧

題湯西厓前輩出關圖即送赴奉天府丞任六

首

中原桃李盡門生官比冰壺徹骨清此意九重非不
達又持文枋赴陪京

奉天丞兼督學政故云

燕雲東北是重關咲指飛鴻滅沒間天與先生開眼界

自吟詩過十三山

里社粉榆接 帝鄉同時卿相半南陽居民老不知兵
革耕徧松桓舊戰場

沙蟲猿鶴總秋埃考證真須著作才別着畫圖車幾兩
東都少尹載書來

荒寒杞菊咲齋厨山海中間物產殊不獨秋原饒雉兔
八梢魚賽四鯁鱸

西風獵獵捲雙旌別路秋光雨正晴前隊朱衣非俗物
為君聊壯出關行

題紫滄醉吟圖小照三首

落花風裏鬢交垂山谷前身定牧之綺語多生留一句

醉圍紅袖寫烏絲

朝 賜黃封夕奏詩玉堂人物數同時如何袖染天香
後偏愛科頭曳履姿

醉裏清吟眼界花樂天猶作少年誇證因亭上新翻偈
枯木寒灰別一家

古詩

花開昨夜雨花謝今朝風造化故無私循環一氣中舉
舉少年子彈指成衰翁翁衰從少得乃復憂兒童

題翁樹服別茶圖小照三首

小團龍鳳碾初勻面首膏油苦鬪新修貢亭荒官焙少
輸他一片火前春

湯老懸知客亦佳。清風兩腋是仙才。花瓷不少纖纖捧。辛苦磚爐自煮來。

君顏白皙我華顛。猶記騎驢並入燕。重向茶邊論臭味。出山泉愧在山泉。

盧六以庶常自藩邸入直。武英每乘小車以

詩索和。

輾轉勞薪五稔餘。八騶雖乏勝騎驢。伐輪自信餐非素。代步何妨進稍徐。芴挂鳴夸應貯酒。中安狨坐好攤書。多君博物張寬比。定有人占第七車。

送宋蘭暉庶常養親歸商丘兼呈漫堂先生四

絕句

亦是套語

歸途幾見着先鞭。祖道回頭僅隔年。去秋送太宰公子告旋里贏得

芴觀增太息。此行真箇是神仙。

長假緣知為老親。隨身匹馬兩車輪。較量白傅香山社。

膝下今多奉杖人。

出專方岳入蓬瀛。小宋文章又擅名。獨脫朝衫歸養志。

官情付與二難兄。

薄雪初消柳未絲。行期預遣報西陂。羨渠到日逢元日。

歲酒先拈第一卮。

得東亭弟滇南書知補授太和令作詩志喜

送爾衝炎出國門。弟于五月抄出都半年迢遞憶征軒。星埃路

脫千重險。冰雪書來一笑溫。官舍向來多北戶。王程從

此少南轅家聲定有蠻人識身是前朝小諫孫

明嘉靖朝先高

祖在諫垣疏叅分宜相杖譴定邊尉

從廟市買梅花水仙二盆口占二絕

取意原從冰雪間水邊林下總怡顏
黃花過後無聊賴又破先生一掬慳
根株高下手親栽嫩蕊多憑火力催
好與冷官添暖熱一房紅日看花開

荅硤川程子和

有才如此我應求慙愧篇章屢見投
愛說項斯長在口自逢東野欲低頭
苦心豈少知音識佳句殊難率筆酬
期子修途須努力莫憑唾點逐時流

除夕前四日宮怨堂寓齋消寒雅集次東坡荅

段屯田韻

平生區中緣足跡天下半自隨
廐乘秣坐致籠禽歎去日行已多
後期把難玩職雖典文墨官肯羨
黃散冷澹作詩人謹譁劉酒伴
藪藪街鼓夕嗶嗶隣雞旦葡萄點羹湯
鮮腴釘梓案狂吟詞跌宕衆舞影零亂
憑誰扶雅輪於我奉沃盥營身有底急
見事何妨緩壯懷付消沈老學資講貫
賈生蠲細故韓子就新懦欲回天地爐
重扇陰陽炭貧因思拔宅愛有歌適館
幾時解嚴寒此會得餘暖甘從百罰醉
聊博一笑粲

次潤木除夕感懷韻四首

先生不應作是語

窮年趨走不辭頻。休澣聊除半日塵。武英節假後復入直內廷今日午間
始回。七秩將開吾向老。半生習嬾爾無倫。屋如參解東
西住。樹接斜街上下鄰。咲把屠蘇甘最後。白頭何事肯
先人。

病鶴摧頽戀赤墀。尚憑瘦骨強知時。早梅破臘心相許。
殘菊迎春事亦奇。瓶中菊花自十月杪至今尚未萎亦一奇也賓戲客嘲從

啮。啮人趨我步儘遲。遲枯枰三百多平路。莫鬪新翻巧
手碁。

疎疎微霰墜無聲。隨分招呼得合并。陋室然薪為蠟炬。

荒厨煖酒用茶鐺。語便應對宜鄉友。夢失悲歡長道情。

錯料官中有生計。依然共爾舉家清。

風流幾輩記遊燕。往事依稀劔契船。細數流年殊瞥爾。
每逢遠計一悽然。半年來吾鄉陳少司寇汪少司農竹垞朱先生陳太守六謙皆物故龍
蛇屢厄天何意。蛩駟相依老倍憐。正自欲歸猶未得。妄
思駐景作巢仙。

敬業堂詩集卷三十八

海寧 查慎行 悔餘

槐籜集下

起庚寅正月
盡閏七月

庚寅元日試筆戲效樂天體

朝回剝啄門無客。家會團圓巷有鄰。潤木寓相
去一里許簷竹半
經霜。壓捺盆梅全得雪。精神顛毛白。後無多許花。甲周
來第一春。除却過頭年六十。另編詩藁起庚寅。

湯西厓前輩見和元日試筆詩再疊奉訓

不愁遼海阻音塵。西厓初自奉天
少尹陞任回京劇喜還朝作並隣。客
疾過年當勿藥。新詩拈筆果如神。溪山偕往知何日。步
屨相隨要及春。只恐官高歸未易。釣磯端合付徐寅。西厓

將以疾告故云唐徐寅歸老延壽溪作釣磯探龍二編僕意以此自况也

立春前一夕小飲西厓寓齋三疊前韵

歸休終傍漳南宅西厓近買宅海鹽偏仄今充巷北隣

無事不嫌頻扣戶坐談常恐太勞神燈前對影流連夕

花底開懷準擬春探借盤筵報佳節先庚三日午辰寅

蘇氏易傳先庚三日午辰寅也後庚三日子戌申也

湯納時表弟次前韵見寄四疊韵

衰遲會合且風塵下榻閒坊近接隣每憶兒時纔轉瞬

不談舊事怕傷神雪封村路梅花夢酒汎行厨栢葉春

壽骨不知相似否與君初度再庚寅范石湖六十一歲自賦詩四人同丙

午初度再庚寅弟與余同年生故引之

劉若干前輩枉和新篇五疊前韵奉荅

多年文酒追陪地君有餘波每照隣曾向桓驄展風力

愛從稽鶴領姿神校書館閣閒中老夢草池塘句裏春

敢擬唱酬稱執友後先官簿託同寅

瓶中菊花入春未萎西厓前輩樓村同年聞之

各以詩相賀賦謝一首

兩枝黃白膽瓶中猶記秋深折淺叢能伴幽人過殘臘

始知大地有春風延齡疑致神仙訣勺水終資造化功

苦被蚤梅催替代虛慙矜賞兩詩翁

六疊前韵荅樓村同年

不分君貧我更貧何曾祭竈請比隣筆花入夢能為祟

銅臭如錢豈有神。陋巷幾家還賀歲。東郊昨日又班春。
典衣纔了尋常債。踏麩重思趁上寅。造麩用七月上寅見長慶集

七疊前韵荅劉大山同年

詩酒劉家代有人。不煩事事乞諸隣。篇章分得隨州派。
釀法爭傳白墮神。來詩用賈島杜康故以此荅樂歲人情初見雪。他鄉時序怯逢春。憑君對我誇張少。莫把生申比降寅。大山丙申生偶借用嵩高語

西厓生日再次瓶菊韵奉東

昏參旦尾報方中。又見蘭芽茁雪叢。初度年年作人日。
官居處處舉鄉風。閒吟喜帶松篁氣。却病何關藥餌功。
要識翛然出塵意。散花方丈淨名翁。

試燈前二夕再飲西厓齋即席分賦得鈎字

簾閣春寒未上鈎。重來竟夕為淹留。印泥開酒波紋汎。
雪窖移花蘊火柔。出漢書召信臣傳才小媿參諸葛坐。格高可怕老元偷。樂天詩每被老元偷格律回思三十年交舊。幾個如新到白頭。

八疊前韵荅同年吳南村

與君日日為同直。千萬何須更買隣。筆退管城堪作冢。
針傳繡譜豈無神。青袍似草風驚曉。蒼鬣如松雪鬪春。
好乞上元連夕假。重呼儕輩會三寅。明日十二方逢寅同年又有公會

盆梅

姑射有仙人。冰肌故綽約。歲寒守岩谷。風雪從饕虐。無

端被巧匠裁接移根。脚本是桃寄生，而含梅跗萼。經冬
傷花窖，漸亦喜熏灼。昨登廟市來，帶土入城郭。千錢買
一本，手為解其縛。我室清如水，依然愁冷落。瓦盆一小
器，局促焉足託。本性倘可回，相期返丘壑。

若干前輩見和瓶菊詩，再次韻奉答。

結為三友歲寒中，松竹行邊菊有叢。併與梅同禁朔雪，
不教蘭獨占東風。衰遲光景參差信，冷澹生涯長養功。
此段閒情應入畫，畫將林叟配陶翁。
時方屬蔣酉君補圖以折枝梅花作配

試燈夕吳篁村同年招集陶然亭

春來日日喜春晴，邀我同遊不夜城。燈火參差亭北面，

管絃清脆月初更。探花不減年時會，對酒偏傷老大情。

五十二人官太冷。癸未同年在詞館者五十二人多君獨着繡衣行。吳

由戶部郎改授侍御

雪後獨赴書局

銀鑰初開右掖門，最先衝雪到朱軒。鴉穿髮松翻林影，
鴿下呆魚印爪痕。釦砌凝冰防履滑，茸裘呵凍就爐溫。
此時忽動撚鬚興，憶着橋邊竹外村。

戲為四絕句呈西厓桐野兩前輩

碧海鯨鯢杜陵老，虛空駮駟玉川翁。後生不自量才力，
却道同遊羿彀中。

顛倒波濤拆海圖，補將百衲綴諸于。天機雲錦非鴛繡，

此仿少陵戲為六絕句也
先生論詩微音畧見于此

縱有金針度得無
百年神物在泥蟠俗筆多從委蛻看誰遣通身鱗甲活
畫龍容易點睛難
不知此曲唱誰家第一燈傳梵釋迦妙處可容添語句
故應微笑對拈華

折早梅一枝插菊花瓶中蔣酉君同年繪二隱

圖見贈并系以詩次韵奉訓

圖今歸余題者甚衆傳之百年亦苑林中一佳品也

秋英春蕊忽交枝耐久翻成邂逅期高士累朝多合傳
佳人絕代少同時不爭犯雪開能蚤頗訝經霜萎獨遲
何物報君圖贈意亟來花畔對傾卮

燕九日郭于宮范密居招諸子社集演洪稗畦

長生殿傳奇余不及赴口占二絕句答之

曾從崔九堂前見法曲依稀燄段傳不獨聽歌人散盡

教坊可有李龜年

憶巳巳秋事

上客紅筵興自酣風光重說後三三老夫別有燒香曲
憑向聲聞斷處參

題酉君同年花果冊四首

淡墨染花頭花心點焦墨不似戲貓圖寫生煩設色

徐崇

嗣有芍藥戲貓圖

畫竹葉欲密畫蘭葉欲稀破空三五筆筆筆勢如飛
南村有諸楊不數陳家紫目矚朶吾願朝來吐饒水
蒲鴿青連蔓移根入塞難曾從天上副賸許畫中看

禮記

為天子削
瓜者副之

花朝集忍冬齋月下飲汜光春用東坡定惠院

月夜韵

始雷送雨作花朝

午後微雨
初聞雷聲

片月流空轉清夜故人招

我動春酌繫馬門前古槐下初聞鏘噐隔窗鳴忽卷湖

光入懷瀉碧壺貯液清激滯黃糲流膏香穉亞淡交滋

味均有無久客杯槃通假借自然真趣出酬勸豈比恒

情論報謝篤嗜誰分南北筭群謹會恼東西舍已拚豪

舉任投轄待析狂醒須挫蔗張協都蔗賦挫
斯蔗以療渴從君泥飲

痛不辭與世周旋老尤怕何當口業並消除庶免人傳

供笑罵

分賦肅寧八月桃二首

玉帶河邊花似錦南陽曠畔實如拳不嫌雪黍年光晚
長記幽風剝棗天

六月關南進荔枝西風北產熟偏遲行宮瓜果中秋

宴珍重金盤拜

賜時

五年前扈從口外
曾蒙賜食此品

題王海文修撰秋林讀易圖二首

夢裏吞來記得不韋編重對纈林秋三爻已足科名用
一半還須向上求

君家易學吾能說前有通元後發微

晉王長文撰易通
元經唐王子安著

易發

世俗但傳王輔嗣不知理數本同歸

幽蘭

蘭兮蕙之族。幽者特早芳。見別疑似間。獲升君子堂。初來羞自獻。既吐還深藏。氣味則相親。無風亦悠颺。老禪適靜坐。鼻觀通微香。

淘渠

京師飲汲井。城洑但流惡。家家門前溝。歲歲費淘摸。九衢豈不寬。所向防失脚。東風連日霽。桃李嬌陽春。看取溝中泥。還爲衣上塵。衣沾胡足道。奈此塵污人。

寒食詞

鈿車隱隱走輕雷。兒女相將上冢回。不管小桃攀折苦。競攜春色入城來。

題吳寶厓西溪梅雪圖二首

苔枝殊冷澹。况乃壓枝雪。此時西窗琴。孤絃凍應折。知音眼看少。古調誰見別。聊爾動微吟。含毫寫清絕。硯冰渙渙散。酒耳烏烏熱。多謝造門人。毋來污吾潔。我愛新城詩。一緘寄冰雪。溪山如在眼。欲往屐齒折。畫圖與真境。莫作強分別。興到神亦俱。雙清兩竒絕。相逢山中侶。一笑回暖熱。洗我筆端塵。從渠嗔太潔。

殿庭草

東風吹綠花。飄縫下有陳根幾。百年惆悵履綦遺。跡盡雍和門外浴堂前。

菊苗

去秋所種菊。墻角委土梗。老眼無留花。過時寧復省。旬

來春雨足百卉擢條穎嗟爾一寸根勾萌亦自逞回青
識故處閱白感俄頃九陌交輪蹄千林競桃李吾苗尚
毫末即事笑幽屏

三月十八日曉出西便門至暢春園天始明

夜枕過雷雨薄雲開朝晴起乘殘月影快作西郊行好
風從東來初日烟中生村村花柳氣寺寺鐘魚聲草色
既芊眠溪流亦洄潑于焉愜野趣瞥爾遺宦情長恐芳
訊闌坐聞鸚鵡鳴白頭誰料理撫景中怍怍

院長揆公於園池小洲上新構亭榭落成自賦

四詩其末章專以見屬次訓原韵

面面軒窗盡枕流轉於空濶得深幽負山有力輸鼇背

畫壁何年倩虎頭皓月激波宵似畫疎簾清簟夏先秋
尤宜落日平臺上遠景蒼茫咫尺收

四首新詩自落成尚留齋笏待余名雲烟物態論今昔
風雨心期閱晦明潑刺紅鱗當檻躍襤褸白鷺導舟行
人間擾攘知何限不博先生笑絕纓

只擬松高對阮論朝回一意避塵喧瓣香自覺心源淨
明鏡端除眼界昏菱葉牽絲縈瓦影桃花拍浪沒橋痕
此中何處容殘客應許扶藜獨扣門

神問身心影荅形籬杉徑竹對亭亭開編一盞供浮白
排闥千峯與送青鶴跡愛穿花底覓漁歌長憶雨中聽
年來自嘆才將盡擬向詩仙更乞靈

從院長乞園中新笋次昌黎和侯協律咏筍二

十六韵

及見初移植。清陰漸滿軒。万竿殊不惡。五畝遽為煩。篠
蕩年將老。篔簹定有孫。遠旬雷啟蟄。前夜雨翻盆。驗長
纔分寸。爭高自曉昏。密侵苔錦厚。尖透麥風温。鳳味形
粗具。龍雛勢欲騫。攢攢犀角利。隱隱豹斑存。行列雖無
次。縱橫亦有垠。合充嘉客饌。何待老饕言。趁取猶含籜。
兼當未易根。斫教開鶴徑。養祇護羝藩。幾費輕籠貯。曾
勞重馬奔。千錢空市肆。束帛吝丘園。昔享山僧供。今希
地主恩。須防行礙屐。那計避踰垣。芼豈資薑桂。香應敵
蒹蓀。釜烹憐久缺。臺餽望頭番。賤嗜終成癖。竒珍且勿

論人情知貴少。物類要刪繁。蠹簡餘殘債。東坡詩多生
味蠹簡食笋乃餘。饑腸待飽殮。堪嗤惟食肉。所忌亦當門。正使因風
折。何如帶土掀。解饒勝嚼竹。勸醉抵留髭。願朶頻搔首。
詩成乍悅魂。馬軍煩走送。炊玉迨朝暾。

鶴雛和院長作

太息胎仙種。無端墮卵生。羽毛存逸性。風露學長鳴。已
作離群立。還看傷母行。鵝王為擇乳。雞粒莫相爭。

院長餉水鳥卵數十枚兼侑以詩次荅

菰蔣深處有飛翰。百族成群影不單。遙想母歸雛已散。
誰知巢覆卵猶完。君緣野味分相餉。我愛溪毛聚作團。
擬倩家禽為啄菹。勺圓未忍淪登盤。

劉若干前輩招集聽雨樓用少陵重過何氏園

林五首韵

白髮春垂暮昏昏日校書忽聞傳尺牘招我過園廬
簾引新巢燕床拋舊佩魚此中饒勝賞大可賦閒居
締構尤加密規模故不移種花多結子看鶴又生兒
樹影搖朱舫苔痕上綠陂自然饒野趣高下有疎籬
高閣披襟處斜陽脫帽時流連今夕酒惆悵去年詩
藤亞交頭杖蛛垂拂面絲獨來吾不厭况與故人期
頗憶家鄉趣閒談味更長露梢開粉澤雨葉展旗槍
久客徒漂梗浮生劇夢梁蹉跎十年計種樹恐倉皇
主賓原略分師友亦忘年愛讀先生句如聽古澗泉
狂

猶能奮袂老只想歸田正爾良非易回頭各惘然

予昨作詩從院長乞筍有馬軍煩走送之句院

長謂余兼欲致酒也今日大風遣人餉筍及菊

釀二壘以詩索和次荅

乞筍何當更致醪咲余母乃太貪饕頓教野老寒蔬賤
不怕隣姬酒價高一飯解苞登玉饌黃山谷謝人送筍詩都城一飯炊白
玉又云豹文三升出甕湧詩濤孟郊詩云詩骨聳東野詩濤湧退之只慚
指動真踰分仙爪能從背癢搔

院長以詩餉櫻桃次來韵

小摘枝頭鳥未殘遠從筐篋照吾盤珊瑚碾出千絲網
鉛汞燒成万粒丹憶舊如霑門下賜嘗新合讓野人餐

條冰况味公能識。熱不須蠲要辟寒。

院長折園中雜花見貽以詩索和次荅

霧裏看花未屬厭。煩分春色到窮簷。儘教語燕來窺硯。
便有遊蜂伺捲簾。俄影自搖殘燭短。餘香欲度晚風尖。
多生結習除難盡。容易波羅一咲拈。

松花和院長

謾謾風吹墜粉乾。似花仍不作花看。滲成竺國瞿曇面。
染得華陽道士冠。鶴翅勤來因掃拂。蜂須難覓爲高寒。
神方果有輕身訣。斲取陰脂試共餐。

或云紫藤花蕊可淪以點茶下酒從自怡園采
一斗許試之香味果清絕戲作一詩東陳南麓

都諫周桐野侍讀兩家富有此花故以方法報
之

牛酥煎牡丹。方法傳自昔。藤花故見遺。開謝任狼籍。客
從山中來。云此堪齟齬。貧家乏餽。釘一味。恐輕擲。飾庭
雖無緣。謀野乃有獲。郊園腓百卉。高蔓走千尺。瓔珞垂
紫英。晴光燭晨夕。畦丁幸許致。爛熳助采摘。一一柳貫
魚項筐。手親劈。天生物無棄。祇在人愛惜。于湘味食經。
試以已意逆。水淪旣良方。火攻非下策。屏除蜀椒辣。點
綴吳鹽白。果然發芳鮮。出釜登几席。豈惟悅我口。亦用
酬吾客。人誰知正味。事喜出創闢。明朝馳短箋。鄭重告
詩伯。兩家富旨蓄。迨此花滿格。俯笑王濬冲。營私鑽李

核仰慙陸魯望未免杞菊癖

題西君畫荔支圖二首

四月則太早七月則太遲上品貴適中熟當小暑時其
株皆合抱顏實高纍纍色香與味三妙取帶葉枝金盤
薦華屋不以遠見遺向非玉堂仙誰寫冰雪肌冰雪故
難剖畧煩點臙脂如披蔡家譜而讀蘇公詩

粵人既夸粵閩人亦夸閩君少飲粵費吾衰飽閩珍兩
舌雖不同知味諒乃均別來各踰紀夢想猶隔晨多君
繪成圖見畫如見真又復索題句與傳畫精神一枝風
露鮮齒頰回津津何必三百顆長作嶺南人

聽琴工吳觀心彈欸乃作歌贈之

九疑之麓瀟湘之潯碧羅帶繞青瑤簪元音一散万万

古墮入泱泱氣鬱沈漁翁鼓棹如鼓琴晚遇元次山柳

子厚為知音却將欸乃曲寫出烟波心雨濛濛兮木柁

欉鷓鴣低飛猿叫露一聲兩聲斑竹裂十里五里江天

陰秋風掠岸涼吹襟思婦夜敲斷續碁忽然日出花滿

林黃鸝紫燕春悄悄遊絲飄空幾千尺山長水濶無古

今乍高乍墜勢莫禁愈近愈遠端難尋不知覲面者誰

子恍若獨坐成連海外之孤岑吳生絕技廼至此正氣

所感感更深我思欲學奈衰老心粗指硬恐不任膏肓

稍以砭石鍼有耳肯聽桑濮淫吁嗟乎吾之知吳蓋已

淺聊託寂莫滄浪吟

院長餉竹萌蕨芽

春山笋蕨本來甜

蘇詩慙愧春山笋蕨甜

難得城中二者兼一笑

開籠何所擬小兒拳配玉纖纖

題同年張蒿陸落葉詩卷後

詩境全從寄託深
開編靜對見君心
行收珠玉揮毫手
往和風霜落葉吟
竹老爲椽仍中笛
桐焦入爨始成琴
五千言領知希意
不要人人盡賞音

文安王孝子詩奉和安溪相國作

青青松栢樹蟠根上垂枝
人生斯世間孰是無父兒
父子有常性曰惟孝與慈
本與生俱來平平理無竒
奈何千百載孝行傳者希
將毋世教衰天性有淳漓
其或得

天厚一念不自欺
精誠未徹間天故靳報施
艱辛方歷試陰隲姑遲遲
及乎感遂通較若稱銖錙
適與人事會彼蒼本非私
試看農家子任真初何師
志壹氣乃充人定天爲移
文安一小邑中有孝子祠
王姓原其名厥族蓋已微
生小但依母不知父爲誰
母旋告之故朝夕恒涕洟
稍長甫娶婦長跪與母辭
兒今欲覓父有婦侍寢幃
苦語挽不留隻身望天涯
眼前盡岐路俚俚將安之路
窮乃涉海夢兆如著龜
掉頭別母去躡足隨爺歸
未歸敢自必歸到翻成悲
里鄰賀羊酒官長旌門楣
團圓逮眉壽仍世開曩基
到今二百年代勿族姓滋
此事載邑乘四方或未知
安溪賢相公畿輔舊保釐
訓俗務根

祇仁親以為期。表彰先朝事。欲令來者思。手立孝子傳。復為孝子詩。詩中何所云。代述孝子詞。讀之盡流涕。恍然目擊時。康叔生奉母。曹娥死負屍。敢請追配古。大書勒諸碑。

新竹次院長韻

青瑤流影照明

珣陶詩亭亭明珣照

盡放梢梢出屋寬。粉澤未

乾宜露濯錦。初脫奈風寒。輕陰拂地應加密。秀色迎

人尚可餐。附入戴家新譜內。釋名稱草恐難安。爾雅釋草篇筍

竹萌山海經其草多族厥族多筍皆以竹為草類故戴觀之竹譜云事經聖賢未有改易然稱草良有難安

盆中繡球不作花者九年矣今夏復放院長有

詩索和次原韻

久留生意未為薪。近報唐昌蕊又新。碎剪有痕千瓣雪。

密攢無縫一團春。壓梢自重非關鳥。帶葉全低欲礙人。

記得月燈球樣似。白頭重見意猶親。南部新書每歲寒食新進士于月燈

閣置打球之宴東坡詩所謂曲江船舫月燈球也

謝院長惠西洋蒲桃酒

妙釀真傳海外方。龍珠滴滴出天漿。醍醐灌頂知同味。琥珀浮餅得異香。直可三杯通大道。誰教五斗博西涼。平生悔讀無功記。誤被村醪引醉鄉。

題盧六以庶常抱經圖二首

三傳何妨有異同。抱經莫學玉川翁。賈家訓詁韓家論。可少盧家與折中。漢賈逵有三家經訓詁魏韓益有春秋三傳論十卷

章句人人守一經。可憐祇用博科名。多君獨有膏肓癖。不傷長檠棄短檠。

檠字本屬上聲宋人多叶平聊復借用

送李敬齋庶常請假歸里

與君書局同晨夕。不道陳情爾許難。

李去秋便欲乞假因成書限嚴今方

為啟愛日光陰雖未晚。望雲懷抱幾曾寬。無言可慰三

年客。此去全勝十政官。

用章孝標詩語

為報眉間見黃色。高堂

一笑定加餐。

送梅雪坪出宰泰順二首

行作折腰翁。吟邊憶謝公。攜家千里近。得邑萬山中。椒

旻通閩賈。魚鹽走海童。流傳永嘉學。亟望起儒風。

泰順

温州之屬縣。明正統朝始置地連甌越。民俗朴魯。未有以文章科第起家者。故云。

竹垞門下士。君為竹垞先生辛酉江南所得士爾雅倍堪親。前輩詩無敵。多才畫入神。一官貧寄祿。万卷老隨身。去去君何恨。徒傷久滯人。

張蒿陸有賢子三十而夭屬作挽詞

短生寄長世。如浮亦如沈。高人付達觀。日暮猶古今。下

士重其寶。服食延分陰。相去九牛毛。奚翅尺與尋。造物

本無物。榮枯隨所任。奈何才不才。分量費酌斟。才者或

天折不才乃森森。此枋竟誰持。報施昧善淫。嗟嗟張氏

子。質秉玉與金。十五工文詞。長老咸歎欽。二十舉鄉貢。

恒苦疾痰侵。夙慧天所隲。道根種何深。自知不永年。瀟

洒託清吟。三十遽謝世。一笑遺冠簪。斂以僧伽黎。反乎。

上當作去唐人多作去聲用叶平自東坡始

章句人人守一經。可憐祇用博科名。多君獨有膏肓癖。
不傷長檠棄短檠。檠字本屬上聲。宋人多叶平。聊復借用。

送李敬齋庶常請假歸里

與君書局同晨夕。不道陳情爾許難。李去秋便欲乞假。因成書限嚴。今方
為敬奏。愛日光陰雖未晚。望雲懷抱幾曾寬。無言可慰三
年客。此去全勝十政官。用章孝標詩語為報眉間見黃色。高堂
一笑定加餐。

送梅雪坪出宰泰順二首

行作折腰翁。吟邊憶謝公。攜家千里近。得邑万山中。椒
莽通閩賈。魚鹽走去聲海童。流傳永嘉學。亟望起儒風。泰
温州之屬縣。明正統朝始置地。連甌越。民俗朴魯。未有以文章科第起家者。故云。

竹垞門下士。君為竹垞先生辛酉江南所得士。爾雅倍堪親。前輩詩無
敵。多才畫入神。一官貧寄祿。万卷老隨身。去去君何恨。
徒傷久滯人。

長葛陸有賢子三十而天屬作挽詞

短之字之世一。向与中。霧窟。再。中。日。世。如。浮。亦。如。沈。高。人。付。達。觀。日。暮。猶。古。今。下。
士。重。其。寶。服。食。延。分。陰。相。去。九。牛。毛。奚。翅。尺。與。尋。造。物。
本無物。榮枯隨所任。奈何才不才。分量費酌斟。才者或
天折。不才乃森森。此枋竟誰持。報施昧善淫。嗟嗟張氏
子。質秉玉與金。十五工文詞。長老咸歎欽。二十舉鄉貢。
恒苦疾。痰侵夙慧天。所隲道根種。何深自知不。永年瀟
洒託清吟。三十遽謝世。一笑遺冠簪。斂以僧伽黎。反乎。

短之字之世一。向与中。霧窟。再。中。日。世。如。浮。亦。如。沈。高。人。付。達。觀。日。暮。猶。古。今。下。

士當作去唐人多作去報用叶平自東坡始

尸陀林其生類知道沒豈無知音我作哀挽詞以慰乃父心

送同門孫斗文赴任武緣

百戶猺獠賦孤城瘴癘天茫茫赴長路草草別同年剋日有嚴限之官如左遷桂林嗟已遠南去又三千

送同年喬松華赴任永福

碧水丹山路迢迢六七千桂林聞少瘴荔浦喜通船吏隱安荒外人情薄眼前孫郎行更遠作計幸周旋

謂斗文

送楊次也赴平涼太守任二首

辛苦河隄使初停杵橐聲三年方上計五馬遂西征齋釀葡萄酒沙陀首蒼程勿辭乘障遠領郡際昇平

開府吾鄉彥勲名策府存典刑傳太史科第繼文孫世以儒林重官仍露冕尊平生期望意垂老屬恩門

令祖司馬

公開府點陽僕在幕下受知最深

塞外二色芍藥五月始花院長揆公采得並頭

一枝屬蔣酉君繪圖兼以唱和詩寄示次來韵草沒煙埋定幾時忽驚紅白出連枝號韓合隊方稱貴姚魏分標未足竒若使入宮應薄妬却緣出塞更多姿畫圖與釋從前恨兩首詩傳万口知

送周桐野前輩督學順天

先生人中龍天與君子性平時頗跌宕臨事乃剛正憶昨典浙闡量涵江海淨無私消訪燄冰雪久彌瀨至今

桃李門得士稱最盛。數椽居帝里。貧過榮陽鄭。俸錢付
書估。斗酒謀主子。孟時復召朋。儕琅琅發高詠。彈丸躍竒
句。傳寫寧待竟。李杜韓白蘇。篇篇資考証。他文率稱是
手筆。誰能倩以此徹。主知蓬山。夙無從趨營。幾新輩
時世。梳粧靚恬澹。其素然。卓哉覘品行。國家設遺補。拔
擢半長令。庶常間改授。歷職例不更。敢云著作庭。遷轉
薄諫諍。於公實久次。事異初徵聘。比者適乏人。銓曹列
名請。去聲終焉寢前議。上賴天子聖。宮坊俄晉秩。侍讀
繼申命。小試惜宏才。留爲作人慶。使星不泣蜀。畿輔
觀爲政。古來豪右區。當代儒風競。文通山後族。武達代
來姓。一一揅管從。妍媸歸皎鏡。將空冀野群。往矣執衡

柄。絃琴視拂拭。匣劍待磨銍。苞苴自不入。籬棘何妨擢。
必若振先聲。務須釐積病。朱衣群吏導。絳帳諸生迎。詎
非稽古力。榮寵一時併。公貌謙愈冲。公懷直且勁。和光
得人愛。嚴氣生我敬。良辰乍招攜。同人於端午日臨別
心恹恹。城南好亭榭。快若披畫幃。每來必遲留。天水互
激映。飲徒散將盡。自此稀游泳。計公還朝日。吾已理歸
榜。贈言抒所懷。甘被俗嘲評。

內閣北垣下有老楮一株。歲久成陰。相國澤州
公機務之暇。時一憇焉。泰州禹之鼎繪成楮窗
圖。公自題七律二章。命門下士繼和。敬次原韻

二首

洵知黃閣異人間。獨樹能高便不頑。蕭洒坐看移日影。
婆娑行愛繞苔斑。堂餐撤後仍開卷。賜杖攜來正押
班。爲報官居如邸第。太平機務有餘閒。
自蒙一顧覺恩深。地傍絲綸氣象森。樗散不教成棄物。
栽培聊許效清陰。偶然此樹同温室。豈少餘材聚鄧林。
數仞宮牆窺不見。媿從下里和高吟。

贈別郭于宮

我初耳君名。識面悵猶未。吳中忽邂逅。衰懦增慨愾。纏
綿一臂交。傾倒兩心旣。顧歡同年舊。莫逆笑相謂。辛巳四月
君借書宣至姑蘇始訂交焉謂是我輩人。拔茅當以彙。出其囊中什
字字抉肝胃。豁達淮海風。鬱蟠河岳氣。儕觀狎唐宋。方

駕希晉魏。獨立千丈姿。昂然表凡卉。私心驚且喜。固是
吾所畏。竭來京洛間。領略彌有味。顧今不可作。語及必
長喟。孰使顧不亡。得君深自慰。時時小扣擊。枯槁需一
漑。亦復不靳予。情同采葑菲。生逢右文代。多士雲變黷。
瀟湘賦何洵。古鏡吟潘緯。公車召方朔。書學徵米芾。君
亦預承恩。南薰食官餼。明堂儲杞梓。丹腹視塗墍。大
海終掣鯨。蘭苕聊集翡翠舉。場昨俯就抱璞仍。別跡多君
失意來。辭色少怨誹。平生學問力。胸自判涇渭。頗怪窮
孟郊。甘稱溧陽尉。驥雖仰芻秣。鴻肯離羅罟。計決勇告
歸。會機適天乞。叶去。會機出唐書劉文靜傳金源舊文獻。蕪沒幾蒿
蔚。上賴野史翁。流傳得髣髴。補亡千載下。自任一何毅。

零落四千篇。緝紉成禮。君於中州集之外復搜輯全

圖經佛道藏。搜採靡不暨。經進卷倍前。乙覽為增

欵。隨身給書局。紙價往應貴。汗漫鏤板期。艱難治裝費。

若人富才藻。所乏乃資扉。崔硯幸勿焚。萊服行且衣。歸

與洵可樂。貧也何足諱。綠楊暗河橋。萬樹蜩蟬沸。南風

吹祖帳。好雨洗林燠。掉頭君其仙。炙背我如灸。倘念酒

人遊。尺書及塵坭。

同年錢綱菴舉幼子年月日皆與余同因命名

同初六月八日為湯餅之會席上戲贈

老錢年踰五十矣。二月抱孫五月子。今年二月錢先得孫子生距

我六十年。月日皆同時異耳。人生墮地如轉環。風雨小

劫須臾間。釀錢去作湯餅會。為爾聊破囊中慳。我今蚤

衰似蒲柳。玉雪蘭芽羨渠有。生兒若要與渠同一笑。還

須十年後。綱菴小余十歲故戲語云十年以後安知余不生一子與君稱同年乎老鰥造此口業罪

過過罪

送同年唐益功出宰德清十八韻

荆川嫡派承家學。經濟文章孰比優。忝附同年成進士。

欣看鄰境得賢侯。是邦約略吾能說。此去艱難爾勿愁。

小吏兩三迎水遞。長亭五十接鄉郵。菰蒲影裏攜琴譜。

菡萏香中發權謳。到邑不離黃篋舫。浮家且傍白蘋洲。

俗經早潦需仁政。天與谿山賦近游。千丈竒峯當案立。

一支健水入城流。帆檣絡繹疑官路。烟火微茫辨市樓。

籬落鳩鳴茶足雨。野田雉雊麥先秋。風醒曉岸魚蝦賤。
葉暗農郊桑柘稠。碧甕村村工釀酒。紅裙箇箇善捺舟。
向來風物原如此。比日流亡稍復不。開廩屢蒙恩賑。
郵催科聊緩歲徵求。瑟當急調絃須改。藥遇名醫病必
瘳。預想居民多喜色。愧無贈策佐前籌。蟻封豈合長馳
駿。雞割何妨暫解牛。別有虛懷人未識。下車先為訪南
州。敞座師少宗伯徐公方致政里居故云然

送同年宮書升赴任臨汾

班聯銓序五人俱。捧檄娛親爾獨殊。登第三年先老鳳。
得官千里試名駒。蓮花舊洞真仙宅。蟋蟀餘風古帝都。
矯首共看汾水上。一雙飛鳥是王鳧。同年謁選者五人惟書升得善地

送同年歸旣垣之任西華

侯封兩襲漢東京。後漢鄧晨鄧閻皆封西華侯事載本傳水經注專屬鄧晨者失考也百
里今傳小縣名。却羨鳴琴來宓子。真堪捧檄慰毛生。太
行北望渾連塞。洧水西流不到城。見說中牟壤相接。莫
教卓茂擅循聲。

藥苗初茁

一片苔封蝻蝥橋。汲從甘井手親澆。金波處士如相過。
莫畫狸奴損藥苗。圖繪寶鑑宋李藹之號金波處士喜畫猫于藥苗間

暴雨

的瀝初聞傍枕幃。忽拋響瓦万珠璣。虹霓故壯崇朝勢。
草木羣蘇一震威。漏屋移床非故處。破窗穿紙入餘飛。

雲開日出須臾事，賸得新涼暫透衣。

院長從口外寄餉灤鯽十二尾，雨窗憶舊吟成。

七言長律十六韻

無端枕上豐年夢，果有嘉魚致碧潯。荷葉解包腴未減，鹽花初腊味尤深。入關雨後蹄雙躡，粥市朝來尾一金。射鮒故知同井谷，魏都賦雖復臨河而釣，鯉無異射鮒于井谷。揚儵豈必盡。

青林，水經注：蘄州廣濟青林湖，鯽魚大者二尺，可止寒熱。每思長夏同垂釣，不比

嚴冬試落碇。塞柳柔條三尺踈，灤河新漲半篙侵。賞花

作賦榮曾預，貫笠披蓑力頗任。躍藻莘莘看得雋，駢頭

戢戢快生擒。憶癸未六月，扈從熱河釣魚事。烹鮮屢飫天厨饌，配酒兼

叨內侍斟。憶乙酉丙戌夏秋之行宮侍宴事。白首重回成往事，素書

頻剖荷佳音，鮓封倍覺分甘厚。鐵化寧愁遠信沈，長鋏

人嗤縠是蒯，直鈎吾敢曲為針。尚餘截竹為竿手，可有

臨淵結網心。口業不停如宿債，詩題纔到便微吟。行當

召客充枋案，底用呼童漑釜鬻。饋食例應煩十五，加餐

還望使重臨。儀禮少牢饋食禮，魚用鮓十有五，而俎今尚欠其三，故結語戲及之。

送沈岱瞻赴任寶坻

與君忝同年，生長同里閭。知君孰如我，骨日情豈但先。

公昔登朝名第南，宮冠鳳毛看再刷。省吏識珂傘，謂宜

上金鑿，繼世典詞翰。却將著作手，移畫紙尾判。得官向

京東，烏鹵傍海岸。古來畿赤地，風俗率鷲駉。駉駉太剛慮，爭

勝過弱恐示玩。自從羅畢繁，俯仰魚鳥亂。須令靜以族

毋致淪而渙。雖殊南陽鄉。圖牒行可按。業田湯沐賜。
錯壤居大半。莊戶接膏腴。農疇雜耕爨。并兼聽豪右。鰥
寡詎宜犴。人疑作令難。簿領苦堆案。子雖軀短小。其氣
乃精悍。才長百事能。所少非此段。望君暮月最。許我一
辭贊。疑網破二三。貞固事足幹。初如迎刃解。既過春冰
泮。夏書納桔服。周禮掌灰炭。瑣碎攬大綱。豈其銖銖筭。
情深不自禁。語出背沾汗。芻蕘倘可收。幸勿怖河漢。

送大司寇張景峯前輩罷官歸韓城二首

朝典推糾職。皇仁體好生。事關同列忌。公視一官輕。
已抱回天意。休高去國名。應同白司寇。家世說韓城。白樂

天以刑部尚書致仕按唐書本傳其先本家韓城

槐棘論三。又雷霆竟獨當。不聞廷辯語。自拜乞休章。
祖道千人帳。秋風一葉裝。大臣傳軌范。投劾便還鄉。

九十翁王德園輓詞上元人其孫元衡巳丑進士

門風本是烏衣巷。九十傳經比伏生。壯日看花朋舊盡。
老年種竹子孫成。有子五人孫七人社中天與耆英壽。身後人
傳著述名。存歿於翁兩無憾。同時銘誄半公卿。

送同年朱明原宰永城二首

淮徐封壤接。芒野舊稱饒。風俗鄩侯國。人家薛曠橋。近
聞成巨浸。行見布新條。膏雨隨車去。謳歌徧黍苗。
毫社來陳寔。桐鄉得仲卿。苦辛憐舊尹。謂唐殿宣慈愛播先
聲。世羨成名早。官因奉母榮。古來循吏傳。所重是書生。

送馮文子南歸時改就教職

計偕憐七上。屈就廣文壇。舊事青燈外。歸程白雁前。救貧無善策。攬鏡得衰年。杯酒平生分。臨歧意缺然。

六月杪于庭前後種竹兩叢入秋積雨忽生笋五株旬來森然成竹矣時方移寓作詩志之

兩叢竹種庭南北。土淺泥融尚露根。暫借清陰障炎氣。遽看穉節破苔痕。人情舊雨來賓客。家信秋風報子孫。

時大兒婦挈諸孫將至

珍重老夫臨別意。歲寒冰雪不勝繁。

別雙槐四十韻

位置雙槐好。空庭洽恰宜。校三雖欠一。得偶不成奇。拂戶交垂處。當窗並立時。遠疑孤幹合。高被四隣知。匝匝

重簷蓋。舒舒五丈旗。葉心還吐葉。枝亞復抽枝。次第徐敷蔭。縱橫各逞奇。問年忘甲子。稱老日期頽。屈伏躩踞獸。深蟠偃蹇螭。藤輪銜宿瘤。琴蚶斷炮皮。晝聶輕烟蓄。宵炕暗露披。希間星或漏。密布管難窺。蟬翳俄留蛻。蟲來遽引絲。啄枯巢有鵲。撼大穴無虬。日月東西照。陰晴日晚移。向來便嬾惰。端賴拒炎曦。張王貧官氣。遮藏陋室基。寓形粗當尾。取義合名籜。步幃奢從設。涼棚儉省支。展鋪新笛簟。抖擻敝書帷。四角行攤飯。中央坐賭碁。受風堪屏筭。經雨為添絺。濃翠濡茶盞。嬌黃墮酒卮。愛花勤汛掃。弄影故參差。忙閱名場速。閒叨造化私。桑榆收暮景。蒲柳警秋姿。物理循環具。天心屈指推。稍聞聲

槭槭旋見莢垂垂。彼美真無度。吾貪已不貲。描摹虛盡
手。贊。莫少妍辭。但使居能久。休論種自誰。棟梁寧缺用
節目亦奚施。匠石慙頻睨。樵斤幸勿斯。僦居初爲此。覓
地更何之。跡在終漂梗。神傷未解縻。依回經宿戀。搖蕩
隔年期。晤對曾賓主。吁嗟奈別離。筏應難遂捨。樹即是
相思。鴻爪留齋笏。蝸涎認履綦。後來須護惜。看取壁間
詩。

敬業堂詩集卷三十八

敬業堂詩集卷三十九

海寧查 慎行 悔餘

棗東集

起庚寅八月盡
辛卯十二月

庚寅秋閏大兒婦攜諸孫將至。槐移湫隘不能容。
乃遷居魏染衙衙西鄰。棗樹一本已纍纍垂實矣。
余下榻於東偏。故名棗東書屋。

移寓棗東書屋

一卷新編百首詩。老夫昨日別槐移。兒童上樹鳥鳥樂。
正是鄰牆棗熟時。

同劉若干前輩汪紫滄錢亮功兩同年登密雲
縣鐘鼓樓

三面巍峩一面平亂峯如玦吐孤城望中禾黍開畿甸
掌上風雲接帝京出塞雙鷗盤遠勢入關萬馬壯秋聲
夕陽樓下枯荻裏半截殘碑紀用兵

重陽密雲道中

過盡車聲十里岡牛欄山外作重陽黃花小店豐年酒
紅樹遙村昨夜霜短髻愁侵新節序浮生知閱幾炎涼
西風吹落參軍帽不是年時入塞裝是日自口外回鑾

樓敬思送菊

老去逢秋愛晚香故人與致滿車黃憐渠亦在風塵際
置我居然籬落旁折免小鬟偷插髻來如佳客快登堂
曾分一斗泉邊釀準備花時洗盞嘗菊花易酒北釀之佳者夏初蒙院長

見餉尚未開壘也

戲題吳寶崖杖頭貰酒圖小照

新豐酒價逐年增笑爾粗豪老尚能一醉徑須傾五斗
百錢纔可博三升

自題淳熙修內司官帖後

淳化祖帖絕難得南渡摹勒傳淳熙其詳載在輟耕錄
官本舊推修內司臨江太媚絳潭瘦字體特取豐而肥

宋汪遠閣帖辨記云其字精明而豐腴比諸刻為肥曾經翻刻凡幾手亥豕帝虎

辨者誰形模粗具木偶爾神理了不關須眉近來此本
亦不易世代漸遠宋拓稀大觀之後此其亞僅與閣帖
爭毫釐有如虞夏祖顓頊要是嫡派非橫枝昨從廟

見且駭。尤物乃落。馭僮兒。褰褫仍用。球路錦十卷。首尾
完無虧。叩之高索錢五萬。而我囊乏三錢。雖少需便恐
被豪奪。一計猛出。居巢奇。烏驢克貨價相直。快挾墨寶
徒行歸。入門爨婦告米罄。一笑那顧朝來饑。明窗小几
風日亮。塵垢不敢侵吾帷。古香透紙辟蟬蠹。元氣入骨
騰蛟螭。熊熊異光黑點漆。滑滑膩理膚凝脂。試臨只愁
鬼掣腕。旁睨幸免食朶。願嗟嗟世俗慣傳誤。目所未覩
公謾欺。曹家譜系格古論。歲月舛繆餘可知。曹士冕法
帖譜系云
淳熙十二年乙巳二月十五日樞勒上石曹昭格古要
論云淳熙二年乙巳歲二月十五日修內司模刻上石
按今拓本乃十二年乙巳九月十一日當以拓本為正偶憑一端為駁證。食古以
耳皆如斯。

題蔣樹存繡谷圖為王石谷所畫

憶初訪君尋繡谷。公緣棹轉閭門。曲桃花深陽數千家。
三徑依然蔣生獨。到門先看八分字。爪甲如龍陷蒼玉。
恰當首夏候清和。一色園林雨新沐。滿堂狂客歡譁集。
詩酒衝筵事徵逐。曾蒙分韻強留題。不怪歸舟避糟麴。
別來塵土換顏狀。霜雪盈頭沾寸祿。我方寓直鄰浴堂。
君亦辭家赴書局。寒窗瑣細註蟲魚。十指排籤管鋒禿。
此時忽漫披橫卷。快若重遊爽心目。奉常筆法付宮端。
分派同時一嘗熟。精研往往到毫末。縱逸寧容拘尺幅。
雲頭解駁天光開。地脉盤旋風氣蓄。奇峯翠感龜山石。
高幄濃張洞庭木。莎痕苔迹斷復連。寬處編籬還補屋。

誠云徵實處無句不
工真手也

漸深漸入官無際。中有千竿萬竿竹。野老時拖拄杖來。幽人自展遺書讀。城端殘照紅將斂。遠勢投林鴉伴宿。惜哉此景落東南。欲往從之輿說輟。畫圖非畫乃真境。試問歸期何日卜。櫬鞋桐帽吾豈無。準擬相隨友麋鹿。

題顧天山南原讀書圖

吳中多世家。君豈瑛後人。抱奇乃日富。所得在一貧。冰叟昔愛士。門墻分彌親。我自識君來。今幾三十春。姓名達館閣。蹤跡仍風塵。磊落見高才。激昂露天真。深惟讀書力。願此遠俗神。精理入毫銚。古言闢菑榛。兀然三尺几。上與萬古鄰。糟醕殊少味。願君飲其醇。

再為樹存題王麓臺宮詹所畫蘓齋圖

元四家法傳渺茫。華亭一老誰頡頏。我昨題詩諛石谷。派裔近遯婁。東王朝來復見宮相筆。令我展卷喜欲狂。君家繡谷中。舊有交翠堂。蘇齋想在交翠旁。不知結構幾時改。但覺城西竹樹轉。盼生輝光一丘與一壑。一重復一掩。似淺而愈深。為奇豈關險。興酣揮灑如化工。巖巒出沒初無窮。能將萬里勢。移入園亭中。主人好事客不同。三徑非復求羊蹤。招邀笠屐作晤對。尚友直到眉山翁。樹存得東坡笠屐小像因築此齋屬麓臺圖之翁之來兮萬木風。嶺海一氣遙相通。當時買田陽羨歸。未遂六百年後畫像乃落江之東。麓臺麓臺真老手。筆落神來洵非偶。紀聞異日傳中吳。繡谷名與蘇齋俱。此圖此像他家無。

誠之云志尹視學遠承晚研
先生之後其時制府嗜居官
甚橫巡撫儀封張公六畏惡
之故此詩云亦可謂詩中小史

送張志尹前輩視學江南

雙江西南來銅崖起何陲中流作砥柱萬馬盡回首
生生其間名望燦星斗決科上甲乙掇第聯子丑詞館
服虛衷同官半師友讀書事默識訥訥不出口洪鐘扣
則鳴傾倒靡不有高明本乎質器局隨所受公實狷者
流貌和中有守平生取與分纖芥真不苟天子稔公
賢臨軒簡端右量材今始用注意蓋已久江南往持
衡緬維人文數銀臺門下士君鄉試出西根柢視出手
時會適使然前車鑒諸後自從風教薄士習競趨走腦
盪爭一門日中有豐蔀情先絕請託物自呈妍醜或虞
節制尊文柄操賢否因之敵以下鬱鬱徒抱負坦懷吾

無蹊納約彼自牖方當前造膝胡慮旁掣肘率非公所
難時論何足剖古來不朽業要以精力取旌旄行出郊
祖道缺卮酒片言聊贈別敬起為公壽道在履初爰素
往義无咎

杜大宗名維翰與余同舉順天鄉試三上春官
不第而歿家素貧乏寡妻稚子熒熒相倚十餘
年矣今秋周桐埜視學畿輔拔其遺孤若馨入
泮馨貧未能娶因以族兄之女妻之作詩以紀

兼示杜郎

牧之京兆曾同舉稍長慙渠兄事余回首神傷三黜後
過車腹痛十年餘獨留病婦持家教能使孤兒讀父書

今日兩家羊酒賀老槐猶認舊門閭

陳乾齋前輩以院長兼領教習作述懷詩四章
示館中諸君諷詠循環贊歎不足輒次原韻奉
簡

重然藜杖照傳經光透文星是歲星鈴索自諳清氣味

畫圖人識舊儀型用白樂天畫像集賢故事波涵鯨海千層碧地拔

鼇峰一朵青此日門墻稱最盛春風桃李屬頭廳唐時翰林

承旨所居名頭廳

北扉清切接延英一片臯比寄不輕半載岩廊虛左席

六年林壑仰高情谷中吹律春長煖句裏探珠夜自明

豈獨殊才歸領院雅輪當代荷扶檠

鸞凰多出上林枝劉井柯亭有去思公望久推師表地

人才况值 聖明時來聽長樂鐘聲度起視花磚日影

移法醞錦袍冬拜 賜太平故事在蓬池

經名千佛籍羣仙總藉文章與作緣冰署頭銜差耐冷

玉成國器賴攻堅鸞坡地重官宜攝驥路風清駕獨先

四首新詩代條教玉堂氣象一時還

郊祀喜晴恭紀

齋宮肅穆五雲端大祀 躬親不遣官閣道風清千步

輦慶霄日麗九層壇陽和徧宇冬回律燿火升中曉辟

寒天竝 君王同霽色萬年歌頌溢鸞鸞

周策銘前輩雪後入直武英疊院長四首韻見

三十五卷中觀壯
丹詩有天並君王
齊在頰之句

投感舊抒懷情詞斐疊再次韻奉酬四首

酒邊劇壘記曾經。白戰詩成擬聚星。甲戌冬新城先生座上徵雪事分題
自入道山稱後輩。每從延閣想前型。重來客鬢痕添白。
相對朝衫色總青。劇喜歲寒同寓直。不煩巡到第三廳。

李濤乞酒詩惱亂玉堂將欲徧依稀巡到第三廳

人物他時數武英。轉頭存歿感非輕。傷松坪安公山堂三前輩及同年朱

字綠也。申歸寅入餘書課。火冷香消付宦情。粉蝕瓜牛粘

壁燥。氣吹野馬瞰窗明。天公未放勞筋息。幹合弓膠且

受弊。

鳳條安穩舊栖枝。出入頻深望闕思。地異終南非捷徑。
羣空冀北已多時。宣毫在握才逾富。江硯隨身榻未移。

十四年來翔步地。後先鱗羽太差池。此首叙先生重赴教習廳事

縞衣昨夜舞羣仙。冷淡閒坊醉少緣。至日我偏愁晷短。

履霜誰與警冰堅。寒寧易就桑榆暖。鴛豈能爭躩蹠先。

何法商量了官事。便隨二老賦言還。時座王相國陳公宗伯許公相繼引

年予告命下

嘉定譚生名在。欽取之列。而外來無咨送之

文。不獲赴書局辦事。留余寓兩年。將歸口占送

之。

知爾不能薦世情。良可歎。往年曾獻賦。同輩盡彈冠。近奉

上諭各館纂書人員俱加恩議叙。歲晚獨行急。家貧久客難。向南冰雪

少。莫慮布衣寒。

痕從良不從良集中皆誤刻

奉送座主大宗伯許公 予告歸里五十韻

六卿 予告吾鄉少此舉公今冠海寧秩領春官大宗
伯光分南極老人星傳家忠孝遙承緒得路煙霄早發
矚瞻斗地崇依象魏搏扶力厚起鵬溟東流赴壑隨川
后西掌開山比巨靈質抱圭璋爭就琢文融金錫儼流
型淮南子金錫不流型紫淵欲涉迷津筏翠嶽難攀歎絕陁
鶴禁向曾推舊學龍門誰不企高肩容臺洵歷非通職
宰相他時待掃廳吐納心虛惟愛士交遊道廣總忘形
絳紗夜捲談經帳雲母朝排隔坐屏獨以潔身嚴漏室
每持清議答明廷苞苴不入門如水進退何慙戶亦銘
正使含沙潛鬼蜮未妨擲瓦試清冷色寧可改緇加素

濁豈能侵渭別涇氣盛或滋曹耦忌言高偏徹 九重

聽引年自據尚書禮唐孔幾以禮部尚書據禮引年歷

宦還符退傳齡白樂天詩官歷二十政官遊三十年矣鶚

立雲端原矯矯鴻飛天外又冥冥頻聞入市蠅傳赦為

報歸期鵲喜聆率土三辰光禹服泰階五紀慶 堯曩

行拋手板牙雙笏笑解腰圍帶萬釘海外投竿連巨牯

人間巢睫任焦螟宮聲緩應車前鐸塲語欣聞岸上鈴

無跡可求矜挂角忘機相對鶴梳翎行時楊柳風迎袖

到日桃花浪泊汀羅雀閒情甘寂莫烹鱸餘味取鮮腥

玉張泉石精神爽拂拭霧埃眼界青泮水西來開第宅

六峯幽處置林亭硤石梅會之交大小山舊栽松菊重

移徑新茁芝蘭漸滿庭。兒是象賢齊謝鳳。孫皆夙慧辨
終。艇昂藏駒目人千里。珍重巾箱世一經。鄰有古風連
楠。栢巷無俗客。駐筭篁許評。字字榮華袞。顏誥家家奉
典刑。物外衣冠全洒落。社中耆宿半凋零。平生誼最敦
花萼。老去情尤感鵲鴿。徧逮九宗多卹睦。近調三眷少
伶仃。官貧并乏元紘馬。業富猶餘武子螢。何處追遊攜
几杖。偶然乘興出郊坰。靜敲深院棋枰響。醉問名園櫓
窺停。笛簾微颺涼過竹。吟窗晴旭煖穿檣。爐香馥馥分
茶灶。樹影離離上碓程。童戴笠簷清入畫。僕克耘耔健
添丁。先生樂事行如櫛。小子浮蹤寄若萍。局踏伏轅踰
弱歲。衰遲起蟄及春霆。久知世路殊難騁。屢夢田廬奈

未醒。心賞隨時勤造請。耳提即事發聾瞶。飲醇特許沾
觴瀝。饋食無由進土劔。祖道逡巡思效駕。守官怵悵類
拘囚。昌黎詩守官類拘囚白家池上尋芳屐。戴氏溪邊泛雪舸。華
髮門生歸有約。相期壽考頌椒馨。

十二月十七日出阜成門重過苑西舊寓是日
立春夜飲蔣西君同年筏喻齋

多時不踏郊西路。寓舍重來尚有鄰。霜葉滿庭槐失蔭
雪芽穿土薺先春。孤踪易著棲遲客。一宿猶煩洒掃人。
博得樽前開口笑。白頭旛勝兩回新。

謁座主相國澤州公於邸第見示 予告後新

詩恭上二章

真香山巨川濟了
作虛舟相似

上章今始遂初衣。五十餘年願不違。老鶴林端排霧出。
高雲天上作霖歸。別開仙境為詩境。便息塵機入道機。
若論龍門原峻絕。不因罷相客方稀。
八載追隨在禁林。奉公清誨識公心。重編頽上歸田集。
不比伊川擊壤吟。流水一彈真絕調。朱絃三歎有遺音。
管窺蠡測終難盡。領味從人自淺深。

沈岱瞻同年餉寶坻銀魚

濕薪爆竹歲將殘。宦况聊同苜蓿盤。三寸玉分良友餉。
一條冰合腐儒餐。別中加飯開魚素。飽後投床夢釣竿。
無物報君還自笑。近來詩語帶梅酸。東坡詩往往亦帶梅公酸謂聖俞也
除夕與吳少融程蒿亭湯納時陸宮翎朱以靜

湯公望家韜史小飲分韻得懷字

藥爐新減兒曹病。時兒建病初起酒盞重開老子懷。萬事過頭成舊曆。一官嘗我似清齋。好吟畢竟為情累。懶性殊難與俗諧。倚賴諸君相煖熱。隔鄰分火爇麻藍。除夕焚麻也俗也

辛卯人日赴座王澤州相國之召席間公首倡
七言律詩恭次原韻

重開東閣撰良辰。喜入新年倍爽神。句挾煙霞非俗韻。
坐談風月許門人。黃封例賜承恩舊。白社閒居致政新。
自此清遊好排日。從公賞徧洛陽春。東坡詩華顛賞徧洛陽春
送同年徐師魯出宰安陽二首

掉臂飛騰籍甘心本分官八年需次及千里計程寬邑
以名都劇人言簿領難誰知游刃意只作小鮮看
門風卿相後棣萼盡龍媒東海承儒術中原展吏才清
流泉百汊古跡鄴三臺片瓦今難致煩君訪硯材

得石軒歌為汪千波兄弟賦

行人學士兩詩伯兼抱元章好奇癖近因得石起軒名
復以長篇誇示客軒西舊是金張第臺榭居停凡幾易
丈人閱世如老仙土蝕塵埋久遭厄時乎顯晦豈天意
不遇閒官誰愛惜偶憑鄰叟指墻隅試劖青苔開地脉
雲根下插三十年虹氣高騰二千尺聞雷隱隱動牙角
出坎掀掀呈尾脊春直疑井底養成龍不信飛來化為石

君家院宇頗清曠添設闌干補籬柵長藤接葉樹交陰
特欠懸崖剖蒼壁移山之力十夫耳四片湖黿一朝獲
清泉淨洗見真形衆竅玲瓏受搜鬢東西南北隨所置
未覺中庭異寬窄花能含笑鳥能歌總向吟窗助搖襞
醉眠大可當高枕雜座尤宜羅廣席吁嗟兮人情賣菜
爭求益疊巘層巒事堆積周旋孰與一拳多乃至以身
為物役石然吾言應點首好共先生數晨夕試問閒歸
京兆亭

劉原父事
見長安志

何如品入奇章宅

見白樂天太
湖石記中

南海子四首

萬株楊柳密藏鴉苑戶如農不種花四百餘年飛放泊
至今樵牧屬官家

纔過春分未禁煙。畫橋冰釋溜涓涓。清流愛照垂鞭影，不賺人間飲馬泉。

文囿如山百物馴。黃羊趨趨鹿牲牲。生來便入雞豚隊，卧草眠沙不避人。

紅門草長少飛埃。萬頃平疇掌上開。一道修眉濃似畫，近南遙識瞭鷹臺。

重經朱大司空花莊有感二首

載酒看花不計巡。履綦陳跡愴城闈。舊遊屈指誰還在，我是當時末座人。

蕭蕭宰木拱梧丘。二十餘年奠醊休。見說郎君頭雪白，一官渾似謫江州。
江公敬如出守九已二十二年矣

廖若村同年屬題椿萱圖

莊子紀大椿。八千為春秋。風人樹諼草。北堂取忘憂。物

類致不齊。寄託各有在。誰將女兒花。孟東野詩萱草女兒花猥與

丈人對。後來遞相承。用代父母稱。雷同傳萬口。故事於

何徵。陟屺亦望父。陟岵亦望母。拘文恐害辭。義可斷章

取。廖生我同年。天性實過人。四十而孺慕。有懷雙老親。

雙親從宦歸。志未遂。迎養所以仕。於朝時時深。悵望晨

昏難自慰。作底承歡娛。重將望雲意。添寫椿萱圖。誰非

人子歟。此樂洵關命。試問儕輩中。幾家猶具慶。

清明雨

九陌廉纖雨。朝來阻鈿車。擔頭春事好。添種幾盆花。

即事

舊日兒童戲風鳶。跋扈鳴。近來雌蝶栩栩鬪身輕。

午亭山村座主相國澤州公里第也。十五年前

公官大司農時屬虞山王翬繪成橫卷。今從政

府予告將歸。上賜御書扁額。公既作詩紀恩

復出此圖命慎行繼和。恭賦七言絕句十二章

天井西來第幾陁。浮嵐千里拱翠屏。井西道人畫不得。

自有此山無此亭。

萬丈光芒臨一州。宸章奕奕垂銀鈎。煙霞指點最深

處。中有御書縹緲樓。

嵩少之旁多名園。家山近繞申甫門。丈人石踞天下春。

三十六峯皆子孫。

午僻午橋名偶同。佳名豈襲裴令公。屋頭山色屋下水。

多載桑經酈註中。

他時物產按圖經。見說長松似茯苓。曾活萬人餘世澤。

天教仙草生槐庭。

南陌東阡不斷雲。瀧岡佳氣何氤氳。行人過者日無數。

下馬來讀歐陽文。

展卷尋常思釣遊。太行天半阻歸鞦。誰知老鶴出羣意。

早在千花塢上頭。

崦裏人疑小洞天。如今真個著神仙。蒼髯白甲問無恙。

已是歸遲十五年。

幅巾藜杖去尋春。盛事一時謹四鄰。不獨公顏如雪相。
亭旁竹樹多精神。

濩澤灣環走白沙。一渠新漲給千家。野翁邂逅勿相避。
丞相小車來看花。

到眼風光涉筆成。天然何必煩經營。野桃官柳村村遍。
五畝不居獨樂名。

一德君臣進退間。恩深容易乞身還。袖中攜得片雲去。
肯羨爲霖重出山。

次韻答雲間黃若木三首

雅音日以遠。里耳方好新。凡卉擢穠華。過眼同一春。不
有味古士。誰歟範師民。

任昉云師民之選允歸人範

朝家宏網羅。棫

樸皆標新。人人珠在握。一一鳳集身。君豈躍冶耶。顧獨
遺陶鈞。不欲輕比擬。擬之恐非倫。

我初未識君。聞君窺奧府。平生不苟出。厥德自藻斧。謁
來京洛遊。黥則覬息補。居停得所託。養此好毛羽。昨者
荷見存。溫溫夙心吐。深知君子性。不逐時翔武。即以詩
學論。自可立門戶。

老年業不進。少作悔子雲。遷地胡能良。鄭刀宋之斤。軫
才不自給。何以揚英芬。官書日有課。兀兀膏繼焚。結習
猥未除。多生墜聲聞。我惑歎滋甚。君懷感彌殷。世豈無
士安。與序瑤華文。

題陳絨菴前輩西溪探春圖二首

寶所埴邊松木場。小溪水泮綠泱泱。竹篙撐到水窮處。
臘雪不香春雪香。不怕京塵漲帽裙。參橫月落正思君。何人喚醒羅浮夢。
萬壑千巖皆白雲。

奉題座王宗伯公松下讀書圖四首

七旬過後便懸車。八座歸來尚讀書。不礙須髯銀樣白。
精神猶似入朝初。昨夢曾占十八公。今於林下復相逢。鄰翁笑指童童蓋。
此是先生手植松。粲粲濤生細細鱗。喜從畫裏著閒身。腰金手板全拋却。
別換輕紗一幅巾。

階庭蘭玉看初成。萬卷傳家抵百城。他日松風吹几杖。
執經猶有老門生。

題李後圃鶴怨猿驚圖小照二首

晨鳧夜鯉烹殊僭。春韭秋菘味最全。此段風流君不乏。
故應慙愧督郵前。

文人自古相輕薄。不獨山陰孔稚圭。我為解嘲還一笑。
絆將驥足展牛蹄。時李赴唐縣任畫一牛車坐其中。

老懶吟

筋鴛肉緩稽叔夜。齒豁頭童韓退之。自分我今兼二者。
那將老嬾逐兒嬉。

張研齋前輩餉梅花片茶

摘得梅邊小瓣香。雨餘出焙勝旗槍。茶人預入前宵夢。
茗使旋分細色綱。水態花情論臭味。髻絲禪榻借風光。
開籠未敢輕煎點。待瀹清泉自在嘗。

盆池魚

埋盆當小池。中貯斗斛水。紅鮮二三寸。厥族殊鯽鯉。擘
粒晨飼之。駢頭而接尾。居然樂同隊。似識爭競恥。江湖
豈不寬。吾力止於此。含珠或望報。一笑可以已。

送同年張耦韓宰靈寶

地當分陝舊稱雄。劇邑依然函谷東。百里桑麻通號畧。
一塍花柳界臨潼。神明世合推賢宰。悃悞君能復古風。
別有高人占紫氣。仙才寧滯簿書中。

題同年徐師魯小照二首

琴調古於松。琴心淡於水。君勿改君絃。吾方洗吾耳。
林風吹月上。下有涓涓瀨。何處覓知音。知音不在外。

師魯索題小照適飲藥酒微酣誤以為撫琴圖
率題五言絕句二首明日視之乃烏皮几也再
作二絕解嘲

認將髭几作焦桐。笑口重開展卷中。道是醉人多謬誤。
終慙老眼太朦朧。

松風水月與傳神。何物能消簿領塵。不待客嘲先自解。
畫中賴有抱琴人。

牆西棗樹一枝下。無居人似為余設也。花時口

占二絕

童心預想三秋實，吾眼聊看四月花。見說西鄰曾去婦，故來與爾作東家。

獨樹移陰落檻前，清香端為病夫傳。斜街一榻槐花雨，已是浮生過去緣。憶槐移舊寓也

四月廿二日早赴西苑送 駕避暑幸山莊

麥壠瓜疇曉氣溫，朦朦淡月漸無痕。殘星帶火沈千點，新綠如山擁一村。老馬熟諳城北路，雛鶯又報苑東門。征衣長短曾蒙 賜，篋笥三年倍感 恩。自入武英書局三年免扈

從矣

科詔

科詔重聞下大廷，恣恣幾輩出郊坰。冬烘一老粗知分

閒卧天街閱使星。余自乙酉以來鄉會試應列銜名俱引分辭免

即事

盆池綠淨午晴初，尺水中涵萬象虛。一片玻璃天上下，白頭影裏過遊魚。

病枕聞蟬

閒門無剝啄，倦枕閱晨暮。風外一聲蟬，誰家庭下樹。

喜德尹至二首

近接元宵信，添丁報玉川。弟於元夕得子重來堪一笑，小別費

三年。貫酒逢花醉，移床聽雨眠。城南數間屋，相遲亦前

緣。弟所居即三年前舊寓也

六十吾過二君年正匝。巡所傷非齒。暮無愧是官。貧骨月性相近。田園話倍真。舉家同旅食。渾似帝鄉人。

喜雨

六月黃塵裏。炎蒸何處逃。乍涼蟬嘒爽。將雨燕飛高。天意回枯槁。人情散鬱陶。久醒思一醉。連夜致香醪。

大雨中將入直東紅椒上人

泥深路滑強肩輿。童僕何由借蹇驢。輪與城南詩老衲。一爐香坐雨安居。印度僧徒於五月十六後坐夏謂之坐雨安居以此時多雨也

種決明

眼昏欲試醫治平聲。法庭下朝來。種決明。八廓五輪全是障。龍木論眼有五輪八廓內外之障。却思草木養餘生。

六月十三日大雨獨坐武英殿書局

宛轉西城路。衝泥入禁垣。稍欣人語少。故覺雨聲喧。螭吻劖雲黑。龍頭吐水渾。微涼生殿閣。沾洒亦君恩。

題汪千波清溪放艇圖二首

三百八梯白岳。四十七瀨清溪。船頭已安茶具。船尾可少偏提。

載書我昨曾到。老去重遊大難。五百灘頭回首。羨君搖

艇新安。太白詩聞說金華渡東連五百灘他年一攜手搖艇入新安

偶詠庭前花木五章

茉莉本鬢華。佛書鬢華即茉莉也。南人不之重。結籬雜枳棘。爛熳寧煩種。西江糧艘來。此物克土貢。民間近亦夥。廟市排

金甕一本值數千探支一月俸貧官俸有幾減口為目用

秋葵特小草幹直葉頗剛鴨脚不中蔬移根自銅梁韓

黃蜀葵賦移根遠自於銅梁經時得土性伏雨回微涼一日閱一花

半月如人長檀心暈深紫金瓊含嬌黃詩翁亦何知輕

比道家粧薛能黃葵詩記得玉人春病後道家粧束厭穠時

棗實初如芡垂垂挂屋角秋陽一以曬脆美漸可支或

慮壓枝低隔垣探掌握家童方竊食遑問野鳥啄朝來

風太狂響瓦若冰雹天公有暴殄靜者庶先覺

決明乃叢卉細莖挺蓬麻兔目葉如槐秋前吐黃花入

秋况多雨亂發正復佳勿矜顏色鮮行矣霜霰加吾方

感獨立何暇為汝嗟少陵決明詩涼風蕭蕭吹汝急恐汝後時難獨立

石榴八尺長灼灼花頭密火雲催落瓣秋蒂齊結實初

看顆顆同罇拆謂可必根孤力苦弱黃殞無虛日滋培

吾豈殊成朽視其質何當慰老眼存者十之一

續咏庭前花草四章

木槿日及花難開易憔悴人情無久暫枯苑適時至敷

條自仲夏月令仲夏之月木槿榮荏苒雜秋卉老人齒髮衰閱世

殊少味炎涼等晨暮草草寓生意

江南第一花山谷詩玉簪墜地無人拾化作江南第一花得名獨因藥金方

秉正色厥白孰與比愛其玉無瑕持以配君子終焉忌

太潔采摘從此始莫上美人頭膏油能汚爾

海棠以秋名。應候開最早。媚人取顏色。娟秀亦自好。大
葉承綠盤。幽芳出紅祿。亭亭矜獨艷。脉脉視羣槁。春為
耀眼花。秋作斷腸草。寄語賞花人。千金須善寶。

高梧葉旋殞。苦竹歲不實。九苞鳳德衰。墜地尚仙質。翩
翾宜具體。五綵爛初日。俗眼視如蓬。紛紛難致詰。稱呼
隨世變。愛惜從緣結。誰知好女花。可入毘耶室。

吳文數員外餉鮮荔枝。憶戊寅六月與竹垞先
生同遊西禪寺。飽噉此味。慨然有作。

不踏三山路。於今十四年。每談甘露味。輒想荔枝鮮。好
友能分餉。浮生感宿緣。曾同朱老喫。惆悵望西禪。少陵詩果

孰且同
朱老喫

翁蘿軒為西厓畫柳舍漁莊圖。有詩索和。次韻

三首

縹緲虛無外。空明蕩漾前。何從分筆墨。直是散雲煙。詩
好原通畫。神清果得仙。漁村楊柳岸。放眼即湖天。
宛轉橋臨渚。參差樹隱莊。棹應迷客入。車或遣兒將。命
意何瀟灑。為期但渺茫。兩三垂白叟。篝火話溪堂。
歸宿知何地。披圖大可尋。冷官疎熱客。老境炯初心。重
碧千層浪。遙青一寸岑。篋中無長物。終不羨籛金。

西厓視學中州。重修龍門香山寺。後一年注退
谷。以事入秦。過洛中。命主僧種松數百株。因繪
成橫卷。兩公往復之作在焉。索余繼和四首。

俸薄官清舉廢難種松初返舊時觀風流二老知誰繼
畫裏亭臺補復完

甲子俄驚十五周刹那減劫已千秋自開成六年至今踰十五甲子矣
多情八節灘頭水重挾松聲上石樓

曾否經堂認寫真却將綺語懺前塵他時編入支提藏
莫忘題詩第四人兩公倡和而外惟索西谷及余詩故云

夢裏曾遊亦勝緣鼎門南去是伊川打鐘掃地初心在
終著袈裟喚渡船

食鷄頭

芡盤每憶家鄉味忽有珠璣入我喉絕勝嘗新會靈觀
鷄頭池上剝鷄頭汴中芡實出會靈觀歐蘇皆有詩京師德勝門內有鷄頭池當因此得名

也

以庭前新棗餉德尹二首

已經半月申童約又剩高枝與鳥鵲比似洞天無核棗
一枚聊解此生饒東坡云朱明洞是蓬萊第七洞天有無核棗唐永樂道士侯大華以食棗

仙去予在岐下亦得食一枚云

人間千樹等封君此語曾聞貨殖云好笑貧官貧徹骨
一株還就比鄰分

晒藥示紅椒上人

故人憐吾衰往往致藥料王幼芬自蜀中貽黃連貝母附子鬱金湯西厓自遼東歸貽鹿膠五味子東西朔南產地道悉精妙賤棄靳管麻貴儲同
美鐐居然聚成肆巾笥蓄海嶠炮炙所未加蠹叢劇牛

噍幸辭梅雨。漬喜及秋陽。照連朝風色佳。拓牖啓奧窔。
清泉滌宿垢。緩火焙瓦銚。鼻觀通衆香。薰然徹腦竅。調
柔在心性。外物徒詭弔。還復觀我身。癡愛於何名。維摩經從
我病生癡有愛則然。然而我有病。此病非藥療。自從客京塵。四大
苦纏繞。去聲攀援乃根本。客疾從此勦。齒落憐舌柔。聲謹
憎耳剝。狂華瞽眼翳。殘焰灰心燒。依回翦翮籠。潑刺貪
餌釣。窮非學子諱。痛甚舍人警。近讀維摩經。衰年忽如
少。虛空一床座。環顧不得徼。芥子納須彌。諸天初不覺。
大海入毛孔。鼃鼃性無燒。向來煩惱因。拊擋付煙燎。而
今方丈室。誓絕慈悲叫。欲將藥施人。恐被醫王笑。

中秋赴座王澤州公之召公首唱七律一章仰

次原韻

乘鸞顧兔望盈盈。恍坐璜臺第十成。桂樹有香秋倍爽。
丹丘無月晝同明。滿堂賓客沾餘葷。前席生徒奉橋衡。
公視浮雲如富貴。何煩問夜卜陰晴。禮記奉席如橋衡注橫奉之令左昂右低如有首尾也

席間遇雨相國復有留諸子待月之作再次原韻

子魚通印雀披綿。不數侯鯖侈食前。東閣再開延客地。
南樓重上晚涼天。林泉興在何時遂。風雨情深此夜偏。
兩串驪珠光照座。賽看蟾魄十分圓。

題王文選浣花溪垂釣圖小照二首

小舟閣淺沙。巨石壓深澗。忽動綠玻瓈。遊魚嚼花影。

噍幸辭梅雨。漬喜及秋陽。照連朝風色佳。拓牖啓奧窾。
清泉滌宿垢。緩火焙瓦銚。鼻觀通衆香。薰然徹腦竅。調
柔在心性。外物徒詭弔。還復觀我身。癡愛於何名。維摩經從
我病生癡有愛則然。然而我有病。此病非藥療。自從客京塵。四大
苦纏繞。去聲攀援乃根本。客疾從此勦。齒落憐舌柔。聲謹
憎耳剽。狂華瞥眼翳。殘焰灰心燒。依回翦翮籠。潑刺貪
餌釣。窮非學子諱。痛甚舍人警。近讀維摩經。衰年忽如
少。虛空一床座。環顧不得徼。芥子納須彌。諸天初不覺。
大海入毛孔。龍鼉性無燒。向來煩惱因。拚擋付煙燎。而
今方丈室。誓絕慈悲叫。欲將藥施人。恐被醫王笑。

中秋赴座王澤州公之召公首唱七律一章仰

次原韻

乘鸞顛兔望盈盈。恍坐璜臺第十成。桂樹有香秋倍爽。
居丹丘無月晝同明。滿堂賓客沾餘斝。前席生徒奉橋衡。
公視浮雲如富貴。何煩問夜卜陰晴。禮記奉席如橋衡注橫奉之令左昂右低如有首尾然

席間遇雨相國復有留諸子待月之作再次原韻

子魚通印雀披綿。不數侯鯖侈食前。東閣再開延客地。
南樓重上晚涼天。林泉興在何時遂。風雨情深此夜偏。
兩串驪珠光照座。賽看蟾魄十分圓。

題王文選浣花溪垂釣圖小照二首

小舟閣淺沙。巨石壓深澗。忽動綠玻瓈。遊魚嚼花影。

揚州典釋文

橋衡是兩物橋平較俟考

溪頭幾株桃。多被柳拂開。幽人此中坐。翦笠青於苔。

題表弟湯納時授經圖

與君中表序弟昆。往還猶記隨家尊。來時奉杖出候門。
長者前導幼踵跟。聖童十歲名早喧。六經背誦河傾源。
我慙却立心自捫。同年詎可同隊論。爾來幾何閱晨昏。
年踰六十手一反。女長已嫁男已婚。不獨抱子兼抱孫。
我雖竊祿鶴在軒。君猶需次羊觸藩。藩夢歸往往得故園。
披圖相對兩悅魂。君家紫雲山下村。護田之水清不渾。
有孫可教經可翻。只坐八口艱饗殮。絃歌三徑思所存。
桑榆力挽扶桑暎。黃精掃盡霜蓬根。一笑重續兒童言。
王樓村同年忍冬齋賞菊分韻得頭字十韻

晚菊多佳色。書齋位置幽。乍來寬束縛。相對解綢繆。冷
偏精神透。清宜臭味投。近盃浮藥氣。照影出花頭。肅肅
霜如剪。團團露欲流。蟹胥黃剖殼。鶴氅白披裘。籬下非
無伴。盆邊剩有秋。酒徒謹復合。詩主病初瘳。莫以蹉跎
歎。終能爛熳酬。年年高興在。亦足慰淹留。

次韻答東亭弟滇南見寄之作

西風萬葉催黃落。鷲鳥盤空恣拏攫。南中誰遣雁飛迴。
滿紙言愁嗟落魄。我從前夏與子別行坐。時時感離索。
荒山亂水夜郎城。憶走從軍恍如昨。一身輕出曾投筆。
萬里初歸但垂橐。兵戈回首三十年。鳥道羊腸夢猶愕。
子今宦遊乃落此。恍惚披圖見滇畧。邪龍東徙窟宅清。

狂象南奔夷爨削浪穹水曳青羅帶點蒼山淬芙蓉
武侯故壘屹關城阿育遺封割岩壑鳴琴理訟三時暇
傳鼓排衙百吏諾才優官事非難了俗儉民情遙可度
愁懷得酒且暫開詩體如騷亦間作此間索米大不易
應笑枯匏繫京洛性癖難陪冠蓋游興闌只想田園樂
馳書為報天南弟待作癯仙同跨鶴

武英殿書局告竣除夕口占

窮年書課恰如期喜甚兒童放學時剩曆一行還餞臘
涉冬三月可無詩舊巢天上重來夢殘局燈前未了棊
斑鹿黃牛仍拜賜白頭慙愧被恩私前二日復入南書房蒙
賜歲酒羊鹿魚雉等物仍年例也

敬業堂詩集卷三十九

敬業堂詩集卷四十

海寧 查慎行 悔餘

長告集

起壬辰正月
盡十二月

辛卯臘月左手病風今春漸及右臂蒙 恩停免
內直始得因病乞假前後滿百日患猶未除適兩
院長俱遠出遂因循度歲昔白香山守蘇州時年
甫五十八而退居之計已決其詩有長告雖當百
日滿故鄉元約一年回之句未幾果歸又十年而
風疾作余今年六十有三患病在前請假在後出
處之際有媿昔賢多矣

元旦朝回 御賜酒肴果品二席中使賚至臣

家感 恩恭紀

玉笋班初散瓊筵 賜北扉忽傳 中使到正值早朝
歸仙液爪梨脆 哈密爪東梨皆異品也 春羹雉兔肥 一家同醉飽
元日拜 恩稀

周桐野前輩貽雲碁一副開奩皆白子也戲占
二絕句

朝來畫得紙為枰 一咲開奩賭不成 遮莫先生寓微諷
不教黑白太分明
周天三百六十一 奇偶中從太極分 細玩君家舊圖說
有陽可得獨無陰

病風

香山臨老愁風痺 昭諫多時患臂攣 自分早衰宜速退
敢云同病比前賢 三災有劫誰能免 五苦無塵可怕纏
不學維摩佯示疾 道場還作散花天

瀆山酒海歌 并序

內西華門外西南一里許明朝御用監在焉又南數
十步為真武殿庭前老檜一株下有元時玉酒海承
以石床玉色青碧間以黑章白暈劬刻魚龍海馬出
沒波濤之狀口面約廣三尺餘隨其質為凹凸若荷
葉然形製朴古膚理溫潤中容四五石許壬辰正月
十九日偕雲間高不騫槎客往觀摩挲久之按元史
世祖紀至元二年十二月瀆山大玉海成勅置廣寒

家感 恩恭紀

玉笋班初散。瓊筵賜北扉。忽傳中使到。正值早朝歸。仙液爪梨脆。哈密爪東梨皆異品也。春羹雉兔肥。一家同醉飽。元日拜恩稀。

司桐野前輩貽雲碁一副。開奩皆白子也。戲占

教也。此詩絕句。

紙為枰。一咲開奩賭不成。遮莫先生寓微諷。

不教黑白太分明。

周天三百六十一。奇偶中從太極分。細玩君家舊圖說。有陽可得獨無陰。

病風

按遮莫猶言儘
遮莫先生寓微
作一解

香山臨老愁風痺。昭諫多時患臂攣。自分早衰宜速退。敢云同病比前賢。三災有劫誰能免。五苦無塵可怕纏。不學維摩佯示疾。道場還作散花天。

瀆山酒海歌 并序

內西華門外西南一里許。明朝御用監在焉。又南數十步為真武殿。庭前老檜一株。下有元時玉酒海。承以石床。玉色青碧。間以黑章白暈。刻魚龍海馬。出沒波濤之狀。口面約廣三尺餘。隨其質為凹凸。若荷葉然。形製朴古。膚理溫潤。中容四五石許。壬辰正月十九日。偕雲間高不騫。槎客往觀。摩挲久之。按元史世祖紀。至元二年十二月。瀆山大玉海成。勅置廣寒。

殿輟耕錄云廣寒殿在萬歲山頂中有小玉殿內設御榻左右列侍臣坐牀前架黑玉酒甕一車駕歲巡上都先宴于此燕都遊覽志云今御用監中有小亭亭內一玉缸體質頗潤中積水外以朱欄護之即廣寒殿中物也槎客屬予紀其實因參考舊聞而系以詩

雲間高生精賞鑿嗜古搜奇確且贍朝來導我出西華指點前朝御用監監南新剏玄都壇當門老檜青蛟蟠舊聞酒海今落此共嘆體質猶堅完瀆山巨璞初無價誰遣不脛來輦下至元巧匠雕琢成萬歲山頭設高架天然位置平不頗瑣窗八面開重阿石龍吸水上霄漢

倒瀉溢爲太液波波光翻動廣寒殿滿甕蒲桃映華瑱侍臣多著質孫衣質孫燕服見元史世祖紀天子親臨詐馬宴電轉

星流四百年故都何物不推遷曾承沆瀣依天上流落人間亦可憐亭虛無復朱欄護頽砌旁連髻器庫天吳跋浪鬚鬣張只與空庭飽風露君不見周彝商斝近來無形製爭傳博古圖爲池爲海將安用咲爾幾同五石壺

恭和 御製咏鳥槍原韵

鍍金浴鐵製新傳万丈光生掌握前命中巧踰弓入彀發機突並鳥爭先毛風血雨來千里電暉雷砲徹九天一震餘威收有截坐令寰宇靖烽煙

正月二十五日奉 旨停免內直乃赴翰林院

供職恭紀

九年眊筆廁清班。忝竊虛名祗汗顏。瑣闥乍辭疑削籍。
玉堂重到許投閒。勞生分定升沈外。聖主恩深進退
間。留取羽毛憐病鶴。孤飛何日放教還。

二月朔日碧桃盛開

無數緋桃蕊。齊開仲月初。人情方最賞。花意已無餘。

初假十四韻

涉海疑無岸。收帆喜有涯。初諳閒氣味。已攪病情懷。長
假知難遽。微名料易埋。密藏虛白室。高挂踏青鞋。一榻
春將半。孤踪世孰偕。自延醫入座。便少客升階。似鵠肩

雙塌如籤指。互排屈伸寧。自主運用漸多垂。藥餌聊投
水。針鉞等刺柴。簡編從度閣。典校免科差。臥久兼拋杖。
僧來或勸齋。老蠶甘蠹葉。瘦馬嗜枯蘄。即事安愚分。餘
生戀廢骸。幾時真大咲。撒手向懸崖。

盆中新種幽蘭忽吐一花病枕喜作十二韻

本草繙因藥。旬來偶種蘭。近根微取潤。培土最宜乾。愛
護新芽茁。爬梳舊葉完。連朝風習習。昨夜露溥溥。笑口
欣將拆。花頭側未安。一尖長計寸。五出瓣成單。靜女晨
粧淡。幽人翠袖寒。香來殊不意。夢好却無端。客有逢知
賦。周弘讓山蘭賦 竊逢知于綺季。吾方擬搽彈。當門誰免忌。入室雅相
驩。養鼻芬何與。椒蘭芬莖所以養 同心契漸難。祗應賢

子弟佳氣滿門闌時德尹潤木信安諸弟俱在都下

元立上人淮陰張氏子幼隨父客京師父歿權厝天津且死屬其子曰必反吾骨故鄉時元立甫九歲貧不能自存去而為僧得法于平陽晝公今五十年矣辛卯秋徒跣北來求父葬處天津瀕海沙水衝激殆不可辨有里老張姓者依稀指其處發視墓磚在焉桐棺無恙將奉以歸葬相見京師乞一言紀其事爰贈以詩

僧臘五十八當時九歲孤淒涼銜治命辛苦望泉壚鬼守他鄉魄兒存出世軀兩消生死憾含咲赴歸途
獨坐聞孤雁

風急天高片影孤水圍初脫尚驚呼是日行在菰蔣幸初撤水圍
有單棲處莫入羣中更作奴

清明日偕馮卯君馬素村沈駟襄家言思諸孝廉及兒建出右安門小飲祖園水亭有懷城西

舊遊

臥聞風日好暫起出郊坰歲有清明節人如聚散星烟光初上柳水氣欲生萍却憶名園路橋邊共踏青

三月十五日恩賜翰林院講讀編檢諸臣松

花江綠石硯中使宣旨查慎行吳廷楨廖賡

謨宋至吳士玉五人向在武英殿纂修着揀式

樣佳者給與臣慎行得夔龍大硯一方恭紀二

十韵

砥石青山麓。松花碧水濱。天文聯析木。地產富琳珉。蘊
 作巖間璞。來為席上珍。自蒙官采擇。頓發玉精神。有用
 逢時出。無瑕抱質純。性剛偏激潤。膚膩不留塵。露氣鮮
 流葉。波光綠漾蘋。銘辭周雅古。背有御書銘其辭曰以靜為用是以永年
 形製帝鴻新。規矩方圓合。廉隅節角勻。雕龍由哲匠。篋
 鳳貢儒臣。賜硯有泥金漆匣憶昨隨班久。曾經拜賜頻前在內廷
兩蒙頒賜隄麋兼月給。棐几亦時陳。延閣披香夕。山莊珥筆
 晨。詩多呈乙覽。賦每達楓宸。自罷文昌直。仍叨竊
 祿因微勞。蒙記憶末路。慰沈淪。優旨宣中使。殊榮
 逮五人。枯魚咸仰澤。病樹稍知春。臣分增慙慙。君恩

視咲頻捧歸憐手。顫增重為絲綸。

曉出西郊

小童晨出郭。歸報杏花開。病試經春屐。隣賒過臘醅。斜
 風吹巷陌。細雨隔樓臺。未遂田園計。僧寮又一來。

偕德尹潤木信安兒建孫祈過摩訶菴看杏花

王僧乞詩留題一絕

酒場詩壘付前塵。不到精藍二十春。今日眼昏花似霧。
 僧雛誰識未歸人。

再疊韵一首

弟勸兄酬不隔旬。花前渾作一家春。可能消得兒孫福。
 奉杖將車侍老人。

廣濟寺看海棠同徐燮菴徐壇長次杜牧之街

西詩韻

滿城烟柳正藏鴉。好事偕尋老衲家。旛影愛飄新掃地。
露痕初綻半開花。畧宜步障遮濃日。惜少鴟夷載後車。
宜似旁人苦攀折。一枝歸插帽簷斜。

是日再過燮菴同年寓園看海棠兼招王樓村
笑口重開又一奇。小堂南北万花枝。同時被賞寧論晚。
明日來看定悔遲。無雨劇憐如許豔。有風生怕不禁吹。
惟應火急邀詩老。趁取嫣紅撲酒卮。

荷陰清暑圖揆院長屬賦四首

綠水亭南万綠楊。一奩明鏡貯煙光。自移玉井如船藕。

高放花頭盡出牆。

碧雲擎蓋午陰涼。不獨花香葉亦香。想見公門清似水。

春耬飛近讀書牀。

六月遊人汗汁融。透肌一陣好涼風。欲知魚樂看魚戲。

長在田田翠影中。

比似濂溪愛有加。年年貪看畫中花。直從葉點青錢後。

剝過蓮蓬始到家。

先生每歲扈從避暑故云

送陳緘菴前輩視學山東二首

頻年慎簡出宮坊。公道能令士氣昌。稽古榮歸儒者分。
掄才難得聖人卿。機絲合與金針度。分判知從玉尺量。
館閣同時皆屬目。又看魁柄指東方。

水壺貯質雪飛丸。清望今猶重此官。絳幄風開三月後，紫躔光動五雲端。蓬瀛盛事推枌社，桃李新陰到杏壇。此去畿南纔七驛，道旁迎謁盡儒冠。

展假戲簡吳山掄薄聿修陳世南三同年

俸滿開坊及慵多請假頻。雨中三月暮花外五湖春。已遠鷓鴣隊猶羈麋鹿身。好官如歲酒推讓少年人。

德尹招同人飲寓庭紫藤花下

此藤此地初種時。詩翁酌我索我詩。藤爲桐野手植者今日周亦在座

藤今成陰花滿架。吾弟重來宅其下。夜來急雨雷闐闐。拓窗起看東南天。雲頭解駁日穿漏。紫氣散作濛濛煙。兩龍上走尾倒懸之而鱗爪紛盤旋。佛光中現寶瓔珞。

絳節珠幢朝曉仙。笑渠主人負花癖。治具典衣誇示客。酒徒一半招不來。來者留連窮日夕。高燒紅燭臨前庭。燭燄浮動千娉婷。忽然落藥墮杯面。香入醉魂愁欲醒。十年万事經眼見。况此旅寓如郵亭。藤今得氣漸張王。而我與汝俱頽齡。閒坊大可養衰疾。官守幸已逃拘囹。飲雖小戶且滿引。莫待鳥啄花飄零。

陳子萬七十壽令子履中孝廉來乞詩

曾於郎署挹清風。解組歸成鶴髮翁。才子聲名喧輦下。

故交書札到山中。荆溪花萼排家集。子萬與令兄其年緯雲合刻家集

商洛烟霞屬寓公。時子萬移家中州知是林泉能養壽。自慙宦

跡尚如蓬。

題汪顛三騎驢圖即送其赴醴泉縣任二首

結束翩翩西入秦也如懷縣著安仁杏園別有騎驢者
羨爾幾同鶴背人
今科進士俱留京教習不聽還卿唐時進士皆騎驢故云

逸足曾登郭隗臺屈他作吏亦仙才三峯圖上逍遙意

又看昭陵石馬來

昭陵在醴泉管內

同年王樓村嘗夢至一處梅花滿庭有一老人
杖而入以杖數樹云此十三本以付汝汝若饑
時但喫梅花便是神仙地位也覺而屬禹司賓
慎齋畫十三本梅花書屋圖壬辰四月樓村官
罷將出都以圖索句作歌贈之

鴻臚禹子特好奇聞人說夢乃畫之寒梅繞屋十三本

一一著花無醜枝問渠此屋在何許異境云自華胥移
龐眉丈人野鶴姿指樹付汝汝不辭嚼花可使食無肉
仙者得之能療飢覺來官舍冰雪冷滿牀菽菽香風吹
君家汜光湖水湄柳繁梅少地苦卑買栽開徑良不易
梅性故與高寒宜然而畫藁出神授何必遠問孤山爲
但愁書多無屋貯莫嘆樹小看花遲浮生所遇率假合
刹那劫比阿僧祇幻中生幻想非想身外有身知不知
君今罷官歸有期蘧蘧形開夢者誰詩成擲筆吾自哂
區區紀夢何其痴

因病展假院長揆公遣車邀至郊園用義山詩
作起句

漳濱臥疾正無憍。忽枉車音荷見招。藥草去扶藜杖覓
楊花來傍酒旗飄。不緣別夢三春隔。已憚勞薪半日遙。
重到名園知有分。爲憐詩癖未全消。

院長和前韵。謂余將乞長假。特寓留行之意。再

疊韵奉荅。

出處心孤不自憍。當歸何待故人招。花隨流水雖難住
絮到粘泥已倦飄。塞馬楚弓紛得失。遊鷗斥鷃各逍遙。
獨餘門館酬恩地。香山詩高家門館未酬恩結作癥癘未易消。

自怡園藤花

朱藤春季花。入夏已狼籍。名園開較晚。晚間作一旬。隔我
來若相待。耀眼動魂魄。舉頭千万梢。梢梢上高格。迴欄

三百步。步步轉幽蹟。中休得小亭。未覺方丈窄。花穠四
垂鬢。葉厚平展席。輕如榆穿錢。小串低可摘。重如鯁貫
柳。繁縷紛難擘。尾長或計尋。莖短亦盈尺。高寒俄作勢。
密綴欲無隙。南北交絲幃。東西挂簾額。采香蜂經營。嚙
影魚跳擲。紫雲烘暖靄。不受日光炙。旦晚顏色殊。陰晴
氣候易。主人有深意。召此閒吟客。方當豁襟抱。兼用依
肴核。擷之復湘之。謂有噉花癖。從公亦何幸。醉飽且永
夕。明歲花發時。回頭莽陳迹。

曉起聞鶯聲。次院長原韵。

煙條雨葉密難分。睨睨聲從隔岸聞。自出喬林爲求友
苦教獨客感離羣。暗穿花徑如流水。暖炙笙簧好遏雲。

斗酒雙甘真不厭。為渠晨坐到斜曛。

雨後觀芍藥再呈院長

夜來微雨曉來風。多為階前芍藥叢。艷色可將何物比。賞心聊與故人同。遲開分落群芳後。獨秀慚居萬綠中。莫以將離煩折贈。兩年以來園中每有花開公必遣人折送此花不稱白髭翁。

鶴卵次院長原韵

四生一墮想緣深。陽鳥雙棲只在陰。遺種也憐同羽族。托胎誰信有仙禽。雲霄已具初生質。渾沌猶全未鑿心。他日長鳴聽子和。勿將雀鷲比淳音。蘇明允詩雀鷲含淳音聞汪紫滄同年出獄

忽傳 恩赦下蕭晨。病枕初疑聽果真。但是旁觀多感涕。誰當身被不沾巾。累朝豈少文章禍。聖主終全侍從臣。莫怪兩家憂喜共。十年同事分相親。

送孫洪九之任瓊山兼簡瓊州守林碧山

異才資格外。仕路有先機。洪九在武英書局校錄去冬告竣得邑莫辭遠。着鞭如爾稀。嶺雲雙鳥度。海島一颿飛。府主今賢者。茲行得所依。

平陽太守孔彛仲六十壽詩

十五年前識孔愉。座中曾示武夷圖。戊寅初夏余遊武夷時彛仲宰崇安家承曲阜先師學。郡領陶唐古帝都。宦况祇聞琴配鶴。仙山猶憶鳥為鳧。懸知北海開樽處。酒釀蒲桃不用沽。

賦得忍冬花送樓村同年南歸分韵得群字

鴛鴦亦有偶。鷺絲亦有群。本草忍冬一名鴛。鷺藤一名鷺絲藤。豈謂閱晨

莫遽看黃白。分亭亭羞獨豔。兩兩含清芬。願保忍冬意。

嗒焉吟送君。

以釋門五經約註送院長有詩見謝即次來韵

奉酬

禪宗空諸無。梵夾實諸有。光同日月照。瑞叶龜龍負。新

舊譯兩伊一。豈殊三九。翻譯名義云。西方有新舊兩伊。九只是三三九。雖殊其理常一。五經大綱具。五藏條目剖。三十八万言。

言言垂不朽。大論云。毘勒藏有三百二十万言。佛在世時所造。後人憶誦力少不能廣誦。撰為三

十八万聲明先釋詰。大論言五明者。一曰聲明。釋詰訓字詮目流別。精理發智

四千言

母起教阿含。先修行木义。首明通徹。墻壁解脫。除枷杻

散華與貫華。慧悟非愚守。多羅雖布葉。漚鉢必尋藕。我

無廣誦力。心地未離垢。自從獲此書。煩惱變蜺斗。久知

繆緘石。猥欲珍享帚。狂緣稍稍歇。幸免怖頭走。方丈寄

一軀。由旬視四肘。有時或展閱。默坐牢閉口。先生愛我

深。采善每耨醜。作詩相扣擊。現此霹靂手。秘笈敢自藏。

琅函往無咎。願公調五味。灌頂孰與偶。眼界示空澄。微

塵悉抖擻。琉璃無障礙。當見山河否。

送史倣弦前輩視學粵東二首

去作蓬瀛海上仙。文昌八座本同躔。一朝掌制推三世。

万里持衡在兩年。史倣雲南鄉試初回故云。唇氣晴標瞻斗地。虹光

夜發種珠淵。蒼榕錦荔成陰徧。桃李春風分外妍。
鳳池重望屬宮端。親見丹山振羽翰。昨捧紫綸千騎
出。尊甫儲相公於三年前奉命祭告南海新開絳帳万人看。班香宋豔才
相。壇蘇海韓潮量校寬。但是同朝誰不羨。文章早達似
君難。

晚香齋畫卷紅椒上人屬題二首

清流九派匯東湖。湖上精藍傍弄珠。三十年前遊似夢。
黃花應笑白髭須。癸亥客遊當湖始識上人于化城菴

晚香齋畫已流傳。初白菴成未有緣。世出世間留二老。
把茅至竟讓誰先。

羅浮五色蝶院長屬賦

我愛羅浮雙鳳子。碧紗籠出看分明。別從花底留仙種。
不向林間鬪化生。莊叟夢中渾未識。滕王圖上總難名。
祇疑園客蠶爲繭。五色抽絲繡得成。

送院長揆公隨駕避暑山莊

上卿侍從有仙才。詔許攜家避暑來。閒裏未妨披卷
過。別前先約寄詩回。灤魚味入三秋美。塞草花多六月
開。曾是往年同直地。万峯回首隔蓬萊。

把犁圖爲汪荇洲前輩題二首

宛轉橋通曲折溪。綠陰南北岸東西。玉堂不少栽花地。
爲愛山村雨一犁。

身占蓬池第一流。却從跨鳳想騎牛。山中宰相他年事。

不要黃金畫絡頭

用南史陶弘景傳中事

題從孫恒侯雲岫觀日出圖

雲岫家門山去家咫尺耳平生趾未到浪走千万里客
中看畫興飛騰老矣梯空力尚能桑榆欲挽扶桑景歸
作鷹窠頂上僧

送陳鍾庭前輩由學士督學畿輔二首

芻無汲引上丹墀獨以文章結主知奉使銜仍兼學
士持衡公不愧宗師朱衣院吏傳呼出白髮儒官載筆
隨好是年時車馬道兩行桃柳夾旌旗

春風入座藹然披形跡無嫌自絕私花月有時成邂逅
壺觴幾處記追隨戢鱗魚廁騰蛟地塌翼鷗眠浴鳳池

未敢出郊同祖餞聊憑折柳託新詩

送唐次衣庶常省覲歸揚州次安溪相國原韵

紛紛冠蓋場勇者乃先去河橋万株柳攀折凡幾樹

九重亟儲材館選盛冷署新進半登瀛芸窗拓雲霧舊

來冰雪文詮次列州部群推著作手領袖佇知顧云胡

遽傲裝矯首赴歸路足知學問力祿養猶孺慕白華古

義存至潔如飲露天際望南帆花間指西墅人生屬有

願宵作蓬萍聚與君昨論交託契在未遇知我無若君

侵尋感末暮重來祇自悔余丁亥告假南歸久滯真再

誤厚意久豈忘聊抒贈行句

湯西厓前輩自通政改授翰林掌院學士時奉

使嶺南未歸馳詩寄賀兼述鄙懷八首

眷注 恩深出入偏重看名籍冠群仙文章舊價新增
重不礙來遲十二年先生于庚辰春由編修改諫垣

久推公望稔公才合到蓬山頂上來品秩不殊銜特換
北扉班壓大銀臺

同時領教得名臣程李欣傳拜 命新到此始知師席
貴錦袍分占兩家春明弘治中程篁墩與李西涯同時領教西涯有詩云詞林盛事久相

仍師席逢君喜不勝今先生與少司空揆公奉旨亦同教習庶吉士故云
望中一髮海天青暫借文星作使星莫被江山久留滯

無邊風月在頭廳唐翰林承旨所居第一閣亦名頭廳在學士上今之掌院即承旨職也
詞林故事聞前輩誥勅元須巨手裁便合還 朝稱閣

老文淵內署待公開舊傳文淵閣為翰林內署詔冊制誥皆屬焉凡宣召文移止稱翰林

院初不以內閣名每日與閣臣會食輪學士一人專掌誥勅多挨次入閣者故例稱閣老今蘇州有閣老坊乃吳匏庵為學士時建

石渠天祿校書頻仍歲員多比積薪我是史官頭雪白
末班猶領百餘人編檢俸深無過余者

敢擬微之並樂天才名官職兩殊懸只除一事差相似
恰比先生老七年白香山詩自注云予老微之七年今余與先生年齒相去亦爾故得借用

此病中未奉休官檄枕上先成寄遠詩計日乞歸應有分
向來心事荷深知

送同年宋山言視學兩浙

與君隣墻居。晤言實疎曠。隔墻見高樹。雙鶻巢其上。連朝傳好音。奉使開絳帳。余方移疾臥。君過問無恙。握手起踟躕。慰懷釋惆悵。吾鄉十一郡。山海饒氣象。自昔不乏才。名賢出輩行。讀書想前喆。指授不流浪。長老尊所聞。後生知所嚮。家家承桀燹。一一資蘊釀。自從娶學袞。科舉變時尚。姚江矯斯弊。絕學揭孤倡。傳習到南雷。淵源大流暢。經經緯以史。文筆兩浩蕩。秀水朱竹垞及慈溪。姜西溟頡頏庶相伉。爾來復誰繼。耆老日凋喪。菑畲任榛蕪。多士將安仰。君生公相家。儒雅世宗匠。商聲振河岳。金石比清亮。人稱詩滿囊。自喜書歷摑。此行執文枋。獨力狂瀾障。梗柟豫章材。厥初視乎養。植根在績學。條蔓

芟冗長。風先絕奔趨。名亦戒標榜。轉移良易事。勢捷登高唱。徒從制藝論。於衆非所望。吾今老且廢。記誦月就忘。尚思炳燭光。未肯頽然放。平生婞直性。語出常近謗。歸去作州民。菰蘆倘相訪。

院長自口外寄餉鱸魚山蕨

山澤珍難二者兼。鱸魚肥美蕨芽甜。銀絲斫鱠冰調水。錦帶宜羹雪點鹽。私爲飽餐慙過分。頻叨遠餉恐傷廉。年來口腹真相累。此疾從今也要砭。

兒建舊任束鹿令。自補部郎每生日。邑之士民不憚六百里走京師。製屏幃爲壽。遇余誕辰亦然。無以酬之作詩以示不敢當之意。

古有歌來莫人今屬去思不聞循吏傳兼補白華詩宦蹟清殊愧民風厚可知年年四五月重覽到京師

百日假滿歸心未遂排悶成篇

乞歸無路且遲遲長告俄踰百日期已是膏盲成痼疾非關藥石少良醫飛鳥將子於誰止兒建先以病告假行有日矣老

馬爲駒只自嗤轉覺君恩難報稱俸錢三万又虛糜

偶閱雪關訓和詩輒效其體作十偈寄晚香上人

人

耶舍在孕七日和修處胎六年那論後先遲速各人自有生緣

造物爲爐爲炭衆生自灼自煎本來無垢無淨跳出湯

泉冷泉

馬鳴廣造論議阿難修集多羅一字不圖遮眼試教燒

却如何

五百龍宮鶴衆他生盡是門徒切忌當頭着棒且須開

手還珠

業惑即迷即悟慧根何淺何深倚杖雖傷佛面投鍼便

契師心

塔上鈴鳴何語墻頭幡動誰家禁得毘藍風力除非一

角袈裟

一家眷屬何有木魅水怪山魃雖則門風高峻就中容

得波旬

法要不關衣鉢。禪宗易雜龍蛇。東方入世避世。康樂在家出家。

童子燒香掃地。厨人篩米搬柴。此段作何消受。老夫念佛持齋。

八万四千偈子。猛逢毒手多刪。截斷口頭語句。請師另逗機關。

久旱得雨

聽說今年旱。南連兗豫愁。遺蠅仍出地。宿麥已無秋。得雨寧嫌晚。如膏幸徧流。黍苗多望澤。莫但洒皇州。

雨中院長送塞山赤藤杖。至兼以詩索和次原韻。

韻

孔光靈壽儼非倫。冒雨猶煩送杖人。倚賴扶持防滑路。料量筋力好抽身。鳩知祝咽先濡味。龍欲騰梭早濯鱗。不向街頭輕曳出。撥開雲霧即狂塵。

題徐壇長庶常竹趣圖

泉聲絕澗秋。咽霜信空山。早寒何物不當搖。落此君獨占檀欒。畫中千个万个。賦裏三竿兩竿。留取數間茅屋。從教日報平安。

題陳希聖然藜圖

閒拋万卷在中箱。多爲官書校勘忙。眼大如箕君莫怪。已將藜火比螢光。

題達履中東郊尋梅圖

黃埃高歷城頭山。老夫畏暑方掩關。何來一幅好圖畫。
彷彿置我羅浮間。圖中之人貌冰雪。格與苔枝兩清絕。
從知托興在高寒。不怕侵肌有炎熱。因君振觸動歸心。
欲和孤山處士吟。明年君放西湖棹。但向梅花多處尋。

夏水

一派方諸水。來從石上流。物無堅不化。性有重還浮。
耐冷誰能踏。乘炎勢易酬。夏蟲渾可語。吾欲詰莊周。

余歸志已決而行。在信至院長固欲相留再呈

一律以申前請

世味酸鹹別。歸心老病交。寧忘魚在藻。其奈鶴思巢。
古有成人美。吾非解客嘲。願公全末路。道在遯三爻。

自怡園荷花四首

一片頗黎上下空。芙蓉城現水精宮。已離大地炎埃外。
尚在諸天色相中。未免情多絲宛轉。為誰心苦竅玲瓏。
雲烘日炙如相試。賴是清涼不待風。

雕闌北面小亭旁。久坐真成透骨香。翠羽拂奩開皎鏡。
綠衣扶扇侍紅粧。繁華肯鬪春三月。澹蕩偏宜水一方。
馬跡車輪尋不到。別依淨域作花王。

菰蒲響雨午蕭蕭。盡洗胭脂取寂寥。一鷺偶依疎影立。
雙魚忽破靜機跳。輕橈劃浪紅翻岸。高柳移陰碧過橋。
宛在中央情脉脉。微波咫尺去人遙。

菱角雞頭漸滿池。亭亭獨攬出塵姿。難留雨露珠頻瀉。

自拔泥汙性不緇。老衲山中移漏處。佳人世外改粧時。
白頭相對歸心切。欲捲江湖入小詩。

長律一章寄祝座主清溪徐公九十壽

吳興自昔多耆舊。人瑞今歸九十翁。古殿靈光尊海內。
歲星朗耀在江東。龍門傳裏張丞相。淇澳詩中衛武公。
落落乾坤誰行輩。明明朝野屬宗工。韓歐著作奇而正。
顏謝篇章麗且雄。細入管城抽虎僕。健踰弩矢射牛螭。
文壇地望高于位。談吐光芒亘若虹。白雪調孤卑郢曲。
朱絲絃直叶廂桐。主張聲氣能延攬。領袖儒紳待發蒙。
李泌藏書借諸葛。蔡邕秘本得王充。頌琴拂拭知黃鵠。
老研摩挲辨帝鴻。却對友朋心轉小。愛聽絲竹耳逾聰。

人稱恭謹成家法。客許周旋合禮衷。什襲有囊多錦製。
留題無壁不紗籠。徧栽桃杏開芳徑。新茁芝蘭壓舊叢。
雅量風清兼月白。閒情澗碧與山紅。陸龜蒙里移茶竈。
張志和家續釣筒。峯倚百寮如畫幃。泉疏半月是清淥。
居鄰崑閬差相亞。道在神仙必可逢。憶昨歲當京兆試。
吾師力具大臣風。如網獨挈收羅廣。比鏡虛懸藻鑑融。
拔茹心傾非黨援。掄才典鉅本公忠。肯教謗燄淆清濁。
特荷君恩見始終。存問屢承中旨渥。晉階還校在
朝隆。壺漿出境迎千里。几杖同時授兩宮。已勅天厨
供飲膳。復頒宸翰示褒崇。衣冠盛事推華皓。扶掖餘
榮逮僕僮。八洞雲霞雙蠟屐。五湖烟月片青篷。種魚蘋

未看群戲養鶴松梢待上翀自信結胎從混沌寧煩訪
道到崆峒千莖雪變丹爐火百煉鋼銷赤堇銅下士口
傳非要訣至人踵息有深功蓋珠乍轉時三扣瓊液閒
拋偶一中黃髮高堂老宗伯黑頭子舍大司空抱來膝
上皆文度呼出尊前悉任童成器固知由哲匠學箕旋
喜作良弓虞庠又見孫嵩入洛社稀聞橋梓同兩寺高僧
招遠永五君新咏削濤戾阮宗大小分南北表魯東西合
耄種雨過籬根采黃菊霜餘渡口賞丹楓小春晴暖梅
先報十月温和水未凍平叶屏展彩蟾金的鑠杯浮綠蟻
玉玲瓏遠從翠島尋琅菜近向玄都覓綺葱賤子受知
非一日微官托跡類孤蓬執經曾附三千士笑曆俄周

十二蟲常願籃輿隨靖節敢云藥物備行冲升沉分已
安岐路進退心惟撫薄躬寸簡迢遙馳北闕辦香親切
奉南豐秋來準擬求長假歸去猶思效祝嵩屈指稱觴
期可剋門墻雖峻往來通

寄祝梅定九徵君八十壽安溪相國屬和

數參河洛在先天絕學今猶見一賢訪道早承君相
著書老望子孫傳管中窺豹知千古杖頂安鳩又十
年翁本西京仙尉後世家仍合號梅仙

題王石谷杏花春雨圖

溪光汎汎山濛濛杏花十里五里紅此時江南新雨足
農事未起春方中我愧不如把釣翁小舟閒泊菖蒲叢

又愧不如卅角童。騎牛踏徧村西東。無端乃被一官縛。
坐令畫圖之景到。眼成虛空還。渠自向高堂挂報我歸。
期行已屆。但吟初白老翁詩。何必耕烟散人畫。

安溪相國見示紀家難述舊德詩敬題長律五
十二韻

相國勲猷盛旂常。日月邊廟堂調鼎鼐。寰宇靖氛烟却。
自承平際。追思開創年。安溪城僻左。瘴海地連綿。劇盜
營三窟。官軍敗兩甄。縣疆騷永德。郡界躪漳泉。挺險猿
猱捷。潛蹤蜂蠆懸。最難防出沒。多是困迤邐。村落胥波
蕩。深山亦蔓延。公家時避匿。叔姪被拘攣。弱肉疇能保。
強宗孰與聯。間關歸仲父。急難見英賢。虎口危將探。鴿

原痛莫湔試。憑三寸舌行。挾一空券。本擬辭相奪。終知
怙不悛。脫身思變計。除惡要兵權。豈有田橫客。俄揚祖
逃鞭。一呼童僕應。兩志弟昆堅。買劍招莊戶。椎牛出牧
田。誓詞情欸欸。義憤涕漣漣。首以身衝賊。誠堪十當千。
拔弧惟恐後。集矢共爭先。是夜昏迷路。其時霧塞天。彼
愚驕恃衆。我怒勇躋顛。岩谷聲搖動。風雲氣接連。夢魂
兇膽裂。頭尾亂屍填。鼠穴還深鬪。鳥巢又繼燃。曳柴妻
子棄。委壑糗糧捐。牙蘄俱殲矣。根株務拔焉。向來投死
地。何敢冀生還。失喜經年陷。仍看十口全。親朋節酒會。
官長插花筵。赴敵雖倉卒。成功詎偶然。衣冠森介冑。臂
指儼戈鋌。遂使鴟張勢。翻爲撲滅緣。節竒因險著。事往

賴人傳屬者當藩逆先生適錦旋料其情必歟聊復分
相牽懇切迎師表辛勤伐叛箋蠟丸宵入奏露布曉
宣自爾蒙恩重因之嚮用專畫轅開八座黃閣入三
遷忠孝培逾厚流風久慮湮伏陳家世事仰荷聖衷
憐賜額旌閭里分榮賁豆籩鄉評公可采國史實宜
編表表推名杰煌煌紀大篇時無門比峻家有筆如椽
閱歷干戈畔分明指顧前境真由目擊痛定尚心悄示
後言何苦光前道不愆會須鐫琬琰餘澤永梧捲

雨中過林鹿原梁園寓齋三首

西家井底窺天小東家樓前瞰地寬一雙病眼無處豁
且冒雨出尋蘇端

人言進士不得進用太白語自詭書家懶侍書呼朋日飲坐
無事豈謂有愁煩破除

梁園水通虎坊橋及見老柳垂千條三十年來太搖落
憑欄雨急風蕭蕭

客有笑余乘驢車者賦此畱之

遇酒逢花便出遊蹄間一尺駕輕輶泥塗安穩偕僮僕
灰洞馳驅讓馬牛得免徒行猶有愧更爭先路欲何求
冗官只笑騎驢客老向天衢閱八騶

顧俠君庶常招飲晚翠閣次東坡白鶴峯新居
將成夜過翟秀才二首韻

怪底東吳顧文學才名今始透春關偶移種竹栽花地

如在廉泉讓水間更上一層宜有閣特開西面為看山
滄州酒釀南烹潔每到君家醉飽還

萬卷書多插架仍肯教輕棄短檠燈簾前涼以三更雨
屋裏清于六月冰朝爽不名名晚翠閒官何似似高僧

依稀宣北坊西角鴻爪留泥我亦曾癸酉夏秋間
余寓居此巷

院長寄馬尾蠅拂子

千條宛轉縮初成便有風從繞指生柄短不勞犀作骨
尾長仍借麈為名禪門付法今尤濫人世清談久見輕
欲效驅除苦無力青蠅當暑正營營

寄祝胡東樵八十壽清溪大司寇屬賦二首

吳羗山色鬱然青中有元家野史亭人指所居為福地

天留此老應文星河汾業盛傳三世夾深功高在六經

千尺喬松多美蔭重看蘭玉繞階庭

尚書北面舊稱師司寇公少受業于先生碩果西吳更有誰著述

久歸三館貯才名曾受九重知烟波放艇懷清雪風

雨連牀記莫釐庚午秋冬先生在洞庭
東山書局余獲追隨見說精神猶健

在杖朝不異杖鄉時

立秋前一日馮卯君同年招遊樵沙道院

抱病儵半載閒居治幽憂故人憐我衰招赴城南遊樵

沙古道觀風氣清瀏瀏東南烟靄交野色翠若浮短墻

俯而瞰下有瓜芋疇入門樹干霄檜栢榆槐楸涼蟬一

聲嘒天地颺以秋微颺自北來大火方西流談諧雜坐

臥几席兼衾。稠豆籩既靜。嘉旨酒亦思柔。二馮乃舊好。
卯君施如唐萬斯洵良儔兒孫胥在眼弟姪互勸酬置我
于其間。頽然一白頭。主人誼良厚。欲起每被留。試問勢
利交。有此摯性不浮雲。翳空虛。聚散豈自由。且爲六時
樂。用豁窮年愁。

題四明萬開遠冰雪集後故友貞一之子也

孟郊歿後千餘載。載苦語何人更別裁。風雅道衰無至性。
海山地大得奇才。翻瀾涕淚隨聲出。徹骨冰霜煉句來。
竊喜故人還有子。一編浮白爲渠開。

題亡友吳商志遺像

每過南湖畔。傷心是勺園。吾猶識前輩。君克肖家尊。
余少

時侍先大人於禾郡及見尊甫培園先生彷彿生前影。淒涼歿後魂。風塵莽
回首。耆舊更誰存。

立秋後七日偕周桐野宮恕堂錢綱菴張日容
繆湘芷林鹿原顧俠君郭雙村家查浦潤木兩
弟再集樵沙道院用白香山遊開元觀韻

未忍別朋友。乃如戀京師。循環互主賓。荏苒淹歲時。自
我爲此會。四三年於茲。中間小聚散。比復相追隨。心閒
耳目清。地曠花卉滋。手攜白藤杖。笑倚青松枝。林風有
餘涼。襟袂快一披。蓐收鞭白日。西走不稍遲。顧惟衰病
身。乞歸行有期。但恐出處跡。從今遂參差。兄弟幸無遠。
是日潤木治具羣公莫告疲。聊希達士達。仰托知音知。

題明興安州牧金公與游擊唐通手書後公諱
之純字健之黃州廣濟人

公守興安日明當甲戌年廟堂全局壞山谷一城堅餉
匱雖難給民貧實可憐飛書留片紙辛苦想籌邊

德尹舉第二子同學數人釀錢為湯餅之會席
上口占四首

湯餅筵前賀客俱爭誇老蚌出雙珠大兒已識之無字
箇是徐卿第二雛長名佛抱今年已上學

又見添丁喜可知衝筵不怕眾賓嗤一錢舊是看囊物
半月前頭助洗兒

兒生亦是壬辰歲恰後而翁六十年便作小同呼也得

可憐花甲一周天

吾年十九初生子子又生孫已就婚余長孫興祖三年前已就婚雲夢

慙愧比渠多兩世滿頭白髮望曾孫

種竹詩四首次晚香長老韻

竹本淇涓材移根到燕土有如傳衣人微命絲一縷傳

之人命如懸絲五祖囑付六祖語買栽當六月正值濯枝雨生意盎然

回定僧為起舞

瘦鞭走空庭無筍可汝口齋厨貧少味待得明年否未

訂歲寒交聊充消夏友青真長在望苦節須自守少陵苦竹

詩青真亦自守

袖銜種竹詩戴笠晨過我秋涼約往看我意大肯可詩

好書復佳。展開風滿坐。因之悟畫理。如對鐵鈎鎖。
痴人戴凱之。作譜搜方志。欲收山谷產。盡作樊籬寄。寓
目何用多。三竿兩竿翠。竹如領此語。爲我發清吹。

院長寄惠鮮鹿脯及柘綠魚腊。僕以轉餉周桐野。明日枉詩見謝。奉畬四絕句。亦如來詩之數。

柳貫紅腮火燎毛。賜腥曾記潤脂膏。而今老病如枯
腊。地主恩同菜把叨。

即鹿何須更入林。得魚原不費馱針。殷勤爲謝南來使。
已少臨淵見獵心。以上二首寄院長

水陸郇厨厭飫頻。腹腴尾血取鮮新。勿嫌薄饋分乾噉。
也當貧家作主人。

不負漁師與獵師。從旁指動爲觀頤。朝來齒頰回餘味。

博得先生四首詩。以上二首奉答桐野先生

桐野又示七律一章。謂前詩不必寄院長。再次

來韵

懷珠戴玉互成文。本草鹿戴玉而角。斑魚懷珠而鱗紫。直作詩題遠見分。

網出千絲辭密藻。射來五色想珊瑚。雲雪斑味美秋方足。
柘綠名佳古未聞。義合及賓吾敢靳。要傳新句滌辛葷。

題杜子綸庶常填詞圖二首

點拍吹簫色色工。梨雲一研雨聲中。風流爾許真堪妬。
自琢新詞教小紅。

早是人歌緩緩歸。誰搓柳汁染郎衣。杏花鞦韆汗桃花雨。

懊恼樊川杜紫微

送楊冠三同年赴任餘杭兼訂徑山之遊二首
秋野雞豚社。春山茶笋鄉。居人力農圃。賢宰好文章。衙
鼓聲前臥。爐烟熟後香。城偏迎送少。幽事滿琴堂。

暫作修門別。旋期故里逢。君方行綰綬。我欲去攜筇。西
上通雙徑。南來控獨松。洞天兼福地。一一屬花封。

道書大滌

山爲洞天之一。天柱山爲福地之一。皆在縣治內。

爲人題舉綱圖

翠柳陰中水不波。長魚如劍亦如梭。筭來大有幸不幸
入網無多出網多。

題王石谷瀟湘雨意圖卷

平生愛看王老畫。筆蹤幻化無端倪。畫石畫水兼畫竹。
世罕其匹古與齊。不師文與可不學。吳仲圭墨君粉本
何處得。乃在洞庭南北湘東西。似聞瀟湘間。陰多晴少
雲淒淒。湘君去後湘竹怨。留取万古斑斑啼鷓鴣。昏昏
喚作雨。山菌竹雞一名山菌子滑滑呼成泥。九疑劖天不可梯。
居人寥落行人迷。我昔南遊身未到。側聞人說往往猶
含悽。今觀所畫殊不爾。洒落別自開町畦。山舒水緩橋
平堤。步有舟航林有蹊。籬門茅屋幾家住。翠色不受纖
塵翳。平叶嵐光深淺葉濃淡。地勢起伏叢高低。展之尋丈
卷盈握。疑有煙雨隨提攜。乃知善畫取大意。信手故自
忘筌蹄。適逢好事者。持卷乞我題。我詩不入竹枝調。恍

然如坐篋管谷口蒼筤谿

同年劉大山生子名曰阿雷索詩為贈

種樹期開花。花開實斯榮。實以况男子。花以比女嬰。憐君五十餘。形影猶單惇。前歲甫生女。去冬兒復生。兒當未生時。厥兆先通靈。筮易卦遇震。生以雷為名。吾觀易示象。震來遠邇驚。一索而得男。眾口傳轟轟。配天為大壯。剛健含利貞。配坤則為豫。嗶嗶奮陽聲。配坎則為解。甲拆敷萃英。配巽則為恒。人道以久成。配艮為小過。應時與偕行。配離則為豐。日中照乃明。配兌為歸妹。長少義交并。于益取日進。于隨取元亨。于頤節飲食。于屯驗滿盈。无妄貴无災。噬嗑貴慎刑。大哉復之義。剝極陽始

萌凡茲諸吉祥。皆於易理呈。皇天不汝薄。釋抱來寧馨。特從憂患中。用此慰汝情。汝可不知足。一官何重輕。嫁女雖乏財。教兒頗有經。祝兒日千里。躡步陵公卿。他年聽雛鳳。或比老鳳清。

商丘宋冢宰八十壽讌詩

世澤扶陽厚。重傳嶽降神。中原留碩果。四海一完人。開府專旄節。還朝領搢紳。遺榮辭魏闕。予告就商賓。風月香山社。鶯花洛水濱。懸車時未晚。賜馬齒長新。坐握高談麈。行扶大雅輪。耆英來汝許。姝列荀陳詩。好人難和心。虛士樂親位。兼名並重時。與物皆春養。鶴千年頂瞻。松百丈身飛。觴同賀歲。遥祝釣璜辰。

同年盛東田餉青筍徑茶賦謝

楊侯調冠出宰餘杭縣與訂歸期又涉秋好友忽攜鄉
味到老夫如作徑山遊青尖色嫩初開箬綠片香清欲
泛甌一首新詩消得否齋厨無物可相酬

題東田志行詩草後即次見投原韵

同年來詩人莫逆笑相視唱訓日不隔冒雨煩僣使虛
懷荷見推倒篋啟行笥百篇快披閱口諷手弗置爽氣
颯然生高冥偕抗志君才洵敏妙蚤合清殿侍五十甫
成名一官迨需次蹉跎感顏狀磊落示標致往往激壯
心時時吐沈思古音非近賞至味有同嗜六義世誰陳
於君識風刺簿書何足擾野馬過浮吹顧惟醞釀深根

抵皆有自試以易理推十年貞乃字

東田於癸未成進士今十年矣

題天山坐鎮圖送胡洛思僉事備兵肅州

按圖舊識西陲遠入畫今看使節閒雪點旌旗秋出塞
風傳鼓角夜臨關地連張掖燉煌界人在輕裘緩帶間
一片孤城歸坐鎮不煩三箭定天山

題陳季方詩冊

詩風日以盛詩義日以乖忽於波靡中豁達耳目開之
子非絕俗而難與俗諧所關學不學豈繫材不材春華
人亦賞秋實人亦采華實所以然根株故有在遥遥古
今宙相望恒相待方謂老眼空快心今獲乃五十有九
章章章非苟作犁然見此興諷諭于焉託此中有餘味

深淺視斟酌。子既啜其醇。吾言特糟粕。

兒建乞假挈累先歸。老人行期未定。悵然有作。委蛻兒孫去。惟留病伴。吾未能辭逆旅。翻與念長途。短夢江湖濶。餘生出處孤。殷勤木上座。歲晚好相扶。

題朱漢源佩劍圖

平生蚤識朱公子。要腹便便貯經史。無端結束佩吳鉤。繪作戎裝稱壯士。高步名場三十秋。看人談笑取封侯。知君與世無恩怨。賣劍何妨去買牛。

東田同年忽戒作詩。昨日過我賞菊。醉後復破戒。以詩來索和章。戲次原韵。

聞君戒作詩。枯寂徒自窘。我思破其戒。堅壁恐未允。試

以酒誘之。徐徐俟激軫。半酣不自禁。大白果連引。妙語發天機。瀾翻吐難忍。明朝傳急足。一咲啟吾脰。黃花開正繁。虛坐前後盡。落英尚可賦。有味出咀吮。

藥酒初成

老人冬來如蟄蟲。坯戶况值蜚廉風。藥爐新煮藥酒熟。氣觸鼻觀香先通。披衣起坐暖寒冽。卯飲一呷回春融。氣衰形耗百病作。豈有草木能相攻。此身略似受霜葉。藉爾暫發衰顏紅。

謝院長惠人漫三首

一兩黃參直五千。囊空欲致坐無錢。朝來忽荷盈觴賜。補貼貧官俸兩年。

創字廣韻不收疑與鉅
字通用

祖陵地脈禁私創都市居奇價日高翻惜 聖朝多棄
物三稜五葉委蓬蒿

四大相纏豈獨風難憑神草證神功七年病要三年艾
還在醫王藥籠中

老人夜臥患足冷以錫為壺貯熱湯二三升許
納被窩中資其餘溫可以達旦俗名湯婆子宋

王晦叔有咏脚婆詩黃山谷詩中所云暖足餅
即此也冬來用之甚適戲贈以詩

貧家奉身薄外物罕所需獨宿踰十年布衾溫有餘匡
床劣容足伸縮頗自如冬來忽畏寒始嘆氣血枯雖無
重髓疾未免愁攣拘何法能療之范錫成圈模形如大

口盎又若平底盂口大有受理底平無覆虞沸湯貯三

升脫襪加雙趺居然似踵息陽氣回徐徐豈徒活筋骸

漸爾柔肌膚宵臥可達曉晨眠容及晡我欲老是鄉是

鄉勝華胥既非燕玉比杜詩暖老須燕玉且與渥朴殊東坡詩晴窗暖

足來醉醒惟獨覺冷暖寧關渠婆兮古所名聊作爾汝

呼無情亦無想嚴經老婦得老夫

送盛東田出宰興化四首

名士誰如盛孝章可人風味是清狂故應天與佳山水

生長山鄉宦水鄉盛為杭之臨安人

范老留題剩古苔官情多委簿書堆濯纓亭外馴鷗地

又得詩人管領來濯纓亭范文正公宰興化時所建公又有南溪馴鷗詩

千里攜家喜可知免教鈎棧走嶮崎他時檢點還朝集

惜少騎驢入蜀詩東田初掣授四川富順縣後改調興化

二三千頃菰蒲綠六十四陂菡萏紅縣有八湖六十四蕩五六月間荷花

最盛花裏尋君知不遠過淮只使半颿風

桐鄉友人至傳長孫興祖舉子及接家信乃生

女也口占解嘲二首

誰把維虺比夢熊傳說幾與弄麀同笑將鏡鑷投諸地

等被人呼作太翁

弱女非男却勝無苦催吾景赴桑榆可憐孫又為人父

二十年前膝上雛

送德尹典試廣東二首

虺上聲

平生三度嶺南遊此去星軺速置郵榮路人皆艷科目

官資爾已歷時流詞垣升轉近皆論俸惟試差開列尚依舊制論資德尹名在第一不

愁寶劍光華掩須信芳蘭氣味幽還恐高鴻在寥廓張

羅藪澤詎勝收

七千里外動征輪寒薄重裘雪洗塵疎柳愛飄江上笛

早梅催發驛前春名場後進雖多士詩社前遊頓少人

時藥亭元孝翁山俱下世珍重老兄留眼望蘇家門下要張陳文潛無已

皆子由門下士也

殘冬展假病榻消寒聊當呻吟語無倫次錄存

十六首

臥看星回晷景移流光冉冉與衰期人言宦海藏身易

自笑生涯見事遲。夜似小年寒漸信。病非一日老方知。惟餘蓴菜思歸興。蚤在秋風未起時。

憶昨公車待詔來。微名忽忝廁鄒枚。主恩不以優俳

畜士氣。原於教養培。身作紅雲長傍日。心如白雪漸成

灰。依稀一覺遊仙夢。初自蓬山絕頂回。

茫茫大地託根孤。只道煙霄是坦塗。短袖曾陪如意舞。

長眉難畫入時圖。移燈見蠍寧防毒。誤筆成蠅肯被汗。

竊喜退飛猶有路。的應決計莫躊躇。

雨露榮枯共一天。塵沙聚散幾年車。摧却怪蓬猶轉

玉碎何圖瓦。幸全蠲穴冰封殘雪後。鴈程風緊夕陽前。

故人珍重留行意。謂揆湯兩院長回首觚稜自惘然。

盡遣兒孫歸故里。尚留弟姪伴他鄉。囊空預借三年俸。
祿入粗供四口糧。隨身止三僕近領俸米六石足支半年矣舊積詩逋呵凍
了。近添酒債典衣償。蕭然此外無餘欠。領取南窗枕味
長。

一榻中安四面虛。放朝渾似放叅餘。篋中棄扇蟲緣網。
案上停燈鼠避書。過隙光陰隨夢去。就衰筋骨向陽舒。
重簾可有纖埃到。敝帚殘箕罷掃除。
臍膊聲中好送寒。偶然為客設碁盤。後來或者居人上。
先處無如占地寬。黑白當前饒勝負。高低隨分有爭端。
老夫兀兀支頤坐。看似分明下手難。
科詔加 恩典不常。征軺就道輩相望。抱經佚老頭多

白拾芥群兒口半黃。慘澹風雲憐入彀。冬烘頭腦怕當

場。退身引疾猶多愧。我昔曾荒陸氏莊。予自丙戌後試差俱辭免

海內連年喪老成。南傷秀水竹垞先生歿于巳丑秋北新城。阮亭先生

于去年下世讀書自要師前輩。知己誰能託後生。此段人情

看爛熟。向來士習例相輕。笑他江左衣冠族。誓墓區區

為角聲。

地降天升氣不交。羽禽何物尚膠膠。霜濃四野鴉爭粒。

葉秃千林鵲露巢。各有經營寧得已。未知辛苦定誰教。

息黥補劓勞生事。蓋頂終須一把茅。

經旬坐穩一蒲團。纔閱朝寒又晚寒。蘊火梅欣先臘放。

避霜菊耐涉冬看。散花菴裏新居士。視草臺中舊史官。

勿着兩般分別相。大千世界本來寬。

不畏群嗤不受憐。孤行一意久彌堅。敢誇願大難成佛。

肯舐丹餘蚤得仙。方朔文章多詭俗。放翁家世少高年。

劍南詩家世無高年我今六十翁色經指訣全拋却。人壽終非草木延。

宜忌拘牽十二三。靈苗毒草比粗諳。性存薑桂何妨辣。

味到芩連不取甘。好友勸嘗真苦口。庸醫隔膜漫多談。

古方難適今時用。此理如禪在細參。

却病竒方乃避囂。遠坊兩板閉蕭條。室無歌妓何煩遣。

鄰有鄉僧不待招。謂借山石鼎濤生茶正熟。銅爐灰陷火

潛消。雞鳴漏盡人誰覺。又聽門前過早朝。

叢書三館校讐忙。訝許閒情付墨莊。樗本不材良匠棄。

叢書在京師于致軒寓齋曾
舉此詩戲借山云師乃與
歌伎作對耶一坐闕世

存此以見先生之詩品人品

屠非絕技善刀藏冬菹剩飽園官菜歲賜刪除博士羊
轉益從前素餐愧大庖珍膳日分嘗

童時了了記觀河六十二年忽已過眼暗耳聾知老否
葛涼裘暖奈身何一帆去國談何易万卷無家累亦多
愛惜精神圖省事明年兼擬謝詩魔

自題癸未以後詩藁四首

七年供奉入乾清三載編摩在武英兩臂病風雙眼暗
枉將實事換虛名

論卷排成手自刪多慙小草落人間迷藏賴有南山霧
莫便輕窺豹一斑

橐筆曾經侍兩宮可憐無過亦無功未應奢望儒林

傳或脫名於黨部中

拙速工遲任客誇等閒吟徧上林花平生怕拾楊劉唾
甘讓西崑號作家

題鄒古愚望日圖小影二首

鄒生真與古為徒人謂生狂自號愚不戀桑榆收晚景
却回巖電向東隅

君如要看博桑日試上鷹窠万仞巔只合俯身臨碧海

何須仰面望青天

吾鄉鷹窠頂東臨大海
寅卯之交於水底見日

歲杪自嘆二首

短景侵尋白髮前歸心歸夢日相牽人間雀鼠工唾點
伴食官倉又一年

天生物性故難齊。健水東流弱水西。不信羶羊能挂角。
如今只有觸藩羝。

周桐野前輩以隋龍藏寺碑拓本見貽二首

一千二百僧祇劫。龍藏今無片瓦遺。不有歐陽能集古。
空勞佛力護殘碑。

翠墨推來體尚全。書家名姓惜無傳。唐賢風骨依稀似。
得法歐虞褚薛前。

敬業堂詩集卷四十

已上諸集選擇不妨稍嚴

敬業堂詩集卷四十一

海寧 查慎行 悔餘

待放集

起癸巳正月盡六月

移疾經年遲遲去國恭遇 聖天子萬壽之期既

隨班朝賀復申前請又三閱月始蒙 恩允歸古

人以道去國者待放于郊得玦乃去春秋公羊傳

則謂大夫已去三年待放噫母乃太濡滯乎得玦

而去斯可矣

韓幹放馬圖次東坡題李伯時所藏韓幹馬七

言古詩韻

圖為同年薄勺庭所藏絹本無款孫少宰北海題其後謂是韓幹筆

一。如。鶴。啄。長。鬣。垂。一。如。狼。顧。尾。撒。絲。其。一。昂。頭。立。而。嘶。

欲前不前耳。卓錫眼中空濶視八極。跼步尺咫胡由馳。
薄言坳者在坳野。絡腦且脫黃金羈。人間皂櫪或老病。
天上閑廐誰權奇。攻駒考牧兩無預。造物一聽相雄雌。
園官大得閒。放棄敲觥遑問牛。何之吁嗟乎。隙中過景
越千載。畫月畫骨空毛皮。東川清絲况寸裂。縱復神駿
疇能知斯圖。即謂曹霸可。弟子未必賢于師。

今年擬不作詩。復爲友人牽率。破戒口占自解。
年來百事多頽廢。何必於詩苦用心。正爾苦心誰復識。
堯夫自有打乖吟。

院長湯西厓前輩出示與副相揆公贈荅詩索
余次和六首

皇華候騎走駢駢。万里還朝倡和新。何物堪持比詩
境。冰壺玉鑑兩無塵。

好士重聞六館開。中間一館是翹材。春風入座人人愛。
只待先生下直回。

第七車中博物餘。承明顧問在星廬。不知三篋三倉外。
可有平生未見書。

白楊巷與青楊巷。多少車前騶唱聲。何似神仙雙學士。
對騎官馬出郊行。
時揆公以副相兼掌院故得並稱學士

文壇宿望與資深。吟徧西垣又苑林。三十年來同調盡。
却從少和識孤音。
後漢書孔融傳贊越俗易驚孤音少和

翩翩和鳴屬兩公。卷阿風入雅音中。枯桐入爨還邀賞。

草木終憐臭味同

題徐去矜侍御日南種菜圖

不費園官送渾疑老圃家。苗民分七箸童子劬烟霞。飽喫三年菜閒看四季花。還朝無俗物堪作畫圖誇。

癸巳仲春上丁 文廟分獻紀事四首

森森老檜上參天。路入橋門氣肅然。齋宿忝隨丞相後

先一日隨太倉相國省牲閱祭品趨蹌獲在聖人前。元音唱歎餘琴瑟

古器駢羅識几筵。兩度春秋遞分獻。一門兄弟儼差肩

去秋丁祭家弟嗣禩與分獻之列

鸞線翟羽互飛翔。樂舞同時綴兩行。道在羹墻榮北面

禮成盥薦屬東廂。千秋世裔綿吳國。言子舊封吳侯其裔孫德堅去冬始

襲經博十哲新躋列紫陽。朱子去春躋十哲配享廟堂以上兩賢余分獻之位在此

此始知儒者貴。遙遙今古幾升堂。

自堂徂廡又趨階。升降循環往復迴。想像軒懸非一代

摩挲石鼓已三回。二十年前為博士弟子十年前釋褐頭銜分去出資郎

下班次猶煩博士陪。宋祥符中孫奭上言釋奠舊禮以祭酒司業博士三獻新禮以三公

近歲止命獻官三員兼揖請備差太尉太常光祿卿三獻詔可今至聖前則大學士行禮十哲分獻用翰林資

深者二員本監丞博士二員猶隨分獻官後蓋參用宋時新舊禮也絕勝恢諧飢曼倩

殿庭割肉早歸來

題名釋褐幾何時。衰至人嫌拜起遲。莫年時余拜起稍遲以致敬也導引

官遽相催迫故云位定瞽宗寧敢讓。致齋所序坐分獻官在太常卿之上事關籩

豆豈無司明朝尚舉分膳禮。他日誰陳齒胄儀。白首詞

臣稽掌故 盛朝文物古為師

二月二十日雷雨之後忽復嚴寒枕上口占
老子慵貪臥家童起報晴朝來冰復合昨夜蟄初驚寒
暖渾難定陰陽動必爭庭花經手種榮悴也關情

後二日雪

欣欣逢歲閏霽霽及春陽早是經雷雨如何更雪霜天
心寧好殺物性自多傷草木如知候勾尖幸宛藏

出史記律書

恭祝

皇上萬壽詩四章

鳳紀龍飛五十年周天景運正中天眾星拱極雲霄上
万国瞻光日月前難老祥徵 仁者壽誕生 聖在佛

之先欲知 帝力占毗俗擊壤吹豳徧八埏

爐香馥馥護 楓宸花甲循環曆象新 玉燭万年三

月節 鴻鈞一氣四時春闔門 典曠收群士 錫福

疇多及庶民黎老祝 釐還自賀兒孫同作太平人

厚澤深仁物物霑筭從動植到飛潛日暄風動 恩威

並 秉鉞垂衣創守兼久運 乾行神倍王 屢辭尊

號德彌謙太和宇宙無疆慶長願春隨閏歲添

極盛 皇猷冠古今無涯 聖學仰高深已隆咸五登

三業猶塵 堯咨舜做心 天大固知難繪畫人歡爭

欲效謳吟小臣拜手情尤切十載蒙 恩在禁林

題石門勞鈞天日邊鼓篋圖二首

文賦行當擬陸機鈞天年甫二十故暫從鼓篋別庭闈

同朝幾輩來相問五十年前父執稀尊甫中丞公甲辰進士至是恰五十年

過庭家學本傳詩都講風流又一時三百諸生多避席

愛聽匡說解人願

山野老人遠來祝萬壽者以千計自覩盛事

紀之以詩

長世人多壽親承異數加使年踰甲子問俗及桑麻跪

進觴停輦歸簪帽有花賜醕還賜杖好向後生誇

雨後過自怡園看海棠同院長作時余復請假

不記名園裏寒芳醉幾回偶逢新雨過又報海棠開此

地嗟春晚當時見手栽勿辭燒燭看為是別花來香山詩七

十三翁難再到今春來是別花來

四月朔大雪

大雪灑庭柯春光九十過急催花落盡亂雜絮飛多燕

壘融還凍鶯吭噤不歌紛紛蜂與蝶爭奈苦寒何

送同年海天植前輩視學雲南

八千餘里皇華使二十多年侍從臣館閣文章天上草

門墻桃李日南春先聲到處苗風變公道傳來士氣伸

儘讓同官開府去好持冰鑑答楓宸

重過封氏園飲矮松下偕網菴湘芷俠君潤木

作

刺藤花外矮松前。指點遊踪廿四年。枝亞平行妨翠鬣。
杖端摩頂透青天。與誰作伴人先老。閱世如流我獨憐。
賣却朝衫充一醉。免教歸欠酒家錢。

再賦古松疊前韵

時聞松子落吾前。小住方知日似年。草色展開三丈地。
濤聲捲起四垂天。最宜物外閑相賞。久在人間絕可憐。
莫道如龍難畫得。真龍又值幾多錢。
時潤木畫墨松。旁觀有譽樹爲龍者。故戲及之。

從刺藤園步至陶然亭

未覺年衰腰脚頑。意行隨步有躋攀。雨餘天氣清和候。
城角人家墟墓間。栢子庭空移白日。荻苗水涸轉蒼灣。

此來直與孤亭別。貪得憑欄一晌閒。

壽山田石硯屏歌副相揆公屬和

吾聞陽精之純韞。爲璞白者曰璧黃者琮。兼斯二美乃
在石。天遣瓌寶生閩中。壽山山前石戶農。力田世世兼
養蜂。採花釀蜜自何代。金漿玉髓相交融。深埋土肉久
成骨。亦如虎魄結自千年松。想當欲出未出時。其氣貫
斗如烟虹。地亦愛寶惜不得。飛上君家几。硯爲屏。風質
良材富肌理。豐廣袤徑尺加磨礱。銀河中傾灑。激水灌
頂倒擢崔嵬峰。寒光通透月兩面。高勢噴涌雲千重。長
檠夜燒燭焰紅。表裏映徹疑中空。風林片石非爾比。况
許下巖劣品矜芙蓉。朝來得句傳詩筒。語雖紀實工形

容平生嗜好一無癖而此特為情愛鍾吁嗟乎人間尤
物蓋不乏目所未覩誰能窮公今獲石石遇公無心之
合欣遭逢深山邃谷只作几硯視要使天下稱良工

循例請封典有作

馳封有例徧簪裾院吏傳宣到敝廬一榻春生衰病後
九重恩逮罷官初絕無功狀虛縻祿自寫年勞削勘
書慙愧初階叨進級枉將章服混樵漁

自怡園曉起即事呈副相

朝來雲出岫昨日雨鳴溪杏子落如豆楊花膠作泥新
巢看燕乳舊耳聽鶯啼去年四月公有曉起聞鶯詩屬和詩境從閒得

何須苦覓題

獨坐紫藤花下

俗客何由到但聞蜂蝶喧低枝如見就長穗不勝繁稍
重雨欹架忽飛風滿園冗員無處著東坡詩冗士無處著寄身范公園
來借紫花墩

食新筍

朔野無修竹名園擅辟疆舊皮留虎豹昌黎筍詩看皮虎豹存新
角茁牛羊淪取庖厨潔饒生匕筋香一餐真過分梅聖俞謝

韓持國貽筍詩今年得此謂過分不似在他鄉

放船至因曠洲

露氣烟光潑眼青蒹葭影裏見孤亭藕梢過港又生葉
柳絮逐波多化萍鶯語忽流何處去漁歌合向此間聽

老夫大有江湖興。官讓閒鷗占一汀。

乞長假留別院長揆公二首

北道嚴裝日。院長將扈西窗剪燭時。兩心多戀戀。分手

故遲遲。欸曲行藏計。纏綿倡和詩。桑榆收已晚。後會恐

難期。

示疾非無疾。藏名亦有名。難窮惟佛理。易足是官情。聚
散人誰免。蹉跎我此行。半生知己分。投老荷相成。

雨中發自怡園再呈院長

迴思風雨追隨地。多在園居少在城。草木因公皆可敬。

東坡詩。醉翁行樂處。草木皆可敬。禽魚與我豈無情。編年集換新題目。

署尾牋留舊姓名。從此高吟應寡和。更無人繼老門生。

附院長作

揆叙

一醉筵前各異程。迢迢沙塞與江城。欲攀征蓋終無
計。苦挽歸航似不情。風雨每思償宿願。亭臺還請署
新名。從今裂帛湖邊月。長照離人白髮生。

車中遇佟陶菴同年

三年不見故人詩。一笑多成世外期。君自愛閒求退早。
我方移疾得歸遲。萍踪浮海相逢地。柳絮隨風欲散時。
莫怪下車還久立。老來光景怕臨岐。

吳寶崖以西苑龍棚詞百首新刻見貽兼索題

句四首

朝為百賦暮千詩。敏捷曾聞崔立之。何似吳郎新樂府。

一時紙價貴京師

好譜新聲付樂工。半參商調半參宮。二千八百驪龍顛。併入歌珠一串中。

員嶠方壺咫尺移。太平景物万年期。丹青繪出殊難肖。

輸與文人絕妙詞。

時少司馬宋堅齋奉旨繪圖

他人才少爾才多。珥筆差堪上馭娑。可惜得官偏落第。不曾名占百篇科。

端陽前二日薄勺庭招諸同年集王園芍藥花

下

綠陰十里豐臺路。來趁名園芍藥期。良會轉憐經歲少。

自去年以來久不舉同年之會好花偏愛閏年遲。江郎一夢才輸錦。小

杜三生髡有絲。珍重故人尊酒意。將歸時節咏將離。

酬別陶菴同年六首

出門袞袞怕風塵。見面暎違動隔春。形跡校疎情校密。可知俱是嬾朝人。

入同珥筆出隨。鑿幾載辛勤共跨鞍。今日車中思馬

上。皇恩直似五湖寬。

歸期已是一年淹。辭祿能無缺乏嫌。慙愧故人親致贖。拜嘉祇恐或傷廉。

河梁錄別意如何。真有長歌續短歌。不待吾言君自信。傳人一代本無多。

段家橋外木蘭舟。唱和曾同扈蹕遊。却與歸人添別

恨獨吟怕上望湖樓

君才畢竟爲時用。我老長甘與世辭。王右軍有辭世帖聚散升沈渾細事。人生難得兩相知。

題宋蘭暉潯陽送客圖

聊借琵琶寓苦吟。多緣淪落望知音。後來信有商人婦。眞被香山賺到今。

題程蒿亭持竿圖小照

已遮西日向長安。尚想臨流把一竿。寄語能詩侯叔迨。求魚沮洳古來難。

晚香長老六十乞詩

紅椒上人年六十。世壽從頭數甲乙。朝來隱几夢青山。

過我殷勤約歸日。我今面皺眼昏花。師亦瘦如枯木查。童時觀性依然在。同閱恒河無筭沙。

陰雨連綿頗似江南黃梅天氣

乍陰乍晴鳩斂巢。半濕半乾蚓出土。南中五月熟梅天。北地應呼杏子雨。

送蔣樹存出宰餘慶

憶昨領書局。群英集金鑿。蔣生預校讐。臭味吾芝蘭。趨階或聯步。會食恒同餐。六時數晨夕。三歲離暑寒。書成上御覽。名姓列簡端。聚散夫何常。如沙孰能搏。同儕三十輩。一一爭彈冠。我已病乞身。子行方得官。不以出處易儼然。平生歡叩我蓬蓽。門送迎諒蹣跚。谷風有遺

棄責善人情難古義胡足論世途良可歎子今又遠別
迢遞赴花蠻黔俗我所諳雁戶雜猴獮陰多晴日少霧
氣昏漫漫長吏雖難爲苗民豈真頑寶輸况無幾期會
務使寬訟簡案牘稀地遐心跡閒時時弄筆墨哦咏于
其間亦足以自娛因之報平安好音望頻惠綿邈非關
山

乞歸候

旨未得成行寓庭雜蒔草花用以遣

日吟成四首

歸心一以動如馬渴思騁乃復繫維之動中反吾靜于
焉寓草木幽事閒稍領既栽須有溉生理視俄頃未免
擾隣家朝朝汲甘井

瓦盆列羣卉紅白非一種經旬排比開含意似矜寵閱
人成旦暮偷負力何勇取咲桐栢材十年方把拱
開亦勿德雨謝亦勿怨風榮枯兩適然了不關化工化
工倘狗物毋乃與物同所以老子懷痴頑若孩童
京師看花人汲汲需代匱主少十日情市多三倍利方
從擔頭買旋向墻角棄不念花有根初爲悅目地賞新
宜置舊何用發深喟

次日社集張匠門齋同人皆和余種花詩再疊

前韵四首

平生數交遊湖海浪馳騁邇來嗜好別取友亦取靜與
君隣巷居跬步煩引領潤疎輒累月會合或食頃一咲

兩心同無波如古井

君鬚尚鬢鬢我髮已種種引諸同調未推許荷光寵栽花坐無慄決去愧不勇焉能久鬱鬱而待宰木拱

草木茁苔頽好詩來清風中有元氣存豈謂屬和工群公富揮灑下筆無雷同挹彼山下泉爲余發蒙童

造物閱古今生生本無匱何論材不材固有利不利晚容桑榆補蚤恐牙蘖棄願將種花心移作樹人地毋使後來者仍滋慨然喟

題王石谷爲張超然畫旌節圖

王畫此圖九年始成

張母早喪夫張子幼無父却將歿後榮報荅生前苦有鹿不觸墳上松有鼠不穿壙中土天生異類猶多感孰

謂人情不如古王君作畫踰九年此事此圖皆足傳我詩豈獨稱子孝亦使後來知母賢

去夏手植盆榴二本今年一枯一榮有感而作庭下兩盆榴經春謂已萎其一雨忽生病夫眼雙洗枝端抽綠葉葉底粲紅蕊蕊綻復吐花花殘旋結子依然還舊觀去聲慰我岑寂裏生存日向榮死者爲薪矣有情兼弔賀感歎爲賦此

院長貽嶺南椰子

椰子產番禺瓠垂大如斗其皮堅以鞞既剝且難剖誰致越王頭齊民要術云椰子其俗謂之越王頭不脛而北走微凹陷兩目鑿竅通一口轉側初有聲俄傾半升酒東坡椰子冠詩半升僅漉淵明

酒間吟出既醉義愧餉師友梅聖俞謝李獻甫餉柳子詩我獨愧先生饌致崇師友

林鹿原餉武夸茶

頭綱拜賜吾何有細色徒聞馬上誇何法商量好消渴
都籃分得大窠茶梅聖俞新茶詩大窠有壯液所發必奇類

木本金銀花十四韻

本是沿籬蔓今成傍砌栽瘦根形促縮短梗狀堆厖鳥
爪拳筋立蛇皮換骨來忍冬經凜烈入夏應恢台長乳
層層發幽花對對開雛鶯飛閃爍小鶴舞瑤瑤蝶粉悠
揚墜蜂鬚颭灑迴金銀分老穉黃白變胚胎最好清含
露尤宜薄戰雷痛須芟冗葉惜勿剪條枚就影移書案

留香泛酒杯資生無秘術入藥即良材病檢醫方熟閒
從物性推不貪能識氣衆眼漫相猜

庭西牽牛子新苗競發喜成十韻

手種牽牛子根株粒粒成勾尖看乍破兩葉喜先萌
長論分寸爲時閱晦明立苗防細弱插竹與扶檠遂有
纏綿意偏多附麗情疾風從偃仰猛雨賴支撐地力隨
肥瘠天機示發生幾時花逞艷連日蔓交縈寓目聊充
玩消閒亦強名料他秋爛熳我已赴歸程

和張日容嘲薜荔二十韻

薜荔爾何物纖微孰比方胡然纏宇下只合繚崖旁
歧工緣僻離離巧幕墻性因柔善附地以瘠爲良松栢

寧勞施絲蘿故自張龍鱗移不易宋史李彥發物供奉

荔一本輦致之費踰數萬蛇蚶斷無傷及見縈根密俄驚引蔓狂嫩

莖繩絞繳大葉羽披猖山鬼依棲暗佛典呼餓鬼為辟荔湘君結

託荒罔帷憐屈宋九歌罔辟荔而為帷靡席咲班揚甘泉賦靡辟荔而為席

雜蕙紉為佩輸荷緝作裳攀枝頻颺影貫藥罕聞香騷

賈薜荔之落藥好補青藤援休侵白玉堂移文累芳杜北山移文豈可

使芳杜厚顏薜荔蒙耻作賦混蓀蓂張衡南都賦草則薜荔蕙若薇蕪蓀蓂誰遣臨

書幌兼能罩筆牀有時經雨潤逐日領風涼稍自隣家

放陰留夏景長卷簾交竹翠曳杖點苔蒼大抵詩騷意

多從諷諭將勿嗤吟小草中有好篇章
晚香長老贈桃枝竹杖

六尺桃枝杖將歸荷見投健添居士足高出老僧頭與
鶴誰先到為龍寧久留撥開塵土窟遲爾入山遊

同人集棗東書屋分賦二首

春偷桃杏妍夏竊芙蓉艷秋榮雜桂菊冬至亦時歛樂

子之無知多將四時占月季花

小小黃金花媚人如自獻聊陪今日賞適我他方願眾

醉敢獨醒不勞持盞勸金盞花

汪陞交郡丞屬題負米讀書圖時將赴任潮州

即以贈別

汪子客京華氣豪心悒快高堂有母在恒結白雲想皇
天憐斯人得舉甫一上南宮輒唱第盛事快探掌早知

給舍官不及州邑長。題輿行佐郡得祿猶逮。眷潮海萬
里程。翩然捧檄往。過家拜白髮。喜氣春盎盎。却憶負米
時。悲喜異今曩。平生讀書力。篝火依績紡。食報理必然。
問言受如響。丹青非苟設。風義行可廣。題作贈行篇。披
圖愜神賞。

題故汝州太守潘君畫像

士當未遇時。往往慕好爵。及乎嬰世網。又想田園樂。田
園豈不好。世網多被牽。興罷乃徑歸。斯人得非仙。廿年
客京洛。未識斯人面。山光竹影中。髣髴如相見。

送同年劉大山應名赴行在三首

且喜南冠不到頭。復趨幄殿侍宸旒。恩威天大殊難

測。去住身孤可自由。沙澗草香知麝過。林蹊月黑見螢
流。識途老馬今閒放。歷歷從君話舊遊。

行行莫慮出關遙。司馬臺東景色饒。禾黍連塍無棄地。
松杉夾岸有浮橋。霜收野果丹砂實。雨剪山蔬翡翠苗。
一段閒情知不乏。也應問答到漁樵。

弱羽迴翔又一時。鍛禽來拂鳳皇池。重回蓬島游仙夢。
別擬山莊應制詩。眼望青冥行得路。心憂白髮見無
期。臨岐直是難爲別。二十年來兩故知。

畫義

我有古玉器。裹諸片青氈。烟如一鈎月。映出初三天。纖
纖銳兩頭。弓勢未扣弦。下連徑寸靶。中竅外規圓。愛惜

徒手摩致用無由緣。昨得桃竹杖，肌理細且堅。命工稍
斲削，冠王于其顛。呼之曰畫義，古製想當然。東坡昔居
黃刺，有掛壁錢。持义日取，百月費猶三千。我今已鑄俸
仰屋方高眠，夫豈有餘資貫穿梁上懸。义成等無用一
笑，仍棄拊何如。刻作鳩扶我歸農田。

題王石谷山水四首

浮嵐暖翠望重重，幾道清泉出古松。知有僧樓尋不到，
似聞一杵隔雲鐘。

水滙山環去復回，林端無徑不梯苔。石梁果與天台接，
可許人間肉馬來。

想當潑墨目無前，董巨源流却井然。天下溪山皆粉本，

空中結構是雲烟。

朱瑤晚輩今多少，真蹟尤須愛惜看。見說山人年八十，
白頭重畫此圖難。

留別潤木即次弟送行原韵四首

誰能問舍更求田，車自今懸室早懸。久病我忘官爵好，
同朝人羨弟兄賢。魚隨水退先歸壑，鴈逐雲飛尚各天。
時德尹嶺南未歸若是登真須拔宅，良常何敢獨爲仙。

幾夜連床聽雨聲，却教離恨此中生。貧思飽煖原奇福，

老戀桑榆亦至情。出處多岐非意料，去留無累稍身輕。

只愁五十平頭客，婚宦何時了尚平。弟今年五十矣

指點林廬眺望賒，曉隨門鵲暮棲鴉。桐爲先世成陰樹，

池上梧桐先君子手植二十年前已桂是吾家及第

合抱宋人稱韓子華兄弟為桐樹韓家花吾家廳事前銀桂五株自癸酉以來每逢科詔兄弟

屋後籬疎須補竹子姪輩有獲雋者必發金花一枝為先兆歷歷不藥牆西地瘠想宜茶得歸已乏躬耕力

種植書中課有加

事兄慙愧竟如師至性怡怡實在斯何日始酬偕隱願

向人羞乞買山資夢餘得句憐靈運膝下成名愛阿宜

杜牧與姪阿宜詩連年擢科第若摘領此外升沈皆分

定吾言雖淺要尋思

留別詩社諸同人次張匠門見送原韵

去住何關此一官衰年只別友朋難烟霄過眼看如霧
草木論心臭比蘭身在夢中誰獨覺事當局外每長歎

是間著我初無謂獅子林中一野干

禪宗語錄有野干隨逐獅子終不成

獅之語

白頭白盡想巢南早署菴名未有菴朝跡已收雙屐在

歸裝猶累一僮擔高僧瓶鉢原初約老圃桑麻豈腐談

多謝故交頻戀別尚容諧謔互相參

匠門以瓶蓮十二韵索和次荅

脉脉凌波質朝來帶露攜出餅看蕊綻照眼得花齊長

養仍資水清幽更洗泥畧教分向背初不競高低欲語

殊多態何愁自少啼艷將同洛浦愛豈獨濂溪有客尋

池上無魚戲葉西依稀能忍咲綽約好防迷顧影移秋

蝶分香夢夕鷺暑颺迎澹澹涼雨避淒淒立倚屏風鷺

談親麀尾犀。涉江吾擬采。先與報箋題。

題吳寶崖在山讀書圖即送其出宰在平。

無事飲犀首。亡何飲袁絲。飲之爲功固不細。阮能罷哭陶忘飢。張芝李白大暢此中趣。可以狂草可以詩。逃名混跡靡不取。獨於從宦非其宜。何況邑宰寄民社。設遇煩劇尤難爲。吾黨吳生性耽酒。其人磊砢而英奇。今將行作吏。得縣古名在。有山袞袞東南陞。有水雲雲西北馳。中間曠衍百餘里。厨傳四走當衝達。似聞齊俗夙健訟。邦治邦法難兼施。書生習氣要一變。嗜好勿使旁人窺。仕而優則學。二者恒相資。公餘讀書良有味。絕勝千鍾百榼痛飲誇淋漓。勸君可止則徑止。未能遽止請損

此為對症發藥

之贈行實關朋友義。吾言雖戲庶可以箴規。

諸君爲余作桃枝竹杖歌。余亦自賦一首。

勞不得及奔馬逸。不得乘安車。飛不能群衆鳥。游不能隊潛魚。無端人趨我。亦趨倉卒一蹶誰當扶。七尺之杖六尺軀。聖恩寬大容田廬。歸與歸與吾與爾。俱杖國雖不足。杖鄉已有餘。

苦熱

不辭河朔飲。酷暑竟難逃。高屋同炊甑。輕絺劇緼袍。石欄乾迸火。松柱液流膏。嗟爾巢棲者。多應厭羽毛。

題莊書田笠屐探梅圖

杜家亦有笠。謝家亦有屐。何必眉山翁。區區擬其跡。身

挾冰雪骨。貯冰雪文。但遇梅花開。入山尋白雲。白雲
舊在題詩處。畫裏溪山能久住。君今筇屐且閒拋。借與
歸人作遊具。

仇山村詩翰一卷。乙丑秋於竹垞寓齋見之。借
故友魏禹平題名。其後未幾。此卷歸吾鄉高文
恪公。又二十九年癸巳。公之孫礪山攜至京師。
屬余題句。存歿之感。愴然于中。聊附數言以志
歲月。

四百餘年翰墨新。流傳重是宋遺民。論詩正爾空當代。
展卷渾如遇故人。世閱古今雙轉燭。事關存歿一傷神。
先公手澤依然在。肯使桓厨賡亂真。

題鄭寒村爲魏仿韓畫棲鶴圖二首

鳧雛鴈子影參差。造羽群窺浴鳳池。爭及寥天秋一鶴。
巢松獨占舊高枝。

攜將鄭老一幅畫。來索查田七字題。我是人間退飛鶴。
相逢只愛說巖棲。

題泰州宮氏春雨草堂圖

于野去山遙。環城爲水滙。草堂築其上。春雨名猶在。老
木皆十圍。湖黿兀礙磊。問君今幾世。物色舊無改。正賴
後多賢。畫圖益精采。鯉魴富罩汕。蝦蜆蕃菹醢。樵去唱
烏鹽。漁來歌欸乃。路迷葭莢岸。舟出蒲蓮海。我欲溯回
從蒼蒼。隔煙靄。

觀蜘蛛布網

小童持竹竿。簷角除蛛絲。既除旋復吐。日事經營爲爾。網密以張。爾腹恒苦飢。羽蟲投一目。所獲良已微。並生天壤間。動者羅禍機。兩皆置得失。且復吟吾詩。

洗象詞五首和顧俠君

畫鼓聲中緩步來。紅旗影裏撇波開。都人六月汗如濯。慣是一年看一回。

俸料新加例有無。尋常已飽大官芻。被他三品閒鷗啖。出沒成群聽象奴。

兩齒鯨然臂聳然。老于槽櫪浴于川。就中云有前朝者。

曾見

天家破賊年。

相傳李自成僭號登極時象有流涕者入本朝馴服如故

角壯浮深去復迴。舊鞍重與拂炎埃。也應三日同休沐。辛苦終年立仗來。衆裏觀場老比丘。粗從三喻識沈浮。兔迹馬跡紛紛渡。徹底輸他是截流。

題俠君噉荔第二圖

醴泉甘露吾不知。人間絕品惟荔支。惜哉遠落閩粵徼。爲候又與煩蒸期。四月則太早。七月則太遲。佳者熟當小暑時。闌風伏雨交紛披。炎官火傘赫赫曦。養成姑射仙山肌。冰丸雪片不受嚼。化作涼液沁入人心脾。我昔遊閩遇歲稔。日噉四百五十顆。有奇爾來喉吻久枯澁。北果厭摘頻婆梨。故人密漬或遠致。四三五枚蒙見貽。

色香味三了無取。但覺一甘入頰膠如飴。十年夢寐西
禪枝。仙蹤縹緲胡可追。顧侯好事乃過我。閩產粵產兼
嘗之。初嘗得火山名。雖曰荔格實卑。繼而得挂綠。漸入
佳境。方稱奇。生綃半幅寫不足。擬再乞畫還。徵詩。今君
已為一組縻。畫餅說食徒爾為。我歸大作口腹想。嶺嶠
雖遠不過天。南垂鷓鴣孔翠成羣飛。老夫興發神與馳。
齒牙缺落舌尚在。清泉涌穴菽菽先流頤。

藏經匣歌

并序

匣漆皮為之。無縫不可開。相傳古羅漢寫藏經。錮
其中。長三寸許。濶二寸許。厚不盈寸。正面畫佛像
一尊。背及四旁俱有梵書。西域喇嘛僅識其半云。

此大西天字也。彼中奉為法寶。流入中國者七部。
四部藏匣內三部。藏佛腹中好事者。啟視壞其一。
今在人間者尚有六部。此其一也。佩之水火盜賊
不能傷。魍魎魑魅不能害。云中州李庶常牟山出
以見示。成長短句一章。

毘勒最初藏三百餘方言。後人憶誦少。從簡刪其繁。餘
存三十八万四千字。梵夾秘在菴羅園。大論云。毘勒藏

言佛在世時所造。後人憶誦力少。不能廣誦。撰為三十八万四千言。四十二章經流入震

旦同河源六朝南北。洎唐代高僧輩出如雲。屯兩伊合

新舊。西方有新舊兩伊。猶此土之篆隸。悉本經義為譯翻。後來廣增律

論部。與經為輔傳。仍昆白馬詎勝馱。劫火安能燔。云誰

收入方寸篋三藏奚翅千千番相傳阿羅漢恐是須陀
洄手摹梵天書流布于九垓中國凡七部一部已壞其
六存六部之中此其一佩此可以安神魂洵若彼所云
西江一口何難吞吾聞釋迦教率以譬喻論有如須彌
山納一芥子大海水吸玻黎盆細入無縫大則包乾坤
撮搏寶掌成胚渾世人自昧真實諦暗鎖白日長昏昏
疑者以為無空諸所有胡得焉信者以為有實諸所無
非本元語言文字互膠擾證入不二于何門安得霹靂
手稽首兩足尊鑿開真函破妄見是則名為報佛恩

咏周尊彝十六韵

形方而墮兩耳四足中有古篆魯公作文王尊彝七字無

銘詞歲月可考

少陵別李義詩云丈人領宗卿肅穆古制敦

三代多銘識圖從博古援世惟金石壽今覺鼎鐘繁庚子

山文公侯復始鼎鐘逾繁此物傳周器何時入國門問名充象著索

價重瑤琨魯國年無紀姬公典幸存啟封從聖子近裔

屬文孫大祀新宮煥東藩古制敦少陵詩宗卿古制敦百籩偕簠

簋五獻設彛樽螭虎形差肖夔跣勢若蹲比劍安足穩

似鬲取唇反平叶上聳環堪貫中虛腹可捫規模因樸著

容受以升論黠黠苔封色依稀土蝕痕俯將輕漢爵前

欲媿商尊俗已無精鑿評難定一言會逢歐趙輩重與

考淵源

諸同年釀分餞行于陳秉之寓樓即席留別四

首

來迎華蓋出朱輪。九陌炎歊萬斛塵。慙愧曲江諸舊好，
綠槐陰下餞歸人。

有約難隨座主行。

許座師于一月前南歸，余乞假之，旨未下。

秋風漸老碧

芹羹濟時心力輸。公等只好江東作步兵。

鶴鷺隊裏一沙鷗。飲啄曾同十載遊。今日分飛憐隻影，
煙波滿眼又回頭。

戶小先拚入醉鄉。解衣盤礴自生涼。定知此後同年會，
故態猶能記老狂。

自怡園二十一咏偕西厓前輩賦呈副相揆公

篔簹場

游人裾上塵。馬跡門前路。一徑轉琅玕。蒼然三里霧。

雙竹廊

七松少傅宅。五柳徵君屋。輸此十步廊。天生兩竿竹。

桐華書屋

亭亭百尺枝。下蔭一欄翠。童子正開門。桐花風滿地。

蒼雪齋

碧玉方開籜。量成六寸圍。濯枝多雨露。新粉欲沾衣。

巢山亭

遠移三疊屏。突兀凌空起。勢壓小亭低。前臨一潭水。

荷塘

記得初移藕。田田貼水荷。香風隨櫂遠。花校去年多。

北湖

放眼際遙碧。近身葉似舟。鴛鴦最相戀。驚起却回頭。

隙光亭

一片平頗黎。穿林光瑣碎。閣欄如鳥巢。隱隱柴其內。

因曠洲

洲勢極空曠。分幾派。江因添方丈室。面面與開窗。

邀月榭

月出東皎皎。月落西茫茫。有時夜無月。倒影搖湖光。

蘆港

春漲今年足。蘆根上岸生。人間正炎熱。物外已秋聲。

柳汧

千株万株柳。夾浦濃于黛。忽度一聲鶯。濛濛烟雨外。

芡汊

芡是吾鄉實。充盤憶水羞。羨君池汊上。兩處種雞頭。

城居在雞頭池上

含漪堂

涼從何處來。適與披襟遇。風過水微波。于中得佳句。

釣魚臺

璜溪坐姜叟。濠上游莊周。果若知魚樂。不妨施直鉤。

雙遂堂

心跡既雙清。宦遊亦雙遂。一事勝香山。公頭白猶未。

南橋

兩厓石齒齒。一壑流濺濺。橋北與橋南。仙凡此分界。

紅藥欄

手自栽紅藥。旋開穩重花。禁中吟未足。歸到日西斜。

靜鏡居

先生靜多妙。跡顯心逾靜。借問祖師禪。無塵安有鏡。

朱藤逕

十万寶瓔珞。舉頭迷下上。好咲王君夫。紫絲開步障。

野航

野趣隨所寓。陸居同水宿。偶以舫名齋。已忘舟是屋。

次荅廖若村同年贈別原韵二首

六人三載同書局。出入群聯鴈一行。武英殿編輯韵府

宋山言汪紫滄錢亮功六人皆癸未同年也自比蟲魚辭蠹簡。忽投珠玉滿

奚囊感深紈扇秋。風篴夢散宮衣舊。日香敢對離筵論。後會直緣情重不辭觴。

此身無用且分飛。却望晨霞阻夕霏。竹簟暑風攜枕去。蘆塘秋雨待船歸。長留異日心期在。莫謂同門出處非。

李頎詩在昔同門友如今出處非好片泖湖烟水色。願隨老鶴息塵機。

尊公先生余癸酉同年聞尚有彈冠之興故云

送陳秋田赴叙州長寧宰

鈎棧連雲幾百盤。漏天南去尚漫漫。一身多累無長策。

万里嚴程似左官。小邑攜家須約俸。故人臨別勸加餐。

輿圖盡處江山麗。只作當時荔浦看。君前任荔浦自言山水極佳

棗東書屋大雨聯句

炎歊釀昏夢。猛雨發疲曳。郭雙補天潛女媧。射日恣后

羿。宮怒銀界指河傾。畢躔知月離。木潤三光乍弛職。九野

悉蒙翳。野顧秀陰陽兩相賊。水火時為帝。得非崑崙囚。倏

受顛頊制。餘悔暑路舞商羊。朱波騰黑蜮。繆湘酣鑿鉅鹿

戰。奮助昆陽勢。谷汪退電母掣礮。雷公拔精銳。張匠蛟

螭牙爪。活虎豹股栗。斃急點繩脚。粗密飛絲縷。細郭簷

垂匹練。下庭漲立談。際宮奔渾赴溝渠。森莽連埤堦。森

森竹箭直。滾滾浮漚繼。木潤大麓易以迷。繁星恐不繫。顧

巢飢有鳥啄。葉啞無蜩嘒。是處長蓬蒿。何人理蓀蕙。餘悔

群淹窘歧息。丞丞涉愁厲。揭繆入市稟盪舟。行泥禹乘橈。汪

車輕難就熟。馬怯失奔踈。張滑澁喜兒童。沾濡憐僕

隸。郭盆荷卸浮瓣。林果脫危蒂。宮青沈兔目槐。翠刷龍

鱗薜。木潤柳腰任自誇。葵足寧煩衛。顧醜石苔髮披。枯槎

菌釘贅。餘悔鶴鳴蟻封徙。蚓弔蛙坎瘞。繆陰穴咽暗啼。高

翔惜華毳。汪鷹鷂尚屈猛。燕雀盍少憇。張万里覘郊畿

八埏首幽薊。郭遙傳地欲浮。仰視天方濟。宮泔泔衝塞

去。岌岌排墻逮。富粟慳賣珠。貧薪劇剉桂。木潤西北正愁

霖。東南想連暎。顧金隄做楫帚。薄產關種藝。或者太浸

淫。將毋成滲沱。可無魚鱉患。且免蝻蝗蔽。農占覲。有秋

王省實惟歲。餘悔丞相調玉燭。至尊執寶契。繆旱澇互

乘除。豐凶恒酌劑。汪吾曹復何事。良會况有例。張雖非

酒為池。幸以瓦為袂。郭居人宅如泛。過客駕頻稅。宮何

勞禁足方自頌安心偈木潤詩社得陶潛飲徒偕蔣濟顧
遠坊輪蹄散深坐吟箋遞借驢罷朝謁跣屐寡叅詣宴
樂需雲宜括囊坤象閉防虞沈竈事倉卒移床計餘悔零
瀝似啁哳傾倒敵懍悞繆閒齋一喧寂浮俗等塵壇汪
盤餐省癡蠅墻堊剝牡蠣張嗟我孤影形愛君好兄弟
束帶已發狂解衣復成嚏筵攜吹月琯袖挾掃雲篲索
醉來已遲忘機止或泥郭流連永今夕唾涕棄一切從
教清漏移莫問明星晷刻殘三寸燭哦出五言製手寫
類蠶眠口占非獺祭木潤摧頽興易盡爛熳詞多綴瞥眼
過氛烟倒頭成夢窺去將荷篋筮歸及鼓舟柁老翁何
所求却立望秋霽餘悔

題潤木閉門采詩圖

子初僦居槐樹街尋常兩板何曾開開門偶為買花出
一月上市凡三回長椿寺前紅紫銜木本價昂草本賤
買其賤者兼取多意在閉門觀物變煌煌自昔帝王都
眼中變幻何所無無情草木有榮悴况此假合成形軀
色塵未透初禪界昨者采詩今采畫坐消光景向閒曹
何日粗償焚券債故園松菊荒荆榛花間夢斷如隔晨
當時看爾年最少已是半百平頭人我今念念成枯槁
翰爾圖中顏色好遲留且耐十年官六十歸來未為老
牽牛作花十二韻索匠門諸子和

過雨簾櫳潤微涼院落幽老翁開咲口小草拆花頭名

自雙星得時將大火流若非經閏月已是報初秋綽有
含風態其如見日愁霞朝房早斂露夕蕊重抽續續如
相替匆匆可自由及時催絡緯連類况蜉蝣豔極那能
久嬌多孰比柔且依行藥徑勿傍曝衣樓急景何顏駐
餘光瞥眼休似憐歸日近作計與勾留

旬來多雨聞廣寧門外泥深數尺歸期蹭蹬書

遣悶懷

天行當溽暑水勢汨郊原歸計尚難料世途安可論投
床聽暗雨倚杖望初暎賴有同心友衝泥一扣門

匠門
車騎

見
過

寄祝劉蘧菴光祿七十壽

我昔皖上游過君之里第南陵好山水風俗古不替君
時已挂冠鄭重敦夙契開園設几席話舊接襟袂次第
見諸郎森森盡蘭桂一別十八年回頭如隔世聞君今
七十精采溢顏際室有參語賢齊眉正同歲全家多道
氣此福天所畀養壽得竒方烟霞閱清悶假如在高位
已合懸車例何似白樂天林泉早爲計

有 詔於金州衛立水師營即以海賊之新就

撫者充其弁伍草野迂儒無從獻末議漫紀十

六韻

詔設金州戍今爲要害城水軍嚴約束海寇戢縱橫控
險非榆塞分屯異柳營渠魁推作帥丁壯籍爲兵甫脫

妻公不語宋公語一時臺講請
公情此能無汗顏
近唐人溫李風裁非宋
派也

檻車困還加鞶帶榮戰船齊魯給餽餉薊遠并貫罪
恩良厚優降事不輕波濤通外國帶礪近陪京欲以招
餘黨因之息遠征 睿謀虛聽受廷議集公卿實藉網
繆計俄聞贊畫成聚蛇為窟穴圈虎傍茨荆鷹眼終難
化狼心故自獍徙戎宜有論賞賊似無名世孰防牙孽
人方恃太平區區誠過慮咲爾一鯁生

次和匠門雨中白蓮十二韻

玉井如船藕移來是白蓮花開元澹澹雨洗更娟娟出
浴全身潔離塵一鏡妍細珠留的皜活汞走勾圓太素
知無匹孤標儼得仙靈根超十地色界淨諸天影濯銀
河畔香清羽扇邊質迷深自隱絲引誤相牽帶咲聊悠

爾

李群玉詩處
世心悠爾

含悽莫泣然凌波愁浪惡傾蓋望雲穿

江浦舟遲泛湘臯佩合捐輸他冰雪咏孰與鬪便娘

次韵匠門陰雨不止

兼旬雷失威入夜雨尤猛欠伸局腰脊靡騁瞻項領流
惡溝瀆盈居汗箕箒屏千門烟勃窣九陌路壅梗童出
怕淤泥婢炊愁濁井桁衣變黝襪被感单冷庭作沼
聚漚簷為瀑垂綆誰歟請祈禱古者有修省澤馬兆何
祥坎輿戒多菁清吟召蝸蝓怒叫禁蝮鼠庶令沴氣消
徐俟曦光晒人胥出淪溺吾亦散憂耿世事疾轉圜天
心易翻餅勉旃毋多談行矣需少頃歸途指蝮蝨去意
隨舳舻此時咏君詩有味彌雋永

其仲詠雨詩東多皆無是選

六月十四夜久雨忽霽小庭涼月如秋五更起
坐即事成咏

夜靜窗微明雞鳴曙猶未攬衣步庭下簷溜初止沸斜
月在西南殘雲風掃既銀河洗我目玉露清我胃一涼
襲虛襟餘潤及群卉流光閱醉夢好景失聾聵獨有無
寐人先知秋氣味

喜晴次匠門韵二首

正爾巡檐嘆伏陰忽開霽色見天心月將東出氣尤爽

火已西流炎不侵後三日立秋赤脚一雙休踏履白絲半頂

喜抽簪呼童急掃堦前地準備高人策蹇尋

勿論熟熟與生疎禪家有熟熟處求生疎語閉戶多時出少車隔宿

傳詩邀客和歸期檢曆遣兒書徑鋪嫩蘚壇相似盆豔
秋花錦不如更貫迎涼一瓶酒此間何事可愁予

院長近以赤藤杖見贈合之前詩意蓋欲易我
畫義也作詩報之

昨以病乞假先鐫半年俸挂杖坐無錢棄杖辭寓諷實
則心愛之時時手摩弄貧家之冗物一竹當兩用挂畫
乃名義隨身即為從先生欲巧取猥以赤藤送此藤產
塞山年深蟠石縫細筋漸成骨直理透條綜堅如鐵鑄
成亦可扶躡躡壁來田不往曲直何足訟平生車馬裘
義取朋友共於茲獨有恡貪得比藝種挾兩詎為多失
一宵輕縱公廉忍見奪我寶彌增重幸賜雙杖銘俾得

終身誦

立秋前一夕匠門席上作

此會循環忽五年。老於交誼倍依然。何曾清景辜風月。又聽商聲入管絃。齒序慙余居客右。詩成君官讓誰先。眼前看是尋常事。或有人從異日傳。

立秋疊前韵用唐竇常詩作起句

箕老重經癸巳年。况逢秋至轉淒然。露瀼梧徑蕭蕭葉。雨上琴床緩緩絃。是日復雨。万事蹉跎羊視後。一帆迢遞雁爭先。候門知有兒孫在。烏鵲連朝喜浪傳。

是日繆湘芷攜酒肴就余寓餞別偕匠門秀野

潤木三疊前韵

風雨相留欲判年。足音蓬藿喜跼然。情知老馬難回策。

目送歸鴻又拊絃。擘紙聯吟豪鬪健。圍碁賭酒怯饒先。

時與匠門對局賭酒互有勝負。良辰一醉誰拋得。生怕狂名被俗傳。

次汪紫滄同年見送原韵四首

鱗思反壑羽投林。知我誰能諒此心。引疾敢云臣計早。得歸尤荷主恩深。裝輕似葉行添杖。筆秃如椎懶廢吟。只有故交忘不得。每從別賦感登臨。

新詩字字比驪珠。懷袖分光照座隅。畫裏烟波鷗境界。燈前風雨鴈程途。金蘭義重言多苦。藥石功深病或蘇。却笑迂疎真不揣。欲將農圃傲蓬壺。

月華南畔浴堂邊。形影相隨近十年。雲步改遷尋丈地。

霓裳吹散大羅天。曾叨香案稱清吏。誤籍蓬池作謫仙。
努力文章留報國。尚餘殘局在芸編。
不貪支俸給官薪。分定榮枯付往因。自信我爲當去客。
劇憐君是未歸人。一身只要貧長健。万事休憑夢當真。
別後有書煩屢寄。免教北望苦馳神。

立秋後三日匠門家集梨園爲勝會再邀余入座四疊前韵

夜似長年日小年。逢場何忍獨醒然。野王岸上停三弄。
司馬江頭輟四絃。月裏霓裳聽乍徹。座中白髮感尤先。
梨園法曲皆供奉。或恐人間是別傳。

道山亭在福州城內宋程公闢爲守時所建曾

南豐爲作記者也。歲久傾圮。林子鹿原得其故址。將築堂名以辨香。蓋取陳后山向來一瓣香。敬爲曾南豐之句。屬友人繪圖來索詩。

宋時道山亭。初自程太守南豐與作記。膾炙人在口。從此此亭名。遂爲曾氏有。歷年經八百。頽廢來已久。鹿原嗜古人。尋碑攘榛藪。擘窠三大字。云出林希手。其字今倖存。其人無足取。大哉復古義。義取別賢否。築堂名辨香。欲以妍蔽醜。在昔陳與曾。同時實師友。子今生末世。獨立嘆無偶。私淑夫豈徒。行將奉箕箒。庸非學問力。即事期不朽。我昨遊三山。探奇意多負。銀袍者誰子。曾解讀碑否。
劉後村福州道山亭詩城中楚
楚銀袍子來讀曾碑有幾人

警露軒鶴雛爲鹿原賦

吾聞鶴之性與露最相警。軒以警露名，借鶴用自省。今年果得鶴，先後名寔併。出殼曾幾時，風標已閒靜。仰窺俯有拾，咫尺回素頸。主人院落寬，老樹蔭苔井。雞群知獨立，瘦骨挾仙影。未得戛然鳴，奈茲秋夜永。翀天會有日，羽翮在修整。

題樓敬思夢洗三硯圖二首

曾於夢裏得三硯，三館今來校秘書。不信校書真應夢，但拋心力注蟲魚。夢筆如江夢鳥羅，微凹聚墨不爭多。文章豈必關神授，知有工夫在洗磨。

次韻奉酬院長西厓前輩贈行之句

直從毛羽假翩翩

用南史蕭引傳中語

送我歸耕潁上田。比較鸚

鸞宜落後，簸揚糠粃愧居先。東門古有迴車路，西夕天留養拙年。且喜歐陽爲學士，蓬山領袖得詩仙。

附原作

湯右曾

鷓鴣臺閣正聯翩，忽賦歸與種秫田。爲樂恐教兒輩覺，生天一任丈人先。先元和體有三千首，謝朓才論二百年。我欲舉君還自代，似君真合領群仙。

此後詩格大類香山不浮乘
以平淡棄之

敬業堂詩集卷四十二

海寧 查慎行 悔餘

計日集

起癸巳七月
盡十二月

暑雨連旬初秋就道自去年二月引疾乞休及是
六百日矣淵明云行行循歸路計日望舊居而今
而後歲月庶爲我有乎

七月朔長假出都諸同年同學祖餞于廣寧門
外即席留別

襖被蕭條去離筵鄭重開大生歸子色榮捧故人杯紫
陌回頭隔青山就眼來渭城歌最好朝雨浥輕埃

是日
微雨

蘆溝道中遇德尹自嶺南典試回京

出入如相避。翻驚邂逅緣。遠來君報命。獨往我歸田。別緒三秋鴈。吟情一路蟬。對床風雨約。迢遞待明年。弟臨別有明年乞歸之約

涿州待渡

督亢陂邊柳。秋條尚蔭人。浮橋經漲斷。驛路出泥新。兀兀欲成夢。皇皇多問津。讓他車馬客。爭渡入紅塵。

暮投三家店

不敢怨泥塗。來當積潦餘。群群逐鵝鴨。處處阻溝渠。酒肆蟻爭垵。瓜棚蠅趁虛。也知皆逆旅。到此復趨趨。

過新城留別虞武通同年

舊宰茲邑因大計降調

赤縣當煩劇。期年極苦辛。心勞書下考。官罷得長貧。世

議近逾隘。交情老自真。西湖有鷗鷺。遲爾作閒人。

白溝道中即事

水利遺塘灤。燕南怕雨多。原田平少岸。沮洳溢為河。改路尋牛跡。分裝累馬馱。艱難愁一老。蒿目意如何。

未至雄縣二十里。老僧寧初新瓶一。菴避暑小

憇。遇汪荇洲前輩自吾鄉。典試回茶話移時而

別

精舍何年築。前臨古堠旁。征途尚炎熱。佛地果清涼。却扇邀僧話。分茶與客嘗。班荆留數語。後會兩茫茫。

雄縣早發

秋暑如三伏。僕夫貪早涼。孤城浮水氣。匹馬望星光。露

下田塗白。風來荇藻香。行行天漸曉。柳外見帆檣。

庚午二月與姜西銘同飯於趙北口。姜食魚被鯁以酒下之。徑至大醉。一時傳為嘻笑。今復經此。悽然感懷。

二十年前路。髯姜並轡過。食魚憐骨鯁。下酒怪顏酡。老友他鄉盡。吾生去日多。向來談笑事。淚雨變滂沱。

解渴吟

勞人蕪病暍。一勺望甘霖。直覺烹茶緩。還嫌汲井深。蟬清惟蛻殼。柳老或空心。我是忘炎者。聊為解渴吟。

賣瓜者

辛苦瓜田叟。瓜成計息微。物因多致賤。人以渴充饑。官

守傷根戒。行將抱蔓歸。食艱多棄子。遺種漸防稀。

商家林買草笠

頭輕宜戴笠。野服換商林。雨庇全身濕。晴邀片席陰。下車寧望揖。上馬憶曾吟。往年隨駕清暑奉旨從官俱戴草帽余曾有詩紀之青

肩輿

禮有扶衰病。吾今釋負擔。徒行何不可。安坐得毋慙。未免役人力。將何解謔談。香山援舊例。陋巷得乘籃。樂天詩陋

卷乘籃入朱門挂印回

曉過德州感舊

閱徧畿南驛。禾麻喜歲豐。平蕪千里碧。初日半天紅。世

故論今昔。皇情荷始終。壬午冬行宮隨命入內廷。十年牛馬走力盡往來中。

旅店七夕懷德尹潤木兩弟都下

燕齊風一變。連日苦熱今朝頓涼。邾魯柝相聞。弦月涼於水。繩河澹入雲。雞鳴無失次。鶴警不離群。誰念獨吟客。油燈坐夜分。

曉入高唐州境始免泥淖之苦

遙遙三十里。一塔表州城。海市奇觀失。夢溪筆談歐陽公至高唐館見

沙中車馬人物歷歷可辨時謂之高唐海市。沙程病骨輕。車行出糜淖。人意

就寬平方朔祠邊路。城北舊有東方朔祠。南來第八程。

扶犁叟

偃僂出茅茨。扶犁長恐遲。辛勤憐一叟。遊惰聽群兒。巢燕將雛候。耕牛舐犢時。人情畧相似。老者近乎慈。

過荏平新令吳寶崖尚未到官戲題旅壁

荏平新邑長。赴任底遲遲。吐俗三秋望。王程九日期。多

傾浮蟻酒。省作捕蝗詩。一宿吾隨便。何煩地主為。昨在都門

問寶崖何以不赴任知其欲避捕蝗之役也

東阿道中

今日東阿縣。重瞻少岱山。河流連巨野。地脈隱礮關。宋檀

道濟置闕于礮山下地當在縣南今不可攷。剝棗棘籬外。漚麻溝澮間。土風

占月令一破旅人顏

出都時買得于文定公穀城集心慕其人七月

初九夜宿舊縣乃公故里也夢公投刺見訪自叙出處本末甚悉覺而異之敬紀一律

館閣論前輩先朝一穀城如何犯公諱直欲改余名事往儀型在神交夢寐清篋中有佳集去國仰高情

自汶上至濟寧田間多種藍及烟草

本業拋農務群情逐貿遷刈藍多用染屑草半爲烟樹藝非嘉種膏腴等廢田家家坐艱食那得屢豐年

濟寧寓樓坐雨

南池將買櫂北騎此休鞍得免載濡窘復叨即次安群喧因雨靜一榻占樓寬我獨邀天幸人間路正難

寓樓讀陶詩畢敬題其後

顏謝非同調千秋第一人精深涵道味爛熳發天真有耻難諧俗無官官計貧平生頑懦意感動賴先民

雨中獨遊南池

外吏無交舊歸人簡應酬烟波宜獨往風雨感重遊遠影千帆暮孤亭萬樹秋多情天井派日夜向南流

東泉志自

滋陽至寧陽界共六十三泉俱入濟寧是爲天井派

舟發濟寧

波紋平熨帛岸影曲隨弓坐覺一船穩行聞八牖通城根滙洗汶雲外指龜蒙多少乘軺使誰憐大小東

過仲家淺望魚臺諸山

解纜雞三唱前征曙色催蒼葭迷藪澤白鳥起灣洄日

挾川光動帆衝霧氣開好山青似染的的_的近魚臺

南陽鎮二首

五丈溝東望陂湖極淼茫

寰宇記泗水自任城界經魚臺東與荷水合一名五丈溝

西自金鄉流入

揚椿支兩畔綫溜走中央古市秋來廢平田潦

後荒船船載漁具聊復免流亡

一帶山形墮周遭地勢坳老隄崩泐石歌屋落苦茅是處添新戍何年咏樂郊最憐農失業牛犢飽芻茭

食魚

沛水今年大河魚逆上流垂竿來接尾舉網出駢頭童僕餐皆饜庖厨棄不留多年京洛住此味當珍饈

泗上亭

亭長臺邊路茫茫閱世多自墟秦社稷誰保漢山河芒碭雲銷氣粉榆社改柯空傳沛中叟曾聽大風歌

食蓮藕有感

蓮藕同時賣湖鮮賤勿論劈蓬香爪甲嚼雪脆牙齧過客連櫓販居民種水繁好爲來歲計采實合留根

晚泊韓莊閘

百丈轉坡陀孤舟泊旋渦遠山浮沛縣急水灌沔河鴈鷺連天去萑苻棄地多坐看殘月上徹夜有漁歌

枕上喜聞櫓聲

櫓聲清似雁搖夢下前汀轉益歸心急能教醉耳醒風生南北埭月過短長亭不解眉山老欣聞泗岸鈴

臺兒莊阻風

行止原難必。天涯信短篷。明知滿槽水。不敵石郵風。高枕沈舟外。微吟折葦中。向來多逆境。閱歷已成翁。

沕溝順風掛帆

侵曉長年起。開頭報順風。遄歸天意許。利涉客心同。後至無奔馬。前飛及片鴻。布帆安穩在。計日報兒童。

入新河見糧艘覆敗者

黃水奔騰入新渠。變濁流誰云無大患。凡漕運漂流米二百石以內為

小患二百石以外為大患見何喬遠記依舊有沈舟。已鑿終難塞。將淤在急籌。治河兼治漕。何策兩綢繆。

五更渡黃河食頃抵天妃闈

淮強黃勢弱。擘箭出盤渦。水碧見檣影。月明來棹歌。蛟龍三舍避。鷗鷺兩涯多。不用占風色。聞雞已渡河。

雨泊淮關

鎖鑰嚴關閉。裝囊獨客輕。市樓傳櫂暗。鄰舫吐燈明。酒罷人初靜。風高浪不驚。淮南今夜雨。好片滴篷聲。

淮上留別族弟信斯

怡荆好兄弟。五世義門如。每下南州榻。長停中道車。貧來初析箸。老去各移居。尚爾敦宗誼。殷勤一慰予。

淮陰侯廟下作

滅楚還封楚。破齊曾王齊。英雄歸駕馭。股掌若孩提。失國嗟烹狗。糜身付牝雞。土人憐至骨。廟像儼公圭。

泊寶應喬介夫枉過舟中兼餉家釀

翼折桓山鳥。喬家季獨存。再過城外路。及踐別時言。初春

介夫在京師聞余有長告意初未之信故云風雨藏書屋。鶯花縱權園。向為尊甫侍讀公作繼棹圖歌又為令兄庶常君題兼葭書屋舊題如夢寐。負此酒盈尊。

高寶漕渠夏秋凡兩決半月前隄工始就舟行

過此有感而作

民力東南竭。官程西北勞。隄防隨處潰。畚鍤不時撿。秔稻連塍沒。菰蔣比岸高。古來論水利。豈獨為通漕。

過露筋祠下

舊是鹿筋梁。何年祀女郎。至今留廟貌。考古實荒唐。曉氣蛙魚國。秋聲蚊蚋鄉。人家葦花裏。放鴨滿陂塘。

邗關小泊同年王樓村攜酒就舟中小飲

半日揚州住。為歡累主人。同年官自達。謂李二老分相

親我袖羞懷刺。君囊轉諱貧。攜觴還挈榼。感激為情真。

過高旻寺輓湘雨長老

宿昔還山約。蹉跎久未忘。高僧先下世。法子繼開堂。物

外交遊。少人間感嘆。長餘生知幾日。來炷影前香。

丁亥春隨 駕遊金山寺爾時便作休官之想

初心幸遂重經山下。風便不及泊作詩以結後

緣

蓬萊重入望。風引去如飛。指水言猶在。登山力已微。憑

誰留玉帶。幸自脫朝衣。余遊金山詩有終脫朝衫披野衲句為報江神道。

無田我亦歸

為謝江神豈得已有田不歸如江水蘇東坡登金山句也

夜宿常州城外

渡江纔兩宿。今夕到毘陵。酒熟橋邊肆。魚跳柳外罾。烟波千里舶。簾幕幾重燈。漸與鄉園近。惟愁米價增。

梁溪道中

山水多平遠。秋來悉美田。紅薑肥似掌。紫芋大於拳。玉剥菱腰濶。珠收芡粒圓。老饕歸為口。一味說豐年。

村童籠致黃雀二十尾。用六十錢買之放生口。

占一首

八月野田雀成群。入市闌充庖。憐爾命倒篋。破吾慳。孰出樊籠外。並生天地間。放飛因戒殺。不是望銜環。

過吳門擬一晤何屺瞻吳漪堂陸冰賢諸同年
竟為風雨所阻戲以詩代柬

屈指笑良晤。到來風雨狂。往還期不偶。跬步病相妨。酒要乘閒置。游須計日償。防他三子咲。歸去有何忙。

初到家二首

生涯與時背。所事率滯阻。六月擇歸期。既雨且當暑。涉秋甫就道。涼意動砧杵。絺綌乃征衣。到家換時序。淒風不堪著。初服已吾許。

久客返敝廬。曩基無改築。南榮望阡陌。西舍通隣曲。舊時杖白頭。零落多鬼錄。後生類好事。開口問朝局。吾衰苦善忘。聾聵廢耳目。報以一不知。惟應話農牧。

何如當作如何

中秋桂庭對月與徐韓奕馬衍齋及兒孫輩小飲

桂樹影娑婆飄香散月波中秋晴日少樂事故園多邂逅成良會團圓好放歌兒孫齊在眼不醉更何如

省先父母墓

墓祭仍隨俗君羹不逮親轉傷通籍晚無補在家貧去卜青烏吉歸瞻翠鬣新松栽欣免觸山鹿爾何仁

行園

畦丁老且死五畝廢不治朝來杖藜往露草紛披披桑柘析為薪藤蘿蔓成籬池荒鷺群散地瘦螿族移蚤知蕪穢場中有茅菴基畫圖良已具結搆伊何時

禹慎齋曾為余

作初白菴圖

腹痛

本意歸田樂翻將病到家留中無壘塊腹內有癥瘕銖兩醫方誤毫釐砭石差去夏在京師針治不效所憂非性命衰態自堪嗟

藥師周晬

去年傳遠信錫汝藥師名我老歸初見兒今齒已生但求無疾疢不敢望聰明撥棄人間事猶餘膝上情

九月晦日馬衍齋見過同為雲岫之遊

近遊老尚能獨往難決驟自從竹垞喪結伴少耆舊馬仲晨叩門邀余赴雲岫放船非意料勝踐出邂逅我有

一枝藤筋強節堅。瘦何曾頭步失。所向傍顛仆。扶衰幸
有賴。懶病庶可救。連山際東南。崖窾露晴晝。九十有九
峰。一峰爲領袖。前蹤悵未到。初願晚始就。迨此風日佳。
後期恐難又。

泊舟用里堰肩輿行經南北兩湖

水盡乃見山。捨舟遂遵陸。村遙雞犬散。路狹田禾熟。漸
入漸幽深。近身空翠撲。濛濛午曦澹。黯黯秋氣蓄。忽於
杳靄中。豁達開心目。三百頃湖光。長隄亘其腹。霜林環
四照。倒影漾紅綠。惜哉好畫圖。冷落付樵牧。平生汗漫
遊。臨老思歸宿。終當結茅茨。來此占一曲。

晚抵高陽山麓上九曲磴夜投雲岫菴

到山路疑窮。壁立青嶺岿。松陰十二轉。一上改一觀。忽
聞鷹叫風。側背來高寒。夕陽墮西陸。返景飛彈丸。闐寂
禪者居。地偏天形寬。鐘聲落海外。列宿棲簷端。老僧咲
迎門。藹若平生歡。謂言登陟險。知我步履艱。汲井爲烹
茶。拂牀與安單。蕭然一行脚。只作道侶看。

十月朔五更鷹窠頂觀日出

吾聞堯時十日曾並出。域內大水凡九年。自從羿射九
日落。大禹注海納百川。獨留一曜隨天旋。爾來四千一
百七十載。朝朝沐浴蛟龍淵。登州蓬萊閣。太山日觀羅
浮巔。文人遊跡徃徃到。鷹窠之頂僻在東南偏。海隅荒
陋題咏少。好事或聽旁人傳。率云九月晦後十月朔。是

時日月行同躔。初生類合璧。吞吐寅卯前。居民生長此。山頂目所睹。記云偶然。况乃遊人一生。或間至。何怪欲覩無由緣。我來此處看日出。要是乾坤曠蕩之奇觀。山高地窮天水連。尾閭東洩茫無邊。明星有爛黑氣作霧。非霧兮烟。非烟移時一痕破。滿空血色紅殷鮮。乍浮復乍沈。水底疑被長繩牽。須臾涌出水面圓。紫金光現搏桑顛。自東而西不知幾万里。一綫倒射洪波穿。亦不知自高而下幾千萬丈。一躍直上團團天。觀者目眩心神遷。却尋雞聲到宿處。松窗黑暗僧猶眠。

糴米

官罷無祠祿。家貧斗石艱。致炊誰巧手。欲乞我慙顏。懸

釜三秋後。傾囊一飽間。瓶罌防鼠竊。莫笑老夫慳。

祝尚于潘竹村偕過不值各以新詩見投奉荅一首

廿載風塵兩鬢絲。得歸翻悔挂冠遲。門無俗客閒何礙。里有耆年晚始知。銜袖方將修半刺。投名先已枉新詩。從今步履毋辭數。各趁腰輕脚健時。

連日雪不止忽憶塞外舊遊

臯蘇祠下拜龍公。預祝明年二麥豐。稍密儘教封塾戶。漸高休遣沒牛宮。久無書寄孤鴻外。曾記身穿万馬中。誰信茆簷蒙敗絮。出門一步怕頭風。

藩司頒新曆至

天上軒轅紀。山中草木年。授時存國典。頒賜及村田。舊曆行當棄。陳人祇自憐。千官孟冬朔。猶記午門前。

聞王丹思及第之報喜而有寄

有命難終屈。多才豈易量。

武英書局議叙同事諸子先後得官丹思為奏事者所抑

迄不得選復為畫供奉

蹉跎留畫苑。瀟洒赴文場。一賦辭成識三

年願果償。喜聞王芍藥。秋後領群芳。

庚寅春丹思作芍藥賦其結語云開

時不用嫌君晚君在青春最上頭余戲呼為王芍藥竟成大魁之讖

冬至後一日復雪

經旬重遇雪。半月未開冰。積素林光合。微陽井氣升。蕊

疎梅尚禁梢。重竹難勝傳。語敲門客竒。寒幸見矜。

時有以俗

事相擾者

自題臥室

生踰七九年。考室忝堂構。敝廬足風雨。自我先人舊。塗墍旁免穿。茅茨上除漏。于中劣容榻。巧墁功易奏。蠶繭密包纏。蜂房疏戶牖。陰陽有向背。時日無避就。何以占吉祥。甘眠宵續晝。

曉窗展卷有味乎。昌黎吾老著。讀書之句輒成一律

捨此身何著。蠹書時復翻。味應同菽粟。老豈廢饔飧。請益虛師友。流風覬子孫。却慙更事久。多負古人言。

後十日復大雪

天工如刻期。一月連三白。同雲聚其族。巧作十日隔。初

聞檐溜融旋見瓦溝積幽人閉關臥護此一庭潔里老
有好懷衝寒走相索叶豈無新釀黍與汝回煖熱肺病
適余侵臨觴主慙客居鄰幸匪遠歲晚况休役有約待
晴和傾壺看新麥

小齋前移植梅樹

擬徙池東樹規除砌下苔最先論位置次第及栽培疎
影移燈就生機戰雪回歲寒吾與汝滿眼盼花開

次副相揆公塞外遇雪用舊韵見懷二首

遠枉三秋訊開當雪霽時斷雲歸岫晚朔雁渡江遲舊
事炊梁夢新篇疊韵詩別前初約在宛宛見心期
班行同引籍掌次近除名馬上衝寒色山中曝背情君

才方大用吾意適孤行若問菟裘計鳩巢拙未成

來詩云勉

酬初白願為報一菴成

座主宗伯許公枉駕敝廬感今追昔敬賦長律

致謝

童穉相親到白頭公今予告我歸休二三子外無同輩
五十年前是舊遊僻地煙霞迎几杖敝廬風雨傍松楸
多承古道關存歿在處追隨淚欲流

閒咏

延曦開竹閣向晦掩柴關世自如烟動謝靈運詩民動如烟我靜而鏡
吾猶比鶴閒靈苗須善護雜念最難刪此境於何驗無
如寤寐間

併鳴生三字叶

臘月雨

五行遁休旺。歲晏陰亢。陽曾是冰霰。晨際茲淫潦。妨一
旬恒雨。若物性遂失常。南山慰朝儕。四野烟霾併百草。
萋以綠苔枝。競芬芳。堦前蚯蚓出。檐角春鳩鳴。虹見亦
非時。乘機潛發生。頊冥溺厥職。氣洩冬不藏。田間一禿
翁。所願歌時康。側身屋漏底。仰視天茫茫。

半月以來坊局史館前後輩削籍者凡二十一
人。偶閱邸抄慨然而賦。

占籍幾三百。同朝半盍簪。故知員太冗。不謂譴方深。枯
苑寧關命。行藏各拊心。幸收麋鹿跡。終莫負山林。

癸巳除夕家讌有懷諸弟二首

先生與兩院長氣誼甚篤而
意在乞休亦有所以致之者
然其見幾明決可謂難矣

室煖紅爐炭。窗浮畫燭烟。歲華如夢裏。家慶且尊前。明
日晴難料。殘宵醉可憐。龍鍾還自幸。扶病過蛇年。
稍稍初心遂。匆匆節物違。寒庖供野饋。質庫寄朝衣。有
弟分南北。時德尹潤木留京邸
信菴客粵西未歸無官減是非。一門推我
長齒序也。應歸。

敬業堂詩集卷四十二

併卑陽切鳴
護即切生師
莊切皆古南
叶也

敬業堂詩集卷四十三

海寧 查慎行 悔餘

齒會集

盡甲午一年

甲午春杪座王大宗伯許公邀楊晚研宮贊陳梅溪侍御為娛老會僕以門下士忝克四人之數周而復始迭為主賓其秋同宗兄弟年六十以上者凡五人復有合釀之飲大抵季必有會會必有詩一年中唱酬者十居二三因以齒會名吾集亦歸田一樂事也

元旦大雪

跡遠疎賓客心空穩睡眠正宜晴閉戶况乃雪漫天與

世喜無事為農占有年庭梅生意動報我一花先

過詩友錢木菴虞山故居

城角三間屋傾欹少比鄰半生餘酒債四海失詩人兒

女早無累木菴三子長為農次依僧李業儒一女歸吾家孝廉姪身名果孰親翻

憐吾未達感舊尚沾巾

上元雨中獨登虎丘二首

上元無月亦無燈十里山塘冷欲冰夜泊扁舟寺門外

梅花樓下弔詩僧時根紹上人已去世

劍池側畔侍宸遊寓直曾為三日留一夢八年還記

得舊題詩在仰蘇樓丁亥四月隨駕駐此

晦日招潘竹村祝良仲叶雖兄弟小飲

舊讀唐賢集多為晦日遊閒中追節物病起念朋儔折
東幸能致開樽聊共酬貧家稀宴會何惜小遲留

臺心菜

未綻黃金粟先抽綠玉簪大烹克瓦釜小摘滿筠籃不
賣何求益多嘗詎覺貪齋厨無異饌童僕也分甘

雪中玉蘭花盛開

閨苑移根巧耐寒此花端合雪中看羽衣仙女紛紛下
齊戴華陽玉道冠

春分前連日雪

九十春將半鶯花世界非向榮違物性餘慘露天機幸
不多時積從教到處飛舊巢雙燕子社日倘來歸

春社

今年社是春分節。半月寒深閉戶中。花少有時還朔雪。雨多無日不東風。村巫環玦傳神語。里老豚蹄望歲豐。除却農談吾嬾聽。何煩分酒更治平。聾

種芭蕉二絕句

東鄰帶雨移花本。西舍連泥掘藥苗。庭小不曾留隙地。又添牆角一芭蕉。

卷心乍展影。撥莎葉葉攢成綠。一窠不為無花偏愛葉。花時長少葉時多。

清明日西阡焚黃感賦二律

憶昨營窆窆旋馳赴。闕衰夢常驚冷節。歸及荷榮光

桑梓陰功在。先贈公行善於鄉至 柩棧舊澤傷。踏青諸

父老歎息看焚黃。今鄰叟猶能道之

近展松楸路。遙瞻雨露天。有生逢聖代。無祿盡親年。

淚落休官後。恩踰卜葬先。誓收清白跡。畢景守岡阡。

亡室柩前焚黃再作一首

一道黃麻制。存亡乃異辭。祇緣吾有愧。不謂爾無知。地

下應含笑。生前未展眉。元微之悼亡詩報 謝 恩憐子

影收涕為羣兒。

喜晴

春光霽後佳。節氣田間正。晨興啓蓬蓽。豁若奩開鏡。岸草既柔穠。渚牙亦鮮盛。村南杏粧卸。村北桃鬟靚。鋤麥

農祈秋。浴蠶婦。修政俗。醇游惰。少候至。赴功競。新火稍
出林。舊鄰無改姓。吾家世居此。少長識愛敬。雞犬聲互
聞。牛羊行讓徑。晚尋畎畝樂。益遂桑麻性。寄謝市朝人。
誰能逐造請。

燕來巢

燕燕來何許。飛飛羽不齊。我方歸舊社。爾又換新泥。借
問依人住。何如擇木棲。雨狂風正惡。勿厭草堂低。

客自會城來。傳老友翁蘿軒龔蘅圃之意。垂訊

近狀。口占報之。

徑荒居又陋。過懶戶常關。時事罕聞見。舊交疎往還。嗜
從滋味薄。詩到應酬刪。二老知予者。因風一慰顏。

去秋手栽海棠一本。春不作花。而德尹潤木兩
家此花最盛。戲作一絕寄之。

階前手種海棠樹。樹小條疎著蕊難。翻被兩家園主妬。
有花偏讓老夫看。

三月二日偶遊硤石精舍

三月風光連上巳。人如蛺蝶鬪裙衫。兩山鐘磬東西寺。
十里煙波遠近帆。拄杖我來尋履跡。題詩僧乞署頭銜。
篋中亦有新排集。倘許經房貯一函。白香山年六十四
編集寄香山寺

上巳與子姪輩飲西園海棠花下

寂寞逢嘉樹。流連及令辰。若非攜酒賞。幾負滿園春。絕
豔驚雙目。浮光動四鄰。好花如子弟。笑擁白須人。

西林庵浴

我本無垢人多生依淨土。無端墮五濁。特以有身故。自
從歸田來。迷昧晚稍悟。雖逃塵土。汨尚被詩酒。汗蟣蝨
緣見侵。浣除急先務。山僧開浴室。午告湯沐具。愛此松
下風。解衣入雲霧。微溫徹毛髮。積患瘳沉錮。滌腸即未
能。搔背不猶愈。老蟬初脫殼。呼吸通清露。嗒焉忘其身。
垢膩於何附。

曉過鴛湖

曉風催我挂。颿行綠漲春。蕪岬欲平。長水塘南三日雨。
菜花香過秀州城。

葆光居賞牡丹兼示祝良仲賓季爾田兄弟五

首

轡幕高張白石臺。花情亦似感栽培。已過穀雨三朝後。

直待主人歸始開。

時賓季爾田
初自粵東歸

閱盡紛紛桃杏姿。遲開獨占豔陽時。只消一夜東風力。
扶起花頭五百枝。

道是吾鄉第一花。芳時無客不矜誇。兩朝二百年門第。
得似君家有幾家。

尺三花面大於盤。一丈花梢半出欄。頭白老翁來未晚。
霧中看勝雨中看。

曲宴曾陪賞。內廷蕊珠樓閣隔青冥。一枝歸折非無
意。猶有當時舊賜鉞。

三月晦日偕楊晚研陳梅溪赴座主大宗伯許
公之招流連三日敬賦五言古體詩一章用志
盛事兼訂後期

世會賴人持。進難退仍易。公歸天下仰。鄉曲風先被。逃
矣黃髮期。曠哉赤松志。遠收伊呂迹。近託張邴契。洛社
與睢陽。高情千載嗣。九人不迨半。猥許門生廁。良辰春
夏交。勝踐東西寺。年尊耄將及。興逸衰猶未。籃輦出匪
遙。杖藤行可寘。堂無絲竹鬧。庭有煙霞膩。外靜絕市譁。
中虛得池位。雖然營圃墅。亭榭隨布置。不窮土木妖。所
以矯豪侈。何嘗廢宴衍。芻豢薄滋味。不列水陸珍。所以
警貪鄙。初焉立家法。久乃變風氣。道大等行藏。心空冥

同異。乘流坎斯止。衆取我則棄。欲知鵬鷃遊。豈外逍遙
義。欲知名教樂。即此真率意。一會日經三。一年會須四。
非疏亦非數。天賜皆君賜。幸生山水鄉。各有登臨地。
創舉良獨難。後期當以次。

從東山大悲閣步上南山道院

山北山南一逕通。又從紺宇扣琳宮。千年樹老根穿石。
百尺梯危勢轉空。上界神仙風肅肅。下方樓閣雨濛濛。
羽人何福能消受。長在晨霏夕靄中。

過惠力僧房訪葛友峰

穿過林巒第幾層。到門雙屐響登登。祇應趙郡蘇和仲。
猶識成都杜伯升。蜚張平子賦欲遊以保名僑居

直似此山僧白頭相對吾滋愧撒手懸厓尚未能

題西山快哉樓

東山標一堦樓與堦尖齊日光先到松篁勢盡低爽
宜延眺聽老漸怯攀躋緣境隨時結詩成信手題

碧雲寺

以上四首皆硤川遊歷之作

徑曲耐幽尋杉籬步步陰煙光遮市斷殿影赴潭深昔
受梅檀供今傷樵牧侵欲知增減劫成壞視禪林

信庵貽我湘竹筆几

往與陳

六謙

楊晚

研

葷結交始臨池我腕不能懸落筆

恒苦肥至今衫袖上墨汁烏淋漓十年課官書猥克抄
寫爲一從拋筆墨有拍如駢枝愛弟粵中來美竹貽湘

妃斑筒圍五寸文采光陸離銛刀剖其半承臂良所宜

惜哉硯田荒此几將安施毋忘持贈意三復幼槃詩

槃筆几詩當君持贈恐不堪大似無功饗鹽虎

座主許公別後寄示七律二章叙連日山游之

樂再次來韻

溪山佳處榻長懸暇日追倍樂境偏靈運賦中行采藥
康衢歌裏看耕田歛逢俗客談時事閒與鄉人結善緣
雨笠風襟無恙在畫圖容易着神仙

茫茫宦海濶無邊幾見虛舟濟巨川

白香山詩巨川濟了作虛舟

步始知原有地掉頭誰信不關天高人入社同招隱大
老還鄉例好禪得御籃輿吾竊幸乞身多及太平年

自西阡步登龍山小憩妙果寺成鏡軒
杖藜無百步欄楯有千家未覺平簷淺全虧老樹遮童
挑西澗水西阡之北有泉僧製本山茶佛日長如此何
愁莫景斜

村家四月詞十首

茆苫枳落趁高低草色平鋪樹影齊一片綠陰行不到
家家門外有黃鸝
生長蘆村與葦鄉單丁門戶怕逃荒春來娶得紅裙婦
添壑橋南百本桑
去年桑葉賤如毛今歲蠶多葉價高大抵乘除常得半
半償安分半償勞

小滿初過上簇遲落山肥繭白於脂費他三幼占風色

二月前頭蚤賣絲

三幼即三眠也
見放翁詩自注

野老籬邊獨一家卧聞隔竹響纒車開窗自起看風雨
日在牆東苦棟花

活東幾日變蝦蟇細瑣謀生亦有涯租得山田還帶漙
種菱時節種魚花

蠶忙粗了接農忙早晚官符不下鄉見說城中多大戶
帶征猶欠隔年糧

大麥離披小麥黃連朝次第欲登場開籠莫放新鸞鴨
怕損鄰田二寸秧

一尺良田種一科

語出齊民要術

早年宜黍水宜禾老農信口

言皆驗。比似兒孫閱歷多。
山妻赤脚子蓬頭。從此勞勞直過秋。海角爲農知更苦。
合家筋力替耕牛。

寄徐觀卿庶常四首

人間路狹田間濶。天上官多地。上稀難得玉峯徐。吉士
簞朝廿日便思歸。來書云平生官况以廿日了之

乞歸初不爲鱸。尊肯作江東第二人。霧豹一斑窺寸管。
雲龍半爪現全身。

跨鳳驂鸞幾隊行。列仙名籍滿瑤京。不須更說鷄棲樹。
阿閣巢多自見輕。

石公山下約耕雲。十畝桑麻許見分。觀卿有別業在洞庭西山與余曾爲

卜筮之計我爲退難歸已老。可憐事事不如君。

副相揆公惠寄人參一斤賦謝

官非致富具。官罷適得貧。獨不奈病何。父吟兒復呻。時兒

建亦患病貧家抱富病。動與參苓親。東產禁入關。南方價彌

珍。十金易一兩。又苦贖雜真。投之湯劑中。日飲僅數分。

持此望療疾。越人視秦人。荷公千里懷。拜貺俄盈斤。瑤

光散藥笈。紫炁交斑璘。春秋緯瑤光星散而爲人參禮緯下有人參上有紫炁沃

以碧琉璃。藝以紅麒麟。庸醫亦色喜。奏效如轉輪。果然

黍谷寒。變作陽崖春。公惠洵已厚。我慙鬱難伸。雖延草

木年。等是幻泡身。所期調元手。且晚秉國鈞。時聞枚溝

中多待澤。一老何足云。

德聞姪以先京兆公加贈嘉議大夫誥命一
軸見示敬題於後

吾宗京兆之子孫當時濟濟推清門大賢餘澤久漸替
先代龍章今僅存族譜亭前一回首欲斥斯人言可醜
若教此軸落渠家賣珠毀櫝夫何有本支冢孫弟兄構禍蕩盡先人餘業
故有此歎不忍斥其名也珍藏似爾豈非賢中有詒謀二百年科名
仕宦尋常事世業終須孝友傳

余舊蓄古鏡一枚形正方背有飛魚二鱗鬣生
動周遭一百八十乳水銀徧裹上著血皴朱砂
斑不知何代物也偶閱元裕之集馬雲漢家方
鏡背有飛魚與此形模正合元有七律一首載

集中疑即馬氏故物而今為我有喜續一篇紀
之

馬家古鏡形模異人世皆圓爾獨方細乳流丹周四角
爛銀磨鼻貫中央出波鱗甲飛如活透骨頗黎冷放光
知有廉隅難入俗合歸老子為收藏

蟻鬪

飯罷徐徐捫腹行階前蟻陣太縱橫巧排睢水常山勢
鏖戰昆陽鉅鹿兵國手圍棋分黑白村兒鬪草計輸贏
轉頭一笑全無為不解當場抵死爭

兒建補官北上兼寄德尹潤木

爾往因門戶吾衰且杖藜行期今始決藥裹病仍攜時兒

病尚未全愈 老閱晨昏易貧難出處齊京華見諸叔有信共緘題

梅雨將至曝衣庭下睹舊賜紗葛袍感賦
一桁高懸犢鼻褌篋中剩有賜衣存為防梅黠重開
看閒與兒曹說 王恩

禾郡試院古栢曾濟蒼繪圖索詩即次原韻
龍筋纏左紐鶴骨鍊孤形閱士幾頭白遇君方眼青愛
頻攜畫卷惜未入圖經變化誰能料風雷或晝冥

德尹陞侍講却寄

雁行官序記隨肩余兄弟三人同官編修每入朝班仍以齒序先後久次今來

合轉遷用漢書孔光傳中語聊與家門增氣色也勝陪點六年前

已丑初夏春坊日講員缺奉旨選擇掌院曾以余名擬上既而用陳鍾庭

生日示兒孫

家世少高年傷哉傳父祖吾生良過分六十已踰五自
為鮮民來奔走備艱苦每逢先忌日雙淚落槃俎忍復
受稱觴成行拜兒女殊非老人意轉觸傷心緒世教日
以漓五鼎儉三釜厚已薄所生逢辰競華詡其或侈宴
會開筵召歌舞此風非自今此事尤不古矧余衰且廢
徇俗一無取仕宦閱十年依然北門窶先廬僅無恙聊
足蔽風雨常恐病見侵去來難自主未知從茲往尚復
幾寒暑但願汝曹賢甘貧守前矩貽清義有在何用幹
吾蠱

夜枕喜雨

挂壁閒龍具。黃梅十日晴。忽聞中夜雨。殊慰老農情。枕
簟通霉氣。溝塍走去水聲。跳蛙如送喜。不厭繞除鳴。

庭前蜀葵十二韻

蜀葵吾手種。五月儼成林。葉葉青蒲扇。株株碧玉簪。卑
叢猶計尺。高幹突踰尋。耐久誰如爾。敷榮方自今。此花自五
月至初秋。有花偏犯暑。得地肯移陰。抱素矜孤潔。中有
相續不斷。一施朱競淺深。露晞疑濯錦。風暖快披襟。爛熳知時及。
歌斜怕雨侵。寧無衛足智。尚有向陽心。石竹羞相亞。山
榴妬不禁。畫工難設色。詩老獨搜吟。莫漫嫌貧窶。芳醪
又一斟。韓魏公詩。芳醪對一斟。許魯齋詩。但恨主人
貧且窶。不教相對舞衣紅。皆咏蜀葵句也。

日本繡球花

南風來海外。吹綻小團圓。吐萼初含綠。染根俄變丹。垂
垂懸蹴鞠。袞袞壓欄杆。雨打戎葵折。留渠愛惜看。

盆池荷葉

藕梢種盆池。初葉青錢似。一葉復一莖。漸看翠蓋起。豈
無十丈花。奈此三斗水。託根適有制。小器吾局爾。

家童以梅水滌硯。既申諭之。復詮次成篇。當僮

約一則

梅雨降天泉。其甘甚仙醴。滄茶需此味。久貯益清泚。甕
盎謹蓋藏。非時不輕啟。客嘉乃一薦。視若大烹禮。研垢
利亟除。無端用泉洗。殷勤示僮約。誤事胡可底。開池用

養魚汲井用淘米貧家用水法一一須酌劑推類以及
餘吾言當善體

雨乍晴

髮髻落草與堦平屋漏痕餘滴瀝聲老去一身隨燥濕
漫勞鳩鵲報陰晴

觀插秧二十四韻

百汊通舟楫千畦罷耨耨人情須解澤天道豈屯膏夜
足分龍雨晨添浴鷺濤渾渾泥破塊汨汨溜鳴槽及見
苞初拆先期種淨淘齊民要術淨淘種三日漉出露苗齊若剪風
葉弱於縑維耦羣衣襖于田畢赴暮事因當務急義取
立根牢寬解青腰束勻鋪綠罽蹇橫從分緯經去行列

劑字惟平去兩
穀無上聲

準茅絢滑達聊防蹶瘡痂那暇搔胼胝兼踵趾仰俯混
頭尻正爾如針細何時比岸高栽培從幼穉功力積纖
毫小鴨浮鳥觜新鵝沒乳毛篝車思預祝稂莠待徐孀
餉婦烹蠶豆饘翁壓麥糕放翁詩旋壓麥糕邀父老衢歌隣巷荅幽
樂土風搯身雜耕耰侶心知稼穡勞問誰司命屬笑我
代烝髦偶倚孤藤杖閒攜半榼醪勸農勤本分撫已愧
嬉敖有蠹除灰鞠周禮秋官蠹氏掌去鼃黽焚牡鞠以灰洒之則死以其烟被之則尺水蟲
無蟲慮食桃見齊民要術豐年斯在眼秭鳩已先

澤史記百草奮興秭鳩先澤

梅雨初霽

隴畝有情農無端負春稟十年京洛住風氣習高燥左

臂雖病風。土脾幸未槁。還鄉豈不樂。顧已迫衰老。翻畏梅雨多。侵膚劇蚘蚋。蚤兒童報新霽。起視天宇好。蟬嘒林葉初。雞鳴曙光早。微颺自南來。掩冉被庶草。夏課晨有程。方當事研討。曝書良先務。趁此日杲杲。

船趨風歌

平江紀事梅雨之際必有大風連晝夜謂之船趨風東坡詩三句已過黃梅雨萬里初來船趨風

吾聞千里以外風不同。人間乃有万里之長風。來從海上梅雨後。紀自西郊野叟眉山翁。古稱博物家。無若周元公。爾雅釋天篇。八方風色以類從。北涼西泰凱南谷。自東頽焱飄。庀暴昌。噎一一命義無相蒙。周禮保章十有二。妖祥乖別占荒豐。下而莊生齊物論。以至應劭風倍通。颺瀏颺颺颺颺。颺颺。颺颺。叫豪吒吸咬于喁。名雖巧排比。

語實工形容。船趨之名特未悉。土俗傳說惟吳中。吳中五六月水盛溽暑方蘊隆。此風東南來。一掃雲翳還虛空。商羊黑蜮潛厥蹤。炎官亦退三舍避。大放橐籥伊誰功。三日濕氣消。五日暑氣融。連綿七日九日尚未止。快哉何暇分雌雄。羊角初從何處起。合而為一浩蕩來無窮。丘真人西游記風初起如羊角須臾合為一風國家象胥譯九重。白雉入貢兼青熊。良商豪賈狎海童。高帆幅亞搏桑紅。中男長女各效職。飛渡溟渤如輕鴻。此時田間一老翁。置身恍在蘭臺宮。不知人生更復有何樂。但向北窗高枕卧。聽聲蓬蓬。

鷹毛扇

稜稜疑戴角。六翻舊稱雄。誰翦摩雲勢。而爲弄袖風。近身無棄物。當暑奏奇功。莫逐斑妃扇。秋來怨篋中。

庭前新設日棚

奇峯突兀升晨莫。多幻狀群來燭我室。火令方用壯。誰能待涼秋。坐受驕陽亢。貧家愛惜費奇計。役心匠架木於中庭。從乾取巽向。宅經云從乾向巽名入陰東西墻所限。南北稍通望。剖竹以爲椽。縛繩乃施帳。卷舒一夫力。自我剏新樣。天亦無如何。居然聽人抗片雲。風不散。赤日走其上。但覺晝景長。焉知炎勢王。解衣盤礴卧。客至蒙見諒。憶昨扈從年。孱軀昧自量。跨鞍五六月。万竈逐焚燭。渴飲道旁泉。形神聊一暢。勞筋誓永息。疲馬就閒放。跡遠倦

驅馳情孤愜。宜當青藍十幅布。氣壓錦步障。即事不願餘。休陰獲微尚。

雨後納涼

夢過雷霆了不驚。起來涼月在南榮。靜中機候誰先覺。已有一蟲堦下鳴。

六月廿二夜熱不能寐五更起步庭下徘徊到曉

夜熱不成眠。展轉達五更。開門上殘月。適與微風迎。大火將西流。銀河去無聲。林亭散踈影。露葉涵虛明。薨薨羽蟲飛。喔喔村雞鳴。身如閒草木。受此日氣清。

沈松年觸暑見過爲余寫行藥圖小照贈之以

詩

昔年三十四。張叟為寫照。是時氣方豪。抱膝坐長嘯。夏張子由為余作槐陰抱膝圖侵尋落塵網。行止非意料。一夢迫桑榆。
 回頭失吾少。自觀疑隔世。那免旁人笑。沈生技入神。下
 筆天下妙。曩者京洛遊。不輕貌權要。朱門致厚幣。却去
 臂頻掉。獨愛山澤臞。足音赴蓬藿。老夫正避客。畏熱如
 畏燒。瀟灑實藉茲。掀髯引同調。吳縑六尺雪。靜對屏聽
 眺。三日晝始成。投牀忽狂叫。張圖示左右。童稚皆曰肖。
 迺知神理憑。在骨不在貌。一杖兩椽。鞵清涼徹。毛竅高
 楊蔭。風渚密竹移烟嶠。外勢拓微茫。中深藏窈窕。過橋
 茅宇遠。轉徑柴籬繞。力圃方自今。幽情老彌幼。允宜置

丘壑何用談。廊廟稍待條。甲戌成重煩。添藥鉞。

偶得鸛雛畜之階。下旬日馴擾如家禽。

老鸛巢古木。孤雛失遙汀。養之羣雞中。旬來食宿并。草
 際飛拍拍。花根立亭亭。有時照盆池。長喙梳短翎。適逢
 螻螳飽。暫脫魚蝦鯉。方當竭澤時。時亢旱河何處潛汝
 形。不如濟野鶴。飲啄且一庭。

苦旱

火雲燒海壖。禾黍供包燔。是田折龜兆。下隰高平原。山
 根曲曲谿。近溯十里源。其流本易涸。三尺淤泥渾。何當
 千桔槔。渴若接臂猿。下飲罄呼吸。洵洵寧復存。一井給
 百家。乞漿稍出村。人情斲所少。昏夜拒叩門。我有小池

水舊未資灌園。經旬漸將枯。遑救鮒與鯢。畦丁仰沐浴。
爨婢充餅盆。緩急吾豈無。義從易地論。開園聽使汲。兩
不受。怨恩。喝者盈路旁。其能以手援。喟然望雲漢。安得
天瓢翻。

立秋後四日得雨喜疊前韻

雷鞭起龍蟄。雷火林欲燔。急雨隨秋來。沛然滌焦原。出
高而施下。天澤殊泉源。頓令赤墻墳。化作塗泥渾。物情
俄頃變。判若王孫猿。柳子厚云。猿之德靜。以常。王孫之德。疎以驚。向來沸蜩
蟬。閨寂無一存。雞犬聲逾靜。羊牛亦歸村。但見簔笠翁。
倚杖臨柴門。濁酒貫鄰曲。農談慰田園。檐低劇投蜺。海
近疑徙鯤。汲婦免抱甕。浴童喜傾盆。西成即未知。姑以

誠之云雨後光景如画

目睫論良苗。與秕稗各被霑。濡恩我亦領。新涼詩筆聊
復援。閒庭有花木。枝葉為翩翩。

雨後遣興

秋田一雨洗萌芽。餘潤還沾學圃家。苦竹鞭抽行地筍。
戎葵梢放出籬花。身憂天下原非分。老覺浮生亦有涯。
野色閒門無客扣。夕陽影裏數歸鴉。

重至西湖雜感六首

行宮昨巡幸。侍從偕東枚。詔許孤山遊。緣坡陟崔嵬。

高亭揭佳要。御書佳要亭在孤山最高處正面湖光開。再到踰八年。

重扉鎖蒼苔。夕陽錯金碧。竹樹浮樓臺。聖主軫民

艱。翠華無復來。湖流亦漸縮。清淺如蓬萊。

三百六十頃。葑田半平蕪。泊舟湖心亭。坐失西南隅。兩隄遙隱現。彌望菰芰蘆。吳中連歲荒。竭澤準此湖。誰興百年利。開濬繼白蘇。

菩提古律院。中有禪者堂。兒時侍我翁。曾宿道公房。菴

忽五十載。沙彌成老蒼。為言禪堂灾。室被池魚殃。師徒

二三輩。借歇鄰僧牀。世苦善緣稀。十方如一方。我貧正

髣髴。何以副汝望。昭慶舊寓被火。住持僧乞余重作募緣。疏故云。

故人喜我來。謂鄭春薦高說仲。有約晨往踐。中流泛彩鷁。酒果

諧終宴。殘暑颯以收。荷風偃秋扇。各陳別中事。過去同

掣電齒。脫頭亦童是。形無不變惟。留真面目重。與吳山

見。

昔我同朝友。蘿軒翁康與田居。龔蘅竹深章豈績。乃同年。

通籍甫歲餘。後先解組去。各守先人廬。錢子我持我彌

甥。比亦賦歸與。世途日湫隘。親舊旋凋疎。合并復何幸

皓首仍相於。湖山近可樵。湖水淺可漁。此生知幾見。莫

負秋風初。

潯陽賢郡守。朱恒齋時客吾郡。歷政廿四年。罷官世業盡。無計

營歸田。竭來泥馬城。卧痾僦市廛。良醫天下少。買藥慳

囊錢。我欲招使出。一覽江湖天。足孿兼畏風。躑躅行不

前。當路非無交。車音聽楚然。惟餘老賓客。同病心相憐。

龔蘅圃屬題田居圖。圖為王石谷所畫。三首。

我愛西冷龔侍御。候樵開徑擬村莊。前身似是黃清遠。

好補田居辭九章

元浦江黃景昌自號田居子作田居不傳候樵開徑九章中篇名也

古調辭九章事載吳淵穎集惜其辭

更愛虞山王石谷為君破墨寫桑麻晚年變盡大癡法
瀟洒自當名一家

上澗烟波下溼田朱陂楊柳陸池蓮為農果若畫中樂
吾亦嬾尋辟穀仙

到湖上不及訪諦輝禪師而歸寄詩代東

諦公世壽八十八見說形神倍清拔有時挈鉢身入城
健若雲端出巢鶻隨行不用木上座一日往還能步屐
葛藤斬盡松性孤那怕霜根被纏殺開堂說法踰四紀
坐斷高峯梵王刹一拂何曾肯付人問着三交兩頭瞎

似憐我是無家客遠枉山中八行札我來便合去尋師
却向石頭防路滑雲林咫尺徑未到回首湖西山巒巒
明年擬坐雨安居眼膜終須寶篋刮

題章豈績觀碁圖

宇宙一碁局白黑兩戰場細極蟲蟻微大而至侯王胥
為競心役得失爭毫芒遂令坦坦塗嶮巖劇羊腸可憐
橘中叟機事亦未忘國工吾不知童稚勝老蒼
圖中一童子與老叟對局所以達觀者袖手於其旁

從姊丁節母八十壽令子修遠來乞詩

吾家賢姊丁節母年二十七稱未亡是時殉夫勢不可
有兒在抱姑在堂夫之兩弟尚小弱形影相傍何倜傥

婦供子職母兼父。兄道亦以丘嫂當皇天。欲貞苦節苦
一一艱瘁教親嘗。粧貧固已少簪珥。時絀又復罹凶荒。
淚流繼血食。有指骨盡吸髓。炊無糧。秋看烏哺感魚菽。
春睹燕乳憐粃糠。晨春寧資相杵力。夜績肯借鄰檠光。
全家仰俯賴。搯作母不自白。旁人傷阿婆。下世兩叔娶。
寡鵠矢志孤雛償。父遺一經課使讀。世業克紹孫成行。
乾坤豈終靳。雨露松柏要必經。冰霜蓼荼茹盡蔗。味出
佳境漸入今方將。母年八十兒六十。白須綵袖前稱觴。
中秋節近風物爽。桂樹藪藪飄天香。月中之兔爲擣藥。
長生會得仙娥方。

西園早桂八月始花偶拈二絕句

兩株桂自先人植。歲歲開當七夕前。校是今番花信晚。
秋香還占別家先。
消息西風任客傳。花時長結一村緣。而今勘破黃山谷。
鼻孔猶爲晦老牽。

季方兄招同聲延兄曾三芝田兩弟於西林菴
爲同宗五老會席間喜賦時甲午中秋前三日
古人重睦族。籩豆禮無廢。奈何世教衰。此義久云晦。家
宗遠有緒。望實鄉國最。伐木歌卒章。吾猶及前輩。宦遊
鹵莽出。晚景侵尋逮。歸到忽一年。余去秋八月十三日
抵家今恰一年矣
病多逃酒債。喜聞折柬召。喚起初心在。八月撰良辰。五
人合嘉會。兩兄吾所敬。兩弟亦吾愛。居近三里中。年皆

六旬外。茅菴傷先壟。徑轉蒼山背。風日假清光。松篁發幽籟。僧來具茶旃。童去攜鮭菜。飛動愜平生。老狂餘故態。流光弦釋箭。盛壯已難再。但願五白頭。偷閒輒相對。

中秋雨集拙宜園賦呈宗伯座主晚研前輩

節到今年正。秋分此夜中。是日秋分節重尋三宿約。惟欠一

人同。陳梅溪以疾不至巷氣通荷葉。林香入桂叢。滿城傳勝事。

來看雪髯翁。

可惜團圓月。雲封得樹堂。檐虛燈動影。池澗水生光。聽雨篷籠外。吟風几杖旁。平生師友在。到此分真忘。

十七日陪遊秦駐山得詩六首

夜雨晨乍晴。茲遊天所許。攜筇出煙郭。振步凌雲嶼。公

本海鶴姿。飄然命儔侶。身輕無險徑。心曠得豪舉。誰云

溟滓寬。直欲巾笥貯。出郭

社稷已丘墟。冕旒尚祠廟。當時伐山處。馳道餘蓬藿。可

憐愚氓愚。不記暴秦暴。家家棧羊豕。坐享血食報。今年

旱太甚。水乏蘋蘩芼。母乃爲神羞。徒憑山鬼嘯。始皇廟

平生汗漫遊。不識蒼浮子。今來尋別業。愴若經蒿里。好

事賴閒僧。詩名猶在耳。山林耆舊盡。太息烟霞委。詩老徐滄

浮別業

山後石狀狠。山前林靄濃。名藍繚而深。風氣于焉鍾。下

有千頭橘。上有百丈松。潮聲卷地起。響奮出谷鐘。禪扉

日日開。未缺茗椀供。留題紀歲月。孰繼三人蹤。半潮菴老僧出

家住錢塘西。未觀曲江壽。及茲陟海嶠。遑惜攀躋勞。長風東南來。吹我上岬嶠。忽然空四顧。快覺身歷高。井底俯孤城。三面被浪淘。築堤效精衛。木石焉得牢。誰能驅此山。外捍兀巨壑。絕頂觀潮秦鞭不可施。頑礪倚天外。一山坐少肉。佛力將安賴。榛莽長於人。菴廬小如蓋。忘機任去住。涉境有成壞。置身万仞岡。達者觀其大。少陵固云尔。臨老斯遊最。茅菴

食新米

秋水通港脉。吳船來海濱。稍聞米價賤。歡喜動四隣。荒厨乏宿春。八月亦食新。雖然營一飽。力惡不出身。薄宦

比曼容。退耕輸子真。餘慙到僮僕。并作浮惰民。官鼠竊太倉。家雞仰空囷。物生各分定。吾自棲吾貧。

由葑門至牧瀆舟中喜晴

積雨川初漲。秋晴候尚暄。帆移背城路。竹密近山園。野市漁樵散。人家鴈鷺喧。太湖知漸近。水色半清渾。

重過鄧尉大司寇徐公墓與公子觀卿話舊二

首

昔會尚書葬。重來二十秋。好山增氣色。高蔭鬱梧楸。賤日蒙青眼。流年感白頭。及門多著錄。檢點幾人留。藉甚賢公子。歸來一壑專。論文空老輩。誓墓及中年。跡忝同朝舊。姻從世講聯。觀卿與家德尹為兒女親家相看多道氣。應

許數周旋

五雲洞

鄧尉山形斷柴莊嶺脉。延言尋五雲洞。試酌鉢盂泉草。偃秋迷徑林深午見天。老僧年七十。揖客鳥巢邊。

午飯東山庵

村落樊籬外人烟墟墓間。稍穿蒙密路。又轉一重山。樵擔行相引。禪扉晝亦關。薄遊煩地主。裹飯慰衰顏。

晚入聖恩寺瞻漢月禪師塔與古菴老衲茶話

鐘聲天半落。麗刹占岑隅。地拔千章木。門開万頃湖。來因瞻影塔。老喜接浮屠。倚賴青藤杖。隨行勝給扶。

重陽日由鄧尉坐眾船沿太湖濱抵漁洋灣登

法華嶺與觀卿拈韻各賦五章

九日乃溯流古來無此法。適茲泳游趣。遂與魚鳥狎。望銅坑橋前行出蘆夾。湖光三万頃。際眼窮一霎。地盡日脚垂。天低浪頭壓。近山浮蛟鼉。遠艇點鳧鴨。奇懷洵曠蕩。良會殊欣洽。滿載洞庭春。十分傾蘸甲。

黃柑釀酒名洞庭春

色見東坡賦

鏡面三十里。淼瀰似無涯。片颿截湖來。小泊當嶺岬。居民雜耕釣。竹樹環坳窪。中有佛者宮。法華及曇華。頭陀不好事。籬落無黃花。手拾墮巢薪。爲余烹土茶。屋山見微徑。林隙縈修蛇。直上千仞顛。迴身俯烟霞。

新城老詩翁。于焉戀清景。漁洋曾自號。四海傳歌咏。

阮亭

王先生絕愛此中山。樓指今幾何。勝遊闐如屏。履綦已
水。因自署漁洋山人。陳跡我到踵前。猛濤聲拔湖。洪飛上
萬松頂。西風迫吹帽。新鴈時一警。俯仰有古今。徘徊惜俄頃。
誰爲後來者。繼躡最高嶺。

折東不可致。陪遊欠詩僧。

謂湘隣禪師

兩人亦不孤。勇往快

得朋。平生偕隱願。躡步氣益增。西指小九天。

西山林屋洞爲十小

天中第九天。觀下有別墅在其下。

下有田一塍。買隣隣苦少。約我我未

能具區。舊志荒文獻。於何徵君家。富圖籍。攷證庶足憑。

我雖腰脚頑。肯辜手中藤。焉得七十二峯峯。與同登。

是節古所重。吾生隨所遭。向來閱星霜。南北毋已勞。有

時泥飲伴。座上爭題糕。間亦吐狂詞。氣粗陵二豪。塞垣

九月雪。瓊帽蒙戎袍。陪獵入圍場。分麀行燎毛。乞歸復
何事。雙髻餘蕭騷。左臂雖病風。尚堪持蟹螯。地鄰甫里
陸。心契柴桑陶。君壯我就衰。逝波日滔滔。明年身縱健
何處重登高。

重陽後十日。曾三弟招集西林菴。是日微雨杲

山法師不期而至。

再舉重陽會。何妨十日遲。林巒真得趣。晴雨總相宜。踏
屐堪尋菊。登高例有詩。閒僧來不速。社飲倍淋漓。

立冬後二日。座主宗伯公偕晚研梅溪枉過村。

居次日移榻妙果山房。再遊菩提寺。得詩四首。

乾鵲聲中客。欵門畫船啣尾泊。籬根掃除黃菊荒。蕪徑

映帶丹楓穉村半月先期傳父老一家喜氣到兒孫
海山不盡東南望登陟應須次第論

桑榆餘煖在田廬初約重尋幸不虛行處聚觀傾里巷
有時問荅及樵漁能文客到先投句時徐觀卿至自好

事僧來盡乞書晚研工書所至楮墨堆案寄語同朝諸大老莫將八
座傲懸車

招提游更招提宿四五人添八九人時許伯勤馬衍齋

承念兩兒亦侍行自有此山無此會勿論誰主復誰賓靈泉怪

石供幽賞煦日和風應小春知是它生緣境在每逢佳
處輒逡巡

流光已付陶甄外世味多消朴率中省對梓筵慙地主

免教冠蓋炫鄰翁熊羆起渭嗔何晚蟋蟀歌唐儉可風
報畲 朝恩還有處白頭相見祝年豐

仲冬二日招諸兄弟續舉真率會明日芝田弟
詩來次荅一首

弟勸兄酬又一堂依然同產似君良唐書孝友傳劉君良四世同居雖族

兄弟猶同產也小春已過冬猶暖短晷雖移夜甚長老去喜為

無事飲興酣聊鬥此身強明朝夢覺三竿日始信齊州
接醉鄉用東坡睡鄉記中語

再次曾三弟見投原韻二首

橋欹路滑限東西一擢來尋曲折溪每愛招邀聯近局
又從唱和得新題陋邦关我詩同鄩雅量輸君酒到齊

存此以見先生老而好學

木盡瓦盆隨分設何須几上復加綈鄴中記冬月几上加綈
人中聲叟飲中仙挹袂何妨更拍肩地僻魚蝦貪入市
天晴箕畢快移躔是日早晚晴松筠歲晏留賓賞莞枯庭空
待雪填却关竹林惟二阮同時應少弟兄賢

抄書三首

人言冬是歲之餘自分生涯伴蝨魚比似王筠猶有媿

白頭方解手抄書

南史王筠愛左氏春秋凡三過五抄餘經子史皆一過未嘗倩人假手

無數空花亂眼生摩挲細字欠分明西洋鏡比傳神手

八廓重開為點睛

烏雞已療病風手秋兔猶存見獵心炳燭餘光吾若此

兒曹那不惜分陰

臘月雷

天公號令何其垂夏慳膏澤冬發雷先期三日礎流潤
雪候變雨成黃梅螻蛄夜啼蚯蚓出有聲來自南山隈
靈霽倒行坤軸裂霹靂上劈天關開吾聞宵雅哀十月
矧迺歲莫陰陽催至尊端拱穆清上宮府庶事歌康
哉震來虩虩百里爾特向山谷鳴遭回淮南子遭回山谷之間陋
儒鯁鯁誠過計誤信耳目生疑猜庶徵休咎豈關汝一
飲且酌消寒杯

池上梧桐一本先君所手植秋來忽枯家人析

以為薪用作此歎

苦竹不實鳳苦飢霜風拘折枯桐枝知音者希巧匠死

琴瑟之材同廢。我來撥灰三太息。重是先人手親植。紛紛桃李總輿臺。從此荒園少秋色。起結二句用太白詩語

十二月十六日赴青芝山會座主尚書徐公墓

感賦二首

清德宜鐫石。佳城仰賜金。公以少宗伯贈尚書。哀恩給全祭全葬異數也。

榮朝典備存歿。主恩深十郡千人會。三年獨子心。謂大

司空反虞猶孺慕。未忍進祥琴。

視我真猶子。從公始得師。乙丑春公為國子司業。余時備弟子員。親授作文法度。

有經傳舊業。無路報深知。夢奠噫何及。歸休悔稍遲。余

癸巳秋長假還鄉。公薨一年矣。寢門餘痛在。淚雨滴青芝。

祀竈一首

一年俄逼臘。爆竹接比鄰。不用儺驅鬼。自將詩送神。晨餐甘脫粟。夕爨付勞薪。此意天應諒。吾非媚竈人。

敬業堂詩集卷四十四

海寧 查慎行

悔餘

步陳集

起乙未正月盡五月

謝病歸來杜門七百日矣不得已而作閩游憶戊寅春夏間偕朱丈竹垞南行今往還仍取此路東坡詩云團團如磨牛步步踏陳跡用以名集聊當

解嘲

元日立春大雪

家居閱兩年連遇歲朝雪東風不解凍就我作冷節鄰比莫往來應門乃虛設野人喜無事復此庭宇潔薺麥正青青蘭芽為誰茁

二日喜晴

昨日既喜雪朝來復快晴。開軒納東曦。檐滴微有聲。天
豈去我遠。始和得人情。呼兒具紙筆。枕上詩已成。

四日西園散步得三絕句

算是今年第一回。草根殘雪尚堆堆。春風氣力強於杖。
扶起衰翁踏凍來。

三日爲期已過期。晴光先動碧琉璃。苔枝照影魚兒躍。
及取水開鷺未知。

踈籬外繞翠檀欒。梅橘中栽五畝寬。抵得實封三百戶。
頭銜自署老園官。

人日赴榆村兄真率會二首

七十三翁齒最先。人言兄乃地行仙。白頭兄弟肩相竝。
不敢誇張說少年。
容易開尊得故鄉。况逢雪後好風光。梅花消息巡檐近。
絕勝題詩寄草堂。

上元前二日芝田弟招集深寧齋席上次韻

杖履從遊地難忘。直至今余少日詩文極蒙伯父霍丘公賞識風流前輩
盡結託。晚年深照座紅燈。入當杯白髮侵懷。新兼感舊
愁和郢中吟。

西阡老梅一本不知何人所植花時偶與諸兄弟婆娑其下芝田有詩再次韻

千林一樹特標奇。冰雪初消雨未滋。問著不知誰手種。

却來與我伴哀遲

送湯納時表弟赴吉水任三首

兩派江流百折灣。全家攜入畫圖間。桃花夾岍春旗影。直到廬陵不斷山。

牧羊圈豕盡彈冠。一第終輸本分官。不負種花心力在。吉州抹麗贛州蘭。

文江舊是人文藪。歷宋經元迄有明。此段挽回湏老手。莫言邑宰事權輕。

次韻答又微姪

平生持論笑孤高。老去羞稱供奉曹。幸有田園收影跡。敢從壇坫薄風騷。披吟滿卷輸君富。置酒當筵看客豪。

莫道懸車年未及。吾薪入爨已勞勞。

來詩有未老投閒聲價高之句故云

庭前紅梅花時恰值春寒

側側餘寒薄薄粧。疎花嫩蕊太郎當。能禁臘底三番雪。翻怕春來十日霜。

次韻答東亭弟滇南見懷二首

自笑原非炙輶髡。一歸聊爾慰慙魂。退飛事異冥鴻弋。俯啄心空澤雉樊。伏臘鄉風隨戚黨。耕桑活計委兒孫。只愁兄弟天南北。却聽清吟似峽猿。

字如黑蟻筆頭髡。天末書寬久病魂。喜爾力能禁瘴癘。知余情頗戀丘樊。一門最盛推同祖。万里相望各有孫。若論桑榆收未晚。莫因擇木感騰猿。

用晉書李克傳中事

江行六言雜詩十八首

魯公傳乞米帖。元亮有饑驅詩。不妨舉家食粥。笑問此
去何之。

人家泥浦漁浦。驛路樟亭赤亭。黃犢鳴邊草綠。畫眉啼
處峰青。

船頭載餘杭酒。枕上看富春圖。老伴不離鷺鴨。浮踪又
落江湖。

江流東射如箭。帆勢西張若弓。此去特邀天倖。平生逆
水逆風。

一兩竿颺酒旆。四三點散漁燈。朝來露蓑長溼。月下風
檣不停。

水色綠頭雄鴨。舟形縮項鱖魚。千點桃花拍岸。春潮不
過桐廬。

挂劍謝臯羽。墓插竿嚴子。陵壇身後哭。餘兩友。此句屬謝生

前笑擲一官。此句屬嚴乍合乍開煙靄。一重一掩霏微。紫鱗出網能躍。翠鳥踏
波亂飛。

柳暗春旗古戍。梅殘橫笛孤城。留取三分花事。老夫待
要山行。

村鷄喚曙非一。野鷺眠沙必雙。時有飛星過水。忽看苦
霧吞江。

蘭溪九迴腸。曲澗水一指掌。平鷺卵石多瀨。淺魚鱗雲

起天晴

三百餘年婺學建文以後失傳重過四先生里白頭撫

卷愴然

余近抄宋元明初文集得金華前輩數家

門前二月楊柳屋後千年豫章材步稀栽杏樹鄰船時

遞蘭香

碓牀多沉新漲牛馬不辨兩涯遙見一灘白鷺近前知

是浪花

春分過後微雪上巳前頭嫩寒灘響吾愁減睡日長兒

勸加餐

時稚子隨行

太末城南最好橘林密帶甘林歲歲經秋克賦直從禹

貢到今

長亭七十有四川路縈紆倍艱安穩煙波六宿卸帆已
到常山

一笈曾陪朱老浙西吟過江西誰憐磨牛陳跡自笑飛
鴻雪泥

發常山早雨午晴二首

七日江程上水難肩輿差比布帆安朝來更覺山行好
小雨纔過路便乾

麥畦菜壟黃兼綠李徑桃蹊白間紅著色春光誰畫得
常山西畔玉山東

西江擢歌詞四首

西下鄱陽總順流波聲汨汨櫓聲柔玉山城外唱歌去

三十三灘是信州。
千尺長橋亘水隈。
商船到此盡眠桅。
索錢幸自無關吏。
滿載漳煙建紙來。
黃牛引犢眠茅屋。
烏鬼隨人上竹牌。
共說此鄉魚米賤。
就中最賤莫如柴。

兩頭船子月纖纖。
愁雨愁風日日兼。
過客飽餐江右飯。
居人貴買浙西鹽。

江西十三郡惟廣信食浙鹽

樟樹鷺巢歌為施澗如明府作

鉛山縣署南城坊。
綠陰冬夏常相交。
豫章之材凡五樹。
上有鷺鷥來結巢。
東風二月高禰祀。
燕子來時歲相遇。
哺雛引子直經秋。
此是風標遺種處。
前者代嬪如高曾。

後者相繼如雲仍。
雪衣飄然閱五世。
蝨斯蟄蟄還繩繩。
我讀東京循吏傳。
鴉變好音虎革面。
雀雛不探童子仁。
疇昔傳聞今眼見。
施侯到官踰兩年。
政成三異羣稱賢。
仁民及物物斯樂。
飛鳥依人人自憐。
此地昨曾經寇賊。
安集哀鴻繫誰力。
老夫重過十八年。
煙火居然万家邑。
佳辰召客開華筵。
葉鳧緱鶴同翩翾。
酒酣為爾賦長句。
侯乎侯乎豈非仙。

澗如招遊蓮華洞四首

夾路泉聲響珮環。
去城三里即名山。
清遊我正坐無事。
難得君侯如我閒。

一綫天光落眼前。
洞門深入忽中穿。
欲知覺路隨方樂。

憑仗西來一指禪洞僻有石如佛指

興欲登高力已疲。隨身可少杖扶持。自憐濟勝全無具。

踴步寧忘一蹶時。時余渡澗失足故云

兩家弟子生同異。朱陸紛如聚訟來。指點鷺湖榛莽路。

講堂片席待重開。鷺湖山在縣北二十里君方議重修書院故及之

雨中度分水關

獨立千年石。回看百丈溪。浮雲自南北。健水各東西。俗吏憎書笈。勞人信杖藜。經過成熟路。不怕鷓鴣啼。

重遊武夷冲佑宮

十八年前夢披圖。勝跡留。萬峯雲忽散。九曲水仍流。物外戀清境。生涯回白頭。短筇何負汝。重作幔亭遊。

陳道士房見甌寧蔡鉉升明府留題作詩寄之

洞天三十六。此洞自秦開。羽士今寥落。琳宮幾劫灰。追游成昨夢。得句憶仙才。百里溪山近。雙鳧早晚來。

建溪權歌詞十二章并序

朱子作武夷九曲權歌亦偶然寄興云爾其實九曲水淺曾不容舟。余廣其意作建溪權歌詞可使編郎唱艣而行。俚語所不擇也。

清流名船尾大腹仍皤。杉板船輕一擲梭。順水無風行更

穩。槳聲如雁櫓。如鷺。

石根一道水滌洞。真有腸如九曲迴。問渡亭前齊閣權。竹簾撐入武夷來。

不團小鳳不團龍。細色如今免上供。見說田家愁水旱。
好克茶戶莫爲農。西江估客建陽來。不載蘭花與藥材。
點綴溪山真不俗。麻沙村裏販書回。年年三月杜鵑啼。
紅白花開似錦溪。只作湯山桃李看。不知中有海棠梨。
松栢難逃野火災。忽教山色變成灰。樵人比似猿猴捷。
絕壁無梯負擔回。不爭白狗黃牛峽。不數西江廿四灘。
天下無如建溪惡。水中刀劍是峯巒。北客南來飯好加。
川程三百少魚蝦。建安腐乳甌寧酒。

更有南鄉澤瀉花。

連山苦竹賤如毛。十節量成二丈高。小泊南鴉南口子。

船船多換幾張篙。

青天白日走雷霆。黯澹危灘最有名。掣電光中行十里。

船頭一轉即延平。

自從舟發崇安縣。直到洪塘與海通。若使一灘高一丈。

幔亭合在半天中。

生小離家慣水行。濤波雖惡片篷輕。不須阿囡呼郎罷。

但是同舟便有情。

訪同年滿鳧山開府於三山官舍撫今懷昔賦

贈二章

宗臣久掌絲綸簿。開府兼優政事科。地是巖疆曾伏莽。
公來鯨海不揚波。刑清訟簡神何暇。望重官高氣轉和。
坐使八閩風一變。挽回誰識苦心多。
曾陪京兆鹿鳴筵。共賦長楊羽獵篇。聯轡三回經出塞。
下車一揖重同年。當時霄漢依光近。此日雲泥入望懸。
不是先生能念舊。肯扶衰病到堦前。

與劉海觀前輩話舊有感

三館當時數二劉。後來誰不仰風流。芝蘭臭味終相近。
縞紵交情幸見收。自別道山虛接武。每從宦海閱沉舟。
對君忍話京華事。宿草鴛原痛未休。傷令兄若干先生也

尋道山亭故址

芒鞋布襪記曾經。誰識蓬池舊謫星。雙眼參差收七堦。
百年興廢閱孤亭。雲煙繞閣山形秀。浦漱通潮海氣腥。
好在南豐碑一統。苔紋因雨洗猶青。

九仙山平遠臺

跨鯉人遙片碣留。居僧指點說丹丘。平生不信神仙術。
垂老宜爲寂寞遊。千里帆檣來域外。九霄風雨過城頭。
劇憐野色亭西路。好景多歸萬歲樓。

鳧山先生邀遊城東湯泉

万壑千峯赴海疆。却從海眼發溫湯。名同繡嶺寧愁污。
派別曹溪自有香。身外塵埃供洗滌。人間炎熱變清涼。
依然沂水風雩意。童冠中間着老狂。時幕友沈林二生三公子俱在座兒

念亦
侍行

老友林同人贈櫻竹杖

海山產異竹。厥萌不常有。移君軒墀前。適用非適口。一
年長一寸。寸寸累已久。碧玉內堅剛。櫻皮外粗醜。尋丈
經百年。居然竹中叟。金鴉劖作杖。鉅細纔可手。下有根
生鬚。上有葉垂筴。故人憐我老。分贈意良厚。衰遲形影
孤。配爾如得偶。嘉惠胡敢忘。命之曰執友。

留別前輩鄭老先生

此遊真到鄭公鄉。許我重登佚老堂。南極一星留碩果。
兩朝羣望屬靈光。登山不用頻攜杖。好客猶能遠置莊。
小吏相輕君勿怪。浮雲閱盡是炎涼。先生時為邑令所窘故云

留別林同人

結交逢老輩。再見倍相親。開口問前事。聞聲知故人。林

將八十月已喪明衣冠非宿昔。眠食尚精神。洪浦通潮海。毋辭

惠訊頻。唐書地理志。侯官西南有洪塘浦。自石邑江東經甌瀆至柳橋。以通舟楫。即今之洪山橋也。

住福州半月不及噉荔支。而歸聞西禪寺老僧

癡賣尚無恙。臨行口占寄之

果熟西禪寺。朱竹吳青壇記竝嘗。分甘紅計顆。漬蜜白盈

筐。一飽事難料。獨遊神易傷。居僧應笑我。空到荔支鄉。

建寧遇同年張嵩陸。張由詞館改知松溪縣。今

將移疾乞休詩以慰之

出宰松溪縣。行踰報政期。神清知善病。藥賤苦無醫。難

得音書便翻成邂逅奇引年猶未及莫負 聖明時

武夷精舍

早時蒙養地晚節宦游途風雨一精舍溪山雙畫圖居
常鄰道院交不廢緇徒識者觀其達何曾累大儒

武夷采茶詞四首

荔支花落別南鄉龍眼花開過建陽行近瀾滄東渡口
滿山晴日焙茶香

時節初過穀雨天家家小竈起新煙山中一月閒人少
不種沙田種石田

絕品從來不在多陰崖畢竟勝陽陂黃冠問我重來意
拄杖尋僧到竹窠

山茶產竹窠者為上
僧家所製遠勝道家

手摘都籃漫自誇曾蒙八餅賜 天家酒狂去後詩名

在用許惜題
詩岩事留與山人唱采茶

崇安梅容山明府貽武夷山志

芒鞋三度入名山衰白重遊分已慳今日圖經落吾手
巾箱攜得武夷還

朝發小漿村暮抵紫溪途中口號四首

引得層層樹杪泉高田瀉水及低田占城旱稻移秧蚤
四月村翁掠社錢

籃輿承蓋午風涼戲折山花插兩旁行處兒童齊拍手
白頭老子擁紅粧

丹崖碧樹迴干霄行盡巖關百里遙日暮紫溪橋畔望

鷺鷥如雪點青苗

編茅樊竹作村莊。樟樹花傳處處香。漫說兩邦封壤接，狹鄉終不及寬鄉。寬鄉狹鄉出唐書食貨志

鉛山道中

龜趺埋沒泥沙底。翁仲欹斜草棘間。漸覺先朝餘澤遠，耕牛犁到費家山。

重至南昌感舊

官步門前柳拂頭。早年曾作豫章遊。兩朝文物多經眼，千里江山復入舟。宿草泪深懸榻地，孤蹤分絕寄書郵。篋中一卷西征集，更與何人共唱酬。

登滕王閣

高凌碧落俯層瀾。老眼重開一大觀。笑閱星霜如隔世，癸亥甲子間曾遊此閣今三十餘年矣閒思今古幾憑欄。帆移雲影千山動，湖納江流萬頃寬。時江水暴漲丈餘沙洲皆沒校是詩翁無筆力，不留名姓避王韓。

飲胡都閩德菴署中荷亭上二首

三十餘年話舊遊。也曾投筆覓封侯。邯鄲枕上夢初覺，一笑看成兩白頭。庚申辛酉余客黔陽幕府胡時以武科從軍

柳外風來灑面涼。雨餘三畝好池光。借君酒盞勸君醉，莫負滿亭荷葉香。主人善飲故戲云

端陽前二日遊北蘭寺四首時李暘谷挈榼小

飲列岫亭葉素我尊聞姪念兒俱在座

北蘭寺在沙城北旁置孤亭縹緲間碧樹陰交三面暗
獨留一面對西山

彩旗畫鼓沸中流想像蛟龍畫出遊今日無人觀競渡

去年此地有沉舟時當事嚴禁競渡

若將世法苦相繩何地能容世外僧來往風流今已矣

居人猶說宋中丞傷老僧淡雪也

元氣茫茫散不收尊前聊記五人遊衰年未必能重到
更爲斜陽作少留

李壻暘谷追送於滕王閣下臨發歸舟二章留

別

去便經年隔來爲半月留那無兒女戀偏動別離愁落

日當高閣清江帶小舟臨行一杯酒衰暮重回頭

清德尚書後尤宜愛此身一村無兩姓宗伯公世居吉水之谷村聚族

至二千人八座有重親壻雙親俱早世而祖子出須斟酌吾

歸合隱淪相思還命駕後會豈無因

晚渡鄱陽湖夜泊瑞洪

黃梅連日雨濁浪入湖平沙柳曾邊沒霞天鳥外晴岬
容移晚景風色緊歸程忽報帆飛渡前村戍火明

行經貴溪縣赴同年王辰幟之招即席分韻

花草瓊林語於今十二年君方行綰綬我已賦歸田邑
有延賓館門停載酒船慙非徐孺子此榻爲誰懸

廣信舟中望靈山

頑石四百里自安仁至鉛山河口臨江石山狀如覆盎草木不生茲焉秀獨鍾翠屏三十六不數九芙蓉

五月二十六日到家驚聞兒建京師訃信傷慘而作七首

去歲夏四月兒來告行期我時卧在床汝去故遲遲我欲速汝出慰汝以好辭為言吾雖衰歲月尚可支銓除汝已及行且把一麾勿論地遠近三年望旋歸詎料凶問來哀哉甫及暮兒亡於四月九日此語恍如昨此情痛難追一家仕同朝出處分相謀父既罷官去子當偕歸休奈何復遣行夙疾况未瘳致汝道路死非汝命不猶為父實不仁自傷還自尤嗟嗟悔已晚餘憾徹九幽

延陵喪長子其殮服以時反服有苴麻童僕或未知倚賴者季父視汝猶視兒稍用慰老懷附身審所宜一棺隔江河魂氣無不之庶幾先入夢報我歸來期祖宗二百年庭誥閑有家自汝為吾子勞少愛頗多粹質本性生不煩追琢加豈惟弛扑教抑且忘叱呵自從處庭幃迨試政事科所至靡失德後生可觀摩天若假以年成就當如何嗚呼今已矣家運薄則那

兒初宰東鹿律已慎以清天子實嘉乃綸褒為我

榮癸未七月余隨駕避暑口外一日上遣內侍傳諭云汝兒子在東鹿居官清慎朕已知道時同直諸君皆為安溪賢相公謂汝性朴誠不讓古循吏行當余稱慶大家聲今相國安溪李公時巡撫北直兒備員屬下極荷知愛嘗入南書房語余云郎君天性朴誠居

官廉潔大有循吏之風所到未可量也 生邀 君相知既沒保令名恩深

一未報改秩俄殞生兒由刑曹郎陞授鳳翔知府命下一月而沒 頭銜亦何

用聊可書銘旌

兒生乃冢孫及見祖考妣祖沒五十三兒齒十一矣兒

亡四十八少祖五年耳家世孰高年吾今踰六紀人間

愧為父地下愧為子孰與遊九京頽齡諒無幾

向涉釋氏書死生委達觀乃復為兒輩白頭作悲酸有

情則有生生理斷故難親知苦相勸至痛非旁寬有時

強自排觸緒仍万端神傷不在外老泪無多彈

敬業堂詩集卷四十四

敬業堂詩集卷四十五

海寧 查慎行 悔餘

吾過集

起乙未八月盡丙申四月

自聞建兒之訃三月無詩中秋後三日楊致軒太

守偕令叔東崖施子自勗過慰流連信宿聊資觴

咏排遣哀情夫喪明之戚賢者以為規吾何人斯

敢不知過乎

楊致軒偕諸子枉過敝廬

老抱延陵痛經秋只自悲感君攜伴至慰我斂眉時久
別可無酒有情聊賦詩勿嫌芳草月今夜過牆遲

蠅奴歌 并序

海中有小蟹寄居螺殼中兩螯四跪外向能行按
本草蟹大如錢居蚌腹者螭奴也昌黎云入者主
之出者奴之今乃以入者為奴耶戲作歌索諸子

和

介蟲三百有六十蟹族爬沙乃其一旁加八跪撐雙螯
帶甲橫行風雨疾無端幻作腹居蟲竊食螭肉專其宮
吾聞出者為奴入者主主今安在奴稱雄吁嗟乎大魚
噉多鰕鮒泣觸蠻蝸角爭方急鵲巢古亦有鳩居燕室
終須防雀入

畚施自勗

才子生同邑陳人喜得朋每蒙詩見及祇覺愧難勝薄

俗餘孤賞虛懷去一矜好傳橫浦集彥質有雲仍宋施德操

字彥執吾邑人也與張子韶友善橫浦集中與彥執尺牘及唱酬詩甚多自勗豈其苗裔乎

八月晦日榆村季方曾三芝田諸兄弟偕過桂

堂小飲次芝田韻

夢裏悲歡覺者誰流光去我杳難追重尋老圃看花約
已失中秋坐月期委蛻子孫聊自解時榆村兄有在原
兄弟詎勝思余時適聞德尹病風辭免之信達觀至竟談何易除却銜
杯百不宜

第六孫生

東吳方喪子次息又添孫歌哭於斯室興衰視此門家
貧寧計口客至且浮尊敢料成童日吾猶月告存

聞德尹患風疾將上章乞休寄懷二首

道遠傳書少年侵感事多忽聞君末疾轉益我沉痾家
運衰如此朝恩重若何勿將身試藥時世少醫和

食新吾自幸屈指又三年偕隱原初約當歸那問天婢
牽蘿補屋奴縛草為船慙愧分甘意寬心及目前大兒身後

多官逋弟許分結
茅之資以慰余懷

重陽後一日季方兄招同諸兄弟龍尾登高

眾船昨夢隔漁洋柷杖相攜又故鄉海蜃浮空呈寶刹
石龍渡水得殘岡嘉禾野潤初收雨綠樹村濃未剪霜
愛惜眼光留足力年年來此作重陽

題龍尾山僧舍

龍形蜿蜒三四里起伏睢尻露顛趾秦鞭怒爾屹不移

鑿斷其腰曳其尾龍腰俗傳秦始皇所鑿何年一掉鱗甲摧蛻骨

化石凝堅胚山僧負土補石縫長養松竹從嬰孩駢青

聳翠飯佛力鎮以精藍高岌岌鼉鳴鯨吼海外聞樵唱

漁謳月中入回首茫茫禹九州茲山奚啻一浮漚蘭單

合是疲牛路老矣猶能賦近遊東廣微近遊賦
駕蘭單之疲牛

朱乾若輓詩二章

名高無顯晦業富有淵源家自傳聞學身嘗到孔門兄

出紫陽曾設教荒榛誰與闢碩果幸猶存豈意龍蛇厄於衍聖公家

頻傷好弟昆與三子懷兩兄十年
來先後俱下世故云

白頭歸已晚索莫感離羣昨歲猶過我今朝又哭君恍

疑神理接不謂死生分孰是辭無愧來題有道墳

衍齋惠香櫟戲答二絕句

磊落筠籠五十枚清香分供佛前來敢同賣菜還求益
待覓根株自接栽
也擬堦前種一枝老人作計太迂遲心知證果非難事
眼見開花是幾時

偶過雨梧齋看菊別後得二十韻寄主人楊致

軒

貧家無菊看一棹訪城隈且喜經霜在非關冒雨來秋
光如我待病眼爲渠開百本紛成列千頭疊作堆枝枝
疑竝蒂朶朶儼重臺倚賴扶身竹因依帶土苔淺深微

別色高下悉呈材涼蝶窺簾度慵蜂拂檻回差堪登瓦
缶直可勸金罍花及兼旬賞根須隔歲培相逢雖解后
臨別尚徘徊預作東籬計分苗手自栽

訪陳侍御梅溪郊外新居二首

見說新居好幽尋不待招年豐禾被坂潦退水平橋改
路侵桑柘爲鄰傍緯蕭涼風吹白帽來問郭西樵
海氣孤村外秋聲萬木間名方高洛社夢不點朝班閱
世隨流水安身比太山傲他軒冕貴投老遂長閒

座主宗伯許公再邀楊晚研陳宋齋梅溪及余
爲五老之會席上分賦二章時立冬後四日

又作名園三日留欸門人各有扁舟宵能縱酒晨還醉

晴便登山雨即休。且喜大家添一歲。未應高興減前遊。
黃花已老丹楓嫩。斟酌初冬勝晚秋。

勿論雪北與香南。谷水東西亦有庵。行處人言星聚五。
序來吾忝齒居三。緇黃世外關存沒。是遠上人仍入坐
南山張道士已下

世風月尊前助笑談。錯料詩成如噉蔗。後來居上得無
慙。晚研梅溪兩家令子俱
從遊詩又先成故戲云

牆根冬菊

直自陳芟發。何煩客土移。近根除蝨葉。藉草出卑枝。點
綴荒蕪徑。支撐缺壞籬。栽培初少力。敢怨作花遲。

禾稼初收野眺作

窮鄉十年九旱潦。嘉種歉歉蕃庶草。秋來雨幸不成災。

廣韻云穀不升謂之歉。

安慰人情眼前好。溪南耙耜百頃田。縱橫蚱蜢飛連天。
黃雲捲盡霜野濶。放眼直到南山邊。新春家家催相杵。
倚杖閒聽鄰叟語。偶然村社飽雞豚。久矣官倉肥雀鼠。

題杜集後二首

此老原非諫爭姿。許身稷契復奚疑。可憐官馬還官後。
徒步歸猶號拾遺。

漂泊西南且未還。幾曾蒿目委時艱。三重茅底牀牀漏。
突兀胸中屋萬間。

讀莊子內篇八首

世人耳目隘。直與蜩鳩鄰。焉知天地間。乃有鵬與鯤。小
窺大不盡。大視小不倫。吾遊非彼適。彼笑非吾聞。

彼此一是非。有一斯有。萬於中。強分別。間不能以寸齊。之以不齊。兩俱置。勿問方將與物化。何有乎物論。其意在詆儒。其說乃近仙。其源發乎老。其漸流爲禪。養生徒養形。木寇膏自煎。是形無不盡。薪盡而火傳。死生非二理。出入同一機。人皆有故鄉。弱喪昏不知。千載旦暮遇。淵明悟其微。南山舊宅在。逆旅終當歸。生本玩世人。初未忘用世。觀其審出處。亦重君臣義。用世必以言忠言。或取戾。所以遁天刑。寧甘爲世棄。人人兩其足。恥與兀者徒。向非德內克。有足不啻無外。形而形全內。神而神腴。形神兩皆寓。是謂內外符。讀書自得師。深淺隨所到。當其快領會。何異朝聞道。勞

生佚以老。反覆覺語妙。妙處老方知。毋輕示年少。耆欲必有開。聰明出乎鑿。自從渾沌死。天下無純樸。帝王遞相嬗。泰氏不可作。世運日趨澆。滔滔繫誰覺。

十一月初七夜紀事

未年建子月。村舍宵喧。厖老夫衣服冠。起坐中心摧。女媧石破碎。猛雨噴空來。風勢助靚靚。電光走焯焯。孤陽五陰下。七鬯吁可哀。復其見天心。奮地乃出雷。我欲祝雷公。馳聲徧九垓。毋徒震百里。虩虩驚童孩。又欲禱風伯。非時掃氛霾。明日重光天。門誅蕩開。五行有常變。數以反覆推。孰者主張是。瑞或生於災。世運視斡旋。人情仰昭回。露生亦何事。蟄戶行復培。

庭卉具萎手除枯莖

條蔓天生弱。况兼冰霰加。過時多悴物。經眼即空華。芒刺除三逕。蒸薪共一車。但看枯穢盡。何種不萌芽。

兒建歸觀權厝西阡

自得淮南信。輻歸報有期。遠慙羸博葬。近慰首丘思。魂魄孫隨祖。冰霜父哭兒。一號臯某復。望絕倚門時。

閱邸報北直學使交替有人知德尹歸期不遠

矣作詩志喜四首

冬來日日望迴輪。邸報遙傳信漸真。客病也應資藥餌。

長途未可恃精神。官隨年限纔經臘。弟於去冬赴任農及是僅滿一年

告歸期正及春勞動。羊酒賀家遂有兩閒人。王介

不離風雅有閑名。教氣體亦近中唐。

誠之云情真語婉讀之惻動人不讓蘓少公道遙堂後二絕

甫詩有豈容家有兩閒人之句故云

舊莊喬木蔭茅茨。六十餘年黍一炊。非角光陰雙鬢改。釣遊踪跡兩心知。交頭對倚花前杖。歛手閒看劫外棋。見說漢廷偏愛老。申公免病故遲遲。

盛事依稀記玉堂。後先出入總恩光。魚潛樂莫如同

隊。雁序歸仍不亂行。忍便析居違丙舍。尚煩刻碣表瀧

岡。經耒績火原家法。相戒兒孫勿去鄉。

長虞晚節相從少。豈料歸期不約同。弟今年六十四與余引疾之歲恰同

架有圖書延客座。堂無絲竹變鄉風。桑榆賸飽温暉味。

梨棗粗收長養功。校勝蘓家好兄弟。對牀來作白頭翁。

蠟梅宋以前未有賦者東坡山谷后山少游始

庭卉具萎手除枯莖

條蔓天生弱。况兼冰霰加。過時多悴物。經眼即空華。芒刺除三逕。蒸薪共一車。但看枯穢盡。何種不萌芽。

兒建歸櫬權厝西阡

自得淮南信。輻歸報有期。遠慙羸博葬。近慰首丘思。魂魄孫隨祖。冰霜父哭兒。一號臯某復。望絕倚門時。

閱邸報北直學使交替有人知德尹歸期不遠矣作詩志喜四首

冬來日日望迴輪。邸報遙傳信漸真。客病也應資藥餌。長途未可恃精神。官隨年限纔經臘。弟於去冬赴任農及是僅滿一年告歸期正及春勞動。羊酒賀家遂有兩閒人。王介

不離風雅有閑名。教氣體亦近中唐。

誠之云情真語婉讀之惻動人不讓蘓少公道遙堂後二絕

甫詩有豈容家有兩閒人之句故云

舊莊喬木蔭茅茨。六十餘年黍一炊。非角光陰雙鬢改。釣遊踪跡兩心知。交頭對倚花前杖。斂手閒看劫外棋。見說漢廷偏愛老。申公免病故遲遲。

盛事依稀記玉堂。後先出入總恩光。魚潛樂莫如同隊。雁序歸仍不亂行。忍便析居違丙舍。尚煩刻碣表瀧岡。經勸績火原家法。相戒兒孫勿去鄉。

其禮火考交梨之樹。心少豈料歸期不約同。弟今年六十四與余引疾之歲恰同

茅之云第六山者。用此後再致

以前未有賦者東坡山谷后山少游始

七言長律如此清真流利
雖香山無以過

見於吟詠率皆古體而不入律王平甫陸務觀
尤延之楊誠齋各有五七言律詩方虛谷瀛奎
律髓選附梅花類中雪窗披覽頗不愜意適友
人折贈此花信手拈筆非敢與前賢較工拙也
閱盡嘉平臘來爲最晚芳冰心含淺紫雪瓣吐嬌黃後
菊偏同色先梅別有香百花多釀蜜容爾占蜂房

過德尹城中新居十二韻

再得歸田一紙書喜於身自挂冠初城隅別儼三間屋
戶外高懸四望車飽閱官情知進退好還天道任盈虛
豈惟太息傳供帳頗覺謹聲動里閭應接稍防生客擾
往來寧慮舊交疎囊衣事偶同王吉襆被人應諒魏舒

與去日兒童皆長夫昔年親友
半凋零一樣筆法而悲喜各別

世上名皆身以外曆頭冬是歲之餘巢成古樹寒依鵲
檻俯清池夕數魚膝下諸雛看漸長燈前二老笑相於
小時至性君猶在病起精神我不如良夜且爲無事飲
明年仍擬故林居園廬早晚梅花發已遣家童預掃除

雪後次東坡韻二首

繞屋聞聲已散鴉到門無逕可停車雲端海日峰峰玉
畫裏山村樹樹花酒上衰顏聊遣興詩經白戰自成家
梁園賦客爭工拙未抵先生手一義

意出人而應有難其莊雅而
出以自然無雕琢之痕必如
此乃可和蘓

亦知天色朝來好不奈風威分外嚴笑指炭屨供爨蠟
戲搏師虎作形鹽晴綿未拆猶鋪逕冰筍俄長欲墮檐
最是瓷盆先得氣蘭芽已放兩三尖

丙申二月雨雪連縣援筆排悶

巡檐倚杖步蹒跚。村巷泥深欲出難。二月風光三日雪。閏年天氣半春寒。蟻浮竹葉杯常凍。雀啣苔枝蕊未殘。好笑纖兒羣擲瓦。不聞古井復生瀾。

積翠樓古栢恭次座主宗伯公原韻二章

不知移植是何峯。拔地今成天矯龍。左紐紋應儕老檜。

後凋名許配高松。霜柯蔭合鳥呈瑞。長公立岩時官侍御香葉年

深鹿絕蹤獨貫四時無。改易自天雨露正濃濃。

蒼髯翠甲映于思。不染人間半點埃。自倚孤根堅鐵石。

對抽雙幹出樓臺。陶家門外新栽柳。王氏庭前手植槐。

何似先生扶正直。少陵古栢行扶持自是神階庭成就明力正直原因造化功

栢梁材

盆中鴛鴦梅戲次許東垞韻

兩般顏色接栽餘。香山詩樹接兩般花磁斗交花密復疎。秦虢一

門承寵日尹邢雙美入宮初。淡粧濃抹休相妬。傅粉施

丹恐不如未免孤。山高士笑笑他倚市。又克廬

蚍蜉

大盜盜魯藏。小盜盜墓木。蚍蜉肯自量。蜂蠆反余毒。本

根葛藟庇。保已分良足。此外何不容。坦而示之腹。

二月杪偕諸兄弟西阡看梅集句

安得健步移遠梅。健如黃犢走復來。春花不愁不爛熳。

只恐花盡老相催。集杜

又一首

兩岸山花似雪開。劉夢得一杯一杯復一杯。李太白勸君更盡一杯酒。王摩詰二月已破三月來。杜子美

三月三日塘西卓氏園看梅

兩月春苦寒。閉門雨雪中。名園一昔到。天氣初和融。徐步盡深榛。窅然苔徑通。中有古梅樹。閱人自兒童。十三年

四時讀書西水曾遊此園今五十餘年矣花開子孫枝。樹亦成老翁。不知幾

易。孤幹如焦銅。良辰與我期。噴雪當晴空。清香襲襟

袂。澹若松下風。夕陽墮林西。纖月張虛弓。慙將塵土足

移入笙歌叢。是夕沈氏叔姪置酒演劇故云

雨後玉蘭未殘。適德尹自武原歸再飲其下。此

樹弟手植者

不負春來約。新晴果到家。手栽當檻樹。眼見出牆花。比

雪偏能艷。韋蘇州詩清詩舞艷雪如瑜不掩瑕。兩翁心竊喜。何啻

茁蘭芽。雨點着花瓣俱成黑斑故有第六句

馬衍齋筮易得漸二爻。既以名其居。復繪小影

坐磐石旁。竹垞老人舊書于磐二字。今以圖來

索題。附綴數語。義盡於卦。無取旁求也。

離于干。即于磐。起居無時。惟石之安。止以為巽。今木因

乎山。于陵于陸。今抑豈鴻之所難。

三年前手植牡丹。閏月始花。吟成八韻。

爛燭三年約。參差五尺叢。稍遲因閏月。最後領春工。密

葉深流翠。狂苞怒發。紅扶頭香與力。登頰酒無功。日出
光相射。煙含態轉融。憐渠風雨後。慰我寂寥中。臺榭移
難定。笙歌賞易終。不如離色界。長伴白頭翁。

大雨枕上作

雷雨軒窗動。孤燈耿夜深。老人渾不寐。大有惜花心。

閏三月十一日拙宜園牡丹之期時晚研將赴

密雲城工兼以送別四首

臨事從容意。於君見一斑。開園仍郭內。置酒且花間。世
已難希古。天應未許閒。寧聞白賓客。垂老出香山。
不道桑麻社。中間有路岐。幾時重會合。此別各衰遲。官
罷貧誰諒。身存病敢辭。隨翁心似鐵。難得好男兒。
東坡送子

由北使詩隨翁萬里心如鐵自注猶
子遲也今令于次也侍行故及之

草野聞朝議。籌邊事不同。鑿山甌脫外。設險塞垣中。路
指屯雲戍。城連避暑宮。河湟方用武。勝策轉漕功。
林下拋雙屐。風前換短衣。重為遠行役。只望蚤旋歸。王
事程期迫。京華故舊稀。莫令招隱地。歲晚寸心違。

腰痛自嘲

平生恥折腰。疆直詭自訟。謂從解組後。帶眼稍寬縱。寧
知患苦纏。百衲鬪一縫。向來所受病。及是方覺痛。
養生論以

覺痛之日為受病之始也欠伸兩不遂。轉側需僕從。抓搔性復慵。摩
拊亦安用。可憐血肉軀。猥與蟣蝨共。人間十萬貫。騎鶴
嫌腰重。痛定吾有時。身輕行試鳳。
東坡詩身輕可試雲間鳳

苦雨歎

十日五日雨脚稠。皇天害物肯待秋。左傳秋無苦雨服虔注云害物之雨民所苦。野花委地不如草。林鵲置巢全為鳩。雌蛺蝶飛何處。去官蝦蟇叫無時。休南山朝隋東海溢。一老書空方坐愁。

海塘歎

沙崩岬塌風駕潮。潮頭勢與城爭高。愚公移山或可障。精衛填石誠徒勞。海若東來神鬼泣。尾閭南泄魚龍逃。邑興大役官之費。行矣板築須時操。力役之征紳士無得免者少陵云板築不時操今日之謂歟

蠶麥歎

鳥鹵之地成梢溝。水漱齧者為梢溝出周禮注傾都委貨爛不收。村姑尚以蠶命月。野老曾於麥望秋。恤緯孰是織室者。雜耕吾亦農家流。縣符蚤晚急夏稅。何暇更為百草憂。黃翁云男女墮地衣食各有分齊安能覺額為百草憂春雨耶

復愁四章

今年陰太盛。四月雨尤狂。渡口浮橋斷。門前暴漲黃。坐看千頃沒。立致一村荒。歎息昂頭麥。抽芽比穗長。二麥垂熟而未登芒穗中發芽長寸許目所未睹也

而長寸許目所未睹也

頓遣蒸薪貴。難教米價低。溼炊煙冒瓦。罷汲井封泥。俗累生誰免。身謀老自迷。藜床經月卧。拄杖不輕攜。古井長防塌。先廬且幸存。沉沉移白日。耿耿向黃昏。蝗

穴乘甄縫。蝸涎上漏痕。此中無客到。何用掩蓬門。
箕畢占頻驗。庚壬候總非。鄰雞鳴不已。梁燕乳相依。
肯憐蛙瘦。人方羨鼠肥。樂郊何處所。舍此我安歸。

敬業堂詩集卷四十五

敬業堂詩集卷四十六

海寧 查慎行 悔餘

夏課集

起丙申五月
盡十二月

長夏家居與德尹約為書課弟方纂輯北史余點
勘毛詩注疏中有疑義互相剖析此情不異曩時
所增者白髮耳

喜東亭弟滇歸見過

時德尹亦
歸故居

艱辛憐遠別。歡喜報初歸。万事付彈指。一門多拂衣。侵
晨移爾艇。觸熱扣吾扉。相對成三老。人間此會稀。

自五月不雨至於六月二首

一月愁霖歎。三旬亢旱憂。雲從火山出。溪挾沸湯流。魚

鼈潛無所。蜩蟬聒不休。氣衰尤怕熱。計日望新秋。
有客京華至。為言赤地同。不成驅鬼魅。兼恐致螭蝥。
瘞神何定。精誠感或通。仍聞漢廷議。策免到三公。

得雨

海色昏昏合。雷聲隱隱麤。鹿羣情希汜。漢天意卹焦枯。
一溉功雖細。千林氣稍蘇。箒車吾且祝。不敢笑田夫。

橘蠹化蝶

馬縞中華古今注謂蛺蝶一名野蛾生江南甘橘園中不知乃橘蠹所化也

橘蠹凡兩種。食心與食葉。食葉者速化。勢如靈鬼攝。
語出關尹子朝為蠕蠕蟲。暮作栩栩蝶。公然委其蛻。雙翅巧開
合。却向故枝頭。飛飛繞三匝。漆園方大夢。與汝形相接。

試問前後身。依稀在目睫。

立秋夜雨晨起納涼

飛雨灑然過。小窗殘月明。微風動秋意。草木為先聲。
故人何方來。樊川詩清風來故人一笑披衣迎。端能起我懶。天地非
無情。取用及須臾。寸懷良已盈。茲晨不雨旦。莫負鷄三
鳴。

秋暑三絕句

秋暑不減三伏天。杖藜隨我來谿邊。跳蛙自得坎井樂。
上有夕陽高柳蟬。
學書遠遜王右軍。學奕無過王積薪。日長如年大好睡。
小技何足勞吾神。

布幔十幅當檐牙。東南好風渾被遮。床頭非無蚊遶髭。
案上幸少蠅集瓜。

題毘陵徐思肖詩卷後四首

郵筒寄我一編詩。天然神骨清而奇。騷壇家將生有種。
看取陣前姑蔑旗。

宮體徐摛一變新。傳家又得石麒麟。年來咄咄欲跨竈。

莫恠阿翁誇向人。

戲用東坡尺牘中語

錢四才華世所稱。乃郎筆力亦騫騰。

謂同年錢綱庵父子

同鄉遂

有兩勁敵。詩派今屬南蘭陵。

狎主齊盟事不難。竝驅應許八蹄攢。老夫合退三舍避。

憑軾試從僻上觀。

七夕前二日同德尹濬安飲東亭齋二首

水淺菖蒲港。船通皂莢橋。為歡須永日。相過復今朝。

草徑荒初闢。桐陰薄漸凋。歸休真上策。何待蚤招要。

同祖如同父。為兄忝伯兄。家貧餘世業。官滿得鄉評。

醬調藜糝。厨薑芼鼈羹。向來疏酒盞。一飽累經營。

秋庭

秋來無一事物態。頗相撩。是葉須防蝕。無根不耐澆。欵
花危露蒂。修蔓妥風條。滿目皆生意。吾庭未寂寥。

賦得雨中荷葉終不溼六韻

爾本池中物。翻從溼得乾。出泥莖濯濯。帶雨葉團團。散
作千聲去。欵留一滴難。高低承翠蓋。大小走珠槃。灑脫

渾無跡。陰晴詎改觀。肯同凡草木。漏澤妄思干。

雨後行田

水氣一村蛙。晨光幾點鴉。畦風涼病骨。衣露涉秋花。正爾關農事。兼之遠俗譁。桔槔閒挂壁。勞苦及東家。

寄吳少融二十六韻

時吳宰壽光

忽忽三年別。遙遙異地情。索居雖潦倒。結念每迴縈。憶昨同晨夕。惟君獨老成。吉人辭樸訥。端士意肫誠。踴步寧愁失。冲懷敢自盈。授經依北郭。請業到西清。榻愧陳蕃設。詩容顧况評。出攜青鏤管。歸傍短燈檠。績學承名父。高才敵令兄。少融爲梅村先生幼子。西齋給諫愛弟。向來留著作。兩度費咨呈。自我辭書局。憑誰問客旌。九衢千轍軌。万事一

碁枰。他日乘軒鶴。當時出谷鶯。先鞭輸祖述。上第失楊英。夜雨新豐市。秋風古灌城。得官隨本分。爲政且神明。側聽衣冠誦。如傳襦袴聲。科條煩是累。民社寄非輕。示俗因奢儉。調絃戒改更。免教同列忌。休矯一時名。此外佳眠食。其他簡送迎。陳編閒肯廢。古道力能撐。便欲觀風去。殊難抱病行。撫躬憂浩蕩。回首歲崢嶸。爲報鳴琴宰。應憐撤瑟生。西河餘痛在。雙眼不曾盲。

八月初四日放舟至硤石

習嬾常支戶。乘涼偶放船。渠清瓜蔓水。露白稻花天。夜氣鳴雞後。晴光蕩槳前。地平先見壟。高出萬家煙。

西阡桂六韻

手種西阡桂。三年漸看長。玉蘭輸舊翠。金粟試新黃。露重朝流潤。牆低遠遞香。娑娑佳月色。報畲好秋光。敢擬栽為柱。差堪署作堂。丁寧松檜伴。稍待共成行。

南堂桂八韻

五桂階庭樹。迎秋候蚤催。著花多四出。得氣必齊開。自我先人植。仍資造化培。好風香世界。涼影月樓臺。天上逃斤斧。山中混草萊。在家僧偶聚。不速客頻來。時衍齋東亭不期而會豆莢瓜瓢味。兄酬弟勸盃。最宜星露下。永夕與徘徊。

偕季方東亭德尹曾三諸兄弟過東林庵

北郭吟筇罷。東林講席收。憶四十年前陪范文白先生來遊事能無三宿

戀。復作五人遊。攢掃庭常潔。牋題壁尚留。影前香一瓣。來往記風流。時坐旋法師影堂

題周少谷杏林雙鹿圖為老友徐韓奕壽

杏為仙人林。鹿是仙人友。少谷寫此圖。卷舒落吾手。愛其粉墨久。若新畫。義挂壁。濃香熏朝來。詩成畫亦往。持以贈君兼壽君。與君論交從壯盛。通介看成徐邈聖。我如麋鹿爾為羣。豐草長林同此性。

臨平舟中

作雙白鷺起前汀。西望山光的。的青暗數永和隄畔路。宋趙諒父過臨平詩一橋十里似長亭。居人猶號永和隄

虎林與同年許莘埜話舊時初自蜀歸四首

烹鮮滋味定如何。叱馭行經萬里餘。今日秋風吹櫂轉。
江鄉原不少鱸魚。

冷曹需次問何司。剩許閒編彙道詩。五角六張成底事。
人間吉日是歸期。

旗鼓相當膽氣麤。生平事事不曾輸。輸他對我誇年少。
漆點烏絲一尺須。

同年難得况同鄉。久別重逢感歎長。百五十人餘幾在。
勸君狂得且須狂。時連聞劉大山陳巨高李時夏三同年凶問狂得且須狂借用香山成句

題安平泉上二首

自從兩乳垂天目。中有神龍不測淵。直到臨平山脉斷。
尚渟一眼在山泉。

我讀咸淳潛守志。曾收元祐罪人詩。摩挲一片竹間石。

好事僧稀問向誰。南宋潛說友咸淳臨安志云仁和縣安隱院地產曲竹竹間有池名安平

泉東坡題詩云按東坡題安平泉七律一首集中失載余曾采入補遺卷中今至泉旁尋碑碣不得故云

曾濟蒼遠致秋蘭一本重陽前試花寄詩報之

廣文能好事。貽我婺州蘭。不共三春賞。翻從九日看。同
心如爾少。獨立後時難。待作幽人佩。清香可耐寒。

世棄

世棄身何與。身閒分已過。讀書新得少。見夢故人多。黍
熟來初釀。池荒足敗荷。東籬佳節近。不醉擬如何。

吳起君重陽送菊至

今歲寒氣蚤。應節微有霜。是日霜降節開門得君書。遠致籬

下黃瓦盆三十本。羅列成重行。端如衆君子。正色登我堂。吾衰万事慵。酌酒不盡觴。何以畚佳貺。託詩紀重陽。後三日邀諸兄弟賞菊席上放歌

吾鄙吳生字起君。知余雅好忘余貧。扁舟送菊乃無酒。正及九九清霜辰。招呼近從南北巷。假借半出東西隣。後庚三日稍稍集。義取兄弟不及賓。有如田家大作社。杖白頭者凡七人。合年四百七十二。二雁雁排翅魚排鱗。天公貺我美風日。歲云莫矣行食新。海蝦挾須白出縮。蝦蟹負殼紅輪囷。木瓢木杓傳父祖。中貯兼味清而醇。興來大壯客顏色。詩好全得花精神。人間所歷皆夢境。至樂孰與田園真。勿辭醉插滿頭去。一笑正落陶家中。

少睡

秋去寒猶薄。冬來夜總長。堦前黃葉滿。門外朔風狂。舊得休心法。新傳養目方。癡兒憐少睡。檢曆勸移床。

秃筆吟二首

久被宣城束縛加。鐵梳膠綴老年華。耗磨毛遂囊中穎。零落江淹夢裏花。縱不封侯追定遠。誰能銘冢向長沙。畫工掃壁休嫌秃。會見騏驎出吐嗟。書不中書觚不觚也。曾東抹與西塗。姜牙斂手輸雞距。虎僕藏鋒讓鼠須。墨沼涸逃蓬館債。硯田荒貸管城租。免冠一博秦皇笑。差勝中山穴處徒。

問東亭病

天末清貧吏身還病亦隨用巫真下策勿藥得中醫出

漢書藝文志瘴霧侵肌重冰霜造物慈入冬思合釀為爾尚

遲遲毛詩箋入必共族中而居又有祭脯合釀之歡

隙光

隙光野馬去如馳正是先生靜坐時病不求醫吾有命老方學易世無師回思少作雕蟲比轉悔餘波綺麗為喚起景陽來入夢擲將殘錦乞去聲丘遲

芝田長子字西山賢而有文游學京師一病不

起旅櫬還家詩以當哭兼慰芝田

天心洵茫昧家運關彼此可憐兩長男相繼俱客死兒

歸柩去冬亦於十一月到家倚閭冰霰後歸櫬風霜裏割愛難以慈

奪情莫若理明明聖賢教五十不致毀父母恩且然矧乃施於子吾本同痛者勸君兼自慰知其無奈何安命而已矣

冬課吟效擊壤體二首

炳燭餘光已可知假饒聞道敢云遲故人問我三冬課

六十年前上學時順治丙申余七歲方就傅

畫前有易易如何刪後無詩詩倍多更向誰邊討消息

水從冰後不生波

棄裘

禦冬年已久毛禿僅皮存等是犬羊羶永辭狐貉溫留之竟安用棄爾似無恩改作吾何望茅檐去負暄

長至

天地有肅殺。微霜爲驅除。洎乎冰雪交。慘者旋以舒。來復子之半。始凝履之初。何須當既剝。然後觀盈虛。

望歲集

起丁酉正月盡九月

三年來元日連遇風雪。歲事不登。生理日窘。朝來天色晴霽。農占其有秋乎。老圃望歲。殆同老農也。

元旦喜晴

一從朝請廢。冰雪博高眠。却展山中曆。重瞻霽後天。兒孫粗識字。兄弟繼歸田。此外非吾分。隨人望有年。

邑侯陳衡山壽十二韻

海角桑麻邑。沙灣烏鹵田。極知吾土瘠。端賴令君賢。侯

漢書橋是吏因乘勢以侵悉
無注稱詐爲橋強取爲度

到纔期月。民勞已有年。上官頻按部。下戶忍施鞭。利器無盤錯。長才展事權。緩征舒積困。雇役免齊編。酌劑心良苦。橋虔弊悉捐。政成單父遠。名媿太丘傳。麗澤三春渥。仁風百里宣。初辰花照座。佳氣柳含煙。里老霞觴後。村童篠馬前。也應容野史。來奏雅琴篇。

正月十八日偕德尹西阡看梅兼邀曾三芝田
東洲諸弟同飲花下三首

西麓寒梅樹。年年二月開。今年開獨早。應爲兩人來。已是四回看。憐渠閱歲寒。同時手栽者。松柏長偏難。隨意致芳鄰。壺餐勝觥飯。尊前一校點。且喜人皆健。及門樓敬思。自粵西遠寄薄桂。

隔年一信到何遲。寄我潯州菌桂皮。已向籠中儲上藥。只愁天下少良醫。情深遠荷門生致。性在終於野老宜。別與蘇家傳釀法。搗香篩辣味尤奇。

贈杖

倚賴支離叟。扶持拙病翁。長虞故步失。不爲暮途窮。世乏三年艾。家無五尺童。用行吾與爾。形影畧相同。

補屋海棠萎而復甦。偕德尹芝田作用黃山谷

體

前年爛若雲錦堆。去年憔悴無花開。今年芳意莽復回。人情貪多似嫌少。却是花稀看愈好。閱汝盛衰成我老。白頭自白紅顏紅。花如有語解勸翁。夜闌莫放清尊空。

再次芝田韻一首

隔霧看花三老翁。未甘白髮負春工。一梢欲墮胭脂雪。幾朶猶含蓓蕾風。爛熳人情沉醉後。寂寥詩味卷帷中。相逢莫漫嗟遲暮。悟徹從知色是空。

原詩有相逢可惜已遲暮之句故結

云句

聞副相揆公正月初六訃音小詩寄哀四首

宮內稱才子。臺端倚重臣。得君時最早。歷試品尤真。

嗜苦餘千卷。門閒少雜賓。不知經幾劫。還復有斯人。

卿月三臺墮。文星八座懸。望高虛相業。才大損天年。謝

客終成佛。生平留心內典王喬竟得仙。所傷江鮑體。無子孰流

傳。

憶昨歸田後。情親分不移。為憐吾已老。長恐見無期。急
遞書頻達。因風報輒隨。半年遲作答。魂夢至今疑。
何當承遠計。豈是誤傳聞。四海誰知己。餘生又哭君。有
文披舊橐。無酒醉新墳。不朽將安託。從今硯擬焚。

牆角郁李花盛放

碎霞剪綺綴繁枝。

陸魯望郁李花賦
碎細綺剪明霞

偏反阿儂自一時。

春到軒庭無悴物。又收常棣入吾詩。

連朝風雨園庭海棠零落都盡而瓶中折枝娟
然獨秀老夫欲不誇為佛力其可得乎

兩株芳樹全搖落。泥汙臙脂亦可憐。值得拈華成一笑。
風灾不到四禪天。

芥舟二首次祝尚于原韻

蜃樓鮫屋總非真。愛爾虛舟遠俗塵。芥納須彌中有地。
杯浮滄海四無鄰。琉璃貯篋團團鏡。綫毯鋪筵寸寸茵。
容得兩三人坐否。故應魚鳥自相親。
水滿坳堂柳拂梢。不須結宇用香茅。觸蠻有國爭蝸角。
燕雀何心占鷺巢。茶竈筆床人共遠。蔣牙菰葉影相交。
未能便作浮家去。倘許門從月下敲。

三月三日雨中潘竹村祝尚于周楚和三老人
偕赴德尹之招翁源姪不至席上口占寄嘲

又是重三被禊期。招尋也復逐羣嬉。地偏俗儉人多壽。
歲美風和雨應時。木芍藥花開正好。野醪醪酒醉何辭。

竹林一阮真疎放。不豫吾流太好奇。

重宿寒中書齋

桐又將花柳。又綿山齋一榻。故依然。曾偕老友成三宿。
却話前遊過。十午白髮昏昏中。酒味青燈黯黯讀。書緣
只憂海近沙頽岸。夜半潮聲撼客眠。丙戌秋與竹垞連榻齋中能無存歿

感之

制府滿鳧山同年奉 詔巡海道經吾里詩以

迎之四首

十年翠蓋不南巡。千里巖疆寄重臣。看取隨身三五騎。
肯教供億累州民。

水滸山陬被澤深。兩邦旌節喜重臨。每逢田叟停車語。

徧示 君王愛養心。

畚鍤千家傍海壩。崩沙日費水衡錢。福星昨夜臨吳分。
斥鹵重開負郭田。

雲帆星島駛經過。海外風恬可有波。一事尚煩公入告。
兩關歲課本無多。

春盡日雨中招諸兄弟爲櫻筍會

老去邀歡要及時。肯緣泥濘阻前期。舊年風雨正如此。
今日陰晴昨豈入。鮓朱櫻貪摘蚤翻堦。紅藥笑開遲。
兄酬弟勸更番事。但到尊前醉勿疑。

德尹於得樹樓後築屋三楹既成以詩落之

五架三間屋。千竿万个園。竹深堪障日。樹老莫傷根。北

牖斜穿沼南榮短界垣景難兼奧曠意在適涼溫粗遣
規模具翻嫌布置繁移書驅僻蝨品石斥湖黿雞柵寬
螻螳牛宮祝子孫誰爲張老頌聊托仲長言謝康樂山
居賦仲長
願言流
水高山幸爾留明地容余補壞樊一菴何日就笑指畫
圖存

偶過鴛湖

村北村南綠滿陂溪山百里放船宜鳩鳴甚熟蠶三起
燕掠風梢麥兩岐乍煖故知非雨候薄遊何必定花時
兩湖地主今誰在每到徒增感舊詩

與靈上人餉龍井雨前茶二首

風篁十里郎當嶺官焙爭收粟粒芽慙愧老僧親手摘

青紗蠟紙餉山家

今年穀雨雨廉纖茶味全勝笋蕨甜正自不嫌山少肉
肉山無此好毛尖

老友鄭寒村歿後五年其子義門攜愛蓮畫像

過余屬題得二絕句

自脫朝衫換幅巾祇應營道想前身脩然出處行藏外
誰識完人是半人寒村晚年病風能以左
手作書畫自號半人

更有何人識雅懷一琴橫膝對花開多慙後死黃山谷
曾見光風霽月來

梅雨

半月濛濛雨千畦釋釋耕麥租雖未入米價漸將平屋

老礎長潤。庭虛苔任生。吾脾方畏溼。却立候新晴。

德尹第四子滿月詩當祝辭

多男孰云累。晚境人尤羨。薛鳳乃踰三。荀龍剛得半。家門增喜氣。當暑注風扇。膩髮搓成團。貫之五色線。耿耿垂大耳。皎皎開方面。出左傳注騰上所未知。豐下已可見。我來拊汝頂。爲汝祝初旦。一祝兒長成。再祝翁強健。三祝好弟兄。他年相友善。

秋灾行

西流之火方。蟲兼旬不雨。亦不風。先庚後庚凡五伏。秋暑酷於六月。中河流旱乾。田拆罅。誰遣天吳來。潤下淡塘灌。注味作鹹。仍恐良苗變。枯稼天乎降。割此一方。

相怨勿謂民無良。神疴鬼瘧何處避。且死那復論流亡。老夫本病在腰腹。不受淫邪外來觸。只餘雙耳未全聾。忍聽村鄰百家哭。

盆中草花二種已含蕊矣朝來忽萎

霜後冬收子。春來雨發芽。關心經夏旱。滿眼望秋花。忍負栽培力。徒勞灌溉加。童烏苗不秀。能免于雲嗟。

中秋夜與德尹對酌

今夕是何夕。弟兄俱在家。狂吞杯底月。笑指霧中花。老子興不淺。達人更有涯。底須愁後夜。圓影蝕蝦蟇。

十六夜復與德尹小飲弟有詩次其韻

既望猶未望。今年異往年。連宵雖博醉。老景劇相憐。但

有兒搖膝何須客滿筵好詩能賽月脫口自清圓

秋花

雨後秋花到眼明閒中扶杖繞階行畫工那識天然趣
傳粉調朱事寫生

五雜組九首

五雜組玄黃帛往復還牛馬跡不得已主避客
五雜組新嫁孃往復還遊冶郎不得已時世粧
五雜組雙鷓鴣往復還兩蛺蝶不得已君棄妾
五雜組刺繡手往復還貝錦口不得已掩耳走
五雜組蠻氍毹往復還井轆轤不得已歸來乎
五雜組羅浮雀往復還華表鶴不得已生處樂

五雜組青紫檀往復還新舊券不得已錢神論
五雜組蝶戀花往復還蜂趁衙不得已東西家
五雜組采染綃往復還燕覓巢不得已思故交

古詩四章

天荒地亦老變化蕃草木自從開闢來悅人以紅綠有
榮斯有瘁坐覺流轉速傳語好風光寧能銜無目
衆虬國大槐擾擾成侯王莊周化蝴蝶與物亦未忘至
人豈無夢夢則超形杵蟲蝗所不爭是曰華胥鄉
域內有名山攀躋力可至人皆造其麓抑或半嶺廢歸
來述所見彼此不相似等是未登峰毋為笑平地
徒歌易成謠獨唱難為喁我琴誰我瑟我鼓誰我鐘知

音苟弗存。奚取覲面。逢遙遙千載。下或有牙與鍾。

敬業堂詩集卷四十六

敬業堂詩集卷四十七

海寧 查慎行 悔餘

粵游集上

起丁酉十月
盡十二月

丁酉夏同年有自都下來者傳佟陶菴中丞意遲
余作粵東之遊背秋涉冬畏寒擬不出矣余弟查
浦曾三至其地間語余曰嶺南無霜雪且兄生平
游蹤所未到盍一往焉遂於十月初俶裝明年四
月由粵西旋里往及幾二百日檢點道中詩約如
其數分上下兩卷錄存之

將有嶺南之行雨中過龔衡圃侍御田居話別
小別倏三載相望渺參辰舊交半在亾邂逅得兩人喜

汝罷官後田居傍城闈我來叩門入迨此風雨晨問我
將奚之有懷難具陳白頭萬里役正坐不耐貧頽年知
幾何復爾聚散頻篋中有佳句在遠情彌親時侍御以田居詩藁屬余作序

早發富陽喜晴

午辭樟亭驛夕抵富陽宿霜日曉初晴烟江寒更綠雞
鳴茅宇近鷹下潮田熟萬株楓柏林散作錦繡谷平生
山水興臨老猶未足聊復紀初程清吟待茲續

桐廬

山偏不可城千家聚成邑民居半商賈仰取俯有拾斬
櫟起炭烟割林收漆汁托身覆載內生理隨分給壯年

不早計暮齒行已及莫怪杜陵翁茫茫百憂集

念兒作釣臺詩未識嚴先生不受官之故徒以

高隱目之作一首以廣其意

武宣馭下如東涇課職東京亦孔棘

語見後漢書二一官

直欲臣故人此意先生應早識逃名事偶同高尚避辱
心孤轉深匿羊裘一領却累渠苦被旁求相物色伏波
謗生蕙苾珠侯霸得罪由司徒客星非將亦非相吏議
可得加狂奴君不見璜谿老叟不自重出應于叟後車
夢萬古江湖兩釣竿潛龍勿用鷹揚用

三衢道中口號四首

水落灘尤窄輕舟一葦容機心與機事那免怨機春

沙際集飢鷺。修翎冷自梳。孟嘗門下客。大半食無魚。
兩岸丹黃色。千水橘柚林。勿嗤奴價賤。顆顆鑄成金。
明日川程盡。聊為半日停。多煩賢太守。為我致輿丁。
謂

早發常山大霧

苦霧忽吞天。去城不數武。如行襄城野。七聖迷處所。初
旭漸漸高。寒光翳復吐。窅然墜醉夢。既覺乃停午。前瞻
懷玉峯。峯峯垂白縷。西江行在望。未濟恐多沮。

舟發玉山

高灘稠竹節。尺水浮瓜皮。前經彈子渦。膠淺時有之。路
長景苦短。坐送西南馳。却憶前年歸。正當暴漲時。一程

破三日上水宜遲遲。不謂下水船艱難。亦如斯人生順
逆境。閱世老更悲。

重過貴溪與同年王辰幟明府

我昨停舟爾下車。三年重到勝當初。冬來天氣晴尤美。

畫裏江山錦弗如。官况不離文字外。
時分校鄉闈頗稱得士風謠

閒續笑談餘。象山亦是先賢蹟。好並鵝湖入志書。
鉛山

府重修鵝湖書院屬余編輯志書貴溪管內舊有象山書院故及之

龍津阻雪

地少雲多處。風襲雪虐時。客程當歲晏。天意警年衰。輕
出自成悔。端歸更勿疑。平生多類此。既往可勝追。

雪後渡彭蠡

雪山四望開。彭蠡豬其中。天光落東北。寒氣青濛濛。獨
往矯孤鶩。羣飛馬高鴻。沙明洲淑出。葉潰枝顛空。此行
向南州。聊慰離別悰。三年女憶父。千里兒隨翁。生涯豈
無涯。作計誠匆匆。寄謝宮亭神。歸帆幸分風。遠遊興欲
盡。一咲非途窮。

南昌遇袁州太守葛賓廬二首

懷抱因君又一開。人間洵有出羣才。勿輕僻左宜春郡。
曾屈昌黎作守來。

南浦維舟不記巡。眼前冠蓋一時新。也知諸葛真名士。
來與貧交作主人。

南昌旅次荅吉水令湯納時表弟見懷之作四首

與君稱中表。同是庚寅生。以我半年長。白頭忝為兄。揭
來寂寞遊。奈此離索情。相望四百里。一水空盈盈。
隨身乏長物。投贈殊戔戔。子貧乃過我。報以雲藍牋。陰
成十四章。字字珠琲圓。稍增行笈重。笑擲看囊錢。
世降士不情。矯廉競稱高。萬鍾避蓋祿。半李分齏糟。達
者殊不然。寓形隨所遭。時無謝仁祖。菜把恩亦叨。
同里兩湯生。一登青雲梯。謂西厓少宰一滯百僚底。長恐簿
領迷。烹魚漑釜鶩。好音良可懷。逝將掃吾軌。歲晚期汝
偕。

雨中早發南昌留別李壻暘谷

把酒對西山。照船湖南浦。數聲城上櫓。幾點沙頭雨。依

回骨月恩戚。芒去吾土。老人情懷惡。含語不得吐。官罷有孤蹤。路難無定主。勿愁魚化鐵。且作鴻遵渚。朗咏白絲行。行行忍羈旅。

豐城縣北十里磯頭山。上有曲江祠。朱文公往還湖南時。與李後湖姚雪山遊此。後人因奉粟主以祀三賢。詳見李崆峒祠記中。今以韋武陽易後湖者訛也。

贛江西南來。天矯北走龍。到此乃東折。磯頭扼其衝。是名曰曲江。形勢險且雄。扁舟清夜詠。倡自紫陽翁。同時李與姚。杖履偕遊從。三賢列祀典。蔚為名教宗。世俗不好古。變置靡所衷。作詩糾繆誤。兼以警盲聾。

樟樹鎮

舊名清江鎮

瀟灘流下櫂歌聲。一曲清江見底清。老樹不知生意盡。尚憑古社占村名。

泥溪口枕上聞雁

陽鳥踰彭蠡。飄飄尚南飛。晨光若前導。羣起泥江濬。數聲枕上過。傾耳漸入微。彼非我同羣。安得相追隨。我帆十二幅。取用常半之。何以不用全。波濤怕欹危。下有無底竇。旁有不測磯。身乏雙羽翰。爭先復奚為。汝往太急。急吾行故遲。遲茲遊到嶺南。諒亦難久羈。歸時倘見待。入春以為期。

峽江縣

舊日周瑜塼。今為小縣城。踞高因峽勢。隨地改江名。潦縮漁添戶。時清戍減兵。大都從此去。彷彿蜀中行。

雨中望玉笥山

水遠山平四百里。兩崖斗拔滄江起。舟人遙指三三峯。名山記玉笥有三十三峯亂插芙蓉雨新洗。仙家縹緲住仙壇。不道人間路大難。請看玉笥山南路。漸近西江十八灘。

過桐江口不及訪同年李培園侍御以詩代東

念昨別京華。君方入臺端。操持紀綱地。正色不可干。如何神武門。亦挂惠文冠。早知世路隘。不及山中寬。自聞返谷村。松竹為改觀。築亭名補過。於義恐未安。古來賢達流。要視進退間。我欲賦碩人。為君歌考槃。勗哉承世

澤名節初終完

螺山文丞相祠

千古興亡恨。忠臣末運多。死難扶少帝。生不愧魏科。慷慨憂時策。崢嶸正氣歌。黃冠故鄉意。廟貌在山阿。

青原淨居寺七祖道場

錫泉一派接雷泉。味是曹溪六祖禪。欲識廬陵米貴賤。憑師問取下江船。

白沙渡

兩岸沙痕疑雪。一村竹氣如煙。風竿獵獵酒旆雨笠遙遙渡船。

泰和城外望快閣

西昌漢古邑。北勢實開拓。鏡光十里平。倒影見城郭。浮
圖南北峙。雙秀拱一閣。緬彼白下宰。流風宛如昨。官清
無俗情。景勝擅傑作。冰絃絕已久。人境兩寂莫。除却謝
元暉。澄江何處著。澄江一道月分明。山谷登快閣詩中
也。世以比元暉。澄江淨如練云。

十八灘絕句 并序

按志自贛縣至萬安中有三百灘。孟襄陽所謂贛
石三百里是也。然陳書云贛水本二十四灘。武帝
發虔州水暴漲高數丈。三百里巨石皆沒。止存十
八灘耳。世稱十八灘者當本此。明嘉靖朝湛甘泉
自南司馬告歸過此。作十八歎。今得詩亦如之。各
取灘名中一字為韻。非云相襲亦勞者自言其情。

而已。

習坎險在前。何人不惶恐。到此退已難。應思急流勇。

右惶恐灘

巨石浮牛背。亭亭鷺足翹。入鷗羣不亂。愛汝好風標。

右標神灘

連日遇石郵。溯洄良苦辛。滔滔天下是不問。久知津。

右綿津灘

舟人買紙錢。例拜灘頭廟。來朝風順逆。今夕誰能料。

右大料灘

後灘接前灘。川脉互縈繞。人間爪牙毒。為害長在小。

右小料灘

問言洵有神。受命若酬酢。借取方便風。泥行免郭索。

右武索灘

侵曉上曉灘。我睡不覺曉。向來坐有心。憂患亦不少。

右曉灘

萬里黃河水。崑崙乃發源。贛江源漸近。應號小崑崙。

右崑崙灘

虔吉此分疆。灘聲一倍長。人家盡柴步。墟落半漁梁。

右梁灘

雪少偏多雨。朝昏水氣腥。青洲洲畔草。臘月已青青。

右青洲灘

礮礮相摩盪。驚濤盡日喧。直同雷奮地。不獨雨翻盆。

右銅盆灘

大波深為淵。小波淺成瀨。安得并州刀。剪此青羅帶。

右落瀨灘

長年生狎水。豈有不龜藥。幸自少層冰。可憐多赤脚。

右狗脚灘

莊生工寓言。率以小况大。必若魏王壺。人間能幾箇。

右大壺灘

失勢落江湖。中流賴一壺。千金奚翅直。人有不貲軀。

右小壺灘

劍戟礪鋒鋌。森林兩旁吐。狂瀾障不得。為欠中流柱。

右天柱灘

石欲截江斷。江流奮怒前。來如弓挽強。去若箭釋弦。

右橫弦灘

用盡灘師力。今劫過鰲灘。我無牛酒犒。愧爾報平安。

右鰲灘

自贛州換船至南安

八境圖中路。西來五換船。鄉心同北望。客况異南遷。

南遷時作虔州八境圖詩秀嶺標雙堦。清流穩一川。好風三百里。計

日指蠻天。

過南安傷陳六謙太守

太息南安守。居官僅二年。如何千丈氣。竟掩九重泉。宦業孤孫盡。書名一郡傳。經過少交舊。回首極凄然。

與大庾令李阜如同年

同年四開府。百里獨棲鸞。邑官仍本分。官李

宰新城別來顏各換。此去歲將闌。珍重留行意。猶餘舊眼

看。

度梅嶺題雲封寺壁

閱盡波濤險阻途。頓教硤确失崎嶇。梅花筵裏三關戍。錫杖泉邊六祖盂。過客儘貪風日好。居僧曾遇雪霜無。他生行脚緣猶在。又入駱驢度嶺圖。

衣鉢亭

夜半傳來消息真。本無明鏡自無塵。問渠衣鉢留何用。

猶有焚衣毀鉢人。明魏莊渠事

發南註凌江方涸舟行一日纔十許里排悶成歌

凌江歸壑當深。令城隅纔可溝洫通。麤砂細石單槽中。直與船背相磨礱。船頭纖纖船尾大。舵師束手輪篙工。篙工作力如羆熊。腰身寸寸彎彊弓。蝨行禪縫蟻旋封。跛羊登山鷓遇風。人間癡鈍有若此。歲聿云暮愁衰翁。愁衰翁翁行作歌。歌未終羊城尚隔千里外。一夜夢逐南征蓬。

偶閱楊誠齋南海集途中多賦桃花且有梅花應恨我來遲之句余度嶺正值梅放時戲效其體作一絕

我來時候異誠齋不見桃花只見梅。博得口占詩一句。千枝齊向臘前開。

晚過始興江口再效誠齋體二首

始興江口水平川。從此通流到海邊。我是漁船釣竿手。又攜簞笠上樓船。昨喚吉安漁船至贛今所坐乃廣州樓船按樓船之名見漢書今仍此名

不必皆官舫也

一重山轉一重灣。不出孤帆向背間。行過前灣試東望。夕陽多在隔溪山。

冬暖

榕葉交陰筍出窠。南中冬律似春和。敝裘藪在猶嫌厚。老研冰消可付呵。蚊到宵來飛不少。蠅於秋後集還多。

所嗟無補桑榆暖。奈此霜髯雪鬢何。

望韶石二首

西瞻蒼梧雲。北望洞庭野。浮光表靈闕。古樂傳奏雅。
聖主不南巡。羣峯赤如頰。魚龍久寂寞。孰是聞韶者。
好風自南來。吹彼松竹林。鏗然中音會。中有太古心。
典樂者誰歟。簫韶此遺音。虞廷去我遠。俯仰成古今。

韶州風度樓

公進千秋錄。開元極盛時。知幾同列少。去國一身遲。
終始全臣節。安危動主思。高樓瞻画像。風度儼須眉。

雨發韶州

蒲帆十幅去不停。波光瑟瑟烟冥冥。芙蓉驛南一回首。

三十六峯雲外青

虎頭磯歌

在太平關南十五里

亂山少肉谿。乏泉渴虎下。飲清泠川。飢蛟掉尾不得取。
化而為石形。模全白章黃質。毛斑斑。四蹠陷沙行不前。
尻雕起伏脊。蜿蜒當頭一眼射。的圓北平將軍身。未到
沒石飲羽誰所穿。眈眈下視流饞涎。坐踞要津凡幾年。
國家封域拓海壖。山珍水錯來無邊。賈胡萬里逐貿遷。
到此躡躅羸豕然。畏虎欲避無由緣。我思走章牋碧天。
霹靂暫借雷公散。仍驅爾輩入山去。毋令為害于商船。

十二月廿一日雪

我作冬暖詩。蚊蠅憎瑣屑。天公似解嘲。半夜風挾雪舟。

人報奇事起。搗一蓬白。客子亦欣然。千岑無寸碧。梅花
落已盡。春事蚤。依舊長。恐百卉腓。陽機畢。漏洩却將栗
烈氣。掣歛使凝結。乃知朝來寒。特為莢李設。豈無雷雨
候。候至方甲拆。留取道旁春。明年作佳節。

彈子磯阻風

曲江入海流。一縷縈驚蛇。中逢彈子梗。格鬪逞角牙。狂
飈鼓狂瀾。噴石作雪花。扁郎好身手。過此不敢誇。筮易
遇涉川。利用需于沙。南遊本無事。汲汲奚爲耶。但使蹤
心平。何憂前路賒。止時吾泊宅。行處吾浮家。

觀音巖

石縫何年裂。中央架小龕。老僧如燕子。乞食語呢喃。

英德道中雪霽

輕冰結沮洳。飛霰集阜岡。榑桑東南枝。炯炯呈初陽。地
暖劇流濕。天空淡浮光。英山碧差差。英江綠泱泱。不知
夜來雪。疑是朝來霜。

英山二首

曾從畫法見。磬頭董巨餘。蹤此地留。漸入西南如。噉蔗
英州山。又勝韶州。

一拳一角總峯巒。可惜天教落百蠻。好事吳兒渾未識。
買園只鑿石公山。

舟中即日

屋角菜花黃。映籬橋邊柳。色綠搖絲。分明寒食江南路。

賸欠桃花三四枝

順風挂帆連下涇陽香爐清遠三峽

巴東三月昔聽愁嶠南三峽今則不北風晨發涇浦縣

英德舊名涇浦吹我桂檝沙棠舟峽中之山阻且修峽中之水

平不流涇陽畫屏地底拔大廟紫煙天際浮就中清遠

更秀出造化有意窮雕鏤青菡萏花萼競吐綠玻璃鏡

奩初收華陽道冠簪碧玉竺國寶髻垂珠旒仙人笙鶴

雲渺渺帝子環珮風颺颺漸行漸遠似相送一重一掩

如相留片帆飛渡二百里又見孤墦迎船頭天憐此老

太岑寂貺以奇景須詩酬人間夷險非境造自我發興

成清幽君不見東坡先生海南句平生奇絕誇茲遊

二詩猶是盛年氣色

清遠峽飛來寺

兩崖勢欲合中被江流穿上有佛者廬飛來自龍眠

通中事詳載寺記中神人所施設是物無頑堅想當初關初風雨

驅神鞭鑿開渾沌竅巧貯聰明泉僧房若蜂房一一皆

倒懸爾來幾閱世不計草木年磐石具生機長根外包

纏波濤潤其趾日月行其顛散為松柏香聚作梅檀烟

菽蔚東西景軒豁子午天呼猿洞在半空日暮躋無緣

清寒難久住仍放出峽船

胥口村

玉鏡臺何處江圻就海低

地有玉鏡臺相傳安期故蹟地平山斷續潮滿岸東西生理漁樵足人家竹樹齊天涯各風俗孤

客自淒迷

白埕岡浮石

萬古江心石。回江使倒流。潮頭爭出沒。山骨判沉浮。按

白塔岡在三水縣東南臨水。水中有石浮沉各一。鷺鴨寒來集。黿鼉夜出游。漁

翁牽小經。故故傍沙頭。

沙口待潮

艇子膠沙背。坳堂等置杯。何須愁日暮。會有夜潮來。

初至廣州與大中丞佟陶菴同年話舊六首

五年一別隔蓬萊。芳訊遙傳庾嶺梅。天上故人開府出

田間野老輟畊來。山高海濶梯航路。武達文通將相才。

竊喜小詩言果驗。濟時餘力正恢恢。余出都時留別詩云君才畢竟為時

武達文通出南史檀珪與王僧虔書
僕一兩雖謝文通乃忝武達南史宋
武帝謂文帝曰王曇首輔相才也宋
史李漢超傳太祖謂左右曰將帥才

用故落句及之

雙闕浮光氣象新。雙闕浮光照短亭東坡題盡善亭句也天教八座代

南巡。誰能地望兼門望。君本親臣又世臣。行處風霜成

化雨。坐看水雪變陽春。眼前袞袞皆時彥。可有同心共

事人。

端倪軒豁得奇觀。浴日亭邊眼界寬。兩袖有風驅瘴癘。

百蠻無警靜波瀾。封疆自昔雄茲土。科目人今重此官。

見說密章時入奏。葵心何處不輸丹。

恩深自覺心逾小。才大何妨氣獨豪。節鉞威名行地遠。文

章壇坫比官高。中郎題字推黃絹。太白分光屬彩毫。莫

咲將貽無俗物。一條冰是舊同曹。時以耿絹湖筆奉贈

詞人例作嶺南遊。自嘆蹉跎到白頭。浪跡又看成萬里。
著書何敢望千秋。誰為善相肥嫌瘦。世有知音唱或酬。
輸爾滕王高閣句。一時吟徧十三州。中丞過南昌有詩上滕王高閣望章
江門外有清流之句為西江傳誦
敢將孤鶴齒羣鴻。性癖終難與俗同。天下迂儒猶賸我。
平生知己孰逾公。曾陪供奉雲霄上。每憶交親氣槩中。
今日相逢重戴笠。下車還見古人風。

寓居仙湖街庭桂盛放

客居澹無事。庭下獨徘徊。忽有微風度。香從何處來。
家童走相報。檐角桂花開。想到窳軒外。此時方試梅。

除夕

去國八十日。計程逾六千。長虞行不到。到此及殘年。
無復聞銅臭。此間不用錢故惟應烹海鮮。蛤蜊與蚶醬。隨分佐杯筵。戲反山谷語

謝中丞餉節物

節物煩分餉。殷殷地主情。雖云施不報。肯使受無名。
七筯沾皆足。庖廚愧已盈。似憐藜苳腹。曾飽大官羹。
向在內廷
歲除例賜羊鹿雉兔魚酒

敬業堂詩集卷四十七

[Faint bleed-through text from the reverse side of the page]

敬業堂詩集卷四十八

海寧 查慎行 悔餘

粵游集下 起戊戌正月盡四月

羊城元日試筆戲呈中丞公

風光六十九回新。老客殊方愧此身。
殘臘雪消正月暖。閏年曆報兩頭春。
滄溟出日長先旦。斗極移杓又指寅。
聽說官清民樂業。便思長作嶺南人。

二日中丞招遊署後園池分賦六首

昨枉嚴公駕。今逢袁紹杯。
到來凡五日。相見已三回。
禮豈為吾設。花應待客開。
小莪何太早。紅雨點蒼苔。
北闕逶迤徑。東連宛轉城。
越臺當戶秀。天井入池清。
倚

檻堪垂釣。聞歌想濯纓。向來瀟灑意。只視此官輕。
老樹何人種。名園此地無。自多新氣色。無改舊規模。
曳杖馴麕子。看松長鶴雛。恍疑蓬島近。不似在城隅。
勝踐烟霞外。春風步履初。餘恩沾草木。得性狎禽魚。
巖壑真同趣。亭臺画不如。板輿迎養便。未許賦閒居。
竹密晴疑雨。林深暖亦寒。不知官閣好。但覺旅懷寬。
蠻果充拌飮。江鮮佐食單。平生滋味薄。相對勉加餐。
此外無賓客。應憐老病翁。交原因臭味。賞亦到兒童。時
念侍行。憂樂論先後。行藏感異同。却將詩送日。良晤詎匆
匆。

過前輩梁藥亭故居

風流雲散兩茫然。轉瞬前遊十五年。癸未春余入館先生散館獨客
遠來朋舊少。貧官沒後子孫賢。買鄰古有千金語。遺橐
今為萬口傳。話到五交宜廣絕。西華葛帔復誰憐。

立春日張梅麓前輩招飲雲麓堂

仙萸五葉換良辰。晝繡還鄉恰及春。海內久推黃髮老。
堂中猶侍白頭親。金花彩勝隨年換。銀燭華燈照座新。
今夕從君論出處。始知天地有完人。時張以養親告歸

喜晤藍公漪

藉甚榕城叟。才名洵不虛。氣吞三斗墨。筆吐五車書。客
况浮萍合。交情碩果餘。臨邛有賢令。謂姚番禹齊州猶足重相

如

人日雨中遲公漪不至

夜夢羅浮春碧苑千樹霞醒來枕上雨落盡城中花東
風冷咲人謂若坎井竈當門列雉堞雲霧重周遮我懶
不能出招呼及鄰家速容容不來舉杯還自嗟一歡難
強致由命匪由他用昌黎語

謁南海神廟

姚侯送我遊黃灣澄江一道晴無瀾黃昏到岬天色變
徹夜震撼號驚湍平明謁海神雲氣解駁光斑瀾殿中
擊銅鼓聲落海外迎潮還巡簷繞廊看古碣手剔碧蘚
青苔斑或欹或仆或屹立節角劇殺形模殘煌煌
御書碑迴出唐宋元明間浴日孤亭表其右七十二級

直上窮躋攀不知搏桑出地幾千丈頓覺東西南北四
望無遮攔驪龍吐珠蛟歛涎陽烏擊水鼃移山祝融分
位當炎躔萬象星露秋毫端紫霞紅浪上下雨摩盪中
有萬點風檣竿星流電掣到廟下一二椎髻垂花鬢粵吾
皇膏澤被百蠻遠人畢至邇者安自從計臣握筭變新法
鹹策織悉多歸官廣川大澤禁漁獵網漏魚鼈羣生墜
問神受封今幾代蒿目豈不知時艱國家大事必祭
告謂是正直靡欺謾幽明肝蠶一氣旋憂樂當與民相
關曷不草綠章為民請命恩宜頌但使方隅獲沾山
海神亦坐享血食無慙顏

附擬南海神答查悔餘先生謁廟詩 佟法海

以下數語似借海神以諷
刺佟公讀擬答詩益顯然
矣然中丞乃先生知己豈
其然乎

先生蒼顏鶴髮七十強。磊磊落落滂滂詩名天下揚。笠窮
鞵芒屨竹杖。水浮陸走萬里來炎方。羅浮神仙窟羊
城富貴塲。掉頭兩不顧。輕舟獨泊峨旗岡。徑上七十
二級浴日亭。愁看暘谷金暈浮扶桑。直入廟中搗銅
鼓。鼓聲遙撼零丁洋。蒿目時艱不可說。惟神若可默
贊。襄高歌如慕復如怨。怨到海神神亦傷。自從祝融
宅南海。風非古昔俗講張。田荒莠長蟲蟲活。常平十
郡封空倉。一水虎門扼衝要。雕蹄鑿齒通來王。珠璣
翡翠珊瑚樹。玳瑁靈犀琥珀光。固象見利亦忘義。椰
揄壑斷雜官商。鹽法權法不可問。山盜洋盜爭強梁。
職守一方司民命。安敢坐視蒼生殃。獨憑正氣觸百

恠。幾夜辛勤草綠章。豈知山鬼足伎倆。陰晴播弄蔽
太陽。茫茫萬里九天遠。狂風吹倒百鍊剛。古來天定
能勝人。人定亦能勝彼蒼。吁嗟乎人定勝天可奈何。
尸位不去慚顏多。詩家若有斡旋手。請君更作回天
歌。

海雲寺同藍采飲王符躬作

波羅廟下凌晨發。直到雷峯弭畫橈。一綫春流通斷港。
華鯨南應虎門潮。

水窮雲起得禪闕。突兀樓臺數十間。曲曲迴廊隨步轉。
不離平地却登山。

木棉兩樹寂稱竒。拔地參天萬萬枝。自咲杖藜來較蚤。

不關渠事作花逢

一龕容得十方僧。個是天然第二燈。更約羅浮觀日出。
尋師還上最高層。住持座異時
往華首臺

與番禺姚明府齊州二首

樓指修門別。俄踰二十年。君顏猶白。誓我髮已華。顛毛
撮。差堪喜。王冕自得仙。春風花滿眼。及此話前緣。
簿書原不俗。插架有牙籤。詩好人人說。才優事事兼。肯
教同列忌。難得上官廉。驥足行將展。毋須嘆久淹。

花田咏古

鴈翅城南寂寞濱。芳華小苑已成塵。珠襦夢斷鷓鴣曙。
粉麝香消雨洗春。翠輦幾經偏霸主。素馨曾識故宮人。

賣花擔上東風信。流轉人間又一巡。

珠江櫂歌詞四首

一生活計水邊多。不唱樵歌唱櫂歌。蚤子裹頭長泛宅。
珠孃赤脚自凌波。

剪得青蒲織作篷。平鋪如席卷如筒。往來慣是乘潮便。
不使朝南暮北風。

生男不娶城中婦。生女不招田舍郎。兩兩鴛鴦同水宿。
聘錢幾口是檳榔。

米價高于珠價無。就船剖蚌換青蚶。近來官長清如水。
不是珠池亦產珠。

大行仁憲恪順誠惠純淑端禧皇太后輓歌二章

彤史媧皇紀徽音 壽母賢手襄開荆業坐閱太平年
典禮三朝備哀榮五福全北山松頂月移照賁重泉
鳳輦承頽地龍樓問寢晨 一人隆孝養萬國仰尊親
海角宣遺 詔宮中閱早春朝班瞻望遠淪落泣孤臣

呈前輩鄭珠江先生

鄭公青瑣彥雅尚寄林泉在野長憂國觀空晚入禪與
時疎應接顧我數入周旋此意能無感依依杖屨前

偕梁孝穉遊法性寺有懷心月上人兼示希聲

學子四首

有約尋僧去攜筇出郭賒東風吹白髮春事到梨花石
畔三生路林間一味茶橫枝不傳法消息問誰家

一片青苔色當門屐齒留近身無俗物望遠得高樓轉
覺城中隘真宜象外遊折腰吾不慣到此小低頭

心公影
堂在焉

欄楯遙相望中開一畝池波明堂欲動魚樂我先知惠
遠流風在柴桑入社遲勿嗟耆舊盡弟子總能詩

心公結詩
社于此

蓮漏晨猶滴齋鐘午罷敲沙彌通佛性居士慰神交

喜晤周
乳峯

庭長枕榔節窗臨翡翠巢重來應未厭幽事滿
西郊

長壽菴坐湛菴禪師方丈聽談石公舊事

津梁誰得限傳法到交南涉海如航葦還山遂築庵劫

難逃宿業風不動。崑崙賢嗣真龍象。千鈞獨力擔。

齊州於縣治之左。新闢園池名梅花邨。暇日與

客同遊索賦

蒼苔一曲轉東垣。廢地俄成十畝園。行處軒窓多入畫。望中花柳却疑村。南通海眼安池位。北引山光落酒樽。直作吾廬吾亦愛。萍踪隨水欲生根。

上官竹莊為余寫青山歸權圖。公漪有詩戲次

其韻

舊聞五嶺皆炎熱。到此能無憶冷泉。不謂留行無地主。老夫興盡却迴船。

為友人題暮雲春樹圖二絕句

渭北與江東。斯人兩不作。借取一幅圖。為君論詩學。暮雲與春樹。此景世不乏。借取一聯詩。為君論畫法。

佟醒園以騎驢出嶺圖小照索題戲作六言律

詩一首

我愛竹莊妙手。為君寫此橫圖。天南豈無鴻雁。醒園與中丞為

兄弟行嶺北猶聞鷓鴣。莊言非馬喻馬。佛說騎驢覓驢。故云

一笑不離行脚。阿誰先取歸途。時余亦將歸

題翁蘿軒為藍公漪所畫枯樹小幅

故人垂老交情為寫。枯枝贈行喚起羅浮春。夢來聽紙上秋聲。

有以白菜餉中丞者中丞有詩屬和韻

閉門風味宛然存。菜把猶多餽送痕。傳語園官須手種。
亟乘春雨斲籬根。

王符躬舍人席上贈許蒼嵐

許侯天下才。曾宰樂昌縣。官如已墮甌。棄去胡足戀。避
逅結襪生。呼朋開廣宴。君乘斑駟來。遇我心相善。昨日
誦君詩。今朝識君面。冰壺貯秋月。表裏皆可見。平生千
丈氣。對酒尚豪健。一吸盡一升。卷波看白戰。商聲帶河
嶽。風日為之變。我欲和此歌。朱絃忽中斷。

清涼山莊圖符躬屬題

舍人示我山莊圖。生綃橫展五丈餘。良工三年寫始就。
金谷輞川何足摹。君家舊住清涼麓。萬里江天入遐矚。

故應胸次豁然寬。占斷此山猶未足。石頭城門平旦開。
千巖暖翠排空來。珊瑚碧樹好顏色。照耀初日生樓臺。
樓臺高下無重數。徑轉溪迴總迷路。標題一一都有名。
毫末微茫指其處。問君結念母已奢。洞天福地歸一家。
潰成奚翅萬金產。還恐山林跡尚賒。君言好事皆虛事。
架構良難畫。差易未能依樣買。園亭乍可隨身蓄。巾笥
海山兜率吾不知。此圖要亦人間稀。神仙只被瑤京誤。
楚鶴何天不可飛。

正月晦日喜雨用中丞見示原韵即以志別

風花半落經春暖。雷雨初來送曉寒。農事相關公最喜。
物情不隔我同歡。雞鳴如晦方懷友。蛙鬧何知豈為官。

借取一篙清漲水。野人歸欲濯纓冠。

題上官竹莊羅浮山圖

大瀛海外有十洲。巨鼇不上龍伯鈞。何年背負蓬島至。兩山合一成羅浮。竒峯三百三十二。一豈易窮冥搜。眼中孰是好奇者。上官山人今虎頭。山人欲爲山寫照。直上崔嵬走翫。朱明古洞華首臺。佳處真能領其要。歸來繪作指掌圖。萬象攝入摩尼珠。綠毛鳳挂佛子髻。五色蜨化仙人襦。我方神遊力不足。爲爾題詩展橫幅。正緣身不在山中。識得羅浮真面目。

光孝寺與咲成上人

訶林冠嶺外。重是古道場。摩訶菩提樹。躑躅風旛堂。不

見祖師面。徒拈一瓣香。上人方坐雨。咲客疲津梁。

次韵中丞公夢羅浮作

有意遊仙事。竟違羅浮未到。我空歸。輸他準勅狂。開府夢裏乘鸞。獨自飛。

將發珠江。遇李約山。觀察自粵西來。訂同歸之

約

世途歧出處。長恐見無從。只隔東西粵。相望千萬峯。君其李元禮。我豈郭林宗。江上同舟約。何期邂逅逢。

海幢寺十二韵

阿字禪師道場

洞宗衰復振。派衍自天公。半是逃名客。羣稱出世雄。雲幢標郭外。香界湧南中。填海爲平地。參天起梵宮。歟成

疑鬼運幻出儼神工。穗石浮佳氣。朝臺拜下風。五仙皆
法護。十力盡神通。蹴踏諸方徧。跣跡片席崇。我來塵世
隔。師去影堂空。法供瓶爐潔。齋厨菜鼓豐。映階篁竹翠
耀眼。木棉紅。緣境他生結。留詩記此翁。

二月八日初離廣州

來時麥苗綠。歸路麥穗黃。南方冬春交。物候總不常。可
憐百万戶。戶戶資春糧。曩苦食無鹽。今愁米價昂。温風
送微雨。中有餅餌香。忍飢待食麩。差勝犁遷荒。
嶺南廢田有遷荒老荒等名

舟過三水邑宰徐君來晤口占贈之徐由庶常改官新莅

茲

三水合流處。孤城近海壖。誰知花縣宰。舊是玉堂仙。
俗觀新政。官情耐左遷。天涯相識少。為爾一停船。

羚羊峽

兩崖挂羣龍。下飲一江水。水窮山忽住。水轉山復起。草
木所不生。石頑盡橫理。惟聞露猿叫。杳杳雲霧裡。

朱觀察紫垣席上賦贈二首

我識朱公子。佳名在棗香。承家新節鉞。開府舊封疆。才
大移風速。官閒化日長。三州行按部。處處有甘棠。
昨入中丞座。嗷君唱和詩。法從前輩得。清受大僚知。
細雨凝香室。春風畫戟枝。掣鈴容墊老。雲樹慰相思。
戲東高要令王寅采同年

篁字作平教侯
考宋石介詩
霞半頰巖脂木
零落偏留篁竹
叢

崧臺君暫憩。雲嶠我間關。白髮重攜手。青春好駐顏。硯
開鸚鵡眼。香點鷓鴣斑。割愛煩斟酌。無喻二者間。

登端州城東閣江樓

好事何人送酒來。自扶雙屐躡崔嵬。山從迴雁峯頭落。
潮過羚羊峽口回。浩浩風聲隨几杖。濛濛蜃氣出樓臺。
天公不薄將歸客。霽色今朝為一開。
時久雨乍晴

望七星巖

維北有七星。天樞永不移。寓形忽墮地。幻作岩壑姿。我
登閣江樓。高咏慈恩詩。七星在北戶。一一俯視之。此生
名山遊。待了婚嫁期。洎乎婚嫁了。筋力恒苦衰。輸他有
力人。濟勝忘嶮崎。猶賢無目者。興到目尚隨。

題寅采同年小照

身為端溪主。不蓄端溪硯。賓戲主不知。佞頭方展卷。

題李峻瞻移情圖

江峯不比海山深。鼓瑟何如聽鼓琴。不是琵琶箏笛手。
莫從人境覓知音。

霍石有序

南中英石硯山多出。工匠補綴而成。惟產自沙土。
中天然無刻畫痕者。斯為上品。余歸笈得二枚焉。
一為佟中丞所贈。峯勢迴環中穿六孔。一為姚番
禺所贈。勢若飛雲。孔大小倍之。以尺度之。長皆三
寸許。世所稱皴瘦透者。殆無美不備。此遊獲此亦

足以豪矣今日行過德慶舟中無事羅列几案賞
玩不足紀之以詩

韶州山石奇英州山石秀人言奇者雄不若秀者瘦蒼
龍骨離立歲久色微黝脫落之而鱗深埋無底實結成
岩洞勢潤被沙水激玲瓏具本性感縮聚衆皴斧鑿絕
纖痕中虛互通透偶然遇好事不悞高價購置之几硯
芻命曰小雲岫一拳殊不易况敢望多又而我獨何幸
婦舟諍日富熊魚兩得兼彼美適邂逅款款儼欲飛翩
翩若相就人間陸賈裝金玉難單究千金真俗物至寶
肯輕售何如落吾手出入在懷袖再拜謝故人茲情亦
良厚

望夫山歌

杜鵑花紅映白杜鵑鳥嘯吐血阿夫去作海上客阿嬾
山頭化為石望夫不歸兮可奈何蠻風蜚雨春來多

封川

十咏傳嘉祐宋嘉祐中田開知封州有臨封十咏盛誇風土之美征途喜乍逢時
平山少盜俗儉戶勤農趁雨收新麥連邨急暮春江船
多賈客一稔給鄰封

梧州

東粵行初盡三江此要衝商通藤縣米鱗出象州松北
望雲千疊南來瘴幾重小舟如箬籠雙膝劣能容
雨中飲梧州郡守范拙存署齋

清絕蒼梧郡。山城並水涯。使君非俗吏。官閣似村家。雨戰棧桐葉。籬編豆蔻花。春寒連日甚。勸我酌流霞。

與郡丞趙默菴話舊有感

憶昔赴黔幕。買帆沂漢陽。趙家好弟兄。一見傾肺腸。吾兄謂韜亦豪士。齒序同雁行。君時甫弱冠。意氣爭頡頏。往往副虛懷。高譚陋詞章。風塵一揮袂。自爾成參商。奄忽四十年。舊遊半存亡。兩萍浮大海。乃在天一方。東坡詩蒼梧獨在我鬢既摧頽。君顏俄老蒼。大才屈佐郡。何以展爾長。蠻城二月中。天氣如梅黃。入門巾屨溼。急雨鳴淋浪。呼童啓書齋。延我臥竹牀。此情不殊曩。此景安可常。別易會苦難。况迫桑榆光。臨分留數語。俛仰多感傷。

逆風上灘歌

船頭喜銳不喜方。竹篙用短不用長。上灘取逆不取順。出險在閒不在忙。老夫昏昏篷底坐。靜聽兩旁風雨過。深慚作力役多人。成就垂綏一游惰。

雨中過昭平縣與馬莘叟

風磴層層上。衙齋踞地高。到門雲氣合。入座雨聲豪。已覺簿書簡。猶多迎送勞。酒香奴飯白。青眼愧吾曹。

龍門峽

龍尾千層雪。龍頭萬斛濤。峽形當絕險。崖勢故爭高。木馬船名騰槽立。藤蛇絡石牢。雲端牽百丈。絲路辨秋毫。

佟中丞貽我羅浮蜨。蘭數十枚。三日前雙蜨先。

出置之籠中朝來風日晴暖栩栩欲飛因開籠
放之

五色仙山繭分貽不計枚似貪歸路近雙翅獨先開此
豈籠中物無端入夢來人間何足戀好去莫徘徊相傳此蝶

雖在千百里外必返故山

楊誠齋詩有韶州山又勝雄州之句余過英德
為進一解曰英州山又勝韶州今日行至平樂
城南羣峯競秀爭奇目不暇給英山又不足言
矣問之士人無能舉其名者然不可無詩紀之
也

突兀離奇縱復橫峯稠嶂疊總無名千尋自拔雲霄上

萬古何曾艸木生佛指佛螺青未了石蓮石筍畫難成
天教增損詩人眼直覺昭州又勝英

晚泊劉公渡望對岸諸峯

澄江一道鏡初鎔寫出東南隔岬峯指掌圖中看倒影
夕陽一百二芙蓉

陽朔縣

雲從巫衡來勢落桂嶺外散為椎結族陽朔乃都會森
森競駢植巒巒或孤介滿眼盡兒孫丈人竟安在孤城
如廢井百雉陷其內亦復設官司于茲領岩砦兩衙排
籤立日與刀劔對匪曰牧人民而云禦魑魅昔賢遷謫
到所以多感噫俾山蒙惡名夫豈山之罪不作一錢直

斯言母已太。聖朝懷遠人。吏職視殿最。此邦瘴癘區。
遷轉異流輩。于今號捷徑。上考率三載。寄語親民官。後
來須自愛。

春燒

粵俗不好生。連山發春燒。新萸與枯楸。往往同一燎。昆
蟲方啓蟄。被虐慘無告。造化豈不仁。吁嗟落蠻徼。客行
天南陬。半月抵都嶠。侵肌苦毒霧。白日罕朗照。五行或
偏勝。風痺恐難療。焉可無繼離。易疏以離上三爻。繼明者為火。來為万
物燥。人情懷所便。即事具慶弔。此樂非彼欣。相哀莫相
誚。

桂江舟行口號十首

龍江驛前水倒流。竹棚移上別山頭。趁虛人去愁喚渡。
失却閤沙剗木舟。

灘江江色綠於油。百折千回到海休。多事天公三日雨。
一條羅帶變黃流。

水自東流客自西。經過大抵是淒迷。木棉枝上鈎翰鳥。
夜夜夜深不住啼。

下灘不信上灘勞。比似登山步步高。好語梢公牢把柁。
上前只費兩三篙。

行近昭潭灘倍多。扁郎勸力唱牙何。此聲莫作尋常聽。
便是湘南款乃歌。

南望蒼梧北桂林。中間七驛瘴尤深。不知雲氣藏多少。

能使蠻天日日陰
霧雨濛濛霽景稀
人編蕉葉作蓑衣
櫓搖漁父唱歌去
牛背牧兒浮水歸
戍旗相傍有人家
水退依然就淺沙
二月芳菲看已盡
滿灘蘆葍自開花
過盡頑礪亂石堆
繡山一穴忽天開
明知不是秦人洞
容得漁舟日往來
一月春寒甚臘寒
北風颯颯上檣竿
南人不辦冬衣服
也道朝來袂勝單

飲同年叢汝霖桂林學署兼志別

不以他途雜時猶賸此官名傳人口易實獲士心難行

色春將晚離筵花正殘蠻城一杯酒懷抱若爲寬

上巳前一日發桂林

連日輕寒連夜風滿城
桃李一時空伏波門外
梨花雨春在鶻啼猿嘯中

靈川縣齋清明

已過上巳即清明一月天纔兩日晴
記取靈川好風味新茶新豆到山城

平蠻歌爲靈川令樓敬思作

槃瓠遺種成野豻充拓百粵西南間
桂林所屬半猺獞徭性稍馴獞性頑
獞中廖三乃最狡結砦背子義寧縣山名
藏神姦義寧邑宰畏如虎長惡不復加防閑
康熙五十

有六載遂逞螫毒為民患叶公然越境大劫殺乘勢搖

動西江灣東西二江在興安靈川兩縣界中靈川樓侯奮髯怒一念軫

卹周痾瘵請于中丞願勦賊朝發夕下無留艱官軍壓

境屹不動旁睨翻咲書生孱豈知仁者必有勇勇氣遠

過齊成觀出孟子注疏力捐百鎰鑄戎器更募丁壯踰千鍰

仲冬誓師謁神廟聲並淚下垂潛潛與神幽明共守土

捍禦災患宜相關狼貪豕突忍坐視一任滿耳啼孤鯁

陣圖兵法貯腹笥臨事布置神安閒先營僻隄後糗糒

下極坑谷高躋攀天寒雪少但瘴霧地盡石出皆榛管

孤軍朵阻三百里間道別取千尋山賊巢漸近徑弥惡

出賊不料攻而環焚林燎穴何處遁照耀岩壑朱旗殷

渠魁就殲脅從赦散以畎畝閭閻自徙出疆迨飲至

三十五日師旋般明朝獻馘上幕府隊仗整肅排班班

受成例應給大賚為國惜費情非慳有酒盈缸其色碧

有羊在牽其首朐侯不居功以歸眾單醪挾纊胥均頒

人傳封事上北闕我適問道將西還過侯治下暫弭

檝為我掃榻開門櫪杯闌抵几聽陳說竊嘆膽氣何其

孫如聞鼓擊作餘力如覩介冑當躬擻朝廷設官鎮

羣獠文武分職毋相奸至令儒臣建偉績壯士母乃多

頽顏是庸作歌勒諸石義在小雅誰能刪他年采入桂

海志碑額不愧書平蠻

樓敬思朱襲遠追送于大融江賦三言古詩為

別

胡桐花。万堆雪。躑躅花。千層血。大波淪。小波沔。百斛舟。十夫力。居者主。行者客。湘江南。灘水北。雲淄淄。風浙浙。難莫難。此時別。

靈渠行

驚龍下走三百灘。上流何至一掬慳。灘源濫觴乃在此。七十二重灣。復灣此渠鑿。自秦史。祿初。僅能通。不能蓄。迨唐觀察李濬之。添設陡門三十六。石槽石斛。升斗儲。一門典守用兩夫。鐮隄前啓後下板。修綆汲船如轆轤。雷轟電掣。飛一綫。盈縮直從呼。喻變官船銜尾。客船停。那得人人與。方便勸君小泊底。須愁不過多為半日留。

平生恥共人爭路。况有林巒慰勝游。

陸中岩岫絕佳

夜泊鐮背伏波祠下湘灘二水分流處

伏波祠廟枕江濱。湘北灘南兩派分。新月滿船天在水。蒼梧回首万重雲。

興安田家

澁勒連邨綠樹濃。家家臨水設機舂。刀畊火種風初變。問是山農是澤農。

夕抵全州城外

晨發鐮背潭。暮抵洮陽境。急流二百里。一宿兩程併。通塞世多途。疾遲吾有命。適來非意計。及此聊乘興。我湘春樓鬱鬱蒼松。逕城南松徑亘百餘里。相傳陳堯叟所植。咫尺不可

尋黃昏風雨橫

零陵道中

旗脚東北擲朝來乘便風。清湘送帆影，翩若南歸鴻。臥看兩岸山，白雲起蓬蓬。前飛不作雨，掠過青玲瓏。導我向零陵，為我驅霾霧。在遠睇欵接，緣沿路靡窮。昔讀子厚記，神遊乎其中。溪山豈不佳，好事疇繼公。便欲訪古蹟，征途去匆匆。無人為指似，艸木徒龍蔥。

題浯溪寺中興頌磨崖碑後

在祁陽縣東南五里

靈武功成賴朔方，中興名號遂歸唐。少陵善頌無多語，勲業汾陽異姓王。

千古磨崖一統碑，後來山谷有題辭。獨教宦蹟留餘憾，

不刻春陵數首詩

三月十五夜湘中見月

于後忽半年，孤懷寄歸艤。北來四十宿，今乃辭瘴鄉。地當衡永交，水派瀟合湘。明波蕩圓魄，春月如秋光。乾坤清氣中，草木流真香。琴琴風乍發，湯湯夜何長。遙聞漁父歌，鼓柁下滄浪。白鷗飛不到，江水烟蒼茫。

過郴江口有感于杜工部事

十載遊巴峽，三年客楚疆。青袍常避亂，白髮儼投荒。許國才難盡，憂時命不長。靴洲疑冢在，過者亦神傷。

望衡嶽

昔遊曾到長沙郡，三十七年今又來。夜向湘江聽雨過，

曉從衡嶽見雲開。帆移九面鏡中轉。雁斷一行天際迴。
欲著青鞵還自嘆。已無脚力上靈臺。徐靈期南岳記。衡山者朱陵之靈臺。
淶口沽酒

沙灣小市柳毵毵。酈淶篤成味最甘。滿引一杯歌一曲。
無邊春色洞庭南。

醴陵縣

長沙封壤盡僻路。極崎嶇。一水趨湘急。孤城入楚深。怪禽
嗥少伴。斑竹泣成林。苦語騷人得。幾同木客吟。

前過常山玉山。今過醴陵萍鄉四縣。令同以一事去官。偶紀之。

朝廷惜民力。大事給郵符。朱邱徵求急。皇華道里紆。上

官曾有檄。小吏似無辜。幸獲罪由胥。笏寃哉何易于。

自湘東驛遵陸至蘆溪

黃花古渡接蘆溪。行過萍鄉路漸低。吠犬鳴雞村遠近。
乳鷺新鴨岸東西。絲縑細雨沾衣潤。刀剪良苗出水齊。
猶與湖南風土近。春深無處不耕犁。

復入舟

天公假我一日晴。籃輿軋軋山中行。山行既盡復買棹。
欹枕夜聞雷雨聲。諸灘叅漲波雲雪。人與鷗鳥互相雜。
秀江橋外櫓枝柔。穩過袁州小三峽。牛欄鍾山。昌山。三峽在宜春分宜兩

縣界中

盧肇宅在宜春城外。今為學宮。石筍一株猶存。

相傳唐時故物也

舊聞盧氏宅中有讀書臺地以名流著人探古蹟來便
應呼石丈幸不中碑材顏魯公事見歐陽四門集秀色如堪挹摩挲
一片苔

分宜感事

曾從史館見長編太息明朝嘉靖年牛李恩仇初植黨
京攸父子互爭權東門牽犬情相似西市駢臬世不憐
贖檢鈐山籍官簿兩橋猶盜水衡錢嚴氏父子敗後有司籍其家事見鈐山籍官簿中當時于州縣城外造兩石橋費各鉅萬世蕃皆盜官錢為之鄉人不知至今猶有稱道其事者

清江道中

甘林百里夾清江岼岼風來白雪香何減浣花溪上路

人家多在果園坊

重泊鉛山河口却寄施溇如

弱纜牽船與岸平一支春漲轉山鳴坐看片月流雲影
臥聽長風挾雨聲此地故人曾有約重來小吏最相輕
講堂不到吾滋愧為報新編志已成去春曾枉書幣邀余修鵞湖書院志今屬稟粗就施已內擢離任矣

朱甥德璵出家為僧法名某號渭宗今住沙溪

靜室舟經其處留詩一首

汝甥吾是甥夙世世間緣見面尚相識出家今幾年但
能修苦行不在學參禪蚤晚黃梅雨隨農且種田

自題粵遊草後

老夫不怕寒怕熱冬月出門夏到家輕負嶺南三百顆
此行剛看荔枝花
一日倒吟詩一章中間未覺應酬忙無端來往萬餘里
題徧前賢謫宦鄉

敬業堂詩集卷四十八



查初白先生欵業堂詩集刊於康熙五十八年凡四十八卷
 上冊游岳後附錄沈氏二其續集漫興錄生語概生遠注
 初五年錄未刊評君昇霄情畫卷村就原稿送錄一
 分歲法以選中先小世林祖思與公用最初刊本評點之
 分紅以藍黃三色筆至精細時評君在沈園授讀公院之
 游因以信而錄其稿本補錄於後時乃沈洛庵中書奉
 公親筆識於卷末後用深筆評點卷一與刊本合為一部凡
 得十一冊是年全稿尤為及免床所藏後歸於福建沈慶春
 慶春石以歸於合永國士館余後自館中借出與公補錄公
 對切及則改評些及的勒一麻上原稿大都相合以是傳沈亦
 甲午在年見之知為沈園遺稿原稿乃全購得沈沈之私

考諸備載疑置類未去書用折殊不易之言則執誼
卷之改以評校知北先下脈膺也今將此評於今部
並鈔補一旦檢於合眾因不假伴涉與先生原稿之例
庶望以列亦久保在社有靈其字欣慰於地也
乙未三月二十七日孫元濟謹識



秋有月余在京師有首姓者持竹汀先生批校困學紀聞來余因適闕先
生校書遂斤重金收之首姓言尚有宋元批校各書余未之信也既而徐
君森玉展轉鈔得其目如前說非妄目中宋本十餘種以百袖奉通
鑑為之冠校本中散葉彙集有古鹽張氏印益菊翁前草家藏
舊鈔也別有藍印本萬曆搨神六初罕觀余物未見其書也九月
南游為朋輩道及徐君積餘向而免謂搨神是其舊本為端忠敏
假肉失之馮屬以重價贖回而菊翁心以散葉彙集見屬時余方得
初鑑遂函告張君庾樓加之二書其書後余與菊翁將鴈蕩天台復
時通書京師議決不就會余游興南而咳疾作技病北歸偃臥一月有
餘疾幸小瘳購書議亦定余竟岸巨債以得初鑑與次祖所得與
文署本同度以雙鑑名吾樓久之二書亦播仲有鮑毓東跋精餘歲印
宛然周後遂以歸之余獨喜查集評點有法留覽數見鈔補詩二卷中赤

字皆缺末筆固已心異之及細檢卷末方實阜撰墓志後有乾隆庚申季
春月下註夕武庫後學張宗棟錄一行乃知為思岳先生所鈔因復取全集
觀之凡上方朱黃二色評語皆思岳先生親筆不覺為之狂喜蓋余初意斷
為蜀翁收藏籍耳不意乃獲先德手批之書更益以工書盈寸之巨冊實
玉大弓復歸於魯可為蜀翁敬賀矣嗟矣精誠所至金石為開況奇書秘笈
為前輩精力所聚在處有神物護持又得賢裔之萬志訪求而氣概
感君吾輩南北奔馳若隄為之驅策焉且余思獲宗本通鑑舊矣如謂不
過姑存此想乃竟成吾家雙鑑之名以完先世之志而蜀翁及積餘皆各債所歛
且感出於一時人之手雖曰人力又何其相值之巧耶謂非冥漠中有點召焉吾不信
也昔童孫怒前輩刻藏書紀事詩時方刻業石君一首得蜀翁書告以涉園世
系遂得改纂謂為先招有雲有心牖之余之志此亦猶是爾明日將寫書因述
其原委質諸蜀翁且竊回自幸焉

歲在丙辰十月冬至前音後學江安傅增湘謹識



查初白太史未刻詩集原葉藏於其家珍秘殊甚適有谷陽蔣某給以厚值購一副
本託余外弟查子荃村為之介紹家村因別錄二本一藏篋中一以貽余之後子加校勘合
之內時不刻是為完書惜在好事者為補刊于集後耳

漫與餘生二集原葉據蓉村云悉屬太史手書惜余未一寓目也余所見者僅任叔集
數頁亦係真蹟至諸獄生還二集乃其子姪輩所錄間有塗改數處則太史親筆也故
此本悉遵之

竊疑諸獄以後三集雖強改竄未及刪定惟為紫幢主人留半日五律一之括上註一刪字
然其展不句不如何故又七絕中七講一線是通川若連紅不飯只扞腹一之五絕中彼
魚邊上多一之轉應出末二之俱補書于括上另是一人之筆故注增字

一篇中或或去數字或刪去數聯或全刪去悉係太史手定凡五之刪去者上必注一刪字
其尾必用一勾

凡注一作某字者皆係初稿其後一改再改乃用今本者也或模糊疑辨今在疑似故兩存之
寄滿制府五排一首詩題及前半之俱係元缺以存後教聯耳
卷中圈點亦係太史自加丁教禮而詁文之佳惡亦自得之者也原本俱用墨筆不用硃

筆性餘生集下竊軒初夏留景成以中屋將木本竹筵一聯用硃筆上用墨筆
太史晚歲以詠刪逸甚多如甲辰海憲紀事凡十篇余數年前曾於友人案頭見之今
集中心有六篇又刪去其一定為五篇至斬蛟思社士一篇之用別紙粘貼案村揭而視之
并錄于後故下注補遺二字
案村常見望巖身游二集原稿較刊本多詩數首想開雕時而芟去也然不致任其散
逸并錄之以附於卷末

花溪後學許昂霄嵩廬氏漫識

敬業堂詩集卷四十九

海寧 查慎行 悔餘



漫與集上

起戊戌五月盡
庚子十二月

少陵云老去詩篇渾漫與解者曰公平生多驚人
之語今老矣所為詩則漫與而已無復著意於驚
人也俗本多誤與為興東坡先生用之云清扁真
漫與叶入語韻可證典字之謬余年哀才盡從前
愧乏驚人之句已鏤板門世悔莫能追自茲以往
當日就頽唐不知餘生當閱幾寒暑更得幾首詩
也

當閱一作尚閱

介庵上人新任古衡丙舍贈以六言二絕

老去下方是一首

挿竹編籬作苦澗園抱壘忘機爨松風吹帶溥草
露沾衣老去師宜任靜佳時我定來遊一段因緣不淺
兩條拄杖交頭

聞許立岩侍御內陞列卿將假歸省覲喜而有

寄兼呈座主宗伯公

宦途原自達家慶復誰同堂上尚書腹門前御史驅望
雲占喜氣計日及秋風預蟻陪遊屐詩成報謝公

盆池荷花六韻七月

庭窄無池位埋盆種藕芽四年空布葉今日忽開花照
影亭上迴風故斜涼生三尺幔香透一重紗物性
清難奪人情少見誇跣趺如可結莫便委泥砂用辟支佛事

閱二日德尹芝田兩弟皆有和章詩來而花已

謝吳再次韻

陳根抽五蕊一朶榮新芽野老哀遲日仙人頰刻花有
莖仍挺拔是葉總天斜畫之施丹手詩留護壁紗瑤池
歌已遠玉井語徒誇若要顏長駐除非伏火砂

畬許東垞即次消炎見寄原韻

萬里衝炎甫到家一林高竹憶由衙嶺南巨竹名由衙可作梁柱見竹譜

故人向挾清風至熱客蹤如凍雨賒塵短難驅蠅集紫

汲深聊用井澆花諡癡合有旁觀咲慚愧和疑浪見夸

王伯厚云和凝為文以多為富余方刻拙集而朱篇過
世此類之推所謂癡符也時余方刻拙集而朱篇過
蒙推許故借以自况

許立岩見過村居

郊齋無客到門刺荷相投水長萍浮岍橋低石礙舟六
年驚易過一飯挽難留忍作恣：別燕鱸已報秋

喜雨集陶

重離照南陸炎火屢焚如夏雲多奇峰近瞻百里餘田
家豈不苦似為飢所驅白日論西河始雷發東隅神淵
湧時雨好風與之俱良苗亦懷新繞屋樹扶疎農務各
有歸吾亦愛吾廬恣：待秋稼且還讀吾書即事多所
欣慰情良勝無

戊戌秋陶菴中丞由粵東巡解入都道經吾里
枉使見存山者村釀追送於黃灣傳舍長律志

別十六韻

道遠驅馳教恩深出入勞兩年開幕府六月載星旄滇
展垂天翼山移戴角輦先聲飛組練小隊偃弓刀當暑
佳眠食沿途戒驛騷僕夫非况瘁王事有遊教重譯銷
燧燧單車沛雨膏來觀滄海日及賦曲江濤中丞於中
秋後一日
渡錢竊聽詩篇富懸知氣象豪前旌臨救邑枉訊到吾
塘曹哀賤才何有先生誼獨高昨容修刺謁今許贈言叨
先生許為後會殊難卜餘歡又一遭吟還催剪燭前欲
余作詩序近題糕野餉携蔬藪村沽載濁醪敢邀騎從辱三徑滿
蓬蒿

欲一作漸

閏八月望夕桂堂小飲芝田有詩次其韻

菊叢未吐桂叢幽前度追歡發興猶月轉黃昏成白晝
天回寒露作中秋明日為寒露節安排格韻酬詩敵率率茶僧
預飲流謂得泉三十八年同一夢閩中秋余客滇南幕關忽失少年遊
府今三十八年矣

寒露後六日偕東亭德尹曾三芝田諸弟集季
方兄曉天書屋芝田以詩索和次原韻

不然已過登高會霜露中分閏月天家有弟兄如老友
身無疾病即頑仙夜涼庭桂殘香後候秋澹離花嫩蕊
先累尔輾轡頻下汲近來吟思似枯泉蘓子由詩云老
人詩思如枯泉
輾轡不下下壘蓋乾年采每有
宴會芝田必首唱索和故云
重九雨中偕諸兄弟赴曾三之招

齒會寧嫌數佳辰不憚勞門前泥滑堂外雨嘈軟
美糕蒸粟鮮肥蟹蟹膏海山清似染縱目勝登高

後六日德尹治具邀諸兄弟登龍山小憩西林
庵再過妙果山房看菊兩首

忽聞乾鵲報檐聲昨夜猶防雨阻行雲日放晴天有信
霜風吹鬢帽多情同遊特許緇隨素一醉頻煩弟勸兄
不負年為此會御山恰占佳名

五日為期六日遲流光如駛詎堪追菊尋西社初開處
楓愛吳江半落時興到儘拚雙屐往力稀全靠一筇支
咲將聞事成忙事已補登高又補詩

立冬後二日大雷雨

夏令冬行虐陰陽變慘舒
蟲疋坏戶後雷似發穀初
裂新糊紙簷鳴暴漲渠一
燈愁不寐細檢五行書

長至前後經句苦雨田租不入
厨人告米罄適
芝田弟詩至和以遣懷

薄田終二頃歲入給官私
小縣開倉蚤秋糧例于十荒
月朔開徵
村得米連旬多凍雨來日之晨
炊誰道衡門下洋

可療飢毛詩箋渠飢作
瘵飢義與瘵同

閣抵抄知副相揆公奉
特旨予謚又端感賦

一律

易名事大敢輕論忽聽綸
褒下紫閣兩字克當何媿色
九原作可作詎孤思本師
君不忘胡震用李贊皇
集中集事受業

人終嘆孔璠却望寢門遙
破涕借將朝典慰吟魂

小除日翁蘿軒見餉橙橘

御風稀餽歲遠信自當湖
磊落承筐實紅黃照座隅
偷嘗無婢妾統膝有孫雛
計口分甘徧餘存遠老夫

己亥元旦二首時余年
七十

蚤梅殘雪散氤氳春色三分
過半分上日幾逢兼雨水
半月前立春今吉占且喜有風雲
史記天官書正月旦
日交雨水中氣欲終日有雨有雲有
風有開門掃軌眠方穩絕塞傳
焯耳怕聞歲事推遷成

舊物屠蘇又是六回釀余歸田
已六年

須髻皤然齒豁然杖鄉以後
杖朝前所慚客拜長遲谷
若問吾車已早懸一月前喪
榆村李事無人難諱老方兩兄
北史傳永

常諱言老自養生有論嘆希仙當前任放兒童戲記得
稱六十九身騎竹馬年白香山年七年十有詩云大曆

元宵家宴

冰雪經旬卧放蓬霽景澄不辜滄海月又點草堂燈酒
刀春寒退年光老態增傳相虛故事回首望觚稜

春分後五日雪

冬暖梅全落春寒柳未柔決天雲淅淅菽野棼雪浮
漸補茆茨缺微添石澗流芒屨閒挂杖壁二月尚重裘

留硤川五日歸來牡丹盛開

不知人世有繁華春去渾如輾轉車公道肯饒頭上髮
吾生且看眼前花風翻雨打無欄護日薄雲輕扣幕遮

贏得村隣說奇事麻姑又到蔡經家

風雨中自木郡携歸白紫二色芍藥芝田有詩

索和次來韻

半月花情閱牡丹將離與展後期寬兩叢買取淺深色
一艇載將風雨寒白髮衰翁羞獨對紫衣年少嘆相看
多緣我相生分別可愛羊脂愛馬肝

七十生日德尹以詩五章為壽次韻酬之

影與形俱步：隨雨情一味似兒時未成學業年加長

有限精神日就衰削草舊存師授易余近輯玩辭集解

論災梨新刻手編詩藉甘荼苦從誰說我外惟應爾得

知

文瀾筆陣一時平勿問人間于墨鄉竹蕈茅檐成晚計
玉堂金殿話前生遠如南郭原無偶痛比西河未喪明
也與老萊同七十只除顏色不如嬰
蚤知老病合休官不謂居貧爾許難蟻穴隄防非一跌
燕巢泥補取粗完時方修葺屋宇故云盤登苦苣傷蔬沒出少園
有甘蔗被竹彈沈休文有修竹彈甘蔗文萬事轉頭多夫策強憑筋
力與追歡

家門樂事人言少先後相尋賦遂初藥樹陰交扶杖立
茶烟風遞隔牆居回思壯日多岐路易容易頽年共敞
廬且喜手栽梨枣熟斷無荆棘待芟鋤
椿菌何分大小年多生緣境在雲泉慧輪靈運希成佛

詭託夢都號斥仙求友孰踰兄弟好貯書頗望子孫賢統
身咲指叢殘架個是先生二頃田

老友王子穎移家沈蕩遠來為余稱壽詩以謝
之

太息同儕畧喪亡天留一老作靈光己未夏集殮和堂者十人今惟子穎及余兄弟在耳豪情減後難忘友宦業貧來易去鄉共研分燈
論往事烹葵剪韭勸餘觴我如蒲柳君松柏七十還輸
八十強壬午八月十一日

端陽後四日盆荷作花喜成二絕句

正是葵榴照眼時天教淨質發盆池問渠九品居何品
來占人間第一枝

老夫生日經過二又向花前引一杯合被兒童傳好語
去年六月未曾開

酬徐茶坪兼題其詩集次竹垞贈徐舊韻

余生值惡月微類繆占鵲用唐書崔信明傳中事侵尋感耄及交
舊久離索方當鐵化魚忽訝玉抵鵲凌朝來信使刺喙
扣門闔猥煩徐佐卿遠致一隻雀是時夏苦旱村舍甚
熏灼清風穆如至九鎖為啓鑰好句滿紙封俄倒囊傾
索大雅世誰陳斯人獨歌嘯攫龍作家畜遇虎以手搏
豪健力所勝仰揮俯奚忤沂源杜韓氏變化出梨蘗其
質儼陶匏其文匪粉釀美鯖飽于窟湯茗快一淪幢高
有精進輪轉無退却長鳴得子和謂思又肯縻好爵足

知造化爐金火謝外燥不爭屈宋艷詎咲齊梁弱自我
畦徑開傍誰樊籬託固宜與時背方枘難入鑿此就詩
論詩于焉得大畧吾尤服其品拔俗高遠三蚤成名進
士宦海恥涉脚問時年幾何陸機初入洛行藏斷諸內
韉鎖透擺落厭踏嚴城鼓愛聽蕭寺鐸掇第如摘露視
官如棄鞵述庚辰春夏間却歸研經史心跡雙寂寞到
今二十年嗜古勤逾恪憶昔潛采翁竹垞論文慎唯諾
從君賞才藻昆友並淵博一孔一針投有若絲在籟翁
今幸木拱君復傷棗萼不有病好敦晨星孰聯絡王楊
教儕輩非曰乏富駱眼獨為青書來篋剖膜何時浮震
澤放棹下三箸傳柝聞魯邾計程殊閩貉佇待暑暍蠲

微涼度疎箔間携石鱗子過我履交錯滌除騷士悲披
拂風人作尚欲弓餘波潤茲輟鮒酒敢云奏刀手薄技
呈洒削棗梨甫被災落葉費掃掠書來索余集時劇
初後方在校勘為字
故亂堆方丈室旁少一弓拓然而不自鄙願晒子雲閣
荷君附同調有味寄澹漠君豈終山林吾宜置丘壑長
虞岵出處厚望互評泊相期覲面論雙觥當對酌時以
雙見

苦旱行

祝融不郵為農苦晴過三旬竟無雨桿桿上水遠漕田
日炙風吹度剛鹵幾家結伴還插秧：針嫩綠旋二黃
千畦百隴仰灌溉河底行見輕塵揚君不聞潮聲撼塘

爰：殆外溢中乾兩相倍眼前勿作雲漢憂或恐滄田
遂成海

苦熱吟

水如沸兮山如焚青天白日兮騰火雲兩師潛蹤兮風
伯避爰有蠅蚋兮堯：成群晨餐兮廢筋夜無眠兮徹
曙半年傳舍兮三易官煩暑不隨兮酷吏去時吾邑署
令將離任
吁嗟嘻若教暑退吏尚留兮二者相較其誰尤兮我吟
苦熱：猶可支兮世無涼土去此安歸兮北史噉
傳夏遷涼土

冬逐
暖處

抱膝圖贊并序

孔明抱膝隆中其志殆未易測史家謂其嘗自

比管樂世遂以英豪目之觀其誠于書云靜以修身儉以養德又云學欲靜也才欲學也多是聖賢分上語豈屑以霸佐自命者哉許子純也性靜以儉有才而篤學命工馬照以抱膝名國吾知其所取固在此不在彼也因發其指而系以贊曰

聖賢之道與襟霸異孟耳管功孔小管器史官失職世降而季屈王佐才侔於功利彼臥者龍孰窺涯溪當其抱膝悶如遯世泊乎過主適會時至于馬致遠于馬明志儒者之效章之如是我師古人得其大意繫情惟神契非曰形似學崇厥基才歷乎試是庸作贊拭目以俟

中元後復有江右之役吳尺鳧浣輪兄弟招同
翁羅軒章豈績楊東岷柴陸升吳志尚成桂舟
馬寒中家可亭飲繡谷軒席間多賦詩見送別

後寄荅一首

新知舊好極纏綿唱觴歌驪惜此筵漸老漸稀朋友會
忽晴忽雨早涼天身隨筆墨為人役時白中丞招影落
江湖祇自憐霜雪滿頭閒未得五年三上富春船

兩後發常山將抵玉山縣途中復遇大雨

出郭尚朝階初防霧雨迷雲峯俄見日沙路不成泥商
旅行相襍圖書去每携草屨知漸近一飯向江西
一溉功無及三秋喘未蘇時浙東久旱官徵山縣賦戶

減石田租樂土今何處
衰年復此塗
油衣非瓦屋
寧免載霑濡

舟發玉山遇順風止挂半帆楊東涯有詩戲次
原韻兩首

吾師今日奏奇功
快意多生美滿中
杜牧詩千此理乘帆美滿風

除看爛熟上灘連
遇石尤風救日前阻

碓牀夾岫湧盤渦
電掣雷奔瞥眼過
老怯風波吾已慣

被君翻作半帆歌

過貴溪哭同年王辰幟

同年餘幾箇
小別死生分
老去常為客
重來又哭君
前嚴州哭唐廉夫政條留邑乘歸觀阻秦雲出拜多襁褓今又喪我辰幟

蛾一作娥

兒啼詎忍聞

水蛾嘆舟人云江湖間每八月此虫出三日則止天所以資魚食也

我聞宵蛾赴火死
今見飛晨赴水
成群百萬蔽江來

江濶風高颺不起
嗟爾之生良已微
捐軀適救魚鼈飢

可憐水火均不免
兩翼原來是禍機

中秋南昌書局對月限韻

又作殊方會牽牛昏正中
客程千里外鄉語一尊同
快

讀新詩句東產疊韻詩即席先成閒思舊桂叢
愛眠幸好月莫咲

白頭翁

白近薇中丞席上賦贈三首

公望公才迥莫攀
欣從光霽識公顏
賞留膝閣徐亭外

道在鵞湖鹿洞間，客到龍門清似水。時瞻鼇背屹如山，
十三州是雄繁地。尊俎丰神自燕閒，
哀遲重作豫章遊。直為徵書禮聘優，座上開尊傾北海。
花間下榻懸下南州，交情到我真青眼。事業如君尚黑頭，
共識此邦文獻古。編摩須仗仗縑羅求。

雨中藩長許孝超年伯招飲紫薇堂

早從才子識高陽，卅載通門綴末行。花底清談銷積暑，
城頭片雨送新涼。圖書列屋開東壁，絲竹留賓到後堂。
誰似先生風義古，下車下榻兩難忘。次君條侯癸酉同舉京兆

與和鶴亭臬長話舊二首

我愛和觀察，衙齋淨少塵。心忘官位重，道取素文親。花

意一本作喜

木饒生意，琴書足養神。掣鈴谷野老，披豁對天真。
重来仍歎昔，別悔勿過我。非今兩於君，見古風閒。
能空宏詒雅意，接詩筒。慚愧相投句，猶蒙記憶中。

南昌李少峯明府見示詩刻題贈一首

作客逢仙吏，投詩見楚材。汗青千古事，浮白一編開。
地遠蛟龍伏，秋空鶴鶴來。同年有難弟，末契託追陪。陪令兄與余癸未同年

重陽前四日許藩長送菊

開徑無黃菊，敲門到白衣。瓦盆親位置，籬落有光輝。
時庭新設不礙看，花晚偏宜摘蕊稀。重陽思共賞，留取借
書瓶。是日兼餉酒

肩山一作肩三

明日雨中初臬長李南昌復送菊以詩索和
滿目皆秋色何煩冒雨尋自增幽谷趣不超故園心地
主風流接生涯節序侵懸知簿書暇亦未廢清吟

次鶴亭臬長重陽菊未開菊韻

風雨開絨引興長滿庭菊蕊為含香詩送高調難酬和
人到中年易感傷時鶴亭有未免有情成結習從來名悼亡之感
種必遲芳題糕頌酒渾閒事添得連朝一段忙

重九喜晴偕諸子遊東湖百花洲得高字

初聞簷雨響蕭騷漸吐晴光散鬱陶萬事古來難逆料
一年今日又登高城隅宛轉黃沙岫檻外參差白雪濤
講武亭空僧舍古幽清直欲勝江皋

再過魁雲菴訪心壁禪師得登字

川光雲影恣憑陵掌握猶餘佛面藤愛續清遊無外客
閒追往事問南僧當筵落帽狂何有踏屐尋詩老尚能
世出世間同此樂太平時節報三登白中丞曾禱雨於此時雨公亭初成
是日李少峯劉敬臣兩明府復邀遊列岫亭再
限重陽二字

良辰賢主兩難逢有約來聽郭外鐘古寺出門風浩
晚山隔岫翠重南飛渚有隨陽鳥北走江如掉尾龍
露白蒹蒼遠極目知從何處采芙蓉
此間名勝擅滕王別有孤亭著北岡題壁我留清氣味
快晴天假好風光徑須酩酊酬高會何必登臨定故鄉

借取一鳴詩作結今朝第七十重陽末句用司空表聖成語

後一日白近薇中丞招遊百花洲

琉璃凝碧馬金天擇勝携觴此地偏賞接賓用連九日

恩加魚鳥及三年蓬壺別境通花島簫鼓中流少畫船

百度知君多舉廢眼前豈獨一亭然地為溝武亭故址

題秋江返棹圖送心癖禪師歸廬山開先寺即

次九日過坊韻

閣上留題記石凌巖頭已長到天藤師應勿拒重來客

我亦曾為過去僧小劫如風吹易過勝遊似夢續難能

撥開雲霧全身現誰謂匡廬不可登

兩公亭詩為白近薇中丞賦次鶴亭觀察原韻

二首

一誠感動百神忙風伯驅炎雨送涼立見天心回頃刻

行知民樂慶方將謳歌自尔騰仁壤積貯何須發義倉

但是有祈無不應千秋盛事紀非常

後樂先憂視此亭誰施妙手繪丹青為霖預卜君臣

契被澤旋教婦子寧大有函書傳列郡屢豐一頌徹

彤庭從今箕畢占長驗不用山川更乞靈

同諸子步至李紹津家看池上木芙蓉

不乘籃箬不扶筇步屨相將喜過從一片秋光開老眼

御書樓外看芙蓉

曲欄渾似野人家倒影盆池落綺霞紅白淺深皆可意

最憐渠是後開花

殘陽西墮月東升露氣初消露氣蒸座客微酣花亦醉
不勝情態兩青騰

臨別殷勤又一杯半開時節勝全開心知爛熳多無多
日日：閒須日：來

盆菊初開連朝苦雨移盆入室即事成詩

擔頭分得籬邊種繁蕊爭開四十窠幸免後時霜冽凜
難禁連日雨滂沱高人避世今餘幾好友登堂儘愛多
珍重詩翁擡舉意莫教一老便成莎戴石屏詩菊花
雖老不成莎

立冬日招李少峯偕寓中諸子賞菊限韻二首
自我來居此真成野老家編籬分井竈砧戶納煙霞已

涉初冬節還看九日花勿辭開口咲白髮鬪霜華

逡巡初有待爛熳忽齊開似恐羈人住兼邀好客來澹
交論臭味薄設黍尊壘相勸陶彭澤能無盡興回

大風枕上作

狂飈裂紙窻徑入卧榻前吹萬豈可息我哀自無眠寒
燈澹孤光月落庭西偏却觀鼻端白一寂謝衆喧

殘菊

娟：盆中花黃白各自好霜風一披拂甘作科上禍人
情委牆角枯苑孰相保我欲餐其英毋令儕庶草

聞鶴亭觀察陪白中丞西山行圍却寄二首

芻蕘雉兔與民同經了農功績武功見說山深無伏莽

滌錫時節詠幽風

急雪重裘九月寒塞山三度記隨臺
臺頂防見獵初心在矍鑠猶能起跨鞍

白中丞以御賜鹿條分餉賦謝二章

山莊地是古興桓別展圍塲千里寬
白露節前行射鹿丹楓林外想
回臺榮光遠自雲端下珍味原同席上
看奏使歸來傳異教似聞天滿勸加餐

一味無私惠愛均黃封重疊荷分珍
似憐白首羈樓客

曾作青雲扈從臣尾割紫瓊親拜
賜元耶律楚材鹿尾詩微香馥

紫瓊條烹紅玉又嘗新詩成却咲西川
杜菜把園官是

主人杜工部園官詩云清晨送菜把長荷地主恩蓋未嘗拜巖中丞之貺也

有感二首

齒豁頭童一秃翁依然自課比蒙童
滄桑漸遠傳聞異又獻無徵感歎同
論出一時維衰二事闕千古敢匆
轉慚虛下陳蕃榻不作州民作萬公

自別家來條九旬枯桑海水夢紛紛
心銜清宦虛分俸頭責先生賣老又
兩雪欲衝千里返江湖只被一山分

如何兄弟天南北不及隨行鴈有群
久不得潤木中州信頗以為念

喜遇張損持兼答來詩之貺

出入如相避癸未夏先生館初終莫漫猜兩萍踪復合一
咲首重回世少文章伯天留著作才有詩
兼有筆咄

偏人來

瑞雪吟為白中丞六十壽

歲已亥冬建丑月臘尾春前三十日中丞周甲際斯晨
萬里祥光飄玉屑滿城霧淞呈奇卉拔地霜松挺高節
孺子亭邊明一片明元嬰閣外千重白中野頻來集澤
鴻豐年預卜連雲麥家三飽暖挾狐貉貂處三謳歌騰
巷陌天然圖画入屏幃此景難憑粉繪設瓊枝琪樹佳
子弟水鑑冰壺好顏色眼前無物可容塵世上何人堪
比潔肝腸如此天所鑒公豈自誇入畫識野夫今年二
七十來作南州老賓客擬披雀覽去登堂快與先生吟
瑞雪

立春前三日南昌李明府送春牛至口占四絕

句

滿城積雪尚堆堆半月堅冰未肯開忽漫雪消冰盡釋
門前簫鼓送春來

青角烏牛白作唇勾芒中立與鞭春李涪刊誤云月令

之早晚其年立春在十二月晦則策牛在後硯田別有耕犁

人當中立春在正月望則策牛在後硯田別有耕犁

也擬看春出曳筇怕人笑我太龍鍾不知柳色東郊路

再得餘年幾度逢

眼前物換又星移為報風流已宰知印鎖未開閒趣取

急傳箋遞送寒詩

立春五日楊東崕次前韻四首屬余再疊

敗筆叢書擁作堆閣門除雪徑初開村夫子舍了無事
大似殘冬放學來

風光劍首劇吹唇白髮平分一半春三十五年直大夢

陳人猶自作旁人甲子春余客此今三十五年矣

支扉不出廢支筇隨分隣沽呷兩鍾細檢曆元重記日

立春甲子幾曾遊

擊鉢散中漏乍移燈花未卜已先知打乖近得克夫訣

傳取羊何論卷詩

人日喜幸孝廉會可至即次去年初入書局原

韻

白頰紅頰氣橫秋入座爭輸第一籌勝裏有花如送客

喜眼前唯醉可銷愁新年未與尋梅約好友何煩出谷

求廊廟山林俱分定勸君莫作杞人憂時聞西隣將出師原作有江湖

時有廟堂憂之句故云

元夕奉陪白近薇中丞滄浪亭燈宴二首

湖亭佳處郭東偏元夕剛逢雨霽天碧浪影翻空際月

紅雲光拔火中蓮開成爛熳千枝艷散作溟濛萬井烟

共識與民同樂意滿城簫鼓卜豐年

俊遊不上臨江閣畫檻回欄似畫舫六曲屏山燈錯落

四圍花氣水澄鮮詞人愛赴西園燕野老來衝北海筵

借取米家詩一句群賢畢至愧居前

傷李氏外孫朝英

六歲初從傳。居然肯路成。見人知禮教。憐汝太聰明。後嗟無服。悲來劇有情。可堪遲莫眼。洒泪為彌甥。

屋漏詩戲次陳搖上楊東唯唱酬韵二首

昔漏恆在雨。今漏乃在雪。來絮飄搖雪。止汁淋瀝居。停同宿。夢作載骨溺。寧煩中流壺。賴有中唐麗。家僅習承雷。仰面工伺敵。一瀉如懸河。餘聲猶點滴。陰晴杳難占。巢鵲虛架搆。探^著得未濟濡尾。且濡首歌。眠起危坐靜。聽徹宵書或疑。緇羸瓶將毋甕。救漏移床無避處。計拙等困獸。朗誦抑之篇。不愧庶不疚。

哭李增暘谷二首

明珠乍失掌中珍。一慟寧知竟殞身。生怕迴腸唯弱女。

死難瞑目為重親。短長夢欠從前債。露電光銷過去因。盡賣琴書供薄殮。世來家誰信本來貧。頭白歸來所向窮。哭兒哭婿六年中。每因小別愁余病。豈料重來送汝終。事到傷心難自遣。天留望眼頓成空。分明識得泥洹路。何取人間作老翁。

傳經圖詩柴陸升厲賦

自從科詔興。六籍傍注脚。先生玉為律。子弟珠在握。修畛接菑畬。連楹開溝壑。主張三尺喙。出入四寸學。九牛群附毛。五鹿罕折角。可憐遺經在。例取來高閣。前聖多微言。斯人孰先覺。柴生名父子。雅慕過庭樂。淵源想授受。俗筆恥輕搦。向來逐時趨。有力不加如。聲回思巾笥。

業。至味餘香。穉髻圖畫中。梓材勤樸斷。人生不朽名。
豈必一第擢。舉場雖云淹。世澤優且渥。傳家庶無忝。作
計良已慙。我亦章句儒。詩成有餘作。

白近薇中丞招遊廬山信宿秀峰寺得詩四章
開府香山後。匡廬洵有緣。官雖膺節鉞。性自愛雲泉。騶
騎行長減。齋壇禮必虔。每逢三月節。來此祝光年。
御扁名新換。山門向不移。法雲開廣剎。佛日獻晨曦。嶺
客蓮花幕。即君瓊樹枝。不嫌衰賤跡。兼與野人期。
舊識金繩路。重恭玉版禪。却從扶杖日。數到入山年。
一月余游開先心壁禪師亦于是白社名相亞靈峰會
歲十月來王法席今二十九年矣公長余一歲
儼然所慚根器鈍得道讓兄先禮當稱師兄

玉峽挂雙龍。飛來自半空。風雲聲忽合。山澤氣常通。法
乳流相續。僧庖給不窮。漱牙還洗眼。兩度記衰翁。

過萬山寺有懷熙怡長老

我愛熙怡叟。對人雙耳聾。重來門徑改。久坐影堂空。雲
氣微茫外。湖光隱見中。萬杉何處是。眾二但松風。

重憇棲賢寺有懷角子禪師

再到棲賢寺。蒼涼憶角師。雨中煩設榻。燈下對論詩。存
歿初難料。興衰各有時。袈裟來揖客。舊識小沙彌。

恭謁白鹿書院

五百僧房外。巋然一講堂。曾蒙君子教。湯惕菴前輩似。
到聖人鄉。六代詩書澤。千秋翰墨光。大成殿懸對聯御

老思歸宿地。端合掃門牆。

舟發南康不及過圓通寺聞老衲果庵年八十

餘精力尚如故以詩寄之

名僧多示寂。王中林曰宗雷西林曰宗魯大
曰眉生今。刺爾古須眉。夢想曾遊處。亭憐夜活時。圓通
皆下世。居初故蹟也。無此身俱向老再見恐難期。石畔逢圓澤。
三生未可知。

星子毛明府餉廬山新茶

山中摘得火前春。茗籠分嘗味取新。我若校書君作吏。

暫時相對作閒人。

答湯碩人見投三章次原韵

南豐湯仲子。投我好篇章。世講久弥篤。交情淡故長。探
懷餘湯刺。入坐接清光。翻惜相逢晚。須眉各老蒼。
此地論文獻。君家一老泉。富留書萬卷。貧守屋三椽。宦
業鄉人諦。儒風令子傳。滄桑多少事。援筆意茫然。
世味酸鹹外。才名出處中。追遊憐兩散。持論戒雷同。冉
冉年垂暮。栖之道豈窮。教行相慰藉。別後見深衷。

題李次侯太守小照

白沙翠竹曾題句。十八年前為司農公當日將君比鳳

雖十八年來留望眼。重看老蚌出雙珠。圖中兩即君

題亡婿李暘谷小像

跡此之才。馴良之德。何以馭之。勿盡其力。解人間逸足。

一日千里。最哉十駕。終期至止。解昂：家駒。觀游洋海。
齒雖加長。塗未及半。解吁：嗟殞矣。神理則那。式瞻遺挂。
傷如之何。解四

題朱弟園種菜圖

食肉何當更食魚。筭來無味以園蔬。勸君勤把金鴉嘴。
種後工夫尚費耒。

南昌客舍贈別及門樓敬思赴廣州理謫同知

任

劉丹名諸生。才氣壓流輩。曾携一尺管。出入三殿內。憶
昨值武英。纂修端汝賴。囊錐看脫穎。萬里宰苗寨。初任粵西
靈川手掃烏白蠶。如鉏薈草艾。屬鞬偶然事。竟以功奏

取。邂逅兩中丞。

陳乾齋

楊天爵

薦剡趣入台對。

至尊記名姓。

寮案增眈眈。去日雪源浮。

來時浪澎湃。南州重面見。

面。

勸喜出意外。告別乞贈言。

行赴五羊倅。官非百夫長。

願。

領弓刀隊。公然專城居。

唯諾視進退。猛弓亦民耳。

在宥。

託履載牧之。則牛羊櫻之。

則蜂蠆皇天本好生。赤子彼

何罪。使君來撫字。茲理諒不昧。

男兒屬有才。官職大可

耐。守身等藏器。况乃高堂在。

三年詎久淹。典郡屈指待。

子壯我衰頹。後期恐難再。

殷勤效苦語。凡百幸自愛。

陸聚維楊東。唯自豫章歸。

應本省鄉試。口占一

律贈行。

西陵來往渡。南浦別離筵。

得臨亭論晚。同舟况是仙。

陸

律贈行

西陵來往渡。南浦別離筵。得臨亭論晚。同舟况是仙。陸

應慚願後。楊首讓盧前。倚賴秋風便。佳音望早傳。

周子象益竹垞先生外孫也。將歸索句贈以二

章

驅舫竹垞流風在。名家世孰知。魏舒真宅相。王粲且傳書。雅量能容眾。清言足起予。搏扶看直上。無分借吹噓。

學力君加富。年顏我就衰。江天星復散。人世首重回。會合知何日。殷勤盡此杯。應憐歸未得。一老尚風埃。

中伏日題瑞金楊季重秀才深隴梅花圖二首

我昨曾遊大庾嶺。梅花鵬月已全開。君家想在畫邊住。那不叩門衝雪來。

矮屋踈籬曲。通。何來一陣過溪風。人間炎熱無處避。好入先生溽詩句中。

七月二日大雨

昨日。蝕蝕今日雨。陰陽氣候迥不同。九津怒漲北流水。一榻快受西來風。威挾雷霆尋丈外。氣蘊草木須臾中。牀頭有酒且獨酌。不覺連釀瓶為空。

白中丞內擢少司農以述懷詩索和次原韻疊

成四章兼以奉送

西江清望冠群倫。帝眷寧容遽乞身。公時引疾奏請內及見知仁風翔率土。詢知直道在斯民。時方入闈士試意在分頒條教家。奉入告封章字。真。漫說武陽

遺愛古。何如今日滿江津。

善政年來次第陳。先憂後樂總關身。波濤脫險便商旅。兩露流膏徧士民。功被千秋心轉細。碑傳萬口語皆真。贖留一事逡巡在。未濬三湖及九津。公嘗欲開豫章溝以蓄洩東湖之水

之故及

出膺旌節入垂紳。遠近同歸祇潔身。地重何妨獅是貳。

風清尤喜部稱民。匡持有道持孤介。報國無慚任一

真。貪把新詩再三讀。篇終餘味尚洋。

南來小住俄經歲。萬卷堆中寄此身。下榻久欣依地

王。僑居直欲作州民。雲泥相望殊懸絕。筆札時傳結怒率

真。惟得臨分猶戀。白頭無望客平津。時志局將後余亦將歸矣

讀易至噬嗑。適德尹以黃芽菜見餉。戲拈一首。

噬肉何煩減鼻為。頤中有物好觀頤。齒牙落後剛難克。

舌在差於軟美宜。

客江西踰年歸來。庭花盡萎。惟紅梅一樹無恙。

徘徊其下。偶成一律。

百卉全搖落。孤標者見稀。闌筇枝並瘦。刮目蕊添肥。去作經年別。來如度嶺歸。從渠開早晚。暮與驗發生機。

臘寒

澤國愁冬早。茅齋閉積陰。鵬前雷忽奮。歲杪雪方深。肝

前雷電。苦竹叢相亞。踈梅冷不禁。負暄宜野老。人有向

陽心。

敬業堂詩集卷五十

海寧 查慎行 悔餘

漫與集下 起辛丑正月盡
壬寅十二月

辛丑元日用數目字口占八句

吾生七秩又加二。五老今為最老夫。同宗五年居長兄弟
四人三並宅。兒孫八輩半將雛。從歸田後九年兵。自反
胸中一事無。幸戴堯天逢再閏。龍飛六十效嵩呼。

題女史陳書畫松

蒼顏白甲之而擎攫。振五鬣兮三針。瀉長風兮一聲。人
稱孺子之龍。自比亭之之鶴。噫世無張璪與畢宏。乃令
閨中女士為爾填丹青。

一日立春德尹招同諸弟小飲

總過人日恰逢春。隔宿招邀及令辰。鴈雪消檐呈獸瓦。
凍醪吹琰起魚鱗。追驪夢忽踰三載。榆村李万兩兄歿于戊戌之冬此會

久踈門健天猶剩五人。一事能無咄過分。華鎧不稱在

家貧時潤木自治 驚蟄前二日偕寒中德尹西阡探梅

夜聞枕底殷雷曉約酒伴尋春來。沆雲欲釀社翁雪。
雨驚蟄尚慳人日梅南枝北枝渾未動。一朵兩朵俄先
開。婆娑其下索共咲。頭白更何煩汝催。

後七日曾三弟招同諸弟再過西阡看梅歸飲
其齋中續成一首

耀眼千頭與萬頭。十分可有一分留。但逢酒熟邀同醉。
不遣花開悵獨游。老至幾曾辜節物。頻來直為近松楸。
杖端携得苔枝去。趁取燈前爛熳酬。

雨中得川法師携新詩見示兼謀及卓庵地因
次東林講席舊韻贈之

吟興吾全減。煩師為鼓宮。病堅持戒力。聞得念經功。
有路宜防滑。無塵可礙空。一瓶兼一鉢。萬事付痴聾。

春寒

鴈雪兼春雪。春寒甚鴈寒。池冰開復結。野服袂如單。
砧戶憐群蟄。移盆誤蚤蘭。靜中潛物度。應得後時看。

。十二日喜得長曾孫長齡詩以志之

昔作京華客。曾傳孟浪言。教年前友及至京師
十年留望眼。今日慰哀門。及接家信乃曾孫女也
堂湯餅會。老淚暗添痕。傷大
鬢髻何煩鑷。孫枝又茁庭。此也渾忘吾短景。且祝汝長齡。仍
世慙黃甲。他年免白丁。方岳石孫愛命詩得免白丁矣啻足留傳窮事業。
十葉有專經。予家自大理公而

黃雨梅無雨嘆

舍南舍北單鳩鳴。入梅入時一月晴。蘊隆蟲。地欲裂。
日出果。天無情人間。只有為農苦。天且不憐誰恤汝。
踏車時節亟催科。敲朴穀中泪成雨。吳郡志吳人以芒種日謂之入毒後
之入時

夏夜

星火乍明滅。螢光入檻流。近來渾少睡。夏夜長於秋。

久旱田禾多被蟲蝕。隣翁來告。紀之以詩。

氣羸滋百勝。毛詩箋。暝。勝之屬。四虫盛。陽氣羸。則生月今百勝時起。是陽行而生。陽盛則虫起也。
早魃尔何驕。赤壤沙泉涸。青天野火燒。憑誰祈好雨。無力救良苗。亦有憂時意。徒歌漫作謠。

佛抱入洋名基德尹長子也

屬望無窮在。員繆弟子充。禮應加冠字。年甫及成童。方
治名家後。門閭喜氣中。向憐生校晚。猶足慰而翁。

立秋閏六月十六日

半年分節序。兩月度炎曦。天到涼生候。人如病起時。斬

藤蘓老引蔓上枯籬稍悟栽培理勞生未敢辭

遣悶五首

蕪荒十畝田活計聽見輩老翁無外事灑掃此庭內庭
前手蒔花早久仰一溉一溉力尚能求多非所速
葵藿知傾陽牽牛故自匿秋來常早起及此好顏色引
蔓爾許長敷榮憐頃刻人生亦朝露乃復為太息
布幔設多年與人拒炎威狂風忽吹裂屋角颺酒旗迨
茲暑將徂補綴聊撐支有情憐故物何必遽改為
連道吾未能課孫比課子隔牆催上學初日漏牕紙雷
霆夜來過似聞林下螿惟有讀書聲琅然偏入耳
涉世已七旬勞形非一徑當時快意處哀退多成病吾

哀吾病宜壯健時豈更鑿無奪胎法勿藥粗安命

禱雨辭

康熙歲辛丑閏厄六月杪五行火息水金氣鏗原燎
萬性不齊可憐群就燥焚如到松竹况乃灌溉草毛詩傳童
梁非灌既之薪醮等摧殘庖厨助煎爛井枯池亦竭是
草得水則病薪醮飲且維艱腹枵詎易飽苗田溥斯害立作
處開龜兆瓢飲且維艱腹枵詎易飽苗田溥斯害立作
棲苴槁民病思下泉吏才貪上考方徵晉陽絲官藉琅
琊稻吾寧忍聽睹獨卧憂悄悄巷北走里巫門前來野
老紛然聚其族愁嘆際昏曉或云堯湯年七旱九水潦
周官列荒政六祝五禱村中有神社裡自唐宋肇曷不
往乞靈庶登稼穡寶杖藜隨伴出趨此星月皎敢辭衣

世累一作世累當從

涉露翻覺沾濕好。古廟散群鴉。荒遊無汛掃。片香。唐。年。
炆。覬。徹。星。象。表。土。偶。了。不。聞。吁。嗟。向。晴。昊。天。門。跌。蕩。
赤。日。仍。杲。感。應。理。豈。無。祈。年。或。宜。早。况。聞。兵。猶。火。旱。
寔。兵。所。召。不。見。閩。海。疆。燧。烟。接。窮。島。出。車。當。此。際。虎。旅。
正。南。討。兩。邦。封。壤。連。免。幸。輓。輸。掇。平。情。易。地。校。擇。禍。此。
猶。小。歸。各。語。兒。孫。家。貧。善。自。保。世。累。苦。人。多。豐。年。古。來。
少。唐。人。成。語。皆。用。

勘荒辭

稻根攣縮稻葉焦。宿田稂莠方驕。農夫告荒乞申愬。
踏勘翻逢官長怒。催科之吏。晨下鄉田。今如此。何云。
荒直須野無青草。木黃落。始信天殃。魁行虐。

七月杪雨二首

亢旱經三月。農占候畢箕。田間苗槁後。天上雨時來。時。
偏。既。雖。無。補。為。災。未。可。知。左。傳。自。十。月。不。雨。至。於。五。月。
勘。荒。而。不。眼。前。飄。飄。飲。足。相。勸。忍。朝。飢。
報。災。故。云。不。眼。前。飄。飄。飲。足。相。勸。忍。朝。飢。
用。盡。耕。耘。力。云。誰。憫。作。勞。老。夫。憂。灌。赤。子。訴。嗷。直。
怕。禾。無。種。上。非。閩。土。不。毛。但。看。稔。與。稗。得。雨。尚。能。高。

五十韻

聞制府滿鳧山同年恢復臺灣郡縣馳詩遙賀

甌粵梯航路。宗臣帶礪盟。十年開大府。萬里寄長城。地。
重。緩。猷。遠。天。高。伏。莽。清。鯨。鯢。安。有。截。蛟。鯉。靜。無。驚。近。置。
臺。灣。郡。仍。沿。海。上。名。荷。蘭。初。窟。穴。日。本。繼。兼。并。古。未。通。

中國今方列外瀛。漳泉資杆禦。羅鳳拓屯耕。畝稅登諸社。郵籤紀十更。官從遷轉便。商視去來輕。守土非憑險。浮家慣逐羸。盛朝當遠馭。小腆忽潛萌。側聽妖氛起。懸知羽檄橫。厥初傳警急。其勢劇猙獰。劫庫俄焚署。拳旗遂斫營。群呼烏易舍。岨負虎難櫻。推赤虞懷毒。藏奸慮沸羹。點維同鼠竊。貪或甚狼爭。即事歸經畧。何顏敢抗衡。大都道藪澤。不異聚山棚。幸可鞭箠及。寧容癘疢生。撤烽宵拜疏。傳箭曉提兵。詎待師中命。方專閭外征。廈門移玉帳。浪島接金鉦。風雨來馳驟。雲雷動滿盈。謀猶元老壯。紀律丈人貞。勦撫宜兼用。恩威在並行。蠶應周後甲。翼必戒先庚。銷鏢燬蒸氣。宣揚赫濯聲。熊羆供

皇字當空一字寫

臂指金石貫精誠。遣將符分竹。潛軍木渡壘。登厓持赤幟。映水載青旌。餘勇收番舶。前茅破咏評。竟禡關白魄。那免夙沙烹。束縛駢頭至。枝梧一足躉。乞降殊慘澹。積困失趨趨。立見屍填壑。毋須觀築京。搗巢腥髡高。奏凱日晴明。鋒鏑見童避。壺漿父老迎。別甄功罪吏。招復版圖祗。六月戎車飭。三秋賊壘平。踰旬除狻猊。刻日掃檉槍。師貴神而速。功惟斷乃成。東漸敷聖澤。南顧慰皇情。優詔更蕃錫。殊恩委任榮。墨線煩視事。華衣重留鄉。坐握中台節。歸影上相纓。雲臺星象列。麟閣畫圖呈。公自修文德。人皆賀武英。誰搽燕許筆。好勒鼎鐘銘。

重過青芝山展座主徐公墓

再入青芝路。佳城四望開。伏龍延地脉。馴鹿卧松栽。兩
世。思加厚。新公于大司空亦奉千秋首重廻。老餘門下
士。知得幾回來。

題武進楊笠乘孝廉詩卷二首

少陵上下古今意。多在成都十一篇。杜集中戲為六絕
及解悶五首皆在
成都時作元裕之。愛爾論詩續元後。不曾餘瀆拾前賢。
論詩三十一章。做此。愛爾論詩續元後。不曾餘瀆拾前賢。
都序誰能重太冲。賞奇兼恐乏司空。還君行卷為君嘆。
可惜不逢潛采翁。謂竹垞也。時楊
以詩乞序故云

題崑發九還圖

陳生示我九還丹。圖丹青妙絕神與俱。鏡中有花水有
月。湛々之體如太虛。三身一性塵無惹。離相方能超般

若。畫中看畫孰為真。形外寓形多是假。老夫好佛不希
仙。著句殊非蠟脚禪。觀色觀空。即色與生同。大羅天。

沈仁山送菊

閒居愛重九。斟酌吾誰與。一棹赴嘉招。對花兼命侶。陽
前一日。昨為芳圃客。今作柴籬主。也擬續前遊。臨觴愁
獨舉。

與平湖林明府鳳溪

一門託契凡三世。幾處追隨共唱酬。鄰邑喜來賢父母。
京華恍接舊用儔。庭間韶管民無訟。戶采風謡歲有秋。
何物比君官况好。東湖九派是清流。

食蟹有感

一本志字下無云字

稗是荒田稻。民間告敢飢。無腸憐若輩。多足自能肥。抱朴子無腸公子蟹也楊子一蟹郭索注云多足貌

德尹梓樹橋新居落成詩四章

喜聞成室在斯朝。淡水橋東第二橋。咸淳臨安志云藍水塘義取去塵兼近市。塵易說卦疏為白取其風吹去聲。
傳伐木似遷喬。粗營別墅三間足。只隔西阡百步遙。指點小時遊釣處。幾人白髮伴漁樵。
同居同爨原初志。莫問陶菴與邵庵。用虞伯生宅買一千隣百萬。謂曾三山環東北。戶西南吹來隔岸畦風好。汲處通泉井味甘。我比斯干還善頌。不生女子但生男。晨霏暮靄接氤氳。邾魯敢從擊析聞。三里詎同千里遠。

香山詩只如白話是令
七姬點頭也

子瞻與子由詩有不見兩家初自一家。分子孫賢必師。便同千里遠之句。聽取王褒申後約。力將洒掃代耕耘。吾儉童僕頑頑策以勤。

梓材自昔宜丹艸。得地今堪里巷誇。三徑垂成先補樹。十年作計勝栽花。首堂首構情相屬。為瑟為琴事豈賒。從此老兄長蓄眼。莫教桐樹讓韓家。宋人稱韓子華兄弟為相樹韓家

第七孫生戲作洗兒詩

家門為祖難辭老。人世生男不壓多。祝汝長成無別法。

小名端合喚僧哥。歐陽永叔家小兒有僧名者一長公嘆曰人家小兒要易長育。往借賤物。佛何取此名。為小名如狗羊犬馬之類是也。聞者絕倒。
題雙松晚翠樓圖為昆陵仿在封君八十雙壽

歷一作厭

一本注中作和凝有
集百卷云云

一本作四絕句

八十年前十八公。當時手植今成龍。畫師畫龍非画松。
墨光散作雲蓬。二仙山如雲凡幾重。雲開日出露兩峰。
丈人卓立碩且豐。天姥娟秀排芙蓉。其下雙幹爭相雄。
蟠根厚地靈氣鍾。茯苓雪白琥珀紅。倒拔千尺摩蒼穹。
棲居乃在翠蓋中。何來巢雀鳴向風。此聲不共凡聲同。
殷勤寄入瓊瑤宮。李義山画松詩
路入瓊瑤宮
徐茶坪題拙集見寄四絕書來索和戲次原韵
論癡符比和凝集。王伯厚云和凝為又以多為富有集
百卷自鏤板行世此顏之推所謂後
癡符敢望人傳入。瓶林土炭自慚殊少味。可堪分啗與
知音。用柳子厚答
崔黯書中意
及記雲藍咏舊聯。近從吳體得新篇。玉溪才藻世無匹。

降格如何擬下賢。

年少楊郎有舅風。句如彊敵體兼工。

令甥楊笠乘此心
亦有詩見寄

相醉不在酒氣味。清于象鼻簫。

一犁歸老傷時晚。四海論文咲眼空。輸尔得名三十載。
頭今未白蚤稱翁。

吞金吟為烈婦葛曹氏作

之。死以自誓。義惟殉。藁砧如松。無改節。匪石豈轉心。萬
古有長暮。千秋乃自今。誰編烈婦傳。采我吞金吟。

周柯雲以詩索酒戲畬之

白墮成烏有。用章子厚青趺化子虛。杯乾重九後。麈卧
送酒事。無酒誰酤我。空函好報渠。乞漿須在
七旬餘。以工四句
僕自謂

跌一作跌

酉古語云太歲在酉乞漿得檢曆問何如
以溲酒一罇貽柯雲聞其有和詩三章而不見

寄意蓋嫌少也再作此調之

賣菜多求益為君酌損之一罇供卯飲半醉聽晨炊得
隴宜知足將詩博解頤木瓜期永好投我勿遲

懷紹姪

聞汝携妻櫃辭親自北旋荒涼傳旅食時山左迢遞起
租船野燒千林斷河水十月堅可無書一紙安穩報殘
年

喜雪

雲氣低迷海氣昏窮陰連日暗孤村兒童起報夜來雪

九十九峯齊到門

家三茅舍爨無烟何法商量抹目前鴉鵲啄泥墮入地
好從來歲望豐年

再過當湖喜晤翁羅軒

無事能相憶扁舟兩詣門秋田經夏曠冬日就春溫身
健長如此官貧且勿論別中安慰意各喜得曾孫

羅軒屬題伏節渡海圖

浮山來自東海東合羅為一羅群峰中有仙人五色蜺
奉使遠赴蓬萊宮下視古珠崖浩積水空乘槎客星
天上落文光南射扞長虹飛報海神正直能感通神
之來兮蜺以告百匝旋繞官艤艦高桅枝亞樽桑紅前

驅蛟鱷逃魚龍。坎男平展一泓水。巽女順致三更風。須
臾歛渡五百里。自我往矣歸來同。回頭却望九州外。際
天一氣青濛濛。繪圖兼題詩。好畫亦工為君展。畫指
雙瞳遠。形開栩栩中。昔遊非夢恍如夢。此境試叩蒙
莊翁。

賑飢謠

官倉徵去粒。珠兩解。米充一斛輸。官倉發半糶。穀一
石纔春五斗粟。然糠雜粃煮淖糜。役骨自飽民自飢。吁
嗟乎眼前。豈無樂國與樂土。不如成群去作倉中鼠。
兀坐吟效香山體。兩官互為用。缺陷相彌縫。今
贖者視。惟明盲者聽。必聰。兩官互為用。缺陷相彌縫。今

今我殊不然。眼暗耳復聾。無聞亦無見。兀坐成癡翁。逝
將塞其兌。毋勑說雷同。作詩以自箴。庶免為口窮。

兩月來連送荊州李方兩兄及聲山姪葵感賦
吾宗哀已甚。寔步復連句。剩得扶犁手。頻為執耒人。暝
知魂魄妥。儉諒子孫貧。幾點將乾淚。偏傷後死神。

潤木陞學士

初傳當改秩。

京堂員缺弟見隻日忽宣麻。唐制學士院冷

署官仍連。

空囊俸稍加一門岐出處。二老借光華。渭余與德

尹借光華。

人稱東西屋都稱學士家。

七十三吟

壬寅元

白髮高堂笑語參。滿卮春色進黃甘。雞聲驚起兒時夢。

五十年前二十三夜夢先父母在堂兒孫群奉觴上

背合時年經二十三恰追憶五十年前先安人見

憶在武英春殿裏五更水雪趨朝叅而今日宴猶高枕

夜甲周來又十三余年六十奉旨領武英書局

送春簫鼓到城南詩被催成酒半酣此景回頭如昨日

年開八秩又加三有硯田別有耕犁叟已見年開八秩

時之

我嘆山陰老學菴閻中往好高談隔年甫乞宮祠祿

又嘆窮愁七十三陸放翁年七十二再乞領宮祠其詩

哀明年又作七十三吟則云髮無可白方為老酒不能賒始自貧何前後自相厭也

三杖篇并序

癸巳夏將出都揆副相自塞外寄送赤藤借山上

人亦以莢枝贈別乙未春客遊三山老友林同人

復貽椶竹一條先後有詩報謝爾家居無事世

出世間同心無幾感茲故物久與周旋遠街故舊

之情近資將伯之助老懷悵觸不覺長之長也

文端揆公遠寄七尺藤瘦筋入骨堅稜林翁近貽一

尋竹肌理年深滑如玉紅椒所贈材稍慳稱意亦復輕

而園初白庵中幽獨叟一杖三成四夜平生遊好凡

幾輩及此哀遲誰耐久自獲得三杖重結物外緣導前

行徐願影來翩不傷世尊面不倚洪崖肩不化葛陂

龍不恭八棒十三禪入我左右手不計於國於鄉年有

時課農桑。卓立古路邊。有時問酒家。高挂阮修錢。有時
步簷看牛斗。有時曳向柴荆前。有時登臨試脚力。扶持
直上青山顛。有時用其一更番。出入循環然。有時一不
用。舍則藏耳。非棄捐。人皆嫌我懶。爾乃周旋護其短。人
皆唾我迂。爾胡步二趨亦趨。杖兮杖兮。爾之三身本一
身。釋典以法報自天。作合非無因。吾方愛爾如弟昆。兮
親。爾如子孫。管何有乎管。鮑兮何有乎雷。陳彼同年者
皆四海九州之人。兮又何勞履我。即而過我門。皆四海
九州之人。語本昌黎

兩日前曾三弟見過面。訂人日看探梅之約。忽
為雨雪所阻。書來請卜後期。以待代東。

豈料看花約。翻成雨雪期。興非今日減。力較去年衰。晝
夜何須卜。陰晴未可知。蟄虫行啓戶。聽取震來時。吳中
以梅

為鷲蟄花後十
二日交此節矣

正月十日赴曾三之招。偕諸弟西阡看梅。

好是花期卜復更。前四日見邀
為雨雪所阻夜光照雪眼尤明。禁當
臘底連旬凍。報春春來兩日晴。人事過年多度態。天工
於我豈無情。肩隨諸弟頭皆白。又作山前一隊行。

席間戲嘲德尹

合與寒梅作主人。夜時往亦稱賓。東家酒熟西家醉。
卜宅方知為卜隣。德尹新居西去曾
三絕數十武故云
元夕招諸弟小飲二首

教。貪相見。寥。嘆索居。為歡宜卜夜。隔宿費傳書。歲
儉稀村鼓。園荒賸野蔬。勸餐殊少味。亥日也無魚。香山詩
日沙頭始賣魚。今從市中覓鮮鱗。不可得故云。
海國春長晦。山堂冷欲冰。一尊元夕酒。幾盞舊年燈。取
樂非絲竹。披懷勝友朋。薄雲如作意。相送月微升。

驚蟄前一夕大雪壓折庭梅一桮

驚蟄。庭梅發。方當爛熳期。橫遭連夜雪。盤折近窓枝。枯
菟原。閑教倚。儼詎有知。老翁為蚤起。惆悵獨移時。

送沈麟洲之任文昌兼懷同年盧仲山及門孫

洪九時盧寧隔高孫寧瓊山皆文昌隣邑也二

首

以下另是一首

去國資裝儉。嚴里數長。初為東傳客。舊是校書郎。碧海
天無瘴。生黎峒有香。故知非俗吏。改邑領文昌。沈於武英書局
謀叙初掣茂交遊多遠宦往。隔音塵復此臨歧路。因
明改授今邑。之憶故人京華送孫楚。壬辰冬與洪九別江閣別盧綸。已亥冬於南昌
送仲不附書相寄。為言嬾是真。

次韻屠艾山中丞閱吾邑塘工紀事四首昔少
陵和次山春陵行而不寄元竊仿其意聊志築
塘始末沐膏澤而咏勤苦草野之情自不能已

重闢山海底。出桑田。極溺心勞豈偶然。土本無情能刻
水人今有力可回天。行看馮鹵同割鹵。時至前賢讓後

賢從使海塘。似鐵。咸淳臨安志。鹽官縣一城何至萬

家全。槌石頹林徧井閤。剝膚長恐化為魚。但祈河伯新相屬。

或覬陽侯射可祛。前此有用築河隄法。課民間下策。隄

防多類此。頻年番錦。取憐渠。賴君來砥中流柱。歲晚方

休力役車。雲夢寧論八九吞。閒憑里老慰驚魂。身隨汨出餘生幸。

眼見塵揚有教存。萬竈騰煙迷黑白。二儀噓氣判清渾。

蚊蠆遠徙鳧鷖樂。汎渚眠沙北在壘。

漁帆樵船任西東。夕夕朝朝兩信通。龕藉鎮江收牡鑰。

塌犬綿岸吐雄虹。幾人築室如謀道。他日為輪效轉

蓬。千古隨刊歸禹蹟。未聞海外奏神功。

德尹自新居乍歸。復有吳行朝來偶過補屋亭。

夷自方花口占一律。招芝田弟小飲。

主人昨日返先廬。冒雨連宵又入吳。乙鳥不巢書屋冷。

辛夷自落海棠枯。迺前舊有海棠一本。今萎矣。剩留寂寞娛詩老。那

免顛狂憶酒徒。小摘畦蔬供薄醉。眼前有景肯教辜。

喜韓自為過訪村居

吳興前輩盡。尊甫子遠先生及海角故交。疎豈意停歸

權猶煩訪救廬。宋詩千載後。詩為有近話。舊十年餘村

野無供給。非君孰涼余。

雨中牡丹戲作吳體

錦帷錦幃貧家無。風雨故來侵汝膚。半黏半落袖上唾。
一酒一斛懷中珠。為誰含咲忽成泣。向我低垂可要扶。
安得南唐名畫手。調丹與寫沒骨圖。

楊致軒命工寫補衲圖自題四絕句大抵皆萬
言初白老人不欲一語道破贈以六言四偈拈
華微咲正不必從大眾索解也

偏仄藕絲針孔直從古。到今還珠誰開左手補衲自
貯苦心。

情難校銖輕重。口戒言雖有無。待赴投鍼機會耐加磨
杵工夫。

隨身不挂寸絲。傳法纔留一縷。本來無縫天衣。忍說西

穿東補

去且打包行脚。歸當縛律坐禪。金粟影中題頭向木犀
香裏因緣。

題施自南竹林小照

龍蛇虺骨能治虎豹看皮自文。筆底吟風嘯雨眼前障
日換雲。

白鶴蹤留千子。青鷺尾散毳毼。七賢六逸何處。讓尔獨
往獨來。

瞿粟花

投種記中秋。向榮及初夏。閱時嫌汝久。開眼迨我暇。穀
雨初過句。牡丹已前謝。繁葩相繼發。紅紫美嬌好。轉瞬

三日中流光激如射紛：豔質委一：青房亞威感此
花得名象形出假借罌儲能幾許囊括乃無罅亦囊自
從去年早穀貴吁可怕野人方忍飢望爾甚望稼謀生
遑遠慮是物貧速化少待粟粒成石鉢付碾研煎熬比
牛乳何有乎燻炙撐膈或無力養胃庶有藉以上六句
煎罌粟湯
法見蘓子由此法勿輕傳吾將索高索價
藥苗詩中

初夏連雨獨酌

夜倒茶糜架朝翻芍藥叢只消三日雨又過一番風春
事眼看盡芳樽誰與同朱櫻青豆美問我忝隣翁

喜晴

麥壠風來煮繭香桑疇雨過熟梅黃好花辭蒂半成土

新筍放梢齊出牆習嬾連朝忘盥櫛為隣幾戶返流亡
曝書曬藥吾生事也逐田家四月忙

閒中觀鼃龜作巢惡其顯發禍機而憐飛虫之
不知避也感嘆成十四韻

長騎蠩蝓族天生性不憐廉醜形舖尔腹毒網匝吾簷
一目初抽繭千絲乍滿奩團行小磨細織踈簾巧
自星邊乞身長屋角潛女工偷徧徑去軍法竊鞞鈴意
阱方施設心兵孰戒嚴蟻螻穿孔礙蚌蛭被黏黏竟少
周防智能無掩襲嫌此難逃越味彼或遇羅鉗有命肯
愁觸靡求不取魚禍憐飛處召貪問幾時厭物類多相
賊生機豈盡穢微吟聊託興即事感旁觀

次韵同年李眉三南昌署中見懷之作兼寄令

弟少峰明府

瓊林一會散如煙。官職才名孰兩全。却種花栽錦手

眉三曾江好題。濯錦浣花箋。戲用韓浦聞君唱和成

都今去官集使我低徊憶往年。安得因風生羽翼。難兄難弟共盤

旋。

得泉法師自徑山歸以茶笋見餉戲畵一偈

茗柯寔理難。悟玉版新參孰。偕何福消磨清供。為師二

十九齋。吳仁璧詩二十九齋餘日在清君相伴醉如泥

小暑勸農辭

兩旬赤日過平黃。梅稻針渴水田生。埃人情可憂去年

魘。天意笑回小暑雷。農占云小暑一聲雷倒披蓑走勸

耕。稷侶斗柄指丁宜。藝黍四方水旱吾不知。近與村隣

紀晴雨。淮南子云夏至加十五日斗指丁則小暑一本淮南子下少云字

送楊致軒赴淮上並簡總河尚書陳滄洲

營生歛畝中。外事百不知。夜枕來好雨。晨興課耕蓄。有

客將出門。扁舟過我辭。云當渴父執。遥汴清江涓似聞。

淮黃交海道。廢不治。上流漸填淤。漕粟行遲去冬教

萬艘。回空去悉後期。河臣日坐嘯。公帑徒虛糜。九重

南顧憂。宵旰允在茲。天下有鉅任。楚材起當艾。矯湘

潭公望。陸朝野。毗司空職水工。特簡非疇咨。下車甫

三月積獎端。登別開延攬。逢奏入報可隨。願惟需

次韵同年李眉三南昌署中見懷之作兼寄令

弟少峰明府

瓊林一會散如煙官職才名孰兩全聞却種花栽錦手

眉三曾宰江好題濯錦浣花箋戲用韓浦聞君唱和成

都今去官集使我低徊憶往年安得因風生羽翼難兄難弟共盤

先武紀叔趙德王子林祚以下者王印居成
帝子子雲王為天子

得泉法師自徑山歸以茶笋見餉戲畵一偈

茗柯寔理難悟玉版新參孰偕何福消磨清供為師二

十九齋吳仁璧詩二十九齋餘日在清君相伴醉如泥

小暑勸農辭

兩旬赤日過平黃梅稻針渴水田生埃人情可憂去年

魘天意笑回小暑雷農占云小暑一聲雷倒披蓑走勸

耕穰侶斗柄指丁宜藝黍四方水旱吾不知近與村隣

紀晴雨淮南子云夏至加十日本淮南子下少云字五日斗指丁則小暑

送楊致軒赴淮上並簡總河尚書陳滄洲

營生猷畝中外事百不知夜枕來好雨晨興課耕蓄有

客將出門扁舟過我辭云當渴父執遥汗清江涸似聞

淮黃交海道廢不治上流漸填淤漕粟行遲去冬教

萬艘回空去悉後期河臣日坐嘯公帑徒虛糜九重

南顧憂宵旰允在茲天下有鉅任楚材起當文矯湘

潭公望隆朝野毗司空職水工特簡非疇咨下車甫

三月積獎端登別開延攬逢奏入報可隨願惟需

才際。適往夫矣。疑憶昨陪南巡。開河議方滋。聖聰斥勿聽。仁被枯骸。使者免冠謝。跪聆切責。辭于時理。北河底績在下邳。莠花千里浪。故道復一支。上考記姓名。把麾旋量移。西涼極邊郡。忍使侍養違。棄官返子舍。色咲依。遶關三年。檀州城形影。首暫離。又在代父旁。父歿扶。櫬歸。銜哀舉大事。免獨力。搢子性。寔至孝。子才故難。羈馬能盛壯。年鬱。長衡。茨大儒。况當道。行矣得所。倉音。依與輕車。就熟路。成此一段。奇我有肝。禹語。殷勤。効歸。義同。輕車。就熟路。成此一段。奇我有肝。禹語。殷勤。効臨。岐子家。門閥高。仍世澤。未漓。願為良馬。逐莫作。芝駕。馳。上為國。惜財。下亦量。已資。謹身。而節用。歷試。何不。宜贈。行意。盡此。或勝。酒一。卮。曹輩豈乏賢。心期古為師。奢須以儉。愛必視于施。

扶頭疑當作扶頭

四時行樂圖為張楚良題

春

眼前自饒春意。何必三十六宮。紅葉扶頭。疎雨。綠楊。踈地。輕風。

夏

蕉陰似薄。非薄。桐葉雖多。不多。竹几。莠。笙。蒲。酒。樓。鞵。蒲扇。接。接。

秋

水北。水南。霜氣。船頭。船尾。衣香。離。人。影。花。影。的。濃。粧。淡。粧。

冬

童子開爐煮雪。幽人倚檻披氈。兩眉喜氣浮動。又得新詩幾聯。

題潘銘三孝廉相馬圖小照四首

房星偶然降。地上有騏驎。紛々阜樾下。孰是九方歎。杏葉鶉未施。桃花色堪愛。君其賞神駿。或在驪黃外。肯有買千金。才誰展萬里。人間高築臺。請自郭隗始。曹霸丹青手。逢人亦馮真。試看相馬者。此豈尋常人。

題沈紹衣遺像

人稱沈隱侯。自比林君復。竹外一梢梅。邊教閭屋。少壯記同遊。廣談讓虞筆。神理宛然存。呼之疑欲出。拙閒吾好友。陳六澹遠吾賢後。家聲兩三幅。上句五十

年前夢。

二人各有題辭。今亦下世。

久在人間世。孤懷語向誰。還將病風手。追和草堂詩。

哭馬寒中四首

含咲君過我。含悽我送君。悲歡夕變來。徃死生分性命。脆如此。流傳駭所聞。從茲當食嘆。不獨感離羣。是日晨餐。為健飯。輟筋後。忽云頭暈。亟遣輿丁舁之。歸中途氣絕矣。

一發真難救。從知病有根。禍深同室鬥。痛徹九原魂。豈少相關意。終慙未盡言。數行身後泪。無補是生存。

十里南塘路。歸兮認故居。一生豪氣盡。萬事蓋棺初。妾守牽蘿屋。兒收插架書。詔謀須善體。兄弟好相於。太息歸田後。何人問草萊。嬾知吾少出。望勤望爾頻來。

造物忍相奪。孤蹤良自哀。徑荒門尚設。行復為誰開。

長生木瓢歌有序

塞山千年松。瘦內侍采以為瓢。覆如蝦蟇。仰如荷葉。中容一升許。體輕而材堅。叩之有聲。乙酉秋。隨

少陵詩語名之曰長生木瓢。八分書其旁。閔臆檢

點。舊物以歌紀之。并邀德尹同作。一本舊物下有偶有不感四字

老蟾。祀沙離。月戶走上寒巖。古松樹化而為癭。質漸堅。雪。錮冰膠肌。理附夜叉。欲割電火燒。贖未及張其背。焦不知閱世。經幾劫。大似箕山。舊掛瓢。中官采。同豫章。樸。兩洗泉。澆出新沐。豹胎。折骨。僅留皮。鱉甲。剝腸。殊少肉。

外。睥。兩。目。頭。微。頤。何。仰。孽。無。柄。幡。荷。旁。敲。儼。聞。聲。閤。閣。中。翁。能。受。形。皤。當。初。曾。把。官。厨。酒。拜。賜。居。然。落。吾。手。今。來。飲。水。每。思。源。甘。與。支。離。分。相。守。詩。人。好。古。命。以。名。杜。章。可。斷。標。長。生。瓢。乎。瓢。乎。汝。之。真。率。吾。所。愛。毋。逞。狡。獪。伎。倆。復。夏。蝦。蟇。精。

建蘭盛放戲成二絕

新芽續。茁陳根。可惜看花眼。漸昏天。與此翁。留鼻觀。秋來香。到弟三番。

名種何須九。碗滋閨。堦也長于孫枝。癡懷尚作明年計。手剪花。齎供佛。羞。

明憲吟

閉眼則見開眼則見明問窓不知多緣吾眼生紛
黑白夜度幻靡定形丈室修止觀滿前水清冷盡除昏
暗鎖勝閱光明經

淨几吟

几淨豈有垢塵來集無端方其初集時拂去良不難既
拂旋復集我勞何時間有心斯有塵應作無垢觀毋為
一塵役流轉心目間

古杏山

先奉政公祠下老桂四株每歲開時

觀者襍沓余兄弟年踰七十曾未一寓目中秋
前七日德尹治具携紹姪及沈氏外甥慎旃偕
往小飲花下得詩二首

釀
一作釀

山從金粟近分支中有吾家古桂祠百尺烟霄扶老幹
兩朝雨露長孫枝天教人健更無事僧報花開正及期
七十餘年輕擲過只爭一日勿嫌遲先一日相約
為微雨所阻
小春天氣清和卻克夫四詩以
月為小春天恰喜招携少長過風
出牆頭香馥郁日翻屋角影婆娑瓦盆酒散三分釀芳
樹攀條一曲歌聊解隣人嘲笑語子孫來少客來多

八月十五夜遲德尹不至

五樹桂團頭番花已殘徑非因客掃月正耐人看世
界果流光速吾生好會難勸酬思老弟獨酌強為歡

重九前三日庭桂復花遙聞德尹自吳門返棹
口占招之

候過中秋已二旬。再開花似為歸人。明朝便恐紛。落
何暇招呼夏及賓。渭東哥曾三

後二日德尹乃來。花落矣。

今年夏旱秋無菊。賴有深叢發晚香。昨日不來今日落。
可憐明日又重陽。

九日不可無詩漫賦

古來此節非今始。天下何人似我閒。無酒無花省留客。
不風不雨罷登山。秋高烏帽黃塵外。興寓踈籬落照間。
獨把一篇洲九日。從他雲物咲慳頑。

吾邑海隄告成。制府滿晃山。疏請立海神廟。以
答神貺。親來度地于小火山麓。皇上御書協

順靈川四大字。錫之匾額。用示褒崇。壬寅仲冬

藩臬二長。祇承臺檄。蒞止廟中。虔恭將事。慎行

老病里居。獲逢盛典。敬賦俚言。以志不朽云。

路轉山迴。海接天高。薨巨楠鎮山前。神封不以公侯重。
重。睿藻長如日月懸。雲散層樓呈象出。波平龍窟抱
珠眠。克民同此安耕鑿。來與君王祝萬年。

戲詠紫頭哥窯唾壺盃

小器託名製。流傳自章一。咳唾承幾人。今來入我室。我
非王處仲。汝口保無缺。

長齋繡佛圖為楊笠乘節母賦二首

庭下一梧桐。初生鳳已孤。桐今高出屋。辛苦鳳將雛。

佛力隨人願。年深事果諧。孝哺能反哺。慈母愛長齋。

再為笠乘題江天一笠圖次原韵二首

魚尾殘霞照水紅。健帆劈箭指遙空。渡江老葉不用楫。自有少男少女風。浪白天青曉日紅。飄蕭一笠好凌空。人生快意偶然爾。若是順流休使風。

十二月初四日恭聞 大行皇帝於十一月十

三日賓天而詔使未至。小臣病廢家居不敢草

草成服。搶地呼天。悲哀欲絕。旋復收召魂魄賦

輓歌四章。祇自述銜。恩負痛之。至至於帝

德。皇猷克浹。寰宇宙詳於記。注千古為昭。固非

草莽蕪詞所能形容萬一也

皇帝升遐。率土知北來。哀詔尚遲。家居水遠。山窮

處耳聽。天崩地圻。時却望雲霄。心似醉未。填溝壑。命絲

此身直是。拖腸鼠。流浪人間。浪自悲。乾健坤貞。時久泰。

功高參贊。道彌綸。鴻澤靡涯。造化均。相誰非。教養人。

日暄雨潤。物長春。兒童今作。耕耒。鄉相誰非。教養人。

六十年無改。號始終。堯曆兩土。寅。臣本無才。拔擢優。旋憐哀病。許歸休。筐藏

護架奉。宸章日月。留楹帖。兩行珠十顆。堂顏一笏玉。

雙鉤貧家何物。非君賜。說與兒孫。總泪流。起居路隔。千官

一昨曾克侍。從班如今視息。愧投閒。起居路隔。千官

一昨曾克侍。從班如今視息。愧投閒。起居路隔。千官

佛力隨人願。年深事果諧。孝哺能反哺。慈母愛長齋。

再為笠乘題江天一笠圖次原韵二首

魚尾殘霞照水紅。健帆劈箭指遙空。渡江老葉不用楫。

自有少男少女風。浪白天青曉日紅。飄蕭一笠好凌空。人生快意偶然爾。

若是順流休使風。

十二月初四日恭聞 大行皇帝於十一月十

三日賓天而詔使未至。小臣病廢家居不敢草

草成服。擗地呼天。悲哀欲絕。旋復收召魂魄賦

輓歌四章。祇自述銜。恩負痛之。至至於帝

德。皇猷克浹。宇宙詳於記注。千古為昭。固非

漢寫

草莽蕪詞所能形容萬一也。 甫上甫字疑

皇帝升遐。率土知北來。哀詔尚。青徑刻本。作烏

處耳聽。天崩地坼。時却望雲霄。此身直是拖腸鼠。流浪人間浪自悲。

功高參贊道。彌綸鴻澤。靡涯造化均。乾健坤貞時久春。

日暄雨潤物。長春兒童今作耕。耒耜相誰非教養人。

六十年無改號。始終克曆兩壬寅。

臣本無才拔擢優。旋憐衰病許歸休。筐藏 宮硯蛟螭

護架奉 宸章。日月留楹帖。兩行珠十顆。堂顏一笏玉

雙鈎。貧家何物非君賜。說與兒孫總泪流。

一昨曾充侍從班。如今視息愧投閒。起居路隔千官

外頂踵恩深十載間
乃是烏髯驚忽墮
丹隨龍去香難攀
傷心枕上春明夢
髣髴猶疑覩聖顏

敬業堂詩集卷五十一

海寧 查慎行 悔餘

餘生集上起癸卯正月

雍正初元終乙巳五月再逢癸卯余年七十有四矣江海餘生

吟情未廢正如病馬嘶樵枯葵泣霜竊取東坡此
意名此集既以志感亦以志痛也

敬題康熙六十一年曆後

王春天上賜官書花甲山中紀閏餘蚤是孟冬頒朔後

重逢開歲改年元初青陽左个迴羲馭斗柄東方轉帝車

節物不殊年號異敢將新舊比乘除

二月三日再過西阡看梅遙遇沈椒園遂與偕

後余舊有餘波詞二絕
當在此三首之前

一本江耕上人上有
時字

行時德尹以腰痛不能出故章末戲及之

臘尾曾經冰雪催旋經風雨又經雷枝頭欲落未全落
眼底先開讓後開天好一春遊幾日身閒半月到三回

半月來與仁和符趙二生及吳興沈厚餘韓自為輩西過此故云腰輕腰瘦宜相傍故
與東陽結伴來

題沈房仲開戶視書小照三首

俗物與書仇紛來奪專嗜愛此卷中人胸無戶外事
人方用三冬尔乃取九夏梧竹滿清陰脩然坐其下
吾哀苦善忘鑿壁仰隣照蘇老有成言得君如再少

去冬過當湖重宿化城精舍紅椒上人初自嶺
外歸出遊草見示今有詩來索和以四絕訓之

化城菴外水如天每到東湖愛泊船禪老初償行脚債
詩翁重續對床緣

消息流傳恐失真親從六祖澄前因黑灰堆裏尋衣鉢
辛苦南華禮是人

識取寒泉不二門散花千偈似瀾翻平生痛癢相關處
拍掌看○中○看○帶○血○痕○來詩有吾道

水月洗開雲霧窟廬山面目現當前從今便結紅椒社
何必青松與白蓮來書云將歸老廬山

喜曾濟蒼學博見過次見貽原韻

菰蒲新漲拍村橋鷗外相尋獨倚橈歸路尔貪千里近
離群我嘆十年遥蚤時風格追思曼末俗交情感孝標

刻一作刊

酒間語及徐忍負眼前杯底月。直須酩酊到深宵。

淮江後人。老友張漢瞻自膠城有詩感奮次韻奉酬。

京洛追隨不計春。推移俱是兩朝人。故交屈指年。減

郎報傳聞事。新居近幾家。滄海曲。王給諫學菴東江詩。

留一卷太湖濱。往有橋社唱和漢明珠魚目休論價。草

木終緣臭味親。時以新刻文集見昭

題符天朗聽琴圖小照

絲布澁難縫。譜成惱濃曲。綠珠餘音一以散古調復誰

續不愛指頭纖。只怕指頭俗。老耳劇分明。寒泉酌秋玉。

又題竹里書圖

邊孝先腹十萬卷。屢屢蘭成賦三兩竿。置不於雲窻霧

閣擬之以青瑤明珩

哭東亭弟六月十九日

向來聞伏枕。旦日走憑棺。吾哭得無慟。汝貧翻為官。功

哀凋喪盡。子姓荷承難。後死餘家督。腸枯感百端。

六月廿四夜枕上作

季夏之月。魁行虐。三旬苦熱。兼無風。暗雨卧聞。來自北

明星起。視生於東。民勞高懸。飢渴望。吏酷聊借。驅除功

杜陵句。似為我設。未免憂國思年豐。

及門符幼魯將入太學來乞贈行之句

海隅夏大旱。虞暑未祖。符子將北遊。肩輿叩吾廬。告

別乞贈言。此意胡可虛。我持一盃酒。味薄分去聲。有餘酌

子不盡觴行。勉相於。男兒屬有志。寧甘老鄉閭。京華
聲利場。太學才所儲。天門衢。闢賢路。馳騁誰不如。筮易
得同人。謹於出門初。豈惟交道爾。願以類推諸。

元早苦吟四章

居非永熟鄉。兩世且拙宦。歸田踰一紀。仰屋屢永歎。初
來親故疎。近遣僮奴散。兒孫累十口。穉弱居過半。頗覺
生理艱。頽齡乏長筭。何當委時運。付以一咲粲。
荒政緩催科。明。新。治。制。陋。邦。亦。王。土。徵。發。當。此。際。
皇天久不雨。瞻仰星有暗。郡符夜到門。猛挾雷霆勢。貧
家窘倉猝。慮不及卒歲。盡典禦冬衣。而充夏秋稅。
年。秋。八。月。種。菜。及。是。時。自。從。元。早。來。風。燥。土。不。滋。荷

破完塊一作墾田圖

罹一作罹

翻破完塊。投種計已遲。甲拆稍萌芽。蟻去口甘如飴。鳴
呼菜色民自古。乃有之。今方愁歲饑。豈獨啼年飢。
此鄉本瘠壤。寥落窮毗居。樂歲尚歎歉。戶鮮升斗儲。十
年罹海患。疾痛况未舒。熬波久無鹽。竭澤兼無魚。何以
置此輩。俾安作息餘。吾詩倘可風。聞者盍采諸。

重陽前四日沿海隄入邑城道中感賦

愁卧閱十旬。閉門何所之。今晨偶尔出。目觸中心悲。海
霧一氣黃。秋陽敵炎曦。黍苗槁既盡。禍及萊與蕢。有如
經戰地。顛倒橫僵屍。果然周餘民。慘。靡。子。遺。赴。死。聚。
百族偷生無一機。曷不呼彼蒼。天高聽宜卑。傷哉莫以
告造物。非不慈。田間老秃翁。罪歲微有辭。身謀良自拙。

太甚一作苦煩
辛苦一作多謝

惶恤斯人飢

十月九日重赴沈仁山賞菊之招席上戲拈二

絕句

涉夏經秋旱太甚。問花那得此精神。一池水抵三時雨。
辛苦朝三抱甕人。遲開猶及領晴光。日薄風輕未有霜。只算今年秋帶閏。
重來恰好是重陽。霜髯雪鬢漫相催。五日為期到兩回。更約明年身幸健。
還開咲口插花來。

菊花中有名舊朝衣者戲詠之

借緋借紫儘無端。俗眼多從一例看。衣不如新人已舊。

枉呼贊善作朝官

香山詩好似東都白贊善被人猶喚作朝官

題勝子姪牧牛圖五章：四句

飯之則肥。飲之則瘦。緩尔商聲。聆予雅奏。解爰四其足。
可菑可畬。亦兩其角。可以挂書。解尔牛來。思釋茲在茲。
既辭轅軛。盍解厥縻。解黃金籠頭。飼于秦牢。與其為審。
毋寧為陶。解出閩者。青露地者。白自我牧。矣各造各造。
解五

徐觀卿將北行有詩留別次韻奉酬

鉅若釐戴。山微如螳。剋粒履幽。則坦：用壯斯茂。
君才眼罕儷。君語口恒忘。半月脫朝衫。窮年事湘笈。躬
承馬班後。學富鯨鯨。吸勝國史未成。嗣賢合重葺。烹雞

用牛鼎。少膾多取汁。嗜篤來衆嗜。矜開祛積習。東江老
 名宿。謂唐惠好稱用執。泥彼古井深。資子修綆汲。羅千
 網。必萬糲。九糲或十義。以晰精滷時。予視闢翁。寧非明
 堂材。盍奏清廟什。行藏勇內斷。聲譽恥虛襲。我之野史
 亭。燦傳家集。為麟雖久潛。在羽難終戢。新綸紹前
 局。初震發群蟄。人皆推掌故。官甫踐末級。巾笥快提携。
 直廬供采緝。歲增廩稍豐。月受諭縻給。同僚斂手避。先
 輩下床揖。尺木階徐升。登瀛門再入。矯首有抗顏。和衆
 靡孑立。所期擊汰往。安事臨岐泣。贈處例當酬。蠅蟲附
 驥車。山蔬添饌薄。村酒飲勸溫。遠道歡莫追。餘波感
 猶及。志士覲業成。吉人貴辭輯。從教衣帶緩。肯作步吏

急功名。况時至。庸可俯而拾。去。慰民望。吾方詠臺笠。

題徐子貞大司空遺像

我出師門垂四十年。通家後進獲奉周旋。公之視余猶
 稚弟。然晚追前躅。同返林泉。幸不負夫初心。遽舍我而
 逝焉。官止于司空。壽躋乎老傳。式瞻畫像。儼觀生前。蓋
 逝者其耆而不亡者其天。

徐青藤墨牡丹為視遠上人題二首

濃墨點雙花。楷枝綴一桮。目中無尹白。放筆自成家。
 不教洛陽春。不上天彭譜。愛此甘露瓶。紋如紉衣補。

題金匡秀戶部南廬卷子

姜江之水清滄浪。幽居宛在天一方。展開八尺好橫幅。

令我興發神蒼茫。耕烟筆妙呼欲起。圖為王石快比并
力能剪水樹高竹。密綠兩涯日薄風微香。十里飛來紙
上疑有聲。采蓮歌逐菱歌生。亭臺占斷清涼國。宜爾主
人遺宦情。人間炎熱吁可怕。亦有扁舟思穩駕。題詩預
作隔年期。來就圖中消九夏。

哭唐東江考功四首

獨上扁舟溯逆風。滿天水雪到婁東。賸含濕面雙行泪
來哭平頭九秩翁。與我相忘形跡外。感人尤在朴誠中。
矯時宵擬朱公叔。自此交情見始終。
華髮登朝僅兩年。賦歸樂事在林泉。招邀鄉社耆英友
成就師門繼起賢。君歿後數日徐觀卿以挽上瑞人方

占壽國少微星。忽墮吳天九原可作夫奚憾。自信千秋

業必傳。

曾將尺素寄相思。亦有流傳肯見疑。無間可容纖芥入

此言唯許兩心知。粗償晚節行藏約。細檢生平贈會詩。

最後一篇皇甫序。不教衆目咲吟癡。今年正月君

門館郊園次第開。昔遊幾度獲追陪。為余叙詩集

半榻塵封望我來。同調云亡應共惜。輓歌相續有餘哀。

海山塊率茫。路老向人間首獨回。此章追述舊京華

公時又疏下世已語七年君集

甲辰正月重訪佟陶菴同年於江寧試院感舊

有作首

嶺南經判袂。海上繼啣杯。忽漫七年別。猶能千里來。短
長踰隴夢。辛苦佐時才。君由西寧軍前奉萬事蒼茫外。
重逢又一回。前旨起用故云

細讀從軍什。深窺見道言。時出西征詩見多生成佛性。
再出為君恩。已握文章枋。仍兼節鉞尊。鳳巢長在眼。不

隔九重門。

跡奉朝廷舊。身叨禮教優。入時庸自棄。出谷偶相求。柳
色回青眼。梅花咲白頭。感君期我厚。長負恐負千秋承。

分俸刊拙
集故及之

上元前二日陶菴以詩約遊清涼山次韵奉答
令節長多雨。連朝偶得晴。陪遊原有約。索醉豈無門。名香

詩獨醉似名無
名借君作題目 杖杖扶身健。芒屨稱脚輕。老嫌簫鼓鬧。
準擬入山行。

元夕偕陶菴中丞遊清涼山寺

山號清涼寺。並稱此山此寺冠金陵。展開碧落千重網。
湧出紅蓮百萬點。燈勝踐宵隨殘劫。廢時佛殿危欄知
得幾回凭。宰官說法吾來聽。或恐身為過去僧。

題秦淮丁氏河房二截句

一派淪漪漾小波。風光其奈早春何。亭臺夾岼參差影。

老柳無多新柳多。

畫社詩壇半寂寥。百年塵劫履茶鉤。依稀記得廬山句。

丁字簾前是六朝。

贈清涼中洲禪師

師在吾鄉任十年。風塵南北見無緣。眼前一片清涼界。
二老相逢亦偶然。

經史紛綸入剪裁。黃山賦可壓天台。波流雲委三千字。
一句何曾杜撰來。師有黃山賦皆集古成句為之

戲東蔡鉉升

饑鳳軒前隕客星。杜璞菴歿後少詩朋鉉升王廷能談五十
年來事一個。隴官蔡鉉升。高唐賦長吏隴官賢士天志

席上留別陶菴鉉升中洲禪師遙至

高僧來入社。開府出登壇。韻鬥千巖險。吟求一字安。足
增行子重。敢竭故交歡。江渚禽魚便。新篇寄不難。

自金陵至丹陽歸途即事口號六首

莫愁湖北莫雲橫。淳化關南朝日生。不管群情方望雨。
出門一步但祈晴。

茅菴僧勸趙州茶。遙指坡陀去似蛇。為說井枯池亦竭。
前頭漸少買漿家。

野無青艸麥無芽。捲地風來撲面沙。遇著閒人還借問。
前村何處有梅花。

應試諸生半跨驢。就中不少鄭昌圖。相看一咲休相避。
西抹東塗是老夫。二月補行癸卯鄉試

滿眼流移大可憐。渠所至過凶年絲毫何補飢寒色。
忍看為囊惜一錢。

看為囊一作為看囊

古邑句容隻堠邊。僅通車騎不通船。詩翁來往無人識。獨結孤燈信宿緣。

幾條清淺有成河。故道年深堙塞多。誰與此邦興水利。鑿開沙埤納江波。

雲濃霧薄曉茫茫。穿過東南白兔岡。更轉幾灣山路盡。清渠十里近丹陽。

送李邑罷官歸武功二首名舍英甲子科已榜秦人

思歸若箇便成歸。薄領抽身似爾稀。昨日罷官今日去。萬人海表羨鳧飛。

武亭川外武功天。禁旅西征近十年。留取濟時心力在。讓他卜式去輸邊。

薄遊二十日歸時。西園西阡梅花已零落。而盆

中三本開方爛熳戲成二絕

落盡江城笛裏花。主人索咲始還家。盆梅亦是移根接。

不為東風長妬芽。檀集黃伐

舊圃新阡本一家。天工人巧略爭差。遲開畢竟先春杏。

及作春頭替代花。

庭有柔木二月初吐小白花。皆五出因名之

曰雪梅

紅梅已死。十年前。盆梅謝。五出輸他。密綴條。比似雪花。看更好。入春一月不曾消。

石芝出南海中鄭北山集所云石花也

海南有異產。瑤質波濤姿。靈苗豈根蒂。根蒂久成菌。芝
土俗名以花泥沙。誰惜之。我來遊嶺表。瑞物始見奇。歸
無千金橐。石甯萬里隨。刷以止濁膠。澤以無垢脂。藉以
錦文石。承以縹色姿。瓷平堦水一泓。蘇若干頃池中央。
好位置。為爾呈華滋。新荷葉亭。浮動青玻璃。半舒半
還卷。偃蓋擎風歌。上有蔚藍天。倒涵星斗垂。旁有金鯽
鯉。吹唇搖尾鬢。菖蒲須漸長。荇藻文紛披。芝兮得其所。
永與山海辭。喚醒嗜睡翁。此品不療飢。吾姑悅吾目。君
母朶君願。東坡有夢食石芝。詩故戲云。
牡丹花下偶題
吾生去日多。來日春事今年減。舊年可惜風光太。狼籍

強扶哀病到花前

潤木新居看玉蘭。次德尹隔日雨阻原韻兼示
上姪令錄寄京師

唐昌玉蕊豈易得。木筆愛吐瓊瑤花。倉皇不費萬金買。
先後特爭一日差。遲開正不及爛熳。治具公然出吐嗟。
吾廬無此聊藉口。夜醉東舍晨西家。

德尹新居看牡丹二首

新堂既已成。名種移牡丹。鞞紅玫瑰紫。深色鬥兩般。迨
茲風日晴。家會欣團圓。買栽洵得地。好與兒孫看。是日
自開化。歸諸姪。
諸孫俱在坐。
吾庭非無春。其花名玉樓。昨開值驟雨。爛熳八十頭。召

客不至主人翻出遊先一日招諸弟于蘇軒有情定
遙妬易地為勸酬為賞花之會被兩阻

哭承兒

汝兄四十八捨我而去逝矣汝歿後十年教亦止於此
兩哀併一慟摧感胡能已明知贅世翁必無久存理所
傷門祚薄壯殞先暮齒生汝兄弟三眼前惟一子魂兮
去如夢未遠呼應起
小年故多病慮作短折童亦既見成人庶望送我終天
乎忍降割奪去仍復價貴於金積弱氣不充有時
或強起好語聊慰翁誰知藥罔效竟坐室屢空
四女各未字三男盡孩提汝在稱慈父汝亡累孀妻一

母將七雛故巢且群棲飢寒雖僅免晨夕同號啼老耳
實怕聞之彌愴懷吾今已耄耄及嫁娶何時諧
汝叔苦相勸謂我勿過傷人生百歲中壽夫齊彭殤六
十且不毀矧迺七十強禮教有格言嗟吾豈忘那堪
垂老境重此邁逆喪委蛇視子孫遠觀媿蒙莊收聲欲
制泪落復教行

七夕邀諸弟作真率會先三日為芝田七秩生

辰兼補壽觴席上口占四首

一家舊注長生籍合笑今年得幾何四個老人三百歲
更加百歲肯辭多四個老人三百歲
不問巖筵與主筵更番酌必我居先此觴只算屠蘇酒

得歲還應讓少年
人生七十古來稀
萬口流傳老杜詩
咲引南華為轉語
行年七十似嬰兒
斗牛光並老人星
銀漢中央界紫庭
但願年年仍此會
借君生日倒吾瓶

七月十九日海灾紀事

門前成巨浸
屋裏納波奔
湍直怕連牆
倒寧容一榻安
卑憐蟲窟掩
仰羨燕巢安
海濶天空際
誰知寸步難
借穿殊少履
欲濟况無舟
我怯行携杖
兒扶勸上樓
雞豚混飛走
鶩鴨亂沉浮
小劫須臾過
茫茫織室憂
飄飲猶難必
空傳乳滴函
詩用皮襲美
井泉華作浪
梅水

淡成鹹囊粟全遭
范壺漿半被攙
騰留書一架
慰解老

夫饑暴漲三尺餘

不有艱底苦
渾忘稼穡甘
奇灾悲目擊
往事聽農談
馮

所翻為谷窪
居直似潭連
山浮竟嶼幾
點戶東南

驚魂招晷刻
沉氣晦連晨
身似乘槎客
誰為晨飯人
滔

滔方滿地哀
總迷津久在人
間世徒嗟閱
歷頻沉水無

出國

亭戶千家哭
沙田比歲荒
由來閔氣教
復此覩流亡
痛

定還思痛傷
時轉自傷艱
虞吾分在無
計出窮鄉

斬蛟思壯士
驅難記雄文
孰是金隄守
時無強弩軍
滂

沲兼泪雨恹
淡向愁雲捐
瘠民何罪馳
章幸上聞遺補

第三句一作熟砥
中派柱
幸一作或

武原故人陳少典下世垂五十年尚未克葬比
聞棺木被海潮所漂感傷存歿作詩寄其子行

中

一棺猶淺土。聞說被潮衝。痛矣兒無父。傷哉殯未封。居
貧須量力。擇吉乃逢凶。行中精于堪輿家術故云骨朽難逃劫。吾將
罪毒龍。

李氏外甥女歸寧其母於南昌詩以示之

汝母年四十。無男痛孤孀。我時在汝家。目睹心悽愴。回
頭汝在側。肩差如母長。弱女良勝無。含哀解徊徨。亟歸
為擇壻。近在諸孫行。前春遣就婚。去秋聞弄璋。老人破
涕笑。稍用慰所望。為婦已三年。禮宜見姑嫜。却愁形與

影。生長未離孀。女出孀孤單。依誰侍旁。送汝至中道。
此情良可傷。愛割乳上雞。隨親返南昌。分飛二千里。東
下錢塘江。逮汝夫婦來。我復遭逆喪。匆暫相見悲喜
焉得雙。西風吹斷雲。診夢占不祥。俄來南浦信。又報無
服殤。人間內外。媿歡聚。恒充堂。天胡于此。酷觸境。罹奇
殃。歸寧亦可憐。母在誰則亡。想當重會面。斷續難為腸。
切勿念老人。老人行自量。世無消愁藥。可有長生方。

題仲弟查浦後甲辰圖小照十六韻

鄉黨吾廬會。高堂學圃圖。學圃圖先大夫甲寅春畫像也余兄弟四人及大兒克建
咸侍立圖中。今承顏猶宿昔。過眼特須臾。賤日雙青鬢。
五十一。年矣。歸休兩白鬢。得兒雖校晚。投老倍堪娛。弟生三子皆在後

絡秀初生顛添丁旋報盧呱：呈彌裸燦：引屏株漸
 愛隨肩侍長聽隔壁呼用南齊劉推先讓梨東栗交替
 飲屠蕪樹是三株珠庭非一鯉趣自啖牛砥犢人羨鳳
 將雞膝上來添文度去孫亦入畫一毫端識長儒見北史閻
 依髯几坐健却列瘦藤扶喚出從花下排屋繞屋隅異
 書披插架名画指充厨授讀先章句流型儼范模起居
 方進進左右尔時須偶作分巢燕均為反哺鳥行看孫
 卯角勿忘去又勤劬咲問多男子何如五丈夫更煩名
 画手貌尔比商瞿商瞿老年生五丈夫子
 送沈楚望赴汴梁幕兼寄楊次也徐象求
 之子梁園去詞華洵絕倫幙僚稱得士村居巷感居人

夢豈江河隔情兼臭味真此中多舊好毋惜附書頻

海魚嘆并序

吾邑未罹海患以前城西有巨魚隨潮至約千餘
 觔潮退閣沙附近居民割而食之不半月而來海
 潮之禍客有傳其事者作此以補前詩所未及云
 永明海鷺移山來南齊書永明九年鹽官縣石浦有魚
 呼為細鱗不數菜黃鮫桓寬藍鐵論菜黃居民分高彼
 何罪天遣先期行告天決句以後洪流至鬼泣神號無
 處避怒聲似為魚復仇千萬生靈吞一氣魚乎魚乎倘
 有知孰噉汝肉割汝皮如何了不分恩怨一任波臣恣
 虐為

名畫一作名繪

絡秀初生顛添丁旋報盧呱：呈彌祿燦：引犀株漸
愛隨肩侍長聽隔壁呼用南齊劉推先讓梨東栗交替
飲屠蕪樹是三株珠庭非一鯉翅自啖牛砥犢人羨鳳
將雛膝上添文度去若新得一毫端識長儒見北史問
依髯几坐健却列瘦藤扶喚出從花下排屋繞屋隅異
書披插架名画指充厨授讀先章句流型儼范模起居
方進進左右亦時須偶作分巢燕均為反哺鳥行看孫
卯角勿忘去又勤劬咲問多男子何如五丈夫更煩名
画手貌尔比商瞿商瞿老年生五丈夫子
送沈楚望赴汴梁幕兼寄楊次也徐象求
之子梁園去詞華洵絕倫幙僚稱得士村居巷感居人

夢豈江河隔情兼臭味真此中多舊好毋惜附書頻

海魚嘆并序

查容初云張景陽七卷云靈海一魚菜菜黃一鮫李善四引其載曰江
湖之魚菜黃一鮫不可勝食之又引海書云魚菜菜即有黃鮫別菜
昔改作菜魚須其鐵以毒存較

何罪天遣先期行告天浹旬以後洪流至鬼泣神號無
處避怒聲似為魚復仇千萬生靈吞一氣魚乎魚乎倘
有知孰嗽汝肉割汝皮如何了不分恩怨一任波臣恣
虐為

中秋與陶菴中丞相遇於江陰舟次邀同月下
小飲口占二首

九里灣頭名地。萬里風纖雲斂。盡碧天空。身移露白葭
蒼候。客坐冰壺玉鑑中。任路閒情如此。少人生快事。偶

然同問君襟度。寬何許。容得滄浪一釣翁。

清涼古寺上元遊。重展晴光為我留。一咲可知無價買

萬緣。何必有心求。主張風月推壇坫。舒卷波瀾入唱酬。

絕勝席山橋畔路。兩頭絃管作中秋。蘇人皆望先生於
是夕至席丘故云

吳船口號五首

潮痕初退听猶淹。直過吳江水始甜。賴有具區三萬頃
不然渴鹵盡生鹽。

東隣禾爛相無春。西舍居然畝一鍾。官信報施皆鹵莽
惰農方欲傲良農。

水厄初離大海濱。人天孰與指迷津。忽然石觸舟中裂

悟徹平生有漏因。過許墅閨石觸舟
懷此中似有悟境勿與此翁同此路

往來屈指一旬中。南北東西總逆風勿與此翁同此路

鄰船豈必盡無篷。黑白何心角逐雄。黃羊秤付水流東。依稀十九條邊路

也。算仙家小劫終。舟中與尊聞姪圍碁遣日
今碁局為水所漂故云

弔秋花二首

貧到今年甚。栽花徑并荒。客疎閒步履。避失好秋光。枯
槁翻因水。摧殘不待霜。感時覩物。變渾似閱滄桑。

一作估字於疑說

為少成陰樹。從添覆地花。頻滋漚漚。歷姜泥沙涼。
蝶飛何處。秋虫話別家。陳根如不死。春兩望萌芽。

題從孫東木說劍圖小影

擁書仗劍真名士。看舞徵歌亦雅儒。令祖聲山有仗劍
擁書圖尊甫恒弘
有看舞圖舊。愛爾丰神如祖。又為題詩到第三圖。
皆屬余題句。

喜得三弟潤木請假省墓之信四首

忽京華別回頭。十二年自嗟哀。久重見恐無緣喜。
極淚隨落書來夢告先。前一夕夢與諸蚤梅消息近猶
弟共飲梅花下
及草堂前。

一紙平安字。中含慘痛辭。乞歸寧論暫。得請敢嫌遲。
恩重身難退。天高聽故早。自今方計日。倚杖候柴籬。

無恙一作止恙

至性吾憐汝。顏齡似弱齡。銜哀思往事。燔告慰先靈。
再世恩榮遠。千秋雨露零。岡阡松柏路。冬月倍青。
海角承基業。秋潮冒石塘。三閭僅無恙。十畝已全荒。
身在貧何礙。詩成病不忘。古來無此樂。四老話連床。弟時四
計當同歸

製地黄丸十韻

恒鑿多試藥。久病守成方。客或餐雲母。吾唯服地黄。豈
無他佐使。兼取理陰陽。味甘為正材。尤熟者良。飯蒸
資穀氣。酒洗帶糟薈。幾通親炮炙。移時謹弄藏。磨臍霏
白雪。臼杵擣玄霜。夜和丸加蜜。朝飢燕用湯。參苓從長
價。藜藿等充腸。若問延年訣。君看髮短長。藥性論云熟
地黄服久及

年白延

重陽前一日曾三弟招同德尹芝田登龍山尾歸

飲齋中口占二截句

十年幾度記清遊。一壑能占專又一丘。輸與主人筋力健。

咲看三杖拄交頭。余與德尹芝田俱杖

髻髻前塵付夢遊。認將龍尾作旄丘。詩既前後高醪錢

可是看囊物爛醉。歸仍拄杖頭。是日曾三獨為王仍

九日閒步橫漲橋。西過玉禾堂。晤言思百原存。

叔季益諸侄憶五十年前曾偕荊州兄登宅南

小丘感嘆之餘得一絕句

五十餘年指釣遊。憶同把蟹撇新筍。竹林便是西州路。

剩得諸郎半白頭。言思年過周甲

洪梅岑自珣溪過訪即次去年投贈首尾二章

韻用訓繼縷之情 二章一作二首

隔年曾讀七篇詩。同調如君更不疑。久缺寄書成懶慢。

重煩弭擢訪衰遲。菊荒陶徑仍留客。楓落吳江已後時。

慰我寂寥何以報。敢從鷓路指鴻逵。

俗談宵置齒牙間。一咲相逢飯顆山。知我者希願自愛。

古人如作許誰攀。漸消寔事休回首。竊忝虐聲抵汗顏。

借取尊前好秋好。滿川風月送君還。

自海潮退後早乾。凡兩月餘立冬後三日風雨

連晝夜身在畎畝憂樂之境與鄉鄰同率成一

首

大潦之餘苦重苦旱入冬一雨沛窮擔村翁旋報麥芽
茁。黷婦先知井味甜。天澤下施乃是益。民情取足詎傷
廉。餅罌滿貯煎茶水。解渴充飢兩莫兼。

題徐學人茶坪書屋圖

易於水澤交。中文有願象。聖人喻諸味。義在五與上。苦
雖不可負。甘則往有尚。詩家釋茶薺。彼此互相妨。甘苦
味絕殊。譬形非一狀。茶坪至性士。即事寓意匠。中有涕
淚痕。公絃出哀唱。圖來屬繼和。畫好神悽愴。我欲釋其
神。展圖咲相向。苦中遙得甘。一物取兩况。祝君如辣果。
甘至苦可忘。天方憐斯人。今尔蔗境憤。上吾詩非遠俗。

今亦一作今以

良用慰瞻望

題陳光庭小照戲次圖中原韻二絕

少年詞藻比王融。多少才人拜下風。憐取兩般顏色好。

木蘭花白海棠紅

紙扇風流又一時。自磨濃墨寫烏絲。桃根桃葉生何幸。

並向圖中作侍兒

題張楚良捫腹圖二首

風前消暑列犀簪。飯後攤書到竹林。若相向畫中論相法。

可知捫腹有三士。用劉夢得陸放翁詩中語意

經筭紛綸擬大春。好詩千首發清新。披圖咲問張公子。

此腹何曾負負人。

題沈勉之春江待渡圖

易曰有待行。詩云須我友。通乎需之義。利涉夫何有。韋
弦矯緩急。軒輕視前後。萬事靡不然。時來隻成偶。命圖
寓深意。識者為領首。

四杖圖歌并序

雍正甲辰秋潤木以省墓乞假信菴南宮下第仲
冬望後相繼到家時余年七十有五德尹七十有
三潤木已開七秩信菴寂少尔平頭六十矣白首
兄弟重聚一堂此生此樂何可多得沈于松年為
繪四丈圖成余首唱一篇屬諸弟共和

兄年^杖鄉國弟杖鄉昔之少壯兮今皆老蒼伯兮仲兮

偕叔與季杖亦如人兮一二三四語本皇極天教四
杖兮配四翁落我手中兮入我圖中斯圖閱世兮不知
凡幾世安得斯人兮世世為兄弟

從孫東木贈我石徂徠集及舊墨二挺口占以
報

手生慣使雪堂墨。眼暗愛看抄本書。勿咲老饕貪盡取。
譬嘗能掌得魚魚。

東木與楚望疊魚字凡七章連翩傳示再拈二
首以畲來意

才地評量總不如。連朝踏凍費傳書。兩賢健比雲端鶴。
一老懶於水石魚。

插架徒然萬卷餘。只圖避眼不繙書。詩成亦用白描法。免得人訛獺祭魚。來詩誇余藏書之富故有此會

東木前賦初從楚望轉致詩中未之及楚望有詩見督戲疊來韵兼示東木

清况原從君所於。報章草附一行書。哀顏忘事類如此。重為蹄筌記兔魚。

椒園自杭歸用魚韵。繼和四章見示再疊會之

賸馥殘膏吐棄餘。免冠自晒不中書。何米好句如香餌。

十丈寒潭又出魚。用吕氏春秋語

多生有味在三餘。不是還書題借書。童似蟄蟲愁啓戶。

王方溉全生喜烹魚。

垂白慈幃倚暮倚。閭平安魚望海南書。詩人至性吾能

識。彈鋏歸來豈為魚。來詩用馮驩事故云

霜雪侵陵日月除。一尊與尔且澆書。剩留五色離披羽。

待配春盤潑刺魚。時餉我野雞先以臘酒報

賦新年尚擬作主人也

喜雪九疊前韻

冬早旋經兩月餘。朝吐向空書。欲知喜動眉間色。

雪兆豐年夜夢魚

烏程王懿誦明府以潄酒八壘見貽再疊前韵

都門醉別十年餘。念舊重煩咫尺書。與致青州八從事。不愁換酒少金魚。

雪後同德尹潤木於西阡栽翦松栢枝即事十

二韵

五百新阡樹。參天待幾時。縱饒心欲速。夫豈力能為。方
法。治林叟。權宜問。蔡師皆云扶直幹。切戒藥橫枝。趣取
冬餘臘。毋拘日反支。及朝行展視。有道在芟夷。斟酌供
薪。獲商量。用斧斯攀條。防損葉近本。怕傷皮翦伐。初何
忍栽培。擬自茲。養成非易。競長勿遲。鹿去寧教觸
烏來。芝引慈。好留君子澤。傳語後人思。

甲辰除夕與德尹潤木敬業堂守歲

十里東西宅。中央是舊廬。但教頻會合。何異昔同居。就

我生春色。前十日己丑春為歡卜歲除白頭三醉叟相

碩一軒渠

故借用杜句

乙巳元日偕潤木飲德尹梓樹堂

夜點霏微雪。晨開爛熳晴。吉占逢上歲。漢書天文志正

北為殘醉續深更。門冷稀賓客。年哀有弟兄。欲知排日

上歲。殘醉續深更。門冷稀賓客。年哀有弟兄。欲知排日

三日偕德尹過潤木雙遂堂小飲

橋北生春水。橋南泊舫船。並兩雅注舫。堂開書插架。池動

柳含煙。此會經三日。吾生又一年。未須論聚散。取樂及

尊前

信菴四弟自開化至貽我頭陀蘭一盆

海水如盪。戛白沙。小庭群卉少。萌芽未栽堂。比宜男草

忽到山中待。女花。見采蘭。捲幔幔移盆。香馥郁。迴燈入

画影交加東風吹過寒梅信。咲問蘭陔有幾家。

再咏頭陀蘭

有美猗猗蘭。山人蔣藝成。瓦盆移澗谷。滋護從孩嬰。歲
久葉紛披。質同翡翠嬰。見歸田錄是宜有佛性。故以頭陀名。
我本老比丘。宿世偕修行。對之莞爾咲。亦若弟見兄。遣
當春蚤時。抽穗百十莖。蕊者含其芳。秀者揚其英。深叢
如自匿。高幹或自呈。方將入我室。室豈獨列我庭。我庭首而
深。我室幽。以清中空。無一有百竅。延虛明。微颺何處來。
鼻先通。靈霍然。蘓病骨。邈矣遠俗情。同氣何待求。同心
何用盟。但看露地住。尔汝瀕忘形。大品云須菩提說法
者受十二頭陀其八

深叢一作但者
高幹一作高者

但看露地住一作
請看方丈內

元宵後一日德尹第二孫彌月再同諸弟作湯

餅會

昨夜燒燈節。團圓正及時。今朝湯餅會。少復長復于斯。
却喜挹孫蚤。渾忘得子遲。回頭看乃祖。顏色高嬰兒。戲用

老萊
子事

送潤木假滿還朝四首

百日期俄滿。依之旦夕留。情應閑棗幕。夢尔恣私楸。繞
膝餘黃口。迴腸感白頭。稻梁思漸重。何敢說長休。
才高偏善下。詩好豈容刪。弟乞假手後手編
橫浦集屬余校刪獨立風塵
表。難為伯仲間。應酬無俗韻。開闢得重關。但問泉清濁。
何曾礙出山。

此二首當在題沈房仲閑戶
視書小照三首之前

屈指平生日。全家聚會難。當初殊未覺。此去若為寬。盡
撥形骸累。徐商出處安。古來朝市隱。直作故林看。
要津居不易。况乃近鷲。局密勿絲綸。閣承明著作。庭昏
歸恒掃軌。曉入必侵星。前輩如趨步。司徒尚典刑。謂張
尚

直伴多卿貳。歸休獨老翁。十年供奉後。一夢欠伸中。起
廢思長負。隨班命不同。定蒙相問訊。為道耳全聾。

舊有餘波詞二卷。原藁失去。將四十年。沈房仲
楚望椒園兄弟。忽以抄本來。歸即用詞字為韻。

口占二絕謝之

一作余舊有餘波詞云

綺麗餘波入小詞。枉拋心力悔難追。依稀四十年前夢

重拾亡簪事亦奇

故物來歸喜可知。木瓜原是我家私。相投敢謂瓊瑤報。
兩首詩債兩卷詩。

潤木北行後喜學庵弟到家二首

壇坫文章伯。儀曹主客郎。官曾居粉署。歸只守茆堂。鄉

党人皆敬。純鱸味正長。起予腰脚健。踏屐到南塘。

送迎連日有出處。一家中且喜辭朝客。重添合釀翁。兩

眉雖雪白。雙頰尚霏紅。偕隱年相亞。如何不約同。余及
德尹

先後歸田年皆六
十四學庵亦然

會城諸子寄示燈花倡和詩卷戲作二首補未

盡之言

短蘇平纒二尺。高燭或三條。艷蕊能含照。芳心怕被挑。
開原資火力。落豈待風飄。老眼渾如霧。從看漸消。
到處傳鄉信。更番報客過。隔宵疑有識。詰旦總成蠟。
尾光相似。蠅頭焰幾何。防他蜂蝶。咲輕命是飛蛾。

當湖過高文恪公墓下有感

天上巢痕掃。人間雀夢回。新松陰漸合。宿草客誰來。
廢瑟餘三嘆。題詩擬七哀。自傷遲暮眼。轉瞬閱興衰。

重晤借山和尚時將歸老匡廬故後半云

東湖吾所愛。訪友復尋春。可嘆論交地。唯存出世人。
西武於去烟波寬放艇。雲霧密藏身。二老心期在。隨方總
比隣。

以陳鳴遠舊製蓮葉水盛梅根筆格為借公七十壽口占二絕句

梅根已老發孤芳。蓮蕊中含滴水香。合作案頭清供具。
不歸田舍歸禪房。偶然小技亦成名。何物非從假合成。道是搏沙心不散。
與翻新句祝長生。

晚渡淞湖

扶桑初旭射波紅。人在波光浩淼中。一葉舟如千里馬。
落潮時候掛帆風。

大司農華亭王公哀輓六章

逮事 仁皇帝。初終五十年。官評崇歿後。物望繫生前。

刻字當是刻字之誤

進退同僚式。詩又異域傳。龍髯攀莫及。銜痛遂終天。

公薨于雍正癸卯中秋

公豈當言路。時方競楚風。妄男談禍福。俗子走盲聾。不

藉祛邪力。安知衛道功。問誰搽白簡。哀々咲諸公。此遂

酉秋公官讀學

昭代龍門重。先朝信史成。褒貶歸直道。好惡泯平情。事

大闕千古心。勞萃一生後。來加點竄。此任恐非輕。此述

春公奉專勅纂修明史事

中箱家世業。鄭孔有箋疏。魚符紛紛說。重煩考證餘。荆

榛芟蕪苑。雲霧關經畝。倚賴醇儒筆。流傳秘監書。此述

未春還朝奉旨纂輯毛詩傳注事

承家多令嗣。柄政有賢兄。星叶乘箕飛。旌題去國銘。

宸衷餘震悼。朝典備哀榮。公已無遺憾。徒傷後死情。

門生門下士。時世溯淵源。別有酬恩泪。深蒙知己情。

言廷荷公獎許迥出入僑輩佳城瞻望近 平湖縣界內畫

像典刑存。酌酒陳詞意。還應徹九原。

陶庵中丞來撫吾浙。寄示重到西湖詩。兼索和

傳語以十章為率。次韻如數報之。

一篇乍展兩眉嘖。官紙投來寂寞濱。值得白豕飛醖賀。

江山管領屬詩人。白香山詩且喜詩人來

花應含笑柳舒鬢。老葑重開淺渚濱。一色春波三百頃。

可憐魚鳥總依人。時重濤西湖

一本無來撫字
浙四字

聖主當時愛咲嚙用淮陪遊十日此湖濱開鷗喚醒眠
沙夢可有鷓鴣隊裏人來書語及丁亥春隨
重傳魚素語含嚙與致珍羞到水濱野老思元藜菹腹
鄰家還有新炊人後十日承手書
十室相看九額顰連年水旱厄東瀆福星一點明吳越
多少人間望歲人
烟雨先開西子鬢遙從海澨沂江濱願推曠願貧交意
適及鷄衣殼食人
霜松雪栢青冥上弱藻疎萍沼沚濱地望雲泥心不隔
眼中誰似繡衣人
兩回欵洽長江畔一度追隨南海濱今作部民應自量

竭歡宵效掃門人用漢書魏勃事
已成嬾病兼衰病合卧漳濱與穎濱幸負先生懸榻待
愧非徐孺子其人
十首吟成拒效顰曠靈珠一握在淮濱讓君頤地君應
咲我是車前避馬人

春分前補種庭下草花

一本春分前下有課力輩三字

客土移根茁嫩芽遠從僧舍近山家衰年不作多年計
繞砌仍栽草木花
雞草封泥聚作團主人一咲但旁觀聞來特地添忙事
似與頑童解素餐

德尹既和種花絕句復反前意作一首有惟應

茂叔庭前草不費栽培也不除之句再次韻會
之二首

隙地纔寬尋丈餘。被人比並浣花居。浣花溪上花饒咲。
少陵是艸如何不剪除。少陵又有
百卉全腓蕞有餘。鵲巢何異被鳩居。靜中勘徹因材理。
花要栽培草要除。

以拙集寄高大立蒙投七言古體長篇推許過
分非所敢當輒成小詩八章報謝兼寄曾濟蒼
初聞簷溜響空庭。又聽東軒鶻喜靈。報道門前春漲起。
雙魚來自菜花溼。木中地名大立自署菜花溼老農
纏綿真足慰相思。已得君書又得詩。不獨陽春難繼和。

久將殘錦付丘遲。

自排小草未經芟。慚愧詩存尚致籤。用皮襲美句去老去敢

云聲病少特煩高手與鍼砭。

曾記京華把一編。曩在都下錢蔗山曾當時倡和獨無

緣。直從常侍論家學。五十工詩自可傳。來篇有四十以

故用高連夫

便從于野筮于郊。義在同人最上交。說與後生曾見否。

年將八十始論文。

門稀剝啄故人疎。比並耆英正不如。同學尚餘曾子固。

謂濟蒼也歐陽永叔罷官依舊比鄰居

無佛稱尊不可憐。白頭兄在弟之前。謂家好邀張文為

同社許我誇張作少年。君年長余一歲故戲取香山詩語以自况
百里烟波悵兩鄉。傳雲南北互相望。尊美未落秋風後。
官棹扁舟過一嘗。

曾濟蒼扁舟見過匆。即去別後寄示五律三

章次韻答原韻

自聞辭學舍。冰雪到家遲。不燕經年約。有君癸卯見寄詩。晨夕還縈落月思。有情來弭棹。無夢到牽絲。轉悔念之。別煩君又寄詩。
各有烟霞癖。多忘艸木形。跡同歸島鶴。情比在原鴿。家
集光相射。清風塵可銘。時以尊甫學憲公清風堂集刻本賜教所慚無以
報。歸去但空舲。

鄉社新農侶。名場舊飲徒。一生回白首。萬事失東隅。嘆

我方迷野徑。從人欲問途。延年如有術。相勸服菖蒲。來詩

許同晨夕鈔書事。截蒲之句。故用杞朴子韓眾傳中事奉會。

有弟皆垂白。宜開佚老堂。未成魚在渚。重送燕辭梁。好

友寬相憶。同時岐所望。北郵傳蚤晚。高羨與雲翔。家閨

行時君以不及祖餞為歎。末章魚謝雅直。

德尹以堦前大紅洋茶花二律來索和次原韻

特因來處遠。小本亦名葩。似剪珊瑚樹。旋開寶相花。雪

中猜作火。地上擲成砂。龍極宜深貯。翻嫌出屋茶。山奉

人未知唐人白也

妙手誰能繪。施丹別有方。趙昌有山茶圖東坡題梁根云劍南樵叟為施丹

從赤土。耀眼奪紅紫。曹唐詩海畔難減一分色。如聞三日香。遲開寧免妬。芍藥在偏旁。

牡丹一叢手植。羸軒墻下已十餘年。去秋亦被潮淹。春來花頭頓減十之五。感歎成吟。

手植芳叢傍。薛階曾經爛熳起樓臺。只圖春好花長好。不道吾哀。亦哀。物性近憐多天闕。天工敢信盡栽培。何煩翦却開松徑。知是花時少客來。賈休詩春來老病野松

上巳前一日徐韓奕左田父子見過留飲花下

今年已分負芳時。連日敲門匪所思。鄰舍晚分紅曲酒。先一日家東故人晨赴牡丹期。禁當醜齒重開戒。因幽木餽琥珀釀。

一本作光一夕

痛止撥觸吟眸又得詩。花若有知應見哂。合將宮體讓徐摛。

祝良仲兄弟邀同朱敬修及子姪輩葆光居賞

牡丹感舊五首

遇酒逢花每自憐。當前光景記從前。分明一枕繁華夢。

再到俄經十二年。甲午春赴賢昆弟之招。余有詩紀之。

檢點尊前少一人。賓客下世。老夫制泪且開聲。即君謂

仁好比階庭樹。世澤長培手澤新。

殮和堂與葆光居。兩姓相望十里餘。眼見祝家花若此。

朱家庭院問何如。敬修所居和堂前亦有牡丹。一叢花時不到四十七年矣。

嘉辰省對亦前緣。日薄風微穀雨天。含咲入門扶醉返。

愛花兼愛主人賢
慚愧吾家淺。叢開時只好伴衰翁。衰事粗知分
歸勸花神拜下風。

烏程令王懿誦同年樓村賢嗣也到官半年三
枉信使惠好有加野人代芹曝之獻二律報謝
兼寓感懷

半年三問訊。一到衡茅美酒開。君嚳新烟出我庖。情
深車笠際。祖託紀群交。十卷傳家集。流傳重手抄。時以

詩集屬
余校閱
故人凋喪盡。萬事轉頭空。不有鳴琴宰。誰憐採藥翁。溪
山鄰壤隔。晨夕往時同。曩在武英書局與出處何曾判
懿誦共事凡四年

不有一作豈意誰憐
一作猶憐

於今見古風。

喜晴戲示鄰叟

海角罹水旱。粟田歲無收。今春蠶麥好。到耳一解憂。何
期立夏來。晝夜雨不休。蠶飢麥委浪。彌望成荒疇。鄰家
有老翁。仰睇蒼。愁呼天。疥疾痛。淚亦滂沱。天意慕
然回。如人轉雙眸。風驅蟬。翳日出。崑崙囚。災弭斯為
祥。即事非外求。綠葉既沃。良苗仍油。我笑謂此翁。
汝今已白頭。拭汝交頰。泪聆我。擁鼻謳。西成所未知。春
花鄉人。以蠶。幸有杖。且須貫斗酒。偕我。壠畔。遊。踏泥行。
插秧。決水。使。馮。溝。此。乃。兒。輩。事。無。養。老。人。謀。

庭卉競吐口占邀諸弟共賞

雨餘猶賸幾叢艷。世上都輸老輩閒。莫待提壺苦相勸。
盍來花底共開顏。

三月二十九日枕上作

入夏六月半陰晴。月當小盡天將明。堦前初開蛭蚓結。
門外亂打蝦蟆更。殘花遞風凡幾信。新葉滴露時一殺。
年年送春如送客。自我作主能無情。

四月朔德尹招同諸弟西門看梓花曾三不至

末章專及之

村北村南路不賒。西家携杖過東家。此橋恰與花為讖。
梓樹橋邊梓橋花。
四株直幹兩行排。十八年前記手栽。老守墓田羞自宰。

直從拱把見花開。

玉蘭雪落海棠紅。讓爾稱來萬木中。二十四番都不問。

遲開猶整棟花風。陸佃呼為木王

遮牆出屋勢亭。一色晴光耀眼明。不是詩人吟不到。

被他楸樹竊花名。羅願爾雅翼云梓即楸杜詩楸

椅桐一例可為琴。誰識年來長養心。傳語花神須善護。

已成材後望成陰。

間向山陰前把一尊。深慚令弟慰賢昆。王右丞詩平原

賢五楸莫作三槐看。只要家風及子孫。禰五行志占舍

子孫順孝少陵

又有五楸詩。嚴盤索采酒盈升。邂逅為歡取得用。却喜石隣連二仲。

謂是田何妨末座置吳興謂沈
小西催入入醉鄉白頭狂得且須狂用香
花約前二日蘇軒賞聖粟咲問一翁有底忙東坡詩有
來夜曾三亦不至故云

四月八日雨釋氏以此日為弥勒

佛日直垂照農占視耗登望晴翻得雨為各怕先徵俗
已凋傷極吾尤感歎增所憂非越分生理自無憑

知止吟效康節體

知止聊從止足徵沐堪跌坐几堪凭
禪杖閒來侍定僧聽俯聽蛙池憐叫跳仰看鷓鴣路咲飛
騰呼兒試問春苔色綠上庭階又幾層

晨起聞鐃車轂喜而得句

蠶桑原是吾家業五十餘年廢不治自先
夕飽餐奴婢嬾詩書責效子孫癡力難與國充耘昌
黎意取如期佐繭絲催科忽聽鐃車轂動處喜於雙
耳未聾時

寄祝文昌令沈麟洲六十生日

三千歲月從頭數六十纔經第一回野老今朝隨客賀

釋迦昨日把孫來先一日有火山荔子長先熟瓊梅桃

花或後開大山荔枝四月盛開見香山詩傳語鶴書徵

不遠簿書寧復滯仙才

馬素村北歸見過

進士幾時幾進。太白詩有進士不得進之句素村於歸
舟暫海涯未尋松菊徑。先過竹林家。壘折銷愁酒燈繁
送喜花別有何限事歡喜聞京華。

庭前香椽一株自正月後脊令相繼來巢者凡
三入夏復添第四巢見者託為奇事感成四章

似求同氣得專交。京氏易傳同氣為專四月看成第四
巢好咲先生。計拙一庵亦說文也載未編茅為余僧

初白庵圖幾及三十年矣
新綠陰交戶牖鄉連枝穩寄連房直同譽樹韓宣子

來與貧家若吉祥
破那焚菓事出奇依二擇木詎無知只除風雨漂搖患

此外吾能力護持

次第隨群不亂群五家成保四成隣。語出唐書婆婆安此
樹還三嘆知得幾年為主人。

四月晦夕雨中夢遊西湖

孟夏提月。沉魄。晦日為提月仰視重陰方露氣三更

飛夢到西湖直上孤山步簷屐千年華表群雀散百
歲叢林僧履隻。帝輝禪師年九十九於西獨來遇雨可

奈何對此茫茫感今昔水仙祠前行喚渡。擢轉蘓堤春
漲拍忽磨明鏡豁雙瞳旋起清風扶兩腋。琉璃萬頃水

一片倒瀉天容落澄碧。舡頭浪魚躍浪參差船尾烟輕
烟烟滅沒漸入深漸入漸蒙翳半篙抵岬如投隙遮頭

蓮葉青出藍。掠面荷花紅豔白。中有高人沿岍住。遲去
我門開心莫逆。曲闌幽榭導使前。沉澆漿濃分琥珀。為
言塵世苦拘局。紫蓋丹霞爭掃席。曷不相從汗漫遊。浮
石於汝終何益。余時含意咲未答。霹靂一聲檐屋瓦。擲
覺來依舊雨淋浪。疑有湖光滿虛室。

偶讀東坡戒殺詩題其後

魚鰕雖擾。鷺鴨自群。刀几搯生殺。庖厨忍見聞。世
多懷壁罪。客有想螭文。見柳子厚集轉爰毗耶室。清齋斷五
葷。

沿南塘至花山觸目感懷口占以當鄙謔四首
去秋海岍拆奔潮。開口徑年未有橋。老子不知生處樂。

支吾一作商量

賸留枯眼閱蕭條。

災餘仍慮復為災。魚鱉殘生大可哀。聖主何曾忘海

角。潮神前月受封來。

向來畚鍤嘆徒勞。保障方期鐵石牢。昨日皇華馳驛過。

已傳會計析秋毫。

不插青苗種木棉。忍飢數到授衣天。問渠微命係難續。

何法支吾度半年。

黃梅紀災

播種多黃姜。如遭旱魃焚。雨痕青沒艸。醜氣白成雲。樂

土今安遠。奇荒古未聞。空煩春夏鳥。應候趣耕耘。左傳

注春鳥趣耕
夏鳥趣耘

次韵酬陈宗喬閱拙集見寄之作

與君降同唐。惡月獨在午。壯齡失前猛。餘照覲晚補。捫
腹本空疎。報耕宜菴鹵。千秋著作堂。敢望坐廊廡。師門
昔多士。存者今幾五。同邑受業。黎洲先生之門者。凡十
五人。今惟宋高廷益。梅溪余及德
尹在。相去復參商。雞鳴感風雨。如流余走流。汗僅可籍
泯伍。傳業君庶幾。後先期踵武。猥承獎許加。喻以莊蝶
栩。三都覆酒壘。世尚訖儻父。矧收爨餘薪。而謂翹中楚。
秦強乃盟趙。齊大願下莒。小技古所卑。詞章奚足教。君
方勤纂述。萬卷恣搜聚。吾老未廢書。粗亦識甘苦。素心
樂晨夕。竚改共傾吐。

次韵答吳興沈寅馭見投四章

平生出門交。獲覲天下士。王楊既掉鞅。屈賈亦磨墨。吳
興憶昔遊。山水東南美。風流及前輩。觥錄互作使。一別
三十年。好奇未知心。舊人眼中盡。回首脚頻跛。夢入鱸
魚鄉。秋期猶準期。擬詩來若相導。喜色浮杖几。
遙、沂華胥。千載幾望族。獨有約後人。到今擅品目。一
村無兩姓。門第不改卜。緬惟襄敏公。世緒待爾續。撫今
萃群俊。望古騁遐矚。才氣直靡前。虛懷恒抱獨。側聞鄴
架富。足用三冬讀。為善無近名。莊言視綠督。
至感遠漸疎。時風尤薄。東薄投名首。願我欲下老。龐拜長
揖就。末行尊稱加。耄瞶腹朽轉。內愧覆發苦。難蓋好友
昔見收。東江倡酬事。殆同拾腐芥。數篇唱和什。豈敢追

介。彊對。何當。定然。音。蓬。薤。假。磬。效。置之。勿。復。道。自。嘆。乃。凡。
大。既。謂。厚。餘。踏。古。歡。宦。遊。阻。魚。素。近。傳。得。長。告。甘。澤。感。
記。渡。仕。路。退。良。難。入。情。怯。鈎。注。括。機。有。巧。蕩。入。設。多。詭。
遇。本。根。衍。名。實。枝。蔓。托。毗。附。艷。奪。眼。界。花。幻。晞。艸。頭。露。
子。方。志。進。取。勇。要。禹。強。護。珍。重。角。弓。詩。毋。忘。譽。嘉。樹。

敬業堂詩集卷五十二

海寧 查慎行 悔餘

餘生集下

起乙巳六月
終丙午十月

德尹札來云。嬾見一客。嬾舉一步。嬾動一念。前
二語。不過。媮閒而已。若云。不動念。似難。以。嬾。以
字。並。提。此。境。非。十。年。面。壁。未。易。到。也。作。詩。最。之
法。門。修。心。地。攝。念。當。用。勤。大。施。精。進。幢。去。妄。還。其。真。妙
湛。歸。總。持。是。名。不。動。尊。嬾。者。勤。之。反。積。習。奚。足。云。雖。然
不。見。客。朋。從。交。紛。纒。即。或。不。舉。步。靜。坐。愁。緒。煩。念。豈。因
嬾。息。較。難。一。例。論。我。有。秘。密。藏。力。敵。千。魔。軍。衆。賓。禱。還
來。兩。脚。波。濤。奔。能。於。起。處。滅。旋。於。息。後。存。舊。緣。以。漸。斷。

一本前二語下有人
皆可為四字

除蔓次及根新綠免再結去火先抽薪此是止觀法勿
令緣有因老兄不思私持以贈卯君

羸軒燕乳六雛中有一白翎者喜賦八韻

紫燕家：有雛生白者稀自巢居士室偷學野人衣王
剪開時見銀鈎挂處飛入群言語似獨立羽毛非高比
鷺翎緊輕嫌鶴骨肥華堂輸氣象蓬戶借光輝咲我偏
留賞憐渠肯見依秋期行漸近春社望重歸

半研歌為長洲王緹其賦

帝鴻形製遠莫詳瓦則銅雀甄香姜彼皆陶甄出人手
詎若純璞不散之為良爰從五代溯魏晉嗜古獨取唐
文皇惜哉墨妙就埋沒蘭亭繭紙翻入昭陵藏當時研

石落何許一千年後乃於牛女星野騰光芒王廷平家
流澤長故第奕葉傳金閭風流文采似續代不乏天錫
瓊寶近在靈芝坊見范石湖有同茂先識劍氣拾從疆
磔移置几案旁土花不食食貞觀字節角廉殺隨員方直
將此研珍重比玉德類分珪之半猶可名曰璋一日三磨
掌既以自歸復用名其堂不知物情何以貴完壁秦城
十五其價未易相低昂造我來徵我詩寄語善自將栢
厨神物縱使不飛去亦須防有人間攫石米襄陽

寄題汪西京乘查圖小照

嘗咲蒙莊生好作自恣言一篇秋水喻特以大小論豈
知聖人門觀水必於瀾海為河所輸去河乃海之源祭

海禮先河古訓垂簡編汪侯侯儒林老學務採本根寓
形宇宙內肖受受變恆憐秉查繪作圖於義何取為人
謂汗漫遊席幾過神仙我云溯洄往直可窮崑崙命圖
或以此試問然不然

答程汝諧

辦香門下士書信遠相貽
練悅措顏汗青鞋養足眠物
贈荷寄開函知古道拭硯
和新詩此意相投報毋忘永
好為

素村寫山水一幅見貽戲題一絕

墨舍煙雨筆生風妙處居然奪化工
如此溪山留不住
又看君入簿書叢時將赴銓選

寄滿制府

不全

露洲畔荒千絹函中致百緘拜嘉因念舊揣分或傷廉

厚祿孰分

對客收藤笈呼兒貯藥奩行將滿策筮與決卜居占初
白償初願茅庵計日苦

鼠嚼書舊作也偶於廢麓中得之字句多脫落
補綴成篇錄存十二韵

老去他靡蓄携婦剩有書連牀隨卧起挿架送諸居次
第繡將遍沉酣味頗餘瘵飢同菽粟誇富勝畬畝獨嗜
宜遭如群邪那易除取憎無若鼠為森豈維魚一穴常
聞阿三遷芋芝居拖腸徒繳繞拄腹只空虚巧伺吹燈
後機乘倦枕初抱頭疑鼠弄銜尾突來如旁午紛狼藉
零丁費補苴無牙誰謂汝利口劇愁余曠廢狸奴職
潜逃酷吏屠飲河非乏水葉壤亦餘蔬倉裏寧驚犬田

田可化駕如何天地大苦之攬蓬廬

責猫二首

魚殮飽後似逃逋長成養成群竊肉徒孰是漢廷刀筆
吏盍將鼠罪坐狸奴
老人長夜每醒然兀坐昏昏抵晝眠怪尔也來爭此席
公然睡暖舊青壇

讀易至蹇卦左足遘病風作此自解

先聖設卦爻蹇取往來義示人以知險兀者特異是我
今跛一足往則以偏廢山水處其窮吳草廬以蹇初爻
為東山下之窮處
上文為北水 四傍靡騁地西南與東北何有利不利嗒
焉斗室中坐卧兩皆寄時還用吾短緩步向簷際用北
史李

潛四肢具體微萬象息踵改不為平原客見史記不作衛侯使見穀傳免放青人嗤寧逢馬絃避用黃山谷詩中語行年七十六委運隨時至但恐氣血衰旋墮讀易志胡敬齋云學愈進是持守得定不與氣血俱衰也古人老而

庭前牽牛花郊開辰姜真可謂之頃刻花今早偶摘一朶平置盆池水向至日落鮮艷如初戲作三絕

日出相看到日斜徑同日及槿花朝開夕頽草門鮮華木狀名日及花東坡詩安得道夫老夫手握駐顏訣憐取道人七花東坡詩安得道時節把花開周子詩充詩頃刻能開七夜

房：斂盡一房開

曾從天砧讀宮詞美酒澆來姜稍遲不獨內家堪插鬢而今天砧宮人喜插此花晨起用酒灑其根開時稍耐久陸劍南詩有插鬢燭牽牛花牛花之句

中秋前擬招徐韓突陳宗齋梅溪及德尹曾三芝田諸弟合并為三日之遊先期相訂俱蒙見允作詩志喜二首

東西相望總離居問訊頻傳得報書

感懷存歿十年餘自甲午以後兩舉齒會楊晚研先下公又繼之前年延季方兩兄繼之座許宗伯又喪東亭弟前期猶恐因跛廢未疾猶思借酒祛頰是同心不遐棄肯隨佳月到吾廬時余左足病風

近借諸弟遠用儔博取新歡續舊遊
齒長人皆開八秩
眼明天許作去中秋
艾盤菱角田家味
紫蟹黃雞野客
羞伐木三章歌
一闋清平狂較勝
竹林不叶平

客至解嘲

四體分勤惰
左之非所宜
上階先右足
義取主人為

中秋夕客散偶成末句用劔南成語

龍鍾曳杖憶歸田
癸巳中秋兩日前便有鄰人憐我老
不圖又過十三年

信庵四弟自開化為我購得江山老杉可製棺

具者七十六翁外是復何求耶

三年輸石榔三寸勝桐棺
與馬衣薪異將蠶作繭看形

骸終是累魂魄
但求安生死分勞息
吾非慕達觀

徐觀卿屬題竹間小照

池上千竿渭濱千畝
君子之居君子之有一

維其有之是以好之
豈維好之亦克似之二

外則直弓中乃虛弓
于焉况德淇澳之詩三

卷中之人舍毫邈然
我像圖之代以言宣四

仙馭弟七十初度以繭紙來乞壽言戲作小仙

謠贈之二首

好片霞光軟玉箋
咲將潤筆抵長錢
一門兄弟皆丹籍

爾是茅家竅小仙
時以醪分見還

莫問三千與大千
五通亦是地行仙
黃眉碧眼邈相遇

七十嬰兒正少年

重陽前五日喜接敬思見過

旅懷經久別王事迫嚴程枉棹因余病傾筐見汝情行
傾筐以願念出晉書殷仲堪傳敬思將回廣
州郡丞任行李方缺之承分藥餅之資故云
信鄉味及蕪美野餉雖微薄相留意不輕

九日許鐵山楊泓崢連舫過草堂初擬載酒登

山晚為雨阻

畫船銜尾到柴桑一嘆陶家徑就荒却喜吟編投好句
如開病眼領秋光二子以秋日咏杖扶野老蹒跚步酒
散騷人鬱結腸不料清遊天也如滿村烟雨重陽

題楊泓崢負米圖卷

是母靡不慈古今幾孝子愛此負米圖援經而證史解一
負米不為身反用少陵語仰事俯有育詎忍聽啼飢豐年一

雙玉解二

孝子前致辭糠粃可療飢勿將反哺粒分減到舍飴解三
慈母亦有語天心視施報但願膝下孫他年如爾孝解四

聞楊東崖旅櫬到家未能往哭詩以送哀

旅櫬南歸日吾方伏枕辰為誰留望眼與世惜斯人未
作青雲士空悲白髮親一哀辭不盡餘泪溢衣巾

病中曾濟蒼過存勿即別次疊舊韻

別有中有約泛雙橈重過南塘第五橋短札長箋期再
再荻花楓葉夢遙二文能耐久常存舊病恐滋深不在

標忍作扶床來便去未曾卜晝况連宵

枕上呻吟四首

受病知何日今為覺痛時不仁先手足餘毒遍肝脾

連發醫家皆云肝脾濕熱之所証症自得安心藥難尋速效醫朽株空穴

喻三復奪天詩

細數平生友人間賸幾人枯松形伴影宿草鬼為隣隔

世轉頭乍連宵來夢頻遠慙無近媿一嘆一傷神連夕

朱與三祝方王子穎桐村兄弟

秋盡日力華致菊花教本列於階前強起排悶

重陽以後過旬灾好事童還致菊裁我自無心携酒賞

一年秋負此花開

後十日德尹携酒共賞疊前韻

勿藥豈非无妄疾有花莫問是誰裁能消二老一夕醉

正爾不用爭先開

寄許純也徐階五兩編修時奉旨佑計畿輔

城上兼司賑濟

鴻飛方集澤賑恤荷皇仁豈乏循良吏猶煩侍從臣

力難施版築才可試經綸損上斯為益端須惠及民

病起蘇軒前秋花已萎課童除徑

入冬百卉荒蕪盡愛惜能無翦伐加留取陳根分種類

掃開落葉待萌芽墻陰緩步蒼苔出屋角回頭白日斜

七十六翁窮未死明年還擬看秋花

徐觀卿年四十三方舉子書來索詩二首

已稱外祖方為父女增來奉賀容筵余姪基為徐長若
比克夫差校蚤生兒還在兩年前即克夫舉子

掌上爭傳一顆珠他時摩頂記曼殊時年四十五
待看徐卿第二雛少陵有徐卿二子

偕德尹至梅里送竹垞表兄墓

平生載酒論文地今日偕為執紼行萬卷書留良史宅
百花莊近相公塋卜兆百兆花莊距銘傳有道辭無媿
淚落天傭表未成合孫稼翁乞余撰十七年來餘痛在
待宿草慰哀情

連接盧仲山沈麟洲海南信一詩報謝

兩州同一島萬里致雙魚遠憶山中史頻煩海外書是
施均祿俸匪報乏瓊琚古義論辭受居貧愧有餘

高聲伯誥仲兄弟年皆近八旬秋來先後除授
教職入冬相繼云亡良可憫也

高家老兄弟得秩不辭早白首同歸日青糴未煖時天
寧留碩果世漸少名師野外誰傳訃誰應哭所知用檀弓語

久旱乏煎茶水遙得泉講師至口占四句
殘年最相如渴茶灶經旬付冷灰正擬問龍還乞水

敲門一咲得泉來

歲云莫矣一室蕭然殘書十架外几案間惟小
物八種意有所觸隨筆賦之或莊或諧非贊非

十架外一作十架而外
非贊非銘下二本云我初不求
其工人幸勿以此言其謀

被一作破

銘自造一時之典爾

興一作樂

紙亦竹所成云何被竹壓如以紙鎮紙是名不仁法一
厚能鎮薄尺寸青膚重山岳二

右竹鎮紙

一拳石從研得名天與竅竅匪鑿成草堂之靈英山英

右英石研山

挹彼注茲以言乎入也前涓後滴以言乎出也如井收
之勿幕庶取用而恒給也

右均密硯滴

有生缺陷造化補天一凝冰相予蓄

右水精眼鏡

唾可加出可哇語其量有茹有吐耶充其羨不屑不潔
耶

右哥窑唾盃

孰使一餅之中而備四時之氣尔滋尔長兮于烏代匱
吾聞吾哀兮以為臭味

右花餅

貪為墨近之者黑剝沐以辨毋緇我白

右白玉墨沐

南山竹毛氏族中書受封此湯沐用其穎兮棄其禿口
不言功兮湘靈代哭

右湘竹筆筒

一本無功字

圖一作閱當從

鑑之昏矣塵則集矣心之蔽矣垢斯積矣惡乎除塵視
排拭惡乎去垢在洗滌

右古鏡

寒夜作

朔氣襲凝寒重衾一老身效收綿力薄量減酒升寬不
寐夜偏永無端歲又殘奇方傳教息餘煖在還丹也

丙午立春前雪

立春在卯時五更猶是臘雪也

麥隴輕冰後茅檐薄雪辰五更初餞臘三日復迎春俗
儉希霑澤年哀敢怨貧或示天示兆活此一方民

陳宋齋有新年試筆見寄詩即此去年中秋齒

會二章韵再疊奉訓

已是田居又索居得君詩勝得君書揮毫力健增年後
嚼雪神清薄病餘轉眼又看梅萼破當頭猶記月魔祛
釋典以月望為魔祛巡檐索咲原初約乘興還期過救廬
草木年隨草木儔師門乍夢感同遊齒雖似馬徒加長
學不如農豈有秋自返田園甘養拙向來林澗恐貽羞
授經傳業輸君在隣壁餘光肯借不來詩有書種有用其室逆之句此章專以志愧

廣四雖吟并叙

白香山雖四雖吟以年老命薄眼病家貧與同時
四人相校自謂已勝于彼余意不然命薄家貧夫
何足道眼病特年老之一端耳爰捨其三而廣其

若當作苦一作善

一義取達生未免援儒入莊矣

眼雖病日出猶生明耳雖聾風來猶作聲手雖斂信筆
書猶成足雖廢倚杖跛猶行牙齒雖脫落猶能茹菜羹
鼻雖若飢飢噴猶能遠穢迎椒馨天既賦以形又復勞
其生行年七十七尚欲適天形刑曾家貧與命薄足以
擾吾宇而櫻吾寧

題沈椒園南階初卉圖

取休文八
咏詩中語

歲丙午元旦沈子造我廬殷勤索贈言袖出初卉圖我
咲問沈子繪圖者誰歟經營出意匠頗與俗手殊清池
池十畝光蕩漾金碧居旁添竹萬个高蔭松一株雜襟
花繞城平照綴紛紫朱置于其中圖書間琴壺神情

既閒暇氣韻兼蕭疎碩茲初卉名于義奚取乎荅云卉
者草尔雅曾分疏八咏自家傳萬形聊託諸我有迂濶
語推類請及餘大哉天地間物靡不有初日初視乎旭
照耀徧寰區月初視乎絙縱轡騁望舒驥祿千里足厥
初乃名駒鳳皇九苞羽厥初亦名雛人生曰初度未幾
稱丈夫初學泝本根六經寔菑畬初志勵晨夕百年積
辛的閑家交有功初筮後莫渝世途謹初涉當路無岐
趨我老事之乖失之在東隅今雖悔弗逮敢望收桑榆
願于及盛壯鑒余為前車勿徒草木觀毋被形質拘有
初克有終先甲從畢辜此意期不薄此圖設非虛

禽言九章

一本胡氏下有乎字

春風吹畦春草發春雪浮：泥滑：一
群趨群步退飛有路不如歸去二

宅不毛田不苗家：土甿無柴燒直將夏麥黃重看婆
餅焦三

前年海水鹹殺粟去年連勝旱種菽今年雨足盍來重
播穀四

鳩鳴椹熟扈將啄粟鵲鵲鵲催蓋屋五
同功偕作爾頭自薄胡取蠶絲一百箇六

野有慈姑其葉沃若孝婦之口忍云姑惡七
村南之酒村北酤不計向生熟但問錢有無女當鑪男

提壺八

天未明且偃卧炊未成且忍餓老而未歿得過且過九

題友人評硯圖 六言三首

天質花青葉白人工銅瓦陶泓能分上中下品勝看詩
書畫評

直可呼為軟玉磨而不磷匪堅純綿何妨畏鐵纖手搓
來欲圓

侍女淨揩几群兒徐戲芝庭勿唾兩手三硯也似各
傳一徑

入春冰雪正月拭抄盆梅初試一花邀諸弟小
飲

連旬冰雪發孤芳老瓦盆邊酒亦香大抵人情矜少見

白袍一個破天荒

用東坡海外贈人語

庭用尋梅向水濱草堂者對亦前因就中孰是拈華者
咲口齊開四老人

二月二日晴效放翁體

一月陰寒慘不舒風光也解轉庭除門開霧野三竿日

冰躍盆池二寸魚傾倒空箱旋晒藥揩摩溢眼試看書

吟成聊用龜堂格猶記年當十七初放翁有常憶年當十七初時之句乃

其七十七時所作

送馬素村赴選入都四首

君居距余居一塘三石橋如連六十井

毛詩疏六十四井為甸方八

里吾兩家道里相去約如此數共聽早晚潮有書容借抄有酒首見招

造門或卜晝下榻仍連宵言念平生歡能毋感寂寥明

知有岐路老境不自聊

自我反田里君旋客京華不見十餘年去夏整到家今

又別我出行向天涯黃昏叩門入驚起宿老鴉貧者

有贈言貨財茂以加藟莩倘可采跡遠心匪遐

舉場名久噪七上遂初元得第世所榮是科特名思渭

當出頭地索筆侍紫閣乃復僑其曹貫魚伺銓門平生

著作手詎耐簿書領繁縣令古難為吾聞前輩言

聖主方右文津宮芹藻美他塗不以襍間用名進士五

十曰艾年正當服官始儒師去俗吏奚啻相信蕪試問

敷教寬何如猛政理官成論巧拙斟酌當及此

驚蟄後二日雷雨大作

天地久閉藏雲雷動盈滿豈其震群蟄端用起我嬾晨
興拓窓望雨脚垂箭斨戶：烟氣微村：農事後園中
菜芋茁野外麥猶短飢饉適游臻桑榆之餘暖婢依懸
釜立童負濕薪返一老方坐慙得餐寧論晚

後三日復雪

雪霰忽復集先期蟄已驚人皆虞大旱我且憫微生燕
出巢難覓負暄錄少年時伐薪見蟄燕一椀其蟲填戶
欲平坐愁無好句強半紀陰晴
天慳深霖三冬後地奮雷霆一震中誰料此時翻得雪
蟄蟲真是可憐蟲

花朝偕韓奕家德尹赴陳宗齋看梅之招二首

滿灘春漲拍溪沙萬里晴光照海涯近社人隨新到燕

勒寒梅是未開花攬頰首信風信情減時宗齋捨杖方

看足力加一咲前年猶在耳直饒君作少年誇余與宗

順治庚寅年出應童子試始相識余同君年前事矣

文渚原初從古處論家風可使薄夫敦蚤推友愛如暈

弟晚喜姻媿到子孫身健會尋他夕約酒香且泛上時

尊何妨小度從前例信：為期視此番向來此會以三

春分前一日西園看梅四首

候到春分始見梅人情大抵惜遲開似留老子尋詩地

免使衝寒忍凍來

信一作西宿

忍一作踏

日氣花光一片明雨初晴似雪初情短筇落手不愁滑
路濕好尋乾處行用放翁句
主人久病園頭懶林下漸成榛棘叢尔自不曾辜望眼
依然為我報東風
靚回冰雪得春妍漸到清明穀雨天桃李輿臺何足壓
後時猶占鼠姑前
雌蝶雄蜂知不知歸來小折橫斜枝膽瓶相對影正好
坐到月上燈昏時
憶庭前紅梅前年海水淹吾庭群卉無恙此樹獨萎
小樹難逃曠劫灰花時兩度憶紅梅白頭豈復賞顏色
未免有情因手栽

題陳子晉孝廉把卷圖

鄴侯牙籤三萬軸挿架新如手未觸退之此語含譏謂
是書多難盡讀陳家鴈行好弟兄一門以內七業成豈
惟過庭學詩禮已自拾芥聯科名他年捉鼻知不免歸
侍晨昏猶把卷會當讀書盡乃翁書為尔披圖留望眼
春分後十日偕德尹曾三芝田學菴諸弟西軒

看梅二首

西麓看花歲有期今春陰雨故遲遲遲來已近禁烟後

猶及湘梅爛熳時湘梅開最晚

意外偕遊得五人時學菴甫從江陰歸瓊枝別與報芳辰多承載

酒殷勤意四日為期未覺頻祠中玉蘭將吐曾三弟有約上已載來賞相距不過

四日

春酒還同社酒傾不煩苦勸各飛觥年々此會吾能預
只是慙稱白髮兄明日是德尹誕辰故借用東坡語

僧哥殤三月二日

夢中先得識膝上果傷雖桂附殊難療參苓或可扶家
皆云宜服人夜力不能給也家貧心負愧泪落眼從枯何取人間世
摧顏作老夫

清明日再同諸弟西阡看玉蘭戲作吳體

清明之候天氣回林下水邊節物推今日韶光異昨日
半開花意勝全開木蓮木筆取形似玉蕊玉蘭從客猜
贏得村童拍手白頭五老又重来

小飲曾三齋再疊前韻

此生此集凡幾回春事向晚花信推可無詩與蕭灑送
况有酒澆壘塊開頭盤百博破顏咲字謎或比藏闔猜
天於我輩分不薄莫遣後期踈往來

翁蘿軒札來約為西湖之遊以詩作答

故人傳尺素春事滿湖塘柳外移歌席花邊繫画航勝
遊憐我嬾後會門誰強留待登高後候相尋醉鶴觴後重

陽後二日為蘿軒八秩大慶

早發嘉興

茫茫曉路出杉青風色初回霧氣醒夾岬黃雲三十里
片帆飛渡菜花溼

一餅頭網馬上茶名園人指画图誇而今花木知誰主
付與青旗賣酒家

立夏日飲同年李若華無錫學署

劇縣疆初割青瓊座尚温
弦歌二三子時分置金匱縣
半詩禮一孤孫若華与今兄寅谷皆
表子西家惟一孫分託同年古情缘
舊雨敦恰逢櫻筍會
款語到黄昏

過青山莊與天張天門前輩話舊

一別京塵十五年
歸休相對各華顛
主猶愛客寧辭病
我得如君便是仙
再世平泉深雨露
千章喬木長風烟
卜隣未果青山約
回首令人意惘然

毘陵訪徐茶坪流連信宿快讀新詩兼晤兩郎

君喜而有贈

風雅今誰主
言追正始還
唱酬如不隔
哀病最相關
別裏頻馳札
重來各慰顏
欲知倒傾倒
意在紀群間

茶坪出新意
製料絲燈四面
不用山水花鳥画
藁乃從拙集中
采取七律一聯
以真州隸篆四
體書別墨而成
郡中燈市為之一
度今以兩挂

見貽小詩報謝
兼邀莊蓀服湯
述庭諸君同賦

製出徐家意
匠工墨間有白
一問紅空游
絲度體雙鉤

外漢師宜官
暖玉生烟四照中
有玉邑陳太常
家翠墨鏤

成疑響榻碧紗
題處愧新籠
一燈從此傳
千百執扇渾

如画放翁

春夏之交往返吳中十餘日歸舟連遇逆風口
占一首

經年心跡閱林邱偶作東吳十日遊春水迢迢紫浦淑
曉星落教上朋儔黃魚好勸加餐住紅藥如邊買咲
留不管管石尤風力橫一篙容易轉船頭

寄廣州太守樓敬思次章兼東姚齊州同學

館閣儲才地髯兮果軼倫名高開望府宦達得詩人
清節酬明主慈顏奉老親定知循吏蹟不忝孟家隣
昔作羊城客今稱在戶農十年回白首萬事感微蹤自述
丁酉客粵東事海闊沉魚素天長少鴈封舊文姚合在為為我
道哀慵

蕨軒初夏觸景成吟

垂檐庭樹影初交坐閱紅芳換綠梢童穉不曾驚鳥雀
將雛時節復來巢

插竹纏枝引幾竿詩人遊戲出毫端屈本將木本作芍

藥。擡。草。花。稱。牡。丹。昌黎東坡詩皆以牡丹為木芍藥今稱纏枝草本為牡丹

茶藤架與薔薇援比擬同時得兩家別向隣園移月季

一般開作四時花

金魚苗貯瓦盆間世界江湖無寬一美貧家供給薄又

因施去食減盤餐梁天詩我來施食不垂釣少陵詩盤飧老夫食分減及溪魚

箬葉還同魚子看箇中臭味品題難閒來繡畫金漳譜

不愛珠蘭愛米蘭箬葉亦名米蘭魚子亦名珠蘭皆庭中所有金漳蘭譜一卷宋趙葵著

春夏之交往返吳中十餘日歸舟連遇逆風口
占一首

經年心跡閱林邱偶作東吳十日遊春水迢迢紫浦澈
曉星落教上朋儔黃魚好勸加餐住紅藥如邊買咲
留不管管石尤風力橫一篙容易轉船頭

香在如心竹移以旦風云州

二首

丁巳三月十日

學詩人隣蹤自

粵東事海闊沉魚素天長少鴈封舊文姚合在為為我
道哀慵

窳軒初夏觸景成吟

垂檐庭樹影初交坐閱紅芳換綠梢
重穉不曾驚鳥雀將雛時節復來巢

插竹纏枝引幾竿詩人遊戲出毫端
屈本將木本作芍藥。擡。草。花。稱。牡丹。昌黎東坡詩皆以牡丹為木
茶藤架與薔薇援比擬同時得兩家別向隣園移月季

一般開作四時花

金魚苗貯瓦盆間世界江湖無寬一
美貧家供給薄又

因施去食減盤餐樂天詩我來施食不垂釣少陵詩盤飧老夫食分減及溪魚

箬葉還同魚子看箇中臭味品題難
閒來繡畫金潭譜

不愛珠蘭愛米蘭箬葉亦名米蘭魚子亦名珠蘭皆庭中所有金潭蘭譜一卷宋蘇軾著

蜂尾穿花但釀甘人言甘苦兩難兼那知世有黃蓮蜜
甜
可得中邊一味甜東坡詩蜂開黃蓮采蜜花本州宣州
有蓮黃蓮蜜釋典如入食蜜中邊皆

不待年時夏稅期家續命望新級天移四月為霖月

邠風之蠶故遣綠盆浴繭遲連月春寒立夏

西舍東隣燕子忙舊痕掃盡只空梁琴書正恐唧泥汚

迴避儂家六尺牀少陵詩唧泥

夢回明月感梨花畫景依稀向裏濟辜負主人留眼望

去年白燕傍誰家余去年白燕詩有秋期行漸近春社

解嘲

感夢

眼望一作望眼

古有高資戶今懷永熟鄉開邊充名募近輔活流亡厚

腊頃防毒無創幸勿傷太平占氣象只在勸耕桑第六

維摩經

題烏程令王懿誦牧牛圖小照

出門便是艸已到使牛處却关臨濟師逢人猶問路解

鼻孔何用牽放閒付阿對露地常在前人牛各自在解

官今方牧民寓意在調伏可知母憶子不異牛舐犢解

我有十幅圖與牛作公案除却牧牛歌請君加判斷解

偶徇乙酉隨 駕日記中有恭和 御製之良

鑒五律一章刻集時失載今錄存之一本無時字

好生天地德舉念感 皇慈已致民多壽還憂國少鑒

蜂尾穿花但釀甘人言甘苦兩難兼那知世有黃蓮蜜
可得中邊一味甜東坡詩蜂開黃蓮采蜜花本州宣州
甜

原注
東坡詩時時見既翻詠續命望新絲天移四月為蟻月

月三月也故遺錄盆浴爾遲連月春寒立夏

西舍東隣燕子忙舊痕掃盡只空梁琴書正恐脚泥汚

迴避儂家六尺牀少陵詩脚泥點汚琴書內

夢回明月感梨花畫彙依稀向裏濟辜負主人留眼望

去年白燕傍誰家余去年白燕詩有秋期行漸近春社望重歸之句今竟不至故用章孝標

解語以

感夢

眼望一作望眼

古有高資戶今懷永熟鄉開邊充名募近輔活流亡厚
腊須防毒無創幸勿傷太平占氣象只在勸耕桑第六句用

維摩經中語

題烏程令王懿誦牧牛圖小照

出門便是艸已到使牛處却关臨濟師逢人猶問路解

鼻孔何用牽放閒付阿對露地常在前人牛各自在解

官今方牧民寓意在調伏可知母憶子不異牛舐犢解

我有十幅圖與牛作公案除却牧牛歌請君加判斷解

偶徬乙酉隨 駕日記中有恭和 御製之良

鑿五律一章刻集時失載今錄存之一本無時字

好生天地德舉念感 皇慈已致民多壽還憂國少鑿

神農今再見岐伯更誰師
无妄初元疾須將勿藥治

梅雨連旬村中無播穀者

夜、雨連朝村、路斷橋沉波多宿麦被攏少新苗

蟻緣階上庭蛙闔戶跳眼前愁脉滿灾豈待風潮見脉滿

語土人以七八月為風潮之後

題昆陵湯述庭東菑饁耕圖卷二首

欲作勸農詩逢年凡幾箇知君圖寓意聊以警游惰

出閫無溢辭其能家置喙我展饁耕圖知君有德配

曾三弟銓授寧波郡學教官引年辭職詩以美

之

行藏能自断物望遂相懸清濁泉因地卷舒雲在天閑

搔雙雪髻咲擲片寒瓊寄語蘓司業毋煩乞酒錢少陵

廣文詩賴有蘓司業時乞酒錢

春抄過曾濟蒼一夕而別入夏蒙兩寄書先後

以疊韻詩索和次韵奉訓兼東高大立二首

風光暗閱人頭白喜如新小別俄徑夏前遊尚及春沉

吟懷剌曲寂寞慰潭濱勿怪書遲答詩癡易彙頻用宋

相望兩故人物候又驚新屢送山中臘猶儲若下春烹

鮮餘鱠縷連舫待溪濱地主清狂在行呼老阿頻來詩

舍弟近况故及之阿頻弟小名也

題徐韓奕小照二首

有手不放閒携提携到筭管咲問八十翁疇為擷芳侶
牡丹花中王蘭亦稱國香不逢宋芝叟其官襟衆芳

苦熱六月廿九晨起作

天之告灾古所聞早既太甚今復云氣將歆海夏塵霧
力欲拔山成大雲鱗介難從奎偷活羽毛兼恐林遭焚
人於其間何處避蝇蚋惆塘非尔群

兩意得宋齋見寄詩期中秋踐廷益湖莊之

約次韵奉答七月十九夜

兩榻勻鼻息忽傳剝啄寄書人過頭久結西湖夏

屈指為期八月春仰克夫以八夢去多番懷好友老來

幾箇偷得閒身輸他龍馬賢昆季相距躡躡隔兩塵

久一作欠

麻軒秋花今年特盛

高沿籬作障低覆地成茵草本無非藥秋花不讓春早
乾時適至澆漑澤惟均不負栽培意終歸造物仁

戲畬周柯雲即以來詩中勤羸窮高四字為韵

耄矣無新得終焉失舊廬聞業荒慚羸惰時高過悔翹

勤自署知非子人嗤折角君時纂輯易注初成素榆收

太晚餘照幸旁分

去日多于髮消閒事宜花寧煩助長杖或借扶羸興

到三杯酒吟成五字詩偶然來熟客亦復著饒基

黔婁為妹增山語晚情略相同海角支離叟人間潦倒

翁鼠飢辭米盍盡飽恣書叢頗咲韓夫子為文欲送窮

第七句一作最謂
栽培力

一本無中字

似譽尔如嘲多承一字褒稍知辭世易敢作閉門高廓
落容吾輩夸毗聽汝曹枯松元蚤偃不是傲蓬蒿

驚聞紹姪天津之訃八月十日

急足三千里俄來告汝終適當風雨後驚起夢魂中掩

面泪交迸附書哀莫窮西郵兼北訃何以慰而翁時潤

江西典試淫姪

弱冠充鄉貢今經十四年得名時最早不壽世爭憐京

雒交遊重家門友愛傳細思無死理我慘但呼天

新婦為妾婦猶遲廟見辰粧奩資藥物衰經換綦中割

股初拚命迴腸為奉親占來稱節孝嗟尔未亡人姪贊

甫西月病中新婦割股和藥歿後屢歎自徑皆來僕口述事

二月占初吉依活北征仲春朔姪將北上半年踈問

訊一別判幽明家已丁哀運天胡厄後生眼枯垂白叟

未死得無情自乙未至甲辰十年中連

重九日德尹邀同沈楚望房仲椒園及家尊聞

東木於小夫山潮神廟作登高之會基姪治具

座間得詩三首屬諸子共和

海濶天低處登臨不在高一年秋向晚二老興仍豪練

練沙紋細層層石脚牢西風吹帽落絕勝上金鰲明張

詩落帽風高客袂寒

積雨當新霽亭空望不迷雲烟無朕迹天地露端倪

水勢方趨下潮頭忽轉西近帆看漸遠一點鳧鷖

吸一作吹

沙彌殊解事指點語哀翁春夏初暄後東南積水中樓
臺入圖畫人馬走虚空海市依稀見吾詩與識同是日
述三四月間所見如此余前題神
廟詩曾有雲散蜃樓呈象出之句

牆角牽牛秋杪尚吐花

餐風吸露吐晨光續續花隨引蔓長賺我秋來頻蚤起

直先七夕後重陽

答錢塘周少穆次來韻

種稻恒苦遲藝稷恒望蚤芝蘭所植孰辨二芳草見後漢書

廊夫毛羽性或殊鷓飛讓鴻矯浮沉視水族蘋也要非

墮一作隨

滾眼前具物理豈必事遐討彼昏有不知醉夢墮茫渺
周生湖山产譽擅東南寶猥蒙謙：懷枉訊及羸老我

初壯失學餘媿時滿抱響應失宮商鼓鐘虛擊考竊聞
立言義作者務根道與子古為期摩蒼還汎浩

沈房仲範研銘

其追其琢寓斲於石諧笙磬而同音吾以觀端瓊之德

寄祝老友翁羅軒八秩壽

杖朝一老重鄉評耳尚含聰目鏡明獨樂湖山歸地主

同時卿相出門生相城相國靜海司寇皆先烟霞爰赴

神仙画忽竹閒陶觴咏情我欲壽翁何以祝。祝翁還

請借翁名

借德尹曾三芝田赴學菴之招

浹日招尋又一回樂群鷗鷺共沿洄十日前曾似聯等

輩成吟社可有用門生致酒材新種青蔬供小摘就荒
黃菊見喜重開依然三徑柴桑宅不信曾官主客來
題許鐵山楊弘崢秋日咏物唱和詩後二首
才人洵有不平名老耳空堂慙悴驚曾酌社翁春社酒
鼓商之應識秋聲
蛺蝶新時樣總非爭誇好手繡羅衣報章不乞天孫巧
屈宋原來是錦機

敬業堂詩集卷五十三

海寧 查慎行 悔餘

詣獄集

起丙午十一月
盡丁未四月

十一月十九日雪後舟發北關

冒寒連夜赴嚴程行過塘西天始明多事兒童催蚤起
教峯晴雪指臨平時率子姪輩少長
九人同赴詔獄

泊虎邱

壯欲辭家老未能得歸擬作此山僧預愁脚軟腰無
力雞躡浮屠取上層

過常州不及入城留簡東錢亮功徐學人

同年同學餘幾箇出處難教一例錢同錢不如徐猶勝

我尔万室處我衝風

大霧渡江追憶丁亥春 先帝南巡迎 駕時

過此

憶昨迎 臺旭日紅今朝雲霧隔重二天留未死孤臣
耳又聽金山寺裏鐘

過寶應示章綺堂同年赴詔獄

射陽湖畔偶停船却望前遊意惘然村隱老去大石
魁館閣歸來喬木長風烟人皆讓尔先成佛我得隨深
蚤是仙如此冰雪霜如此路七句以外兩同年

連日東風黃河水合而復釋清可鑒鬚眉尔一

異也

地降天升水氣澄人間何處辨休徵全虧三日東風日
融盡黃河董萬里冰

是夕雨幸已渡河

馬為薄蹄愁雨雪狐防濡尾怯風波二途處一知神貺
用昌 藜語 竊幸朝來已渡河

沂水縣南二十里道旁曰二疏故里感而賦此

西京盛事傳稀有解組歸休我亦曾今日經過疏傳里
檻車誰料有重徵檻車上施欄檻囚禁

霧滋花古人罕咏者惟曾南豐有七律一首拈

筆示綺堂

迷濛夜路轉平沙開徧千林霧滋花中有數株高出屋

蒙陰城北野人家

輿丁僱短驢

隨車逐馬走跋：此路由來富役貧者取探囊租小蹇
執鞭還有執鞭人

題慈陽旅壁

高從泰岱躡天門
晃絳龜蒙一氣吞
好咲螯山拳石耳
欲於此處獨尊稱尊

阜城除夕邑令非南酒一尊

邑宰非故舊何來此一壺
投醪今夕意明日抵屠蘓

趙北口坐冰牀

老涉驚波足可憐
平生履薄怕臨淵
阿誰與唱公無渡

三尺冰牀穩勝船

旅店具魚羹有感而作

解凍風來二月初
水圍例賜擊鮮餘
金餘糲已溉餐
何忍謂是先皇縱壑魚

丁未立春

正月十四日

曆頭七十八回新檢點
猶餘現在身
氣來自東來
瞻淑氣臣今老去作
纍臣平生內者能無疚
此禍相連亦有因
聊借樂天詩自慰
八寒陰獄及陽春

香山成語向前一曰大雪故用之

去冬臘月朔渡江
連遇風雪舟行至邵伯埭阻
冰復回揚州
越旱及十四日渡河
則冰復開
凌之後波平如鏡
可鑒人影
願語同舟曰此非

河清之瑞乎因口占絕句云：近抵京師入刑
部獄十餘日聞各省奏報河清與余所見輒合
再作七言長律紀之

喧傳喜氣動春城河瑞曾於臆月呈九曲竟成千里潤
萬年重為一人清風雲得路均沾澤草木何心亦向
榮多少詞臣應獻頌蟄蟲慚愧發先聲

二月朔聞門 皇上親祭社稷壇遇雪恭紀

重展堯冀又匝旬每逢祀事必躬親時逢豫大豐亨
會德感壇壝社稷神三日致齋心皎潔五花應候雪紛
纈麥秋好卜邦畿瑞預慰皇皇情及早春

和胡元方中丞次東坡入獄詩第一章韻

兩月冰霜忽入春余自去年十一月初八日離全家赴
獄豈惟身僮奴漸狎鈴柳亭子姪初充洒掃人窮可挪
揄宜有鬼文雖故舊亦如神者為神文與君只隔重
圍住得讀詩新詩是夙因

謝元方送莞香

同氣類相求蕙嘆因芝焚豈若歟噴者薰蕕兩無分故
人起我頑辟穢揚其芬依然方丈室四壁生烟雲

元方以三絕句見投追憶武英書局舊事次韻

以答

乞歸兮作老農師遙望觚稜記往時同調祇今零落盡
忽從臺獄和蘇詩

偕隱相期出帝都白頭豈料復長途鶴原急難田元弟

不敢重誇四杖圖康熙士辰與仲弟德尹有歸休之約

書局諸君皆有詩見贈雍正甲辰三弟潤木有墓假歸

四弟信菴南宮下第白頭兄弟同聚一堂沈于松年為

繪四杖圖因來詩有好在壺

中二隱因之句故併及之

詞賦何當羨長卿悔從俗學博浮名此中舊是傳經地

幸檢中箱借老生時從元方借讀周易

元方又用東坡入獄第二首韻余亦次和

風人自古感淒涼到此誰能氣不低隙影一塵容野馬

甕天三尺覆醞雞和詩剩有斜川子用東坡海南問疾和陶詩中意

兼無法喜妻花落鶯啼頻入夢幾時歸踏下塘西

故用東坡樂府中語

元方以上已夢中作屬和兼以慰之

閨歲纔過一半春前四日春光旋報采蘭辰招尋每嘆

虛高會唱和差欣得近隣終望主恩全晚節由來天

意憫文人有生所歷誰非夢莫把須臾夢當真

東坡有咏御史臺榆槐竹栢詩元方獄庭無竹

栢以菊梅易之余幽囚之所并無榆槐止有老

柳二樹其一已枯姜方供獄卒焚薪仍用來詩

次韻之例賦孤柳四章

雙柳誰所栽年久換新綠想當綢繆時寧料芻蕘東北

株乃先姜竟被金剋木其一似舍悽欲唱渭城曲我咲

戲相語保已良已足幸敷尋丈陰庇及瞻烏屋

一右次榆韻

春來影旋動夏至涼可歇
垂垂弄風條點點溜雨葉云
何讓榆槐秋實獨少英
入冬雖凋落飛絮猶比雪
隨時閱寒暄荏苒送日月
華堂或盈萬嘆尔太孤絕

右次槐韻

青草一寸無何況栢與竹
爾以少見留免教斤斧觸
閱人涼已多大抵榮勝辱
榮者為金尾全辱莫如碎
玉豈無君復梅亦有淵明
菊且留青眼看毋使眩紅
綠

右次竹韻

向使生道旁視之等一葦
柔條被攀折秋後猶未已
何如在杆控作配癡老子
南枝復生華惜已迫暮齒
縱逃入樊厄行就凋槁矣
誰復見當年風流張長史

右次栢韻

元方以贊僮潘姓畫松詩索和戲次原韻

鵲依庭柳雞群棲飽食
餘粒飢啄啄泥晨來東嚮
傳好語片紙飛墮茂墻西
展開乃是畫松什金篋刮
去西目重翳恍如突兀見
此樹蒼髯翠鬣可望不可
梯雲烟浮空遞出沒蘿蕙
著壁相纏繫頓疑園土度
山谷旁有白石鑿清澗流
漸玉川長鬚那得此好手
想與執爨老婢顏面同其
鬢主人文雅僕不俗行厨
行筍隨提携老夫耄矣頗
好事欲乞尺幅咲比隣家
醢倘能放筆為我作直幹
識画之眼畧似分別青黃
驪惜無傑白追步浣花叟
使汝流傳名與畢宏常偃
齋

固始令汪牧庭故人棣園學使賢嗣也亦以事
在獄從元方中丞索余贈言偶憶閩中舊事以
二絕向東之

莫逆初從七字詩
楓亭荔子憶分貽
至今餘味津
三十年前贈答時
戊寅仲夏同朱竹垞至福州尊甫棣園學使分餉亭晚熟荔子余以詩奉謝有熟時亭論晚名下果無虛之句棣園和章有知味人無幾聞名晚不虛之句皆借題以寓契合意
再世論交復有詩
新篇如荷故人貽
時牧庭以和元只愁咫尺成千里三見東方月滿時

哭三弟潤木二首
三月二日

罪大誠當殺全歸有數存生難寬吏議
暝亦沐君恩
鬼守穉鄉魄棺封詔獄魂幾時容反
葬薄殮勝王孫

家難同時聚多來送汝終吞聲
自兄弟泣血到孩童地
出陰寒洞天號恹澹風莫嗟泉
路遠父子獲相逢
上姪先一

閏三月朔作二首

已過八十八又三日昨日縱逢穀
兩辰自是黃梅宜有
厄清和半月閏殘春
年光何與哀翁事也復時
喚奈何為百草夏春雨少
替千花惜曉風多

春已盡矣孤柳尚未舒條
閒步其下偶成

園外新葉樹出牆高亭
畫地乃為牢獨來伴拘囚
我哀何足道日夜望汝榮
已經三月餘衆眼終未青
將毋

學病叟亦作支離形並生天地間草木非無情寄語後
栽者勿依問因廳

敗群鵲

朝查暮嘆鵲聲喜烏殺惡兒童打鳥不打鵲道是
坑干生處樂維南兩鵲鷲不仁占巢高樹旁無隣有如
鷹化為鳩眼未化以猛濟貪四顧圖并吞每當下食群
退避六國何敢爭疆秦我欲驅使去舉火兼巢焚一回
一嘆還逡巡天生萬物何物無敗羣吁嗟乎天生萬物
何物無敗羣

牙一作芽

余續賦孤柳一章謂其生意盡矣立夏後試以
井泉澆之旬日而牙蘗稍萌再作一首索元方
及德尹信菴西弟和

徘徊古井涓枯者長已矣平影憐其孤梢頭尚含蕾涉
春旋入夏謂汝亦隨萎天旱雨不膏地窪坎有水輓轡
轉百尺灌溉自根始近本稊忽生漸看葉疑敢誇人
力勝實荷栽培理初如脫網魚半生猶半死終媿上林
枝三眠復三起

涼棚吟

置身坎上交叢棘周圍團團幽囚擬編戶聊受屋一厘
舉家十數口老者居三馬正愁五六月赤日流炎躍胡
以使病軀免迫湯火煎春梁主事情同地主賢時於
縲絏中委婉相周旋謂當設涼棚僱值約五千展開日
積穢土料節日用錢列木十數株交加竹作椽蘆簾與

草蕨補綴繩寸聯轉盼結構成軒豁開盡天凌晨常早
起當午續夜眠清風有時來好鳥鳴林端繫惟三老喜
群兒亦欣然語罷咲啞二餐餘腹便二或如蟻旋磨或
如魚躍淵或持書一卷或錄詩數篇襟坐首齒序徐行
忽劉先並荷清涼陰渾忘在憂患叶窮為天所隲厄乃
世所憐餘生知幾何造次求自安人咲比茶蓬似可結
善緣何如杜陵叟廣夏千萬間我方計逃暑彼乃思庇
寒

病起吟

鬱火不上炎下注成癰疽彼蒼宵垂憫負痛不敢呼涼
無性命憂聊復忍斯頃沉綿五晝夜寢廢食與俱今晨

忽潰決僅免腎无膚起來就涼棚曳杖行徐徐初日照
我影依然一老夫丈夫老夫不自知人謂形太癯神清夢
醒後悟徹痛定餘那將煩惱藤傳此露電軀從茲維摩
室四百四病無

又五言絕句四十首

一表四十年韜在毛全秃狐貉不我溫隨身作囚服
噬嗑利用獄家人閑有道滅耳悔已遲其能免何校木
坐汕滂九卿會訊以家
長夫教為余罪名
弟兄隔別居各以一牆限向來對床者咫尺不相見木
在內監我輩來
彼初不知也
土舍比粟居嗽引十雅喙長毛羽短愁殺白頭烏見

歲前到京首先

投獄故云十維亦復有何喜朝：雙鵲鳴畏寒思曝背為報雪初晴

投足全無地多眠少起時偶然扶杖立形定影潛移

漏點晨初起絕鈴敲畫不休似聞驅疫鬼賴有鎮監猴

獄卒循牆提鎖鈴以巡邏日夜不

日分一升未夜與飢鼠共驅之善緣壁聲觸銀鐺動

南所對北監傳展錦衣獄剩有園外人追思瑞禍酷

流惡就卑濕溼淤日幾回一方無垢地三寸不燃灰

畫猫非真猫虎斑而虎視雖無食牛量官作啣蟬戲壁

猫上画

飄瓦簷前地覆盆頭上天孽非由已作何用祀庭堅

樹根一口井味苦臭不腥差堪濯我足幸勿羸其餅

折枯為柴柵挿地畫兩界吾餐之腥羶悽蟻穴其外

烟煤昏四壁黑業被埋藏一面憲糊紙連朝佛放光

何處無芳草陳根此獨稀入春頻望雨倘有發生機

蘭以當門鋤竹綠開徑洗誰將移州心徧告園扉裏

見青草數叢移種新闢之地

八十月離家三千里路賒恠來南信斷昨夜卜燈花正

廿七夜燈花梳大明日信卷至

門房十五人兩世半析筋皇天造悔禍少長斯復聚

不夢羊踏蔬長叨官送菜黃蘗三百壘於此了殘債送

謂梁主事

樂府題曾記今方識本收凡人入獄者例有禁卒相看無

好語是日畔按畔年愁楊雄所作

馬糞兼牛天麻蕪及豆其寂憐羊豕骨亦可當薪炊

牢戶如蟲戶餘寒減復增雪花時點地二月未開冰

西北圍墻古無端半夜顛耳聲驚坐起謂是發春雷余

管處在外圍西北角墻傾幾被壓

時過驚蟄二十餘日尚未聞雷聲

官醫多試方庸者司性命哀病不自憂惟憂後生病念

學姪俱患瘧上姪帶危病自南所移來

經月不柳沐盈頭髮半腫云何蟲其間彼乃能度黑毋

而黑出嵇叔夜養生論夜到曝書亭夢尋種蓮主似與告歸期花時天小暑春

夜夢與朱竹垞池上種蓮

同為卯生類天性人莫回林雅駟復集菓燕招不來

春服宜修禊今朝四事違東坡詩古來故人誰憶我猶

著禦冬衣朝上巳日有懷武原去年花

蟲以臭得名橫行罪難掩均為血肉害蟻蝨當未減

百二春逢閏春風日夜饜忽驚春過半已閱四提牢提

主事一月例更替三月初來者

不道流光迅翻傷見向遲却將三月半認作授衣時三

十二日德尹携家

人間有桃李悵望春維暮風捲飛花來誰家庭下樹清

前一日大風杏花

數片吹入墻內

遇物到忘機攝心入無想鳥可巢吾肩鵲可食吾掌

姪抱危疾來沉綿知不起弟病初未聞胡為遽至此

歿于三月二十日後

死伏冥殊矣株連罪已微慰懷傳一語後至或先歸

歿後聞家西仲錢我

持沈麟洲相繼至向晚輕雷發人情望雨齊曉看簷瓦上點：是沙泥

前一日天雨土

章今子今云亡孤此一條竹上有斑：痕湘纍如代哭

去冬借章倚堂北來以斑竹杖見

贈今章已物物故睹物為之心傷

日接翁康

羅軒八十叟遠寄相思字讀罷紙滴穿報之教行泪夏

教行寬大 詔遞減到盡室家長尤欣然生機在生日

五月初七早聞此案概從

從寬典是日為余誕辰

生還集 起丁未五月初十日 出獄後感 恩恭紀

來著寒衣去暑衣丰年囚服在園扉毀巢完卵卵初非

望既全烹魚敢憶歸波累門房從古有矜全父子似今

稀雷霆雨露皆 天澤感到難言淚暗揮

此案罪名半

寬典減等發遣信菴父子以出徒獲免慎

慎行及見念尤蒙格外殊恩放歸四里 德尹將赴滄籍留別二章

獄具闢難叫 恩深海莫量尚憐遷滴地難定是何鄉

或山東或陝西

部議尚未定 席帽炎風熾蕉衫暑雨涼六難隨一隻

差勝向窮荒

全家同詔獄何事不相關
汨盡存亡際兔驚聚散間
吾哀虞死別汝健必生還
或者詩成識他時一破顏

信菴先出都余行期未定

出獄我敢先去住稍自由
汝從官發遣刻限隨符郵
後出竟先歸翻添小別愁
蹇驢汗其背壓馱衝蘆溝
新雨餘巨石滑如油
念汝之下走跬步防須周
幸賴西兒賢蘆溝渭克新克習勤子職修扶爺上土炕勸爺進晨羞行李
倘缺之世望向誰謀同在艱難中愧無能分憂節勞兼
省費川程或乘舟俸指到家時恰當逢立秋我歸涼非
遠無過半月留暑退風漸涼天高火已流壞籬摘瓜豆

破屋看斗牛濁醪賒南鄰
麤糲春西疇萬事姑撥置傷
哉忍回頭

留別許立岩館卿

破涕忽成咲餘生是再生
艱難虞當末踞窮老見真情
行色風加烈歸囊葉校輕
叩門知後急誰似許清卿

留別薄幸修柯樞齡唐益功廢虞箴四同年

師門轉盼廿五年同朝同榜
唯四賢再閱世途吾老矣
欲談舊事心茫然名雖放
歸豈易官免限期頻遷
稍欣不徇祖餞例醉飽一
踏蒙哀憐諸君不隨俗例餞
行或贈贖或饋食滿物相載

送沈麟洲重赴粵東

豈謂家門禍餘波及海南往還程計萬會日從三閱世
誰負友隨翁有好男時長君位三仍隨侍南棠榆留晚
景行立待歸驂行故用蕪家父子事

次訓高薑田贈別第一章韵

一生失學老無傳業富輸君經笥便詩得派來流法乳
書成家後咲羊肩交新高高李游梁日名噪機雲入雒
年何計商量延暮齒相於暫別久周旋

留別家尔周友龍兩弟恒發姪孫及沈子椒園

時四人同館高少司寇宅

鄉曲少吟伴得歸翻自憐南風吹五兩長路又三千春
草池塘夢秋燈邸舍緣別中如見憶頻望慰新篇

為紫幢主人留半日一晤即別後以詩寄之

宗室名文昭字子晉

為君留半日執手倍依之可惜論文晚重嗟省見稀調
同忘分祖語重借光輝十五年前路仍如免病歸

五月廿二日出都仍宿長新來時旅店

蘆溝向南去沙石轉蒼灣大道半淹水初程重見山已
無三日宿恋祇有兩人還逆旅曾吾識垂頭亦慘顏

大雨

雲勢隨風轉雷聲掣電過頓消炎酷烈轉愛雨滂沱步
步半迷轍群豕涉波油衣那免漏好去換漁蓑

雨後新城道中

城南城北柳交加，雨潤泥新未起沙。
嘉果烏倫鑽核李，翠皮冰雪沁剖瓢。
瓢衣獨吟自嘆成，歸客一飯問何須。
問酒家猶有，皇恩忘不得，每回白首望京華。

即事

歲南處二好村莊，水利初興歲未穰。
見說一春長渴雨，麥秋時節始犁荒。

白溝一線是通川，遙指帆檣古渡邊。
預卜晝眠應有夢，夢歸先上阿孃船。

重過趙北口

記得冰床水向行，一堤兩淀喜重輕。
徑濃陰得氣涵晴，露殘月收光避曉。
星橋俯碧流，知馬渴人歸。魚

醒今來古往成何事，輸與眠鷗占此汀。

晨發任邱喜晴

未到先愁我，自此至河間南北數十里地勢窪下遇三日雨輒成巨浸舊稱瀛海行者苦之
來頗快人夜涼，貪得雨曉霽幸無塵。
農戶耰耨出原田，黍稷新脫離泥淖。
苦馬意亦跋。

自獻縣至景德二州久旱無雨，官司方事祈禱。

流民載路率成二首

燕齊封壤接極目，際咸平蕪舊井泥。
猶汲新楊柳并枯，吁嗟勤致禱潤澤。
冀均濡為問西京吏，隨軒雨有無。
去京六百里，依舊有流移。
曩在都時聞五坊逐流民出境
忍作逐貧賦，曾傳乞食詩。
一錢施豈靳百族計，誰私自揣還相謂。

吾非極極爾時

新蟬

何校誰憐聰不明背春涉夏未聞鶯道旁拾得醫龍法
高柳鳴蜩第一聲

過德州城外不及訪前輩田倫霞及同年李文
象後人

此邦耆舊幾人存田李風流在子孫雙袖龍鍾數行泪
忍過西路灤州門

午飯苦水舖

醬蒜美葱薤群蝇遽集斯忍飢為廢箸旁有勸餐兒
自恩縣南至津期店萬柳夾道成陰過此即高

唐州界故末句戲云

晨遮初旭暮斜陽萬樹交陰千可涼過此令人忘六月

小車歌枕夢高唐

烟墩行

高唐以南
營房一新

舊墩久廢土裂岡新墩改築高環墻十里五里遙相望
戍旗標識從高唐兵居輝煌盡丹蘄民舍苦茅半頽落
時清且喜罷傳烽夜靜寧煩勤擊櫓

行徑荏苒平有感于前令吳寶岷去官之故并紀

所聞于逆旅主人

吳生曾出宰名被上官唾下考催科拙中才橐筆宜俗
貧非一邑民望失三時早潦憑誰訴能無恐有司

東阿縣北新開河一道問之主人初無名也
朝廷興永利州縣博虛名畚鍤紛紜集河渠指顧成久
晴無水蓄一雨便泥行即目抒懷句依稀太息聲

穀城山下

十日星埃苦晝炎晚來洗眼穀成南雲頭雲起晴飛雨
山外山高青出藍

聞濟寧以南各插牒已通朝來從汶上改路東
行小憇康莊驛

汶濟支流匯漕渠一道通買馭知校便改轍遂從東
攏秋初刈瓜田歲屢豐槐陰茅店底小住為清風

濟寧旅館夜聞雨聲

新夢續殘夢重為一宿留從癸巳秋南歸亦載濡行可免
將伯助何求前夜猶防雨明朝好放舟多情天井派只
管向南流

雨泊天井閘書所見

河魚逆上多衆網布牒口誰知得魚者戴笠垂綸叟

下牒歌

上牒難下牒易尋丈中間千里勢上牒安下牒危群呼
邪許無所施雷聲奮地先飛電浪挽強弓船釋箭人情
冒險昧凶吉函取快祗爭呼吸中勸君姑緩勿用亟
需在泥沙方利涉

雨後曉發

曙色晴如霧舟行圖畫中三竿初上日一榻自來風碧
野寬河北青山盡充東旅愁隨境豁休道莫途窮

南陽舟中食新蓮子

晨過南陽鎮居民擾魚鮭湖光蕩漾開香溢岸兩涯亭
亭翠雲蓋擎出扶桑霞就船買蓮蓬賤比菽與麻摩之
復剝之愛此玉粒芽中含涓滴味甘露同清嘉雪乳蘊
其漿細泉流齒牙至味少為貴充腸奚取取耶淳于一
石酒廬氏七碗椀茶未免放厥辭徒為後世誇我本愛
蓮人無端落泥沙園荒沼亦廢叫跳私懶暮誓從今以
往移竊向隣家安得百頃池別裁十文花用昌黎玉井蓮事
連遇逆風舟行遲滯戲作吳體遣懷

雲峰突兀天溟濛打窓猛雨三日同滿槽渾西北水

劈岼浩東南風得句偶然從意外轉頭亦宛爾隨夢

中長年長健可羨弟作篙師兄柁工人戶張姓二

歲弟小
余二歲

又絕句一首

淮南米價聞騰湧每遇商船問若何爭及此間魚最賤
食魚人少捕魚多

再疊前韻

連朝不飯空捫腹奈此河魚腹疾何咲擲何即供一飽
看囊直覺萬錢多

東坡詩云去得順風來者怨輒以所見廣之

得上仙身余所乘舟巧從名句破機緘南來北
去兩無礙去得順流來挂帆

野泊

濁浪三百里黃河疑倒流歸心雖汲二行役且悠三新
月生漁浦殘陽下柁樓人家當不遠鷺鴨滿灘頭

脾疾戲拈三絕句

思慮出苦吟傷脾或有之我作多游戲脾神應得知
槌寔大于拳蓮寔細于乳吾寧舍其大則以養脾故
血枯六脈微豈止脾脈弱也罕老人醫吾其首試藥

六月十一日過臺兒莊

南池距臺莊三百六十里七日行始達水順風逆耳瓦

運老未終扁舟復落此櫓聲晨到枕舟子報風止小兒
前致問厄非自今始古人處逆中必有安常理教之識
忍字忍過事堪喜

宿遷閔吳體

奮輸兩石今不然

田例民間自山東來者止令載巨鱗石二至此交納以備河上工料

跳羽萃愁滿川重船納貨輕納料醉客禁酒醒禁煙嚴
閔正尔指淮岍密網行且張河壩空囊傾倒能幾許大
咲不容留一錢

桃源舟中

路比仙源迥不同恍於此地作漁翁帆移柳岍雲浮白
日射蘆村霧吐紅直與迴腸行鬱結放放隻眼破鴻濛

人間好境難多得生怕明朝又逆風

渡河口號八首

川后波臣兩效靈居民指點翠華停清河口對清江浦

黃瓦猶高一萬壽亭先帝自丁亥年閱視河工後不復南巡矣

蘆葦作槎夾河濱採買從來不累貧知是何年歸正帑

更無間地養官薪

六月河防未輟工清流長被濁泥衝縷隄土是遥隄土

蟻穴移來築蟻封

船頭暗伏陷人灘柁底旋成閣淺灣平莫平於三草壩

險應險過百年閔

海近天空地勢低水承分南北岍東西板沙縫沙岍如

刀截嫩草頭平似剪齊

長女占和少女風同無朝無暮往來通舟人屈指六十

日只有東南一色風自四月望至今兩月無日非東南風亦一異也

小炷香分兩處焚河神別過別淮神不教名姓汚祠壁

誰識風波有幸民

老去艱辛閱歷多眼前何處沒風波怕將口號傳人口

留與漁天作權歌

淮口增築蓄清敵黃二壩上水甚難師河無此

險也

古來傳禹績平土奏安瀾自後東面堰如今上下灘過

防令高易扼吭欲歎難寄語河隄使神功勿妄干

淮圻夜泊紀所見三首

民將蘆編屋官取蘆為埽蘆兮誠可憐生死遞相吊
日沒月未上黑雲騰四面葦圻吐孤燈激波千尺練
大星三五點小星明復滅俯仰一青天玻璃渾不隔

曉過清江浦二首

清濁判淮黃有若渭與涇近來淮稍濁猶以清為名賴
此綠波草映波如染成

急流導鷁首微風颭旗尾船上白面郎棹中紅袖女盈
盈隔河漢相望正如許

晚泊淮陽城西知半月前淮水暴漲丈餘今勢
雖漸減而隄外田禾低者猶成巨浸感賦一律

總督漕使張慕辛舊好也余為放歸田里之人
不欲以姓名投謁竊取少陵春陵行之例詩成
亦不寄張

桐栢山南水橫流一丈高孤城堅保障十日減波濤飢
溺且兼極經營念獨勞久膺艱鉅任何以沛陰膏

入寶應高郵界幸水不為災河工方修築隄圻
昨詩誠過慮也再作一首以解嘲

高寶陂湖接雙隄瀉衆流天光白森々野氣綠油々坐
閱新苗長行看晚穗抽腐儒不曉事徒作杞人憂

轉應曲效樂天體秦郵舟中即目六首
浮沉豈必緣輕重此理難從物性求沙鳥羽輕偏善沒

水牛蹄重獨能浮
後先豈必爭遲速此訣須從達者傳欲速馬因失足後
後遲船為得風先
貪廉豈必由取舍此段難從有意求二寸白小多漏徑
尺半紅鱗或上鈎
灾祥豈必因早潦此事終須人力饒千金隄塞一蟻穴
百里水洩三虹橋
死生豈不論長短此事難從天道爭黃口小兒多夭折
白頭老子却長生
富貧豈必關憂樂此意須從處境謀萬戶富平戾不樂
一瓢貧巷士忘憂

立秋夜泊召伯埭熱極竟夕不成寐
直從日落風生後坐到星稀月淡時蘆荻灘頭秋氣味
一年今夜最先知

揚州換船吳孝廉次侯至舟次相晤口占志別

吳生知我停征棹先枉高軒向水濱差喜同年還有後

生為豹又剝傷舊好絕無人謂史蕉飲願書

吏垣之子渡江後舟中及初到家八首

行徑五月又六月飽閱風狂及雨狂淮北晚禾將換綠

江南早稻已垂黃見一月中南北所須史過目留新咏容

易歸途得故鄉餓死先廬吾亦樂况聞歲計未全荒

吳江人問知黃梅多雨嘉
興以南田家無不播穀者

舟人亦復有何急晝夜來兼食宿程過隙馬馳颯倒影
裂波魚^出揚雙轂傾歌不少飛揚路安穩終輸自在行
但得到家寧計日匹如半載坐愁城昨午從揚州解纜
今早已抵毘陵
賀我生還預有詩家古義孰如茲徐卿二子成名日
錢氏一翁歸老時徐卿二子見少陵集渭徐茶坪及思
肖兄弟且有一翁錢少陽太白句也
謂錢歎故應憐久別猶足慰相思只慚筋力難
為禮來往初非論報施二君俱就舟次握
別余不及報也
轉盡陂陀地掌平低田初聽桔槔聲風披翠羽芸^三長
听東清流瀾^三盈擊壤豈真忘帝力習勞翻似代牛耕
誰為民牧應垂卹敢望蠲望望常州以南
皆水田
碧空如水月將出城外放船乘早涼到耳雞聲無次序

第七句見字一作覺

刺肌蚤啄有鋒芒嵐光澹開前路天意濛濛引騶鄉
行過望亭渾不見塢夫初日見山塘三更發錫山至
望亭天始明
金閭門外氣如薰暴雨南來欲極焚乍喜跳珠湯止沸
俄看插漢火騰雲可憐民困天知否大抵耕深報薄云
慰爾眼前聊一快十分愁暫減三分吳門小
泊喜雨
漸近鄉閭倍慘然脊令原上鷓鴣天累添行處尋常債
痴結平生未了緣石火光中思拔宅木魚聲裏學逃禪
不如且作黃山谷收取詩名四十年語翁
成句
蚤信歸期在未占隔年羊酒夢中擔去冬將發抗州夢
中有人吟詩二句
云隣里幾家羊酒賀兒童識向尚八九父老叩門時兩
賀他父子得同歸三瘦盡形容皮骨在新留霜雪鬢毛添
百五十日及出

則兩鬢垂類二寸視之
故髯也留以志厄運
白頭白盡非初白別署頭陀忍
辱菴

六月廿六夜過駕湖洲曾濟蒼別後見寄詩中
舟字韻兼訂秋涼偕高大立見過之約

好片南湖水重來洗病眸堂前初秉燭橋外暫維舟
有踐三秋約寧須一夕留回頭徑地死地長恐見無由

敬業堂詩集卷五十四

海寧查慎行悔餘

住劫集起丁未七月

釋氏於賢劫一代分壞空成住四時就此四時中

成劫已空過壞空未來以現在者為住劫余今患

難類齡猶餘口業正不知住世凡幾日更得幾首

詩也

七月十一日喜雨吾里自甲辰七月海潮汎溢

積雨土性復故乃得插秧

一村瀉鹵度良田甘澤重滋白露天
歷盡河淮江北路

喜從海角卜豐年

行研銘

從我于厄食我墨兮母汚尔潔幸洗雪兮

三年來村家不種稻而種木綿頗擅其利今年

間有因襲舊例者入秋風雨太多畝收失望感

歎成篇

木棉秋蚤實經露復經霜日給貧家口年逋大戶糧差

宜沙雨潤最忌海風狂鄰有西成望嗟尔獨荒

脾泄足腫久未愈醫云服參則效戲會之

人復金比價盈兩十千錢藥竈添新火齋厨斷晚烟萬

緣能委運一事敢祈天老死尋常事休教病苦纏

枕上偶拈四早

結二句原本作老死良
甘分休教患苦纏

燕敗原本作燕去

第四句原本作夜開

尚有蝶來尋

未句原本作似從

往古閱未今

樵須擁鼻出呻吟淺語中含感慨深燕散已無雛可惡
花開尚有蝶相尋病餘稍悟浮休理閒處微微寂照心
因病得閒且病也如夢閱去來今

七月十九日海災紀事 補錄

外障如無岸前驅突有潮村墟非昔宿桑海視崇朝魚鼈
疇能化龜鼈爾莫驕似聞洪水割咨傲塵 唐堯

死傍魚鹽利生資戶口稠三年逃旱魃一夕委陽侯得免
僵屍積隤隨木偶流剝膚行且迨乃復替人愁

故鬼逢新鬼千人活幾人棄骸家莫認枯骨壑為隣荷鍾

無乾土焚林柰濕薪烏鳶與螻螻狼藉問誰親

乍報潮頭過還聞海眼穿大聲初轉石餘怒尚吞天西舍

春漂杵東家爨少椽竈沉魚在釜三日斷炊烟

黍稷方華日苞蕭並浸時端能流歲禍胡可瘵吾飢世苦

需經濟民窮敢怨咨殘生無何着終望長官慈

山則有 禽言十章 補錄第二首 水則有波岐險孔多將伯若何行不得哥

敬業堂集

海亭 查慎行 悔餘

餘波詞

沁園春 咏老少年德尹屬賦

鴨脚輸黃鴉白輸紅將何比妍便粧成暮景未霜先艷

洗來朝氣得露尤鮮姹女司爐嬰兒躍冶幻出蓬頭灌

頂仙西風裏把丹砂一擲倒換衰年 誤他雙蝶翩躚

還認作花穠二月天看疎斜倚乍明人眼亭小立

恰並人肩涼雨簾櫳斷霞籬落好趁蛩散雁影前秋非

晚似者般顏色我見猶憐

前調 席五買水仙戲填一闋

根似鵝頭葉如蒜苗花名水仙問仙姥仙翁幾時留種
不移天上乃落人間洛浦凌波漢皋解珮約略冰肌映
玉顏娉婷意料眼中淨掃紛黛三千山塘買汝堪憐
只一本從教值一錢嘆墻角堆多成天閣漸違物性
欲攬花樵老我婆婆為伊愛惜裁以瓷盆沃以泉歸來
好養老根柢葉滿載吳船

前調 蠟梅

疑是禪家又疑道家將金鑄顏看黃白依叢去隨菊後
黃姑受聘來占梅先融蠟為珠染梳成蒂萬蕊千頭顆
顆圓冰霜候抱赤心一片不要人憐味無味處天然
肯便與蜂兒蜜作緣傍野竹如烟聊同倚翠山茶似火

恥並爭妍酒汎新鶯塵銷舊麴待引寒香到鼻邊銅餅
古折一枝斜插共度殘年

鵲橋仙

西年前庭樹有脊今來巢曾填詞志喜
今春再至營于舊巢之旁仍用舊調紀

宿雛已老新雛復長未掃巢痕猶在王家子弟謝家兄
只三歲看成三代自來自去相親相近野性天生友
愛人情似此古應稀嘆毀室闔墻一輩

前調

正月杪庭樹有脊今來巢于舊巢之南甫
徑旬復有巢于新巢之北者三疊前韻

南枝從構北枝重架腰鼓連環相似便呼此樹作烏衣
也弄得舊家門第青楊何妥白楊蕭春見南爭比同
根同氣伯勞飛燕有東西讓尔占雙棲福地

前調 蘇軒雙燕復歸故巢四疊前韵

茅檐淺。盧簾卷。幸免漂搖風雨。去年燕子喜重歸。
似認得白頭菴主。桃花紅褪。菜花黃後。又是泥融前
度。眼前何物不懷新。咲。悉。舊。維。予。與。汝。

前調 三月初二日二果之北復營弟三果五疊前

烏飛三匝。兔營三窟。我見三巢同樹。孰居南北孰中央。
用南史劉也似學三秋鴈序。三家村裏。三間老屋。三
繪傳中事。去汝天教次第看雛成。又豈在三朝三暮。
歲忍歌。

敬業堂詩集補遺

正月十八日偕德尹西門看梅兼邀曾三芝田

東洲諸弟同飲花下 卷六十四 望歲集

寄語諸兄弟閒須日。來商量。枝上蕊。南北莫齊開。四
首

庭桂

我愛庭前五株桂。兩邊陰合互交加。青蔥無改四時葉。
爛熳忽開三日花。長有好風來客座。徧分香氣與隣家。
可憐月被蝦蟇蝕。爾人間閱歲華。前二夕月

重陽無菊友人以畫扇索題者戲占一絕

去年對菊苦無酒。貧到今年菊也無。天意不曾留缺陷。

故教濃墨補成墨圖

不見 卷四十七粵遊集上

不見楊生久相逢苦告勞憐他深自匿去我敵如逃與
國充憲戶為官列群郡曹勢交君莫怪衡鑿析秋毫

呈前輩鄭珠江先生 卷四十八粵遊集下

白首羈孤客重遊眼倍青同門慚後進余與公先後出

門相距古道荷忘形假借通鄰並盤餐及使令藥龍如

見取亦願託參苓時先生微恙而却

中丞貽我英石筆架再次前韻

在次韻中丞云
夢羅浮作後

英石分貽願不違袖中携得一峰歸只愁咫尺風雷起

化作孤雲出岫飛

餘波詞補遺

見他山詩鈔

瀟雨去秋余自黔歸與德尹相左朗州道中

嶺表歸裝亦取道于此距余至德二十日耳

孤燈野船霜氣入船因便附書並作此詞以

蠻雲邊雪外記綿岐路五星霜甚同此江湖來如相

避去也分行方悔薄遊草不待汝歸裝十月庾梅早

一信曾將冷落年時姜被喜風流人說髻影衣香荔

枝同社海外交文章東坡事料新篇半應憶我儘無聊

巢菜托思鄉馳書報團圍猶及歲酒茅堂

原菜

緋羅香南州寓舍春兩連朝履安叔索題詞

零雨鹵山斷雲南浦一片愁城誰築檢點春詞小字紅

箋我幅喜穠婉漸近梅溪論清巖何慚竹屋最苦是花
落江天此時展卷却慵讀 依：孤館殘燭正雁行鱗
次望極遙目小立東風只唱舊時歌曲藁砧恨委浪萍
輕翠袖怨出山泉濁而今恁一句都無斷腸難再續

附錄

送張葭士比部省覲南還

右曹清望著朝端子舍難忘都下歡祖道回思六年事
謂尊甫鄉書又報一番安也知世路歸由我只是人情
先生也 恋此官好片溪山頻洗眼為君細展畫圖看

附錄

馬素村北歸見過

原稿 查慎行悔餘

進士幾時進歸舟暫海涯未尋松菊廷先訪竹林家甕
折經春酒燈開送喜花別中何限事不敢問京華

鵲橋仙

蘇軒庭樹脊全先後營巢兄填鵲橋仙

查嗣琛晚晴

舊巢未掃新巢重構手口罕瘠相似衆雖雖並一枝棲

爭並比並東西列第時余與潤木各構教椽初白 韓

家桐樹田家荆樹何必分根辨氣由來四鳥本同枝林

弄擇木無如此地四鳥忽異林陸士

前調和蘇軒雙燕仍歸再次原韻

啄花翻草穿林拂水又是去年春兩知他大厦定誰家
且莫忘茅檐舊主 來辭春社去辭秋社草三年一
度舊果補屋在東箱也鈎却湘簾待汝補屋在蘇軒之東

翰林院編修查君墓誌銘

君諱嗣璉字夏重後更名慎行浙江海寧人也余始入京
師查氏負才名者數人而君尤獲重語朋齒中以詩名者
皆若為君屈焉君少聞吾邑錢先生飲光深於詩即沂江
繫舟樅陽造田間講問逾時而歸錢先生數為道之及與
交久長見其於時賢中微若自矜異猶以詩人目之及余
脫刑部籍 聖祖仁皇帝召入南書房中貴人氣焰赫然
者朝夕至必 命事專及於余乃敢應唯敬對此外不交
一言又畏風效常著緇布小冠諸內侍多竊笑或曰往時
查翰林慎行質性頗類此而冠飾亦同嘻異哉余用是益
有意於君之為人而君尋告歸及篤老以其弟嗣庭得罪
牽連被逮同產弟姪並謫戍而君獨見原蓋 先帝無幽

不燭君恬淡寡營久信于士大夫在事者憫焉而以情達也君既沒其子克念以狀請銘數年美乾隆元年十有二月余卧病直廬或告曰君之彌孫沈庶常廷芳囑為通言速君銘且告克念之喪是夜夢與君問勞如平生晨起命家人檢故狀不得乃就所獨知于君者以誌焉覽者即是以求之其所狀之跡雖不具可也其詩已行於世凡四千六百餘篇各以時地次為五十四集君卒于雍正五年年七十有八父諱遺字逆遠為浙西耆舊母鍾氏兄弟四人三成進士妻陸氏子三人克建丁丑進士鳳州知府克承國子生俱先君卒克念甲辰舉人以某年某月日葬于某鄉某原銘曰

所嚮所祈詎止於斯而終已無施惟以弭於詩

賜進士第

武英殿正總裁內閣學士兼禮部侍郎桐城方苞謨



乾隆庚申季春月下弦夕
武原後學張宗楠錄